



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





BIBLIOTHECA
BARTHOLDI NICOLAI
KROHN.
Past. ad D. Mariæ Magdal.
Hamburgi.

Smithford. 1865.



**HISTORIA
REIPUBLICAE
ET
IMPERII
ROMANORUM**

AB

**URBE CONDITA AD ANNUM
URBIS DCCXXVII.**

quo Octaviano Caesari summa Imperiū
cum nomine Augusti delata fuit.

Contexuit ex monumentis veterum

G. H. NIEUPOORT.
TOMUS I.



TRAJECTI ad RHENUM.
Apud JACOBUM BROEDELET.
MDCCXXIII.

221. 7. 86.

V I R O

AMPLISSIMO, NOBILISSIMO, JURISPERI-
TISSIMO, OMNIQUE ALIO ERUDITIONIS
GENERE EXCELLENTISSIMO

GUILJELMO
V A N D E R

M U E L E N

DOMINO DE OUDBROUKHUI-
SEN, NIECOOP, PORTENGEN,
&c. D. MARIAE DECANO, CU-
RIAE TRAJECTINAE SENATO-
RI, AGGERUM, QUI INFERIO-
REM LECCAE PARTEM COER-
CENT, PRAEFECTO, &c. &c.

S. P.

GUILJELMUS HENRICUS NIEUPOORT.

O ffero tibi tandem,
VIR AMPLISSIME, post lon-
gam

DEDICATIO.

gam satis moram , quam partim typothetarum tarditas , partim variae occupationes meae interposuerunt , HISTORIAM ROMANAM , quam Amplissimo tuo Nomini inscribere dudum promiseram. Et tamen citius hoc nomen expungere potuissem , nisi id fixum & statutum apud animum meum foret , nihil unquam hujus generis scriptis committere , nisi quod certa veterum Auctorum fide nitere-

re-

DEDICATIO.

retur. Illi ergo curae ut
satisfieret necesse fuit at-
tento animo retractare
quicquid Scriptores prisci
de rebus Romanis vel con-
sulto, vel praetereuntes
tradiderunt. Nec simplex
haec cura fuit; cum ex
eorum comparatione veri-
tas demum, quantum fieri
potuit, eruenda fuerit.
Verum quicquid hujus rei
sit, tandem hoc opus
meum absolvi, utque il-
lud comiter, quae tua est
indoles, accipere, & ocu-

DEDICATIO.

lis benignis perlegere velis, enixe rogo; hoc sperans te, Vir Amplissime, eo beneficio me esse affecturum, ut, ubi quid minus bene aut dictum, aut narratum fuerit, me ejus rei admonere digneris. Nam harum rerum idoneum te praecipue esse judicem, tot praeclara ingenii tui & singularis eruditionis monumenta testantur, quibus omnium ordinum viros doctos, quae patet eruditus orbis, aeter.

DEDICATIO.

ternis beneficiis tibi devinxisti: praesertim cum non juris civilis modo scientiam, qua tantum tibi nomen, tantam dignitatem parasti; sed theologiae praeterea, philosophiae, historiae summam in te peritiam esse testentur. At ulterior laudum tuarum praedicatio neque tuae modestiae, neque meo ingenio a minima etiam specie assentationis alienissimo conveniens sit. Ergo non ultra te,

*

4

Vir.

DEDICATIO.

Vir summe, morabor:
ad Deum precatus, ut te
ad Reipublicae incolu-
men fervet, rogo, ut ali-
qua amicitiae tuae parte
e dignum censere velis.
repositi ad Rhenum. xii.
al. Septembres Anni
MDCCXXIII.



PRAE-

PRÆFATIO

LECTORI BENEVOLO,

S. P.

Nihil causæ esse videtur, Lector Benevole, cur te in hujus operis ingressione multis morer prædicando laudes, tum Historiæ generatim atque universæ; tum singillatim Historiæ Romanæ: cum utrumque a Viris præstantissimis in libris eorum passim obviis abunde præstitum sit: neque ullus puto inveniatur, qui rem manifestissimam negare velit, nisi qui ab omni curæ vitæ cum honestate degendæ, & publico sua opera utilitatem aliquam afferendi prorsus alienus sit. Tales enim homines neque ipsi bonas artes curant, neque, ut nos eos multum curemus, digni sunt. Est tamen, quod paucis te

P R A E F A T I O.

monere velim, ita ut una opera instituti mei rationes explicem.

Cum vidiſſem brevem explicationem meam rituum, qui quondam apud Populum Romanum obtinuerunt, propenſa animorum inclinatione fuiſſe receptam, ita ut jam tertio in hac urbe opusculum illud editum ſit (ut de editione ejus in Germania facta ſileam) animus etiam mihi additus eſt alterum opus, & longioris argumenti, & componendi labore multo difficilius aggredi; ipſius nempe Historiae Romanae enarrationem. Nam non Antiquitatum tantum, ſed etiam Historiarum Principis quondam Populi ſcientia quaedam requiri videbatur, ut iis animus rite praepararetur ad ſeriam lectionem Scriptorum veterum, ſive illi Latini forent, ſive Graeci, qui res Romanas tractandas ſuſceperunt, vel etiam quaſi praeterientes

P R A E F A T I O.

earum mentionem faciant. Neque enim ad historicorum tantum librorum intelligentiam necessaria est haec cognitio: verum neque Poëtae, neque Philosophi, neque Oratores denique, si ea absit, recte intelligi possunt: praecipue Cicero, qui passim, & quavis occasione, tam in libris oratoriis, quam in philosophicis, & etiam in Epistolis historiarum veterum mentionem injicit: cujus praestantissimi Oratoris & Philosophi lectio nimium profecto a juventute hodie negligitur. Non alio autem fine negotium, quale hoc est quod ego suscepi, aggrediendum judico, quam ut minus fallarum in Historiae Romanae pervestigatione inveniendes juvenes lubentius simul & utilius studio huic fructuosissimo incumbant. Atque ut ita, qui aut Reipublicae administrationi aliquando, aut altioribus studiis tractandis se tradituri sunt,

PRÆFATIO.

sunt, ex optimis quibusque veterum praecepta, exempla; ritus singulares, qui aliquando ad imitationem trahi possint, quicquid denique usui esse queat, facilius hauriant. Neque vero id agere volui, ut compendiis hisce aut similibus scientiarum contenti adolescentes hos tantum rivulos sectari neglectis fontibus instituant. Nam hoc si faciant, quibus otium est & occasio literis operam dandi, nae celeri gradu ad barbariem, quibus immersa fuerunt superiora secula, recursuri sumus. Cum hunc igitur finem animo mihi proposuissem judicavi, ut commodius statim Scriptores veteres consuli possent, itidem ut in explicatione rituum Romanorum feceram, eorum loca ad imam paginam esse citanda, accurate etiam divisionibus minoribus, quibus hodie fere & merito, scriptores veteres distingui solent, adscriptis; ne tem-

P R A E F A T I O.

temporis , rei pretiosissimae , jacturam facere quis cogeretur. Et anxiam fere diligentiam illi negotio adhibui : nam cui bono esse potest , si , ut quosdam facere video , vel Auctor tantum aliquis ; vel non accurate Auctoris locus indicetur , ubi id de quo agitur , inveniri possit ? Aut cui otium suppetat totum librum auctoris citati evolvere , ut ipsum locum , quo consulto opus habet , inveniat ? In rerum delectu optimis Auctoribus & fide dignissimis maxime adhaesi : ita tamen , ut etiam inferioris ordinis auctores non inconsultos omitterem : & aliquando , ubi inter plures non conveniebat , ex rerum circumstantiis illud , quod veritati propius accedere videbatur , deprehendere conatus sum. Pauca : observatiunculas hinc inde interspersi : sed vere paucas : neque enim tantum mihi arrogo , ut ubique judicium

meum

P R A E F A T I O.

meum interponere velim : & praeterea Lectoribus & jucundius est , & utilius , si ipsi in causas rerum & effectus ulterius penetrare conentur. Saepc nihilominus causas eventuum , quantum quidem fieri potuit , indagavi : easque quandoque adscripsi. Nam , prorsus hoc negligere , fabulas pueris narrare potius dicendum est , quam historiam scribere ; ut antiquissimi Historici a verba mea faciam. Quod chronologicas rationes attinet , potissimum secutus sum accuratissimi Stephani Venandi Pighii Annales summa sane diligentia summoque judicio confectos : ita ut lubens fatear , eos mihi toto hujus operis tractu egregium auxilium adfuisse. Ea porro quae vituperatione digna censebam libere damnavi , quanquam id faciendo a vulgi opinione aliquando discedendum fuerit:

P R A E F A T I O.

*ea fuerit: ubi vero hominibus etiam im-
is, probis laus deberi videbatur, neque
e- hanc iis denegandam credidi. Nequa-
lo- quam tamen censui Romanos, ne ipsos
ii- quidem Catones, aut alios celebratissi-
ue- mae vulgo probitatis viros, tanquam
us- sinceræ virtutis exempla ante oculos es-
re- se ponendos; quin contra eorum etiam
m- immania rapacitatis, luxuriæ, crude-
a- litatis, perfidiæ specimina plura prodi-
as- di. Et male certe de moribus mereri
m- videntur, qui ubique nobis virtutes Ro-
iii- manorum tanto fastu inculcant, quæ
o- post tempora certe Sullana, vitiorum mul-
a- titudine prope obrutæ jacuerunt. So-
tu- lam fere fortitudinem militarem in qui-
ro- busdam excipio: ut præsertim in Iulio
e- Caesare, qui in eâ laude parem sibi vix
a- nunquam habuisse videtur. Atque ita
m- exemplis suis docere conati sunt Romani,
f: sua retinere privatae domus; de alic-*

P R A E F A T I O.

nis certare regiam laudem esse a. *Inveniet forte etiam Lector, ubi credere possit, me nimia quadam libertate sensus & consilia mentis meae explicuisse. Verum hoc me ita fecisse confido, ut neminem, merito quidem, laeserim: atque ut decebat hominem liberum in libera civitate natum: quam libertatem Reipublicae nostrae incolumem, & omnibus suis partibus sartam tectam supremi Numinis benignitas conservare velit. Quibusdam etiam taedium forte creare possit bellorum non maxime momenti, & cum iisdem populis plerumque gestorum, quae primis Reipublicae temporibus contigerunt, narratio. Neque diffiteor, mihi ipsi, dum ea scriberem, aliquam molestiam quandoque ex ea re fuisse natam, quae tamen prorsus omitti non potuit, ne series rerum interrumperetur: & hinc*

a Tacit. Ann. xv. c. i.

P R A E F A T I O .

*hinc inde praeterea, ni fallor, exempla
satis luculenta prudentiae & fortitudi-
nis illae narrationes exhibent. Illud
denique hic adjiciendum duxi, nihil huic
operi nostro commune esse cum illo, quod
haud ita pridem edidit Reverendus Ab-
bas Vertotius, cuique titulum fecit,
Histoire des Revolutions arrivées dans
le Gouvernement de la Republique
Romaine. Istius operis laudi absit, ut
quicquam detractum velim: quin con-
tra profiteor, me illud cum voluptate le-
gisse. Sed, cum, ut ipsa operis inscri-
ptio indicat, propositum R. Vertotio non
fuerit ~~seriem~~ *continuum* Historiae Ro-
manae ~~trahere~~, sed insigniores modo
mutationes in Republica Romana factas
narrare, facile quis videt, longe a-
lium ipsi, quam nobis scopum fuisse ani-
mo destinatum. Operarum menda, quae
satis multa deprehendi poterunt, aequi*

P R A E F A T I O.

*benigne Lectorem consulere velim: inter
quae illud gravissimum est, quod ab ini-
tío Libri tertii, sive a pagina 256, ad
paginam usque 497. atque ita per totum
illum librum, & totum librum quartum,
atque initium quinti ad summam pagi-
nam hanc notam Lib. II. ponere perre-
xerint. Ego ipsis, & mihi, sicubi for-
te erraverim, veniam a Lectoribus pe-
to: easque valere, & bene rem gerere
jubeo.*





PROLEGOMENA

A D

COMPENDIUM HISTORIAE ROMANAE.

Primi *Italiae* coloni *Aborigines* dicti fuisse videntur ; quod de vero eorum nomine non satis constaret ; quasi ita vocaverint posteriores, qui a prima rerum *Latinarum* origine in *Latio* habitarunt ^a. Vir vero spectatae eruditionis & elegantis judicii *Joannes Vincentius Gravina* Jurisconsultus hodie & Antecessor *Romanus* in *Dialogo de lingua Latina* p. 673. edit. *Lips.* ita dictos esse vult *Arcades* in *Italiam* profectos, quod *montes*, τὰ ὄρη, occupassent ^b ; de qua re suum cuique esto iudicium.

(A) Ego

^a Vid. *Dien. Hal.* I. 10. ^b Vid. auctorem de *Or. gent. Rom.*

PROLEGOMENA.

Ego cum egregio Viro *Jac. Perizonio* in notis ad *Aeliani Var. Hist.* ix. 16. putem non proprium nomen populi alii cujus hoc fuisse, sed quovis regionis alicujus primos incolas ita fuisse dictos; atque ita hoc nomen primis his Italiae incolis tum demum fuisse datum, postquam etiam alii populi in Italiam migrare coeperunt. Videntur ergo hi Aborigines non multis post dispersionem gentium seculis ex *Asia* per *Graeciam* in *Latium*, sive in illum tractum, Italiae qui est inter *Tiberim* & *Lirim* fluvios, venisse, diu ante quam *Oenotrus* cum *Arcadibus* suis eo accederet: unde patet *Janum*, & qui eum proxime secuti sunt Reges. Aboriginum, non *Oenotrorum* Reges fuisse. Post hos diversis temporibus in *Latium*, sive in *Italiam* venerunt *Siculi* ^a, *Umbri* ^b, *Ligures*. Ex his *Siculi* ab Aboriginibus, & advenis quibusdam *Pelasgi* pulti in Insulam proximam trajecerunt; eamque a se

Siculi

^a *Dion. Halic. l. 16, 17.* ^b *Ibid. c. 18.*

PROLEGOMENA.

Siciliam dixerunt annis circiter octoginta ante excidium *Trojae* juxta *Philistum* ^a. *Ausonum* quoque antiquissima gens ^b, (hi etiam *Aurun-*
ci sunt dicti ^c) *Scythicae* forte originis ^d, diu ante *Trojae* ἀλωεν circa *Liris* annis ripas confedit. Idem etiam a Graecis *Opici*, a Latinis *Osci* sunt dicti ^e; licet ut diversae gentes recenscantur a *Polybio* apud *Strabonem* L. v. p. 242. Ab *Ausonibus* five *Oscis* porro varii *Italiae* populi, *Samnites*, ex gr., *Sabini* &c. & ab his rursus alii propagati sunt. Et cum apud antiquos *Siculos* *Opica* five *Oscica* lingua in usu fuerit ^f, ejusdem, vel affinis certe originis esse debuerunt. Primi post *Aborigines*, & ante *Oenotros* (ut quidam ex *Plinio* H. N. III. 5. colligunt) in *Italiam* venire *Pelasgi* a *Deucalione* *Thessalia*
(A 2)

^a *Dion. Halic. I. 22.* ^b *Ibid. I. 11.* ^c *Vid. Fest. V. Ausoniam.* ^d *Vid. Th. Rijke Dissert. de primis Italiae colonis, & Aeneae adventu in It. c. 2.* ^e *Aristot. Politic. VII. 10. Vid. & Fest. V. Oscum.* ^f *Vid. Stephan. V. Τέλα.*

PROLEGOMENA.

lia pulsi circa annum Periodi *Julianae* 3186. sive ante primam *Olympiadem* A. 752. & post breve bellum ab Aboriginibus recepti Siculos, ut diximus, simul cum iis Italia eiecerunt: sed partim mortalitate extincti sunt, partim Italiam rursus reliquerunt; sic ut tandem nihil praeter *Cortonam Etruriae* oppidum vetustissimum ipsis reliquum foret; quam *Cl. Rycquius* ^a minus recte *Crotonam* vocare videtur. Oenotrios porro quidam septemdecim aetatibus, sive annis circiter 510. (quod esset circiter tempus mortis Patriarchae *Jacobi* vel paulo post) ante halosin Trojae in Italiam venisse putant; Sed rectius *Pausanias* ab Oenotro ad Trojam captam septem duntaxat generationes memorat *L. viii.* sive in *Arca-
dicis c. 3. sqq.* Sexaginta rursus annis ante Trojae casum *Evander* Arcas cum parva popularium manu in Italiam venit. Hic concedente *Fauno*, qui tum Aboriginibus impe-

ra-

^a *Dissert. s. d. c. 3. n. 20.*

PROLEGOMENA.

rabat, urbem patriae suae cognominem *Pallantium* in tumulo prope Tiberim condidit; qui tumulus inde levi, ut fit, mutatione *Palatium* & *Palatinus* est dictus. Septem post Evandrum annis *Hercules* per Italiam transiit relictis ibi *Pheneatibus*, *Eli-densibus*, & Trojanorum nonnullis ^a, quos *Hercules* capto quondam *Ilio* secum in commilitium abduxerat: atque hi *Capitolinum* montem insederunt. Hos omnes denique secutus est cum Trojanis suis *Aeneas Anchisae* & *Veneris*, ut credebatur, filius, postquam Troja a Graecis deleta esset. Ex quibus omnibus patet non a solis Trojanis ortos fuisse Romanos; sed etiam alios populos iis originem dedisse. Verum quia pauci olim, plures hodie, & inter eos viri maximi nominis hunc adventum Aeneae, in Italiam negant, breviter quaedam praefabimur, (ductum maxime Cl. Rycquii secuti) quae vulgatae opinioni fulciendae condu-

(A 3)

ce-

^a *Dion. Halic. I. 34.*

PROLEGOMENA.

cere videntur: non ita tamen, ut omnes omnino circumstantias, quibus a variis scriptoribus haec historiae pars exornatur, praestare velimus; sed ut universim rei veritatem non nimis pertinacibus probabilem saltem reddamus.

Primo igitur satis constare potest, historiam belli Trojani nequaquam ab *Homero* fuisse confictam; quod plurimi ante eum eandem rem literis mandarunt, quorum quidem scripta perierunt; sed quorum memoria tamen apud scriptores hodieque exstantes servata est: de quibus vide *Eustathium prooemio ante Iliadem*. Idem videri potest apud *Aelian. V. H. x. 2. & xiv. 21.* licet ibi dissentiat Cl. Perizonius (nempe quod Historicos illos, qui ante Homerum fuerint, attinet) maxime, ut videtur motus auctoritate *Dionis Chrysostomi*, qui declamationem scripsit τρωϊκὴν dictam, ὑπὲρ τῆς Ἰλίου μὴ αἰῶναι, *Ilium non fuisse captum*. At hic Dio, *Prusaenus* a patria, *Coccejanus* a patrono Coccejo Ner-

PROLEGOMENA.

Nervus ; *Chrysothomus* ob *aurei oris* eloquentiam appellatus , Sophista fuit , qui animi gratia , ut Sophistas solebant , plurimas dissertationes scripsit styli exercendi & eloquentiae ostentandae causa , & quidem luxuriose in *Socratem* , *Zenonem* & alios philosophos praestantissimos invehens ; unde quivis facile videt nullam plane fidem hujusmodi viri assertiones mereri ; non magis quam si quis *Luciani historiam veram* , aut *Erasmi* nostri *Moriae encomium* serio animo scripta fuisse credat ; praesertim cum hanc orationem habuerit apud *Ilienses* , quorum urbs in solo veteris Trojae aedificata fuerat , in festo anniversario , ad quod , inter alios artifices , etiam Oratores conveniebant. Denique tota Dionis oratio nulla auctoritate , nisi sacrificuli cujusdam *Aegyptii* (gentis certe vanissimae & mendacissimae) nititur. Secundo , cum Homeri scopus fuisse videatur captare benevolentiam Principum , impudentissimi sane homi-

(A 4) mi-

PROLEGOMENA.

minis fuisset ea omnia plane ex cerebro suo nullo alio veritatis fundamento nixa produxisse. Tertio, multis etiam post Homerum seculis plurima monumenta hujus historiae exstabant; ut epistola *Sarpedonis* a Troja scripta, Plinius *H. V.* xiii. 13. hasta *Achillis*, & clypeus *Euphorbi* *Ovid. Metam.* xv. v. 163. & quae plura ejus generis referri possent. Quarto; Omnes, vel certe plerique Graecorum Historici de mense & die expugnationis factae fere conveniunt, evenisse nempe vicesimo tertio die mensis *Thargelionis* juxta *Dion. Halic.* i. c. 63. vel juxta *Plutarchum Camillo p. m.* 138. vicesimo quarto ejusdem mensis, qui incidit in diem xii. Junii Juliani juxta calculos *Petavii*, & fuit feria quinta. Annum colligit *Petavius* Periodi Julianae 3530. qui fuit annus mundi 2800. Quinto, Communem opinionem juvat, quod Ilienses Romanos Asiam ingressos tanquam agnatos amplexi sint^a: & quod deinde a *Sulla*, *Cae-*
sare

PROLEGOMENA.

sare ^b, *Claudio* ^c, *Nerone* ingentibus beneficiis culti sint ^d, & pro consanguineis habiti ^e. Sexto, confirmatur praeterea hujus rei veritas conversionibus rerum publicarum, migrationibus populorum, aliisque eventibus ex hoc excidio natis, vel illud subsecutis; ut etiam exstructionibus multarum urbium factis ab illis Graecis, qui huic bello interfuerant; & quidem in ipsa Italia. Quales fuerunt *Salapia* ^f, *Hadria* ^g, *Sybaris* ^h, *Thurii* ⁱ, & plures aliae. Quod autem Graeci postquam domum redierunt afflicti (hoc enim ex fortissimis est adversariorum argumentis, quibus probare nituntur victores non fuisse Graecos; quippe quorum res post victoriam pejore loco fuerint, quam antea) hoc eo e-

(A 5)

ve-

a *Justin.* XXXI. 8. *Liv.* XXXVII. 37.
b *Strabo* L. XIII. n. 594. c *Suet. Claud.* c. 25. d *Tacit. Ann.* XII. 58. e L. 17. §. 1. ff. de excusat. l. 1. §. 2. ad municip. *Justinian.* Praef. Novell. 47. f *Vitruv.* I. 2. g *Steph. V.* Arpia. h *Solin.* c. 8. i *Aristot. Mirab. Ausc.* p. m. 1098.

PROLEGOMENA.

venit ; quia in plures status male haftenus pacatos divisi erant. Tum praeterea plures etiam urbes a Graecis, qui Trojae excidio affuerant, conditas legimus : igitur, nec adeo afflictæ eorum res fuere, & utique vera est historia. Denique verosimillimum est, *Latinum* Regem bello cum *Rutulis* & *Etruscis* implicitum avide occasionem auxilii fortuito horum exulæ adventu oblatam arripuisse. Ilienses autem illi, quos alloquitur Dion, longe diversi erant ab antiquis illis Iliensibus, sive Trojanis de quibus hic agimus. Quem Dionem si quis interroget, a quibus vetus Troja (quandoquidem constat, eam jam ab Homeri temporibus non amplius fuisse) everfa fuerit, nihil quod respondere possit, ni fallor, habeat. Strabonis vero tempore nulla amplius priscae Trojae vestigia apparuisse nihil mirum est, cum dudum ad aliorum urbium exstructionem materia ista absumpta esse potuerit. Ergo dum fortiora
jam

PROLEGOMENA.

jam allatis argumenta proferantur receptam haëtenus de Aeneae in Italiam adventu sententiam libentes amplectimur; licet, ut antea diximus, etiam alii eo loco, quo postea *Roma* fuit, sedes fixerint: qui ita merito inter Romanorum progenitores censerì possunt. Sunt etiam, & in iis, quos summo loco habeo, qui argumentum contra vulgarem opinionem inde petant, quod Monachi tritavorum nostrorum aetate Annalium confarcinatores plurimarum & remotarum regionum & urbium conditores Trojanos, vel *Graecos* fecerint, *Paridem* nempe *Parisi*orum; *Francionem* & ipsum *Priami* filium *Francorum*; *Brutum* *Britannorum*: & hos quidem & alios (quid enim nugis nugacissimis inhaerere attinet?) Trojanos. Graecos etiam, *Ulysses* *Vlissingae* urbis, *Herculem* ditionis parvae in *Hollandia*, *Arkeliae*: & quae plura talia otiosi homines somniarunt. Sed quale, quaeso, hoc est argumentum? Loca illa longissime
me

PROLEGOMENA.

me a Trojano agro dissita, & ad quae perveniri nisi molestissima navigatione non poterat, a Trojanis non fuerunt habitata, ergo etiam in Latium, regionem mari interno adjacentem & proinde non adeo a Troja remotam, pervenire non potuerunt, & ibi Urbem rerum suarum sedem futuram condere? Quisquis, qui vel leviter mentem huc attendit, facile vel toto coelo ea differre viderit.

Itaque Trojani Aenea duce in Italiam ad agrum *Laurentem* appulere secundo post Trojam captam anno, Latini Regis trigesimo quinto, post Herculis ex Italia digressum quinto & quinquagesimo: quod non tantum Dionysius Halicarnassensis ^a & *Livius* ^b testantur; sed etiam locus in agro Laurente *Troja* dictus ^c. Et licet historiae antiquissimis illis temporibus nullae fuerint conscriptae, tamen multis aliis modis antiquarum rerum memoria conservata fuit,

^a L. I. c. 44. ^b L. I. c. 1. ^c Serv. ad Aen. VII. 158.

PROLEGOMENA

fuit, *Annalibus*, exempli gratia, *Pontificum*; de quibus vide sis *Ciceronem de Oratore* L. 11. c. 12. *Quintilian. Instit. Or.* L. x. c. 2. & *Servium in Schedis Fuldensibus ad Virg. Aen.* 1. v. 377. *libris linteis* ^a, aliisque; quorum monumentorum pleraque quidem, at non omnia, incensa a *Gallis* Urbe perierunt ^b. Ex his igitur & similibus veteris aevi reliquiis historiam hanc hauserunt magni nominis Historici, & quorum plerique etiam summis dignitatibus effulserunt, *Q. Fabius Pictor*, qui apud *Serv.* ad *Aen.* xii. 603. dicit, *Amatam* Latini Regis uxorem se inedia interemisse, postquam scilicet *Turnum* ab Aenea superatum vidisset; *L. Cincius Alimentus* ^c *L. Julius Caesar*, *M. Portius Cato*, *A. Posthumius Albinus*, *L. Cassius Hemina*, *C. Sempronius Asellio*, alique magno numero. Quin *A. Postumius Albinus* integrum librum de
Ad

^a *Liv.* IV. 7, 13. & alibi. ^b *Id.* VI. c. 1.
^c apud *Auct. de Or. gent. R.*

PROLEGOMENA.

Adventu Aeneae scripsit, qui citatur apud Auctorem *de Origine gentis Romanae*; apud quem etiam de eodem adventu mentionem fecisse leguntur *Sex. Gellius, Piso, Lutatius, &c.* Ex his omnibus porro, quorum nil, nisi paucissima quaedam fragmenta, superest, & Livius, & Dionysius Halicarnassensis sua collegerunt ^a: quae ergo a justo rerum arbitro, & eo, qui non data opera a vulgari via decedere volet, in dubium revocari non possunt. Praeterea Aeneam in Italiam venisse testatur apud eundem Dionysium *L. i. c. 68. Arctinus Milesius* scriptor antiquissimus: floruit enim circa Olympiadem nonam ^b. Imo ipse, qui hodie etiam exstat, *Lycophron* id satis clare innuit ^c: (vixit hic autem ante, quam ullus Romanus scriptor exstitit, unde sua potuerit haurire) Quin etiam mentionem facit scrofae & triginta porcellorum, de quibus

Vir-

^a Vid. & Oct. Ferrar. de Orig. Rom. in Tom. I. Ant. Graed. ^b Vid. Meurs. de Archont. I. 2. ^c *Alexandra* v. 1226. sqq.

PROLEGOMENA:

Virgilius *Aen.* iii. v. 390. , & arcium triginta ab Aenea ^a, vel ejus posteris in Latio conditarum ; (quae fuerunt triginta coloniae priscorum Latinorum a Regibus *Albanis* conditae) Deorum quin etiam patriorum, quos Aeneas in Italiam transtulit ^b. Tempore autem *Ptolemaei Philadelphi*, quo vixit Lycophron, Romani nondum victorias suas Italia extulerant ; ut certe non animo adulandi eam antiquitatem iis tribuerit poëta. Atque ita videmus etiam vetustissimorum Graecorum testimonio constare, *Aeneam cum Trojanis suis in Italiam venisse*.

Sed clarius adhuc idem Trojanorum in Italiam adventus probatur ex exorto paullo post *regno Albano*, & nominibus regum quorundam Albanorum quae plane Trojanam originem redolent, ut Aeneas, *Capys*, &c. (quae Ovidius *Fast.* iv. 45. eleganter vocat *recidiva vocabula Troiae*) Nec est quod quis dicat, etiam hoc

PROLEGOMENA.

hòc regnum fabulosum esse : nam revera exstitisse satis probari potest ex rebus a Regibus Albanis gestis ; ut ex deductione triginta coloniarum modo dictarum. Inter quas triginta colonias forte ipsa Roma censeri debeat : nam dubitari potest , an non potius novis colonis (dilapsis forte veteribus) a *Romulo* frequentata , quam de integra sit condita. Licet nos , donec certius quid afferatur , communem tantisper opinionem amplexuri simus.

^a Restat , ut ad argumenta quaedam , quae objiciunt sententiae vulgaris adversarii , respondeamus. Et *Philippus* quidem *Cluverius* ^b non tantum Aeneae adventum , verum etiam Albanorum Reges , imo septem Reges Romanos fabulosos esse pronunciat , & credit Evandrum cum Pelasgis venisse in Italiam seculis tribus cum dimidio ante Trojae ruinam ;

^a *Rycq. Dissert. d. c. 12. Vid. & Fam. Nardini Romam vet. L. I. c. 1. b Ital. Ant. L. III. p. 832*

PROLEGOMENA.

nam; & hoc propter dissensum auctorum, & convenientiam rerum, quae in narratione adventus Pelasgorum in Italiam, & inde etiam Trojanorum occurrunt: quae convenientia certe levis est, & talis, qualis in cunctis de migrationibus populorum, quae mari fiunt, narrationibus deprehenditur. Putat ergo Cluverius Pelasgos eosdem esse ac *Tyrrhenos*; Evandrum eundem cum Aenea, eundem cum Jano, eundem cum Saturno, eundem cum Romulo. Ab hoc duce Pelasgorum simul & Aboriginum, qui communi nomine *Latini* dicti fuerint, expulsos esse Siculos: ab hoc occupatam urbem *Valentiam* dictam ab origine Graeca idem, quod prisca illa Latina vox, significante. Post hunc Duces aliquot Urbi, Latioque praefuisse regio quidem nomine, sed potestate minus absoluta, (& hoc quidem de omnibus illis priscis imperiis certo posse dici puto) licet incertum sit quamdiu singuli praefuerint,

(B)

245

PROLEGOMENA

aut quibus nominibus fuerint appellati. Verum an hoc non sit omnia confundere & cerebri figmenta pro notis veritatibus obtrudere cunctis, qui iudicio suo uti velint, iudicandum relinquo. Et porro quod ad dissensum auctorum attinet, hi vel sunt externi, & proinde in rebus Romanis minus competentes iudices: vel, si Romani sint, maxime sunt posterioris aevi ab externis illis decepti: nam priores in levibus fere circumstantiis tantum dissident. Et haec contra Cluverium dicta sufficiant.

Cluverium secutus est vir summus *Samuel Bochartus*, qui, ut Aeneam in Italiam nunquam venisse probaret, variis argumentis utitur: & primo quidem quod contrarium videatur affirmare Homerus. (Et hunc postea secutus fuisse videtur Strabo. *L. xiii. p. 607. sq.*) Sed operae pretium est, ut ipsum Trojani belli Scriptorem audiamus. Igitur *Iliad. T. v. 306. Neptunum* inducit ita de Aenea ejusque posteris vaticinantem:

PROLEGOMENA.

Νῦν δὲ δὴ Αἰεΐας βίη Τρώεσσιν ἀνάξει;
Καὶ παῖδες παίδων, τοῖς κεν μετόπισθε γέ-
νωνται.

Quae ita vertere liceat:

*Mox vis Aeneae Trojanis imperi-
tabit,*

*Et nati natorum, & qui nascentur
ab illis:*

qui posterior versus ipsius *Virgilii* est
Aen. III. 98. *Hymno* item in *Ve-
nerem* ipsam Deam Anchisae, loquen-
tem fingit: v. 197.

Σοὶ δ' ἴσται φίλῳ υἱὸς ὃς ἐν Τρώεσσιν ἀνάξει,
Καὶ παῖδες παίδεσσι διαμπερὲς ἐκγεγάονται,
Τῷδε καὶ Αἰεΐας ὄνομ' ἔσσεται —

*Erit tibi filius dilectus, qui inter
Trojanos regnabit,*

*Huic filii e filiis perpetuo nascentur,
Huic autem Aeneae nomen erit.*

Sed haec non loci; sed hominum re-
spectu intelligenda sunt; quo sensu
utique Trojanis imperavit Aeneas:
& ita priorem Homeri locum jam
olim interpretatus est *Scholiastes* in-
ditus ad *Dionysium Thracem*, quem
(B 2) ci-

PROLEGOMENA.

citat in notis ad priorem Homeri locum Cl. *Josua Barnes*; & ipse Eustathius. Sed merentur adscribi utriusque auctoris verba. Et Scholiastes quidem Dionysii ita habet:

Ὁ δὲ ποιητὴς μαντεύσασθαι φαίνεται καὶ ἐν ἄλλοις ἰσχυρὰ πολλοῖς, πλὴν καὶ ἐν τούτοις. Φησὶ γὰρ πρῶτον τῷ Ποσειδῶνι, διὰ τὸν Αἰνείαν ὅτι -- Τρώεσσιν ἀνάξει, καὶ παῖδες παίδων τοί κεν μετόπισθεν ἔπονται· ὅτι δὲ ἀληθῆς ἔμαντεύσατο, δηλῶσι τὰ πράγματα· ἐξ Αἰνείας γὰρ ἡ Ῥωμαϊκὴ ἀρχὴ, καὶ Αἰνεάδαί τε Βασιλεῖς. Eustathius vero: τῆτο δε λέγεται διὰ τὴν τῶν Ῥωμαίων ἀρχὴν, ἣν φαζιν εἰκὸς εἰδέναι τὸν ποιητὴν ἐκ τῶν τῆς Σιβύλλης χρησμῶν, ἢ καὶ αὐτὸν ὀικοθεῖν εἰδότα· ποιητῆ γὰρ ἀρετὴ, τὸ καὶ μαντικὴν ἐπισήμην ἔχειν. Latine verba e-

narratoris Dionysii ita sonant: *Apparet Poëtam vaticinatum esse, tum in multis aliis, tum etiam in his. Dicit enim ex persona Neptuni de Aenea quod Trojanis imperabit, & filii filiorum, & qui postea sequentur. Vere autem esse vaticinatum res ipsa docet: nam ab Aenea est Imperium Romanum; & inde Reges eorum Aeneadae*

PROLEGOMENA.

dae dicuntur. Eustathii vero verba huc redeunt: *Hoc dicitur ob Imperium Romanum; quod dicunt poëtam, ut verisimile est, novisse ex oraculis Sibyllae; aut etiam scivisse a se. Nam poëtae virtus est etiam scientiam divinatoriam possidere.* Itaque videmus viros doctissimos verba Homeri de regno Aeneae in Italia interpretatos fuisse: cum contra regni, quod in Troade constituerit, nec vola, nec vestigium in historia appareat. Ad Strabonem quod attinet, ille unice loco illo Homeri ex Il. Ȳ. nititur; quo aliter explicato omni fundamento illud regnum Aeneae in ipsa Troade renatum destituitur. Quin ipse Strabo locum priorem Homeri a quibusdam ad Romanos referri tradit; ut certe rectissimè facit Dionysius Halicarnassensis L. 1. c. 53. Et hic auctor praeter alios diligentissimus omnino de tota hac re consuli meretur.

At, dicit Bochartus, si, ut fecit Dionysius, Homerum interpretemur,

(B 3)

ni-

PROLEGOMENA.

nihil hic de Aenea poëta dixerit, quod non idem de *Antenore*, *Aceste*, aliisque Trojanis, qui itidem colonias deduxerunt, dicere potuisset. Sed minus hic attendisse videtur vir magnus: nam Antenor quidem coloniam deduxit, at non Trojanorum; sed forte *Henetorum*. Vid. *Strab. L. xii. n. 544*. Acestes autem Trojanus quidem genere, sed in Sicilia natus fuit, similiaque de aliis dici possent. At Aeneas ipse Trojanus Trojanorum coloniam deduxit; ipse eorum sive Rex, sive Princeps fuit; & in eo regno natorum natos successores habuit. Ergo, ut jam dictum, & ille locus Homeri ex *Iliade* I. & alter ex *hymno in Venerem* de hominibus, non de locis sunt intelligendi.

Alterum Bocharti argumentum est, quod apud *Festum* V. *Romam* plures auctores fuisse dicantur, qui tradiderint Aeneam in urbe *Berecynthia* (*Phrygiae* ea urbs fuit.) fuisse sepultum. Sed hoc facile de cenotaphio

PROLEGOMENA. 7

staphio, sive *tumulo inani* (ut loquitur Virgilius *Aen.* vi. v. 504.) potest intelligi; nam ea non tantum omnis plane sepulturae expertibus, sed etiam alibi sepultis exstrui solebant, ut jam olim probavit *Kirchmannus de funer.* L. 111. c. 27. exemplo *Drusi*, cui, licet ejus corpus ad Urbem devectum & in campo *Martio* sepultum esset, exercitus honorarium tumulum excitavit, *Suet. Claud. c. 1.* & *Alexandri Severi Imperatoris*, qui cenotaphium in *Gal- lia*, Romae sepulchrum amplissimum meruit ^a.

Tertio dicit Bochartus, loca quaedam in Asia ab *Ascanio* fuisse denominata: atqui ipse jam alibi docuerat ^b, ea dicta fuisse ab *Askenaz Gomeris* filio; (de quo *Genes.* x. 3.) ita ut memoria viro praeclaro hic non rite respondisse videatur. Et liberales simus; demus adversariis, *Ascanium* in Troade mansisse, an non ipse Aeneas alio proficisci potuit?

(B 4)

^a *Lamprid. c. 93.* ^b *Phaleg. III. c. 9.*

PROLEGOMENA.

fuit? Quo facit etiam, quod Al-
 bani regni conditorem a quibusdam
Euryleonta dictum fuisse videamus^a;
 qui deinde *Ascanius* (forte fratre
 in Troade mortuo) appellatus fue-
 rit. Quartum Viri doctissimi argu-
 mentum est, Veneris cultum (qui,
 cum Aeneas ea matre censeretur, vel
 imprimis Romae stabiliendus fuisse
 videatur) antiquissimis Romanis fuisse
 ignotum, ut ex *Fastis Cincii* &
Varrone docet *Macrobius Saturnal.*
Serm. 1. 12. At ut concedamus de
 Romanis vere haec tradi, certe La-
 vinii, sive in agro Laurente, quae
 primae sedes Aeneae in Italia fue-
 runt, cultam fuisse ab antiquissimis
 usque temporibus constat testimonio
 Heminae quod refert *Solinus c. 8.*
 & ei assentire satis clare videtur Stra-
 bo *p. 232. edit. Casaub.* Sed sane ve-
 risimile non est, (ut admittamus Bo-
 charti positionem) Aeneam, dum
 viveret, adeo insolenter mentitum
 fuisse, ut se matre Dea natum esse
 di-

^a *Dion. Halic. l. c. 65.*

PROLEGOMENA.

diceret; multo minus veram ejus matrem, Anchisae scilicet concubinam, in Deos fuisse relatam. Verum totum hoc merum Homeri figmentum fuisse videtur.

Porro *Vestam, Minervam, Deos Magnos* ab antiquissimis temporibus Lavinii & Albae cultos & hinc Romam traductos fuisse constans fere veterum est opinio. Quae numina etiam originem Trojanam, sive Phrygiam arguunt. Sed mirum plane est, ne durius quid dicamus, Virum praeclarum negare, quod ullos idoneos testes horum numinum ab Aenea in Italiam allatorum citet Dionysius, cum disertim *L. i. c. 68. Callistratum, Satyrum, Atratinum poëtam* nominet: ita ut Dionysium ne quidem relegisse hoc loco Bochartus videatur. Quod vero addit Vir Cl. ridiculum fuisse credere Palladium Romam servaturum, quod Trojam servare non potuisset, sciendum est, illud non tam Urbis, quam domus *Dardani* incolumitatem con-

PROLEGOMENA.

tinuisse, cum diu ante Trojam conditam juxta vetustissimos auctores a simulacrum hoc Dardano fuerit traditum. Et tamen quale hoc est argumentum ab cultus religiosi istorum temporum absurditate desumptum? quasi non alia, & longe quidem absurdiora, quotidie ab iis facta, aut credita sint.

Nec minis absurdum est, quod ex quinquaginta circiter vocibus Phrygiis, quas hinc inde collegit, ostendere conatur, linguae Latinae & Phrygiae nullam fuisse affinitatem: nam quot voces Graecae dari possent, quas non agnoscit lingua Latina? quam tamen a Graeca derivatam esse nemo peritus negaverit. Et si penitus inquisivisset Bochartus ipsam linguam Phrygiam Graecae linguae fuisse propaginem nullo negotio deprehendisset, quod vel ex folis nominibus filiorum Priami patet, quae legere est apud *Apollodorum* L. III. p. 185. ed. *Commelinianae*

a Apud Dion. Hal. I. 68.

PROLEGOMENA.

nae a 1599. 8. idemque Dionysius Halicarnassensis variis locis testatur. Vide *L.* 1. c. 57. 58, 61. 62. Neque enim quatuor duntaxat fuerunt linguae Graecae dialecti, sed plurimae, ut *Boeotica*, *Laconica*, *Cretica*, &c. atque ita etiam Phrygia: & voces, quas ut linguae Phrygiae peculiares collegit Bochartus, revera dialecti Phrygiae peculiares haberi debent.

Restat itaque, ut & Cluverius & Bochartus temere plane a communi de Aeneae in Italiam adventu sententia recesserint.

Post maximos hosce viros etiam placuit *Cl. Jacobo Gronovio Dissertatione de Origine Romuli* habita *Lugduni Batavorum* die xxiii. Octobris A. 1684. cum alterum stationis suae quinquennium commendaret, sententiam suam de hisce rebus publicare. Quam referre & refellere nescio an operae pretium fuerit. Sed quia tamen in eo argumento versamur breviter hic quaedam ponemus, unde

PROLEGOMENA.

de de illa dissertatiuncula iudicium
ferri possit; quantum quidem pote-
rimus mentem V. C. assequi; qui
subobscurior, ut levissime dicamus,
in iis quae edidit esse solebat. Vult
ergo Clarissimus Gronovius ex *Syria*
profectum Romulum in Italiam ve-
nisse, & quaedam vulgari opinioni
refellendae, pauciora suae stabilien-
dae argumenta apponit; quae, quia
serium examen vix merentur, brevi-
ter tantum nunc excutiemus. Igi-
tur (*p. 10. § 16.*) *Dioclem Pepare-*
thium Historicum primum vulgatae
de Romulo & Remo narrationis au-
ctorem fuisse dicit, & post eum Fa-
bium, quae habet ex Plutarcho *vita*
Romuli p. 22 edit. Wechel. Sed auda-
cior Plutarcho est Cl. Gronovius; cum
Plutarchus nec fidem iis derogare au-
deat, nec, nisi dubitans, dicat Dioclem
primum haec memoriae tradidisse:
& magis quam simile vero est jam
ante Dioclem, qui paulo ante bel-
lum *Punicum II.* vixisse videtur, ea-
dem Annalibus Pontificum, simili-
bus.

PROLEGOMENA.

busque monumentis (quae jam memoravimus) fuisse tradita ; ut sane antiquior est Lycophron , de quo jam diximus , qui temporibus Ptolemaei Philadelphi , sive circa. A. U. C. 470. *Alexandriae* floruit : ex quibus Annalibus mox Fabius Pictor , & alii auctores gravissimi sua hauserunt. Paulo majoris momenti esse videtur , quod Gronovius (p. 11.) dicit , Livium non ausum fuisse originem Romuli ad Venerem per Aeneam referre , licet sub *Augusto* in *Juliam* gentem per adoptionem inserto scriberet ; quae gens genus suum ab Aenea , & ita ab ipsa Venere , ut notissimum est , deducebat. Sed , ut dixi , majoris momenti esse *videtur* ; cum revera nihil minus in hac causa Cl. Gronovio conducere potuerit , quam vel minimam Livii mentionem facere : quippe qui initio Historiarum suarum disertissimis verbis vulgarem opinionem proponit , ne minima quidem dubitandi nota apposita. Nam quod in Praefatione dicit Livius ,

vius ,

PROLEGOMENA:

vius, *sibi nec affirmare, nec refellere*
in animo esse, quae ante conditam,
condendamve Urbem poëticiis magis
decora fabulis, quam incorruptis rerum
gestarum monumentis tradebantur,
 nae talpa coecior sit qui non videat
 haec ad *Rheam Silviam* a *Marte*
 compressam, ad lupam Romulo &
Remo mammas praebentem, similia-
 que τερατολογήμενα esse referenda. Ve-
 rum quid multis verbis utimur, cum
 vel solo Livio inspecto opus sit ad
 veritatem eorum, quae dixi, intelli-
 gendam? Ejusdem fiducia est, quod
 dixit. (*eadem pag, 11, f.*) Livium
 in decem primis libris saepe citare
 Romanorum annales commentarios,
 sed *nunquam, nisi ad refellendum* &c.
 nam hoc quidem manifestissime fal-
 sum est, ut ex paucis exemplis (cur
 enim plura in re clara afferam?) pa-
 tebit. Primum quidem in praefa-
 tione, ut jam vidimus, se nec affir-
 mare, *nec refellere* velle, quae vul-
 go tradebantur, dicit. *Libro 1. c. 44.*
 Fabium Pictorem scriptorem anti-
 quis-

PROLEGOMENA.

quissimum citat, non *refellit*. *Libro* iv. c. 23. *Macrum Licinium, Valerium Antiatem, Q. Tiberonem, libros* denique *linteas* citat; non quidem ut *refellat*; sed ut diversa tradere ostendat. Et *eodem libro* etiam *cap. 7.* Licinium rursus Macrum, & ex eo linteos libros testes allegat. Et saepius quidem dissensum veterum auctorum notat, qui sane in antiquissima memoria evitari non potest: verum hoc non est *auctores refellere*. Vide *Libr. 11. c. 33. & 41. Ibidem c. 50.* dicit satis convenire trecentos & sex *Fabios* ad *Cremeram* periisse; (de ipsa hujus historiae veritate & sensu hic non agimus, suo loco id facturi) ergo plures utique de ea re scriptores consuluerat; nec tamen errores eorum hic denudat, ut vult Vir Cl. Quin *L. vi. c. 42.* ubi *Claudium* refutat, plures auctores, quos secutus sit, laudat: & *L. vii. c. 3.* *Cincium diligentem monumentorum* auctorem vocat. Et haec, puto, suffecerint ad probandum, te-
ne-

PROLEGOMENA.

mere a V. C. assertum fuisse, nunquam, nisi refutandi causa primoribus libris auctores a Livio citari. Nec opus est, ut hic referamus, quae de sententia *Vossii*, *Salmasii*, aliorumque refert Gronovius, qui ex Graecia Romulum arcessunt: quod a vulgari sententia non multum abludit, cum rationes sint, quae doceant, Phryges colonos Graecorum fuisse; ut jam innuimus. Idem Maximus Vir a, Vossium dico, Annalibus Pontificum, unde plurima hauserunt Livius & alii, multum merito tribuit: cum illi jussu publico a Pontificibus conscriberentur. Et, licet Urbe a Gallis incensa praerique monumenta publica absumpta fuerint, tamen non omnis antiquitatis Romanae scientia inde periit: nam & privati homines multarum rerum notitiam in suis familiis servare potuerunt; & vicinarum urbium cives in suis quique urbibus etiam Annales conscripsisse credendum est: ut

PROLEGOMENA.

ut jam de auctoribus Graecis nihil porro dicamus, quorum aliquot apud Dionysium Halicarnassensem memorantur.

Ad reliqua jam, quae habet Cl. Gronovius, per saturam duntaxat hinc inde quaedam notabimus; cum ea, quae jam allata sunt, etiamsi nihil ultra addamus, ad argumenta ejus evertenda sufficere videantur. Ergo quae dicit p. 17., pastores nempe illos priscos Latinos voces diminutivas juxta definitiones Grammaticas non finxisse, quale nempe *Romuli* nomen fuerit a *Romo*, & hoc a *ῥωμη*, *robur*, ridiculum plane videtur; cum ipsa blandiens natura talium diminutivorum fictionem satis doceat. Nec melioris notae est quod addit pag. sq. in f. neminem, nec ante, nec postea *Romuli* nomine dictum fuisse: quod etiam, tanquam egregium argumentum repetit p. 40. nam & ante eum fuit *Romulus Sylvius Albae Rex* ^a; & post multa secula in *Fastis Consularibus*, qui *Idatiani*
^{a Liv. I. 3.} (C) di-

PROLEGOMENA

dicuntur, invenitur *Romulus Caesar* patris *Maxentii* in consulatu collega A. U. 1060. & rursus, tam in his Fastis, quam in legum subscriptionibus cum *Placido* Consul alter quidam *Romulus* A. U. 1095. ^a Et, licet haec vere observasset V. C., nescio quid ad hanc rem id faciat. An etiam *Numam* Regem exstitisse negabimus, cujus in sacris potissimum Romanorum frequens adeo fit mentio, quod alter *Numa* in historia Romana nullus sequatur; vel *Marcium* Regem *Ancum* fuisse dictum, quod etiam hoc nomen postea non occurrat? Quenam, quaeso, haec est consequentia? Nec plus probat, quod omnia nomina, quae in Historia Romuli usurpantur, peregrina esse dicit, & nequaquam Graecam originem prae se ferre. Cur *Procas* nomen non posset dici derivatum esse a Graeco πρόξ, πράξ; quam vocem *brevis Scholiastes ad Homerum Od. ε. v. 295.* exponit, δορκάδων ἐδῶ, ἢ ἐλά-

^a Vid. & alium in l. 27. pr. ff. de liber. et aff. & plures in *Indd. Grut.*

PROLEGOMENA.

ἡ ἰλάφῳν, ἡ τὰ ἐκγόνα τῶν ἰλάφῳν, *dama-*
rum, aut cervorum species, aut pul-
li cervini; ut a celeritate pedum ita
dictus sit? Cur non *Amulius* ab ἄμυ-
λα, cibi genere, ut *Hesychius*,
ἄμυλα, πλακῦς, *Amylus* [est] *placen-*
ta; vel etiam, βῶμα ἐκ πυρῶ, *edulium*
e tritico; sicut *Esau* vocatus est *E-*
dom ab *edulio rubro*, Genes. xxv. 30.
Ita *Numitor*, sive Νομίτωρ, ut Dio-
nysio Halicarnassaeo dicitur, a νόμος;
pastoralis; quod *Apollinis* etiam co-
gnomen fuit. *Rhea* denique etiam
Romuli mater a *Rhea* Dea Phrygia,
quae eadem *Cybele* dicitur: & haec
etiam *Ilia* fuit dicta in memoriam
originis ab ipso *Ilio* deductae. *Fau-*
stus autem clarissime descendit a
φαιστος, & hoc a φαίω, hoc est, φάω,
sive φημι, *dico*; unde etiam *Fauni*,
agrestia Latii numina, sunt dicti.
Videmus ergo quo jure Vir Cl. di-
cat, haec nomina *qualem qualem*
potius originem, quam Graecam prae-
ferre. Alia porro, quae adfert,
transeo. Sed quod jam p. 23. in-

PROLEGOMENA.

terrogat, cur nulla ex triginta illis coloniis Alba deductis paribus institutis ac Roma fundata fuerit? quis Deus e machina hoc Viro Cl. indicavit, instituta nempe earum civitatum plane a Romanorum institutis diversa fuisse? An ea omnia perspecta habemus? unde lecta? ubi inventa? Et multa potius habuisse similia pater, quod *Dictatorem*, quod *Patrem patratum* ^a, quod alia aeque ac Romani etiam olim Albani habuerunt: ut plura mittam, quae de ea re dici possint. Igitur recte Vir Cl. ea, quae in medium protulit, vocat *supplices*, (ead. p. 23. f.) & *documenta subobscura pag. sq.* licet etiam facile ipsi concedam, cum *eadem pag.* raptum *Sabinarum* in dubium vocat, in ea historia multa, ut fit in antiquissimis, vera falsis admixta fuisse. Jam *pag. 24.* nominasse oportuit illos antiquos non paucos, qui scripserint, Romulum incerti hominis filium infantem una cum fratre Remo in Italiam transvectum fuisse.

Liv. I. 24. fuisse

PROLEGOMENA.

le ; atque in fluvio exundanti , submersis aliis scaphis , illos insperato servatos fuisse , & quum adolevis-
sent Romam condidisse. Nam ex Festi loco corruptissimo nihil certi quisquam elicere possit. Quod *pag.* 26. dicit , discessum Romuli a metropoli sua non fuisse adnotatum a Graecis , cum originem *Massiliae* adeo accurate notaverint , in eo sibi icunculam , quacum depugnet , ad parietem pingit , ut populari nostro proverbio utar ; cum nemo unquam dixerit , ipsum Romulum a metropoli aliqua ex Graecia esse profectum ; sed haec profectio ad majores ejus remotissimos referenda sit : nam inter Trojam captam & Massiliam conditam sexcenti fere anni interfunt , ita ut hujus recentis urbis originem facilius notare potuerint. Ergo V. C. hic argumentum desumit ex iis , quae nunquam probavit , nec unquam probare potuisset ; & supponit illud , de quo lis est. *Pag.* 27. convenientiam rituum Orien-

PROLEGOMENA

italium cum illis, qui apud Romanos obtinuerunt, jactat absque ullo tamen conatu, quo istam convenientiam probet, cum ego contra quovis pignore posito contendere ausim Romuli instituta melius cum institutis Graecorum, vel Trojanorum, quam cum *Hebraeorum*, aut *Phoenicum* moribus convenisse (quod etiam multis probat Dion. Hal. *L. VII. c. 70. sqq.*) Ut enim alia mittam, quae habet *pag. 31. de Jovis* variis cognominibus (quibus de suo proprio penu liberali manu Vir Cl. addit Jovem *Consum*, cum Confus unanimi fere veterum & recentiorum sententia *Neptunus* esse censeatur; sed hoc tantum, ut suae conjecturae faveat) quae ab Hebraeis traxerint Romani, frivola sunt: nam & apud alias, puto, gentes, quas minus novimus, Dii, praesertim quos supremos statuebant, diversis nominibus appellati fuerunt: & apud Graecos certe, ut de uno Jove tantum loquamur, quot non ille cognos-

PROLEGOMENA:

gnōmina habuit? Decadem solum
 unam, & quidem ex solo *Herodoto*
 afferemus; cum vel integri libri de
 iis scribi possint, & scripti fuerint.
 Nominat igitur ille historiae pro-
 fanæ pater juvenem καθάρσιον, *Expia-*
torem, Επίσιον, (*Jonice* pro Εφῆσιον)
Hospitalem; Εταιρησιον, *Sodalitium*, L.
 I. c. 44. *Carium*, Ib. c. 171. *Ly-*
caum; Id. IV. c. 203. Αγορασιον, *For-*
ensem, L. V. c. 46. *Militarem*, Ib.
 c. 119. *Lacedaemonium & Coelestem*,
 L. VI. c. 56. Ερκεσιον, sive *Domesticum*,
 Ib. c. 68. *Anaphlystium*, L. VII. c.
 197. *Graecum*, L. IX. c. 7. At ibi
 jam duodecadem habes. Et adeo
 fane hæc naturæ, corruptæ illi qui-
 dem, conveniunt ut hodieque etiam
 apud *Romanenses*, ut omnes norunt,
 sanctissima virgo Domini nostri ma-
 ter centenis aliquot, credo, cogno-
 minibus pro diversitate locorum co-
 latur. Hinc ergo nemo effecerit,
 omnes illos, qui eosdem Deos va-
 riis cognominibus celebrarunt, ab
Israëlitis ortum duxisse. Quæ au-

PROLEGOMENA.

tem porro addit V. C. refutatione prorsus sunt indigna, ut quae pag. 33. disputat de locutione *inter duos lucos*, quae adeo naturae conveniens est, ut quis de simili re agens vix alia uti posset. Nec multo meliora sunt, quae de formatione vocis *patricius* subjungit; cum juxta omnem analogiae rationem ea vox rectissime a voce *Pater*, vel etiam a plurali *pates* deduci possit; quod etiam fecit Vossius. Sed manum de tabula. Nam piget addere, quae de voce *tribus* adhuc adjicit; quibus intelligendis hariolo opus est: & cujus originem a Graeco *τρίτῳ*, pro qua *Aeoles* dixerunt *τρίπυς*, Lector videre potest in fine epistolae Salmasii ad *Sarravium*, quae subjuncta est praeclearo operi *Gronoviano de Sestertiis*. Et ita etiam *Glossarium Labbaei*, *τρίβυς*, *τρίπυς* ἢ *τρίτον μέρος*, κ. τ. λ. Verum quae est tandem ipsius V. C. sententia? Mira sane. Invenies *II Regum* xv. 25. & *II Chron.* xxviii. 6. *Remaljam* patrem *Pekachi*, qui occiso

PROLEGOMENA.

ciso *Pekachja* Rege Israëlis regnum ejus invasit : ergo in hoc Remalja habemus ipsissimum Romulum. At, dicet aliquis, saltem serio loquitur, & insigni aliquo argumento hoc Paradoxon probat. Non alio quidem, quam quod ille Remalja ab interpretibus *Alexandrinis*, qui vulgo LXX. vocantur, & a *Josepho* Ρωμέλιος; a *Nicephoro*, recenti admodum scriptore, Ρωμέλιος, vocali longa, vocatur. Nunc vos, lectores, Viri summi causa clare plaudite.

Regnum Trojanum initium habuisse creditur a Dardano Jovis & *Electrae* (filia haec erat *Atlantis*) filio; ut solebant omnium virorum fortissimorum, praesertim si qui regna, aut urbes condiderant, originem ad Deos referre. Quanquam jam ante Dardanum in *Troade* regnasse dicatur a *Teucer Scamandri* filius, a quo Populi illi etiam *Teucrici* sunt dicti b. Hic autem Dardanus ex Italia, vel, ut aliis placet, ex Arcadia in *Samo-*

(C 5)

thra-

a *Apollod. p. m. 178.* b *Diod. Sic. IV. 12.*

PROLEGOMENA.

thraciam insulam venisse dicitur; cum tamen rationi magis esse consentaneum videatur, ut ex Oriente progressus in Troadem venerit. Licet etiam, ut verum fatear, non adeo absurdum sit statuere, hoc jam tempore navigationes in dissitas ad mare internum regiones fuisse susceptas; ita ut Dardanus (vel majores ejus) primum quidem novas sedes quaerens ex Asia in Italiam profectus videri possit; sed forte eam minus commodam sibi expertus inde in Graeciam retrocessisse. Vixit enim circa A. Per. Jul. 3230. A. M. 2500. sive circa finem vitae *Mosis*, aut initia *Josuae*: quò tempore homines jam navigationibus longinquis, necessitate urgente, usos fuisse patet ex inscriptione, quae extat apud *Procopium Vandal.* II. 10. in ultima parte *Africae*, sive in *Mauritania Tingitana* inventa, qua testabantur ejus conditores, se *fugisse a facie Jesu filii Nun latronis*. Dardanus ergo filia Teucris in matrimonium accepta,
eo

P R O L E G O M E N A.

eo mortuo urbem sibi cognominem
 ad montem *Idam* condidit ^a; popu-
 losque de se *Dardanos* nominavit.
 Huic successit filius *Erichthonius*;
 eique Anno Periodi Julianae 3340.
 sive Mundi 2610. *Tros*, unde re-
 gioni *Trojae* nomen est inditum: nam
 proprie ipsa regio ita vocabatur ^b;
 cum urbs ejus praecipua *Ilium* ^c, arx
 vero in ea *Pergamum* diceretur; vel,
 plurali numero *Pergama* ^d. Troi
 successit *Ilus*, unde *Ilium*; Ilo *Laomedon*,
 Laomedonti Priamus. Cum
 hic per annos quadraginta regnasset.
 A. P. J. 3531. Mundi 2800. Ante
 C. N. 1183. Troja a Graecis post
 decennalem obsidionem capta & e-
 versa fuit, quod Paris Priami filius
Helenam Menelai Spartaë Regis uxo-
 rem rapuisset. Ibi Aeneas regio ge-
 nere ortus, quippe cujus pater An-
 chises, avus *Capys*, proavus *Assa-
 racus* Ili Regis frater fuerat, ma-
 gna-

^a Strabo L. XIII. n. 592. ^b Steph. V.
Τροία. ^c Serv. ad Virg. Aen. I. 1. ^d Lu-
 cret. I. 477.

PROLEGOMENA.

gna manu amicorum , clientum ; fervorum , aliorumque coacta , dum hostes praedae intenti essent , munitissima Idae montis loca occupat ^a : eoque brevi tempore ex aliis Troadis urbibus ingens vis hominum confluit. Atque ita Aeneas tuto discedendi copiam a Graecis pactus est. Hic jam quidam tradunt ^b , Ascanium ab Aenea patre in agrum *Dascyliticum* Troadi vicinum missum fuisse , cum a regionis illius incolis ad regni administrationem acciretur ; & non diu post , cum alii etiam Trojani ex Graecia ad eum essent reversi , in paternum Trojae regnum rediisse. Quae , si cui vulgari sententia veriora videntur , non pertinaciter repugnabo , interim usitatam hactenus opinionem amplexurus. Ergo Aeneas trajecto *Hellesponto* primum in *Thraciam* venit ; ibique hibernans oppidum de suo nomine *Aenean* dictum condidit ; iisque ex suis sociis , qui navigationis incommoda vel non po-

^a *Dion. Hal. l. 47.* ^b *Ib. & Infr. c. 63.*

PROLEGOMENA.

poterant, vel nolebant ferre, incolendum dedit ^a. Hinc *Delum*, *Cythera*, *Zacynthus* Insulas attigit; & ibi, ut etiam mox in *Leucade Ins.* Veneri templum exstruxit ^b. Mox etiam magis *Jonium* mare penetrans apud *Actium Veneris Aeneadis* templum; & alterum *Magnorum* Deorum condidit, quae sua etiam aetate superfuisse dux noster & auctor Dionysius testatus. *Ambraciae* vero ejusdem Deae templum statuit; cui posterius in ipsius Aeneae honorem sacellum addidisse videntur. Hinc Trojani nostri *Buthrotum Epiri* oppidum pervenerunt: unde Aeneas *Dodonam* profectus est oraculum Jovis, quod ibi fuit omnium antiquissimum, consulturus: & ibi jam coloniam Trojanorum ab *Heleno Priami* filio deductam invenit: & ita demum *Jonium* mare trajicientes nostri exules pervenerunt in Italiam ^c. Variis autem in ea locis exsensione facta denique appulerunt in Siciliam

^a *Ib. I, 49.* ^b *Ib. c. 50.* ^c *Ib. c. 51.*

PROLEGOMENA.

liam ^a ; ubi etiam jam alios ante-se
Troja profugos invenerunt ; & etiam
cognatum Aeneae *Aegeſtum* ; (*Acc-
ſtem* vocat Virgilius *Aen. I. 199.* &
alibi) qui caſu quodam ibi natus &
educatus fuerat. Etiam hic Aeneas
colonias condidit , quibuſdam ex
ſuis , quos jam taedebat navigatio-
nis , illic relictis ^b. Inde in Latium
proficiſcens variis interim locis no-
mina impoſuit ab iis , qui ibi defun-
cti eſſent ; ut portui *Palinuro* a gu-
bernatore ſuo ibi ſubmerſo ; *Leuca-
ſiae* , vel (ut Salmaſius *exercit. Plin.*
I. 2. ſcribi voluit) *Leucoſiae* , a con-
ſobrina quadam ſua tali nomine ^c.
Alterum etiam portum pulchrum ac
profundum *Miſenum* dixere a viro
quodam nobili , ut eum vocat Dio-
nyſius Halic. *I. 53.* quem tanquam
aeneatorem , ſive tubicinem Aeneae
deſcribit *Maro* , ſimul tamen etiam
a fortitudine eum laudans , *L. vi.*
v. 164. ſqq. *Prochyta* item Inſu-
lam

^a *Ab. c. 52.* ^b *Dion. Hal. d. l. Virg. Aen.*
I. v. 118. ^c *Dion. Hal. d. l. c. 53.*

PROLEGOMENA.

lam ^a , & promontorium *Cajetani*;
 illam a cognata, hanc a nutrice Aeneae dictam volunt ^b. Et ita tandem ad *Laurentum* Italiae urbem pervenit: quanquam alii loco illo Homérico, quem memoravimus, decepti eum in Phrygiam rediisse narrant: quos Dionysius ea sectione, quam modo citavimus, & sequentibus abunde refellit. Aeneas porro c more veterum sacris ante omnia rite peractis prandium, humi cum suis desidens sumpsit: ubi oraculum, quod ipsi quondam vel Dodonae, vel a *Sibylla Erythraea* redditum fuerat, eventum habuit. Eo nempe oraculo jussi fuerant Occidentem versus navigare, donec eo pervenirent, ubi mensas essent comesturi: (quamquam hoc vaticinium ab *Harpyjarum* una Aeneae redditum fuisse scribit Virgilius *Aen.* III. v. 255. *sqq.* licet *Id.* VII. v. 123. ab Anchise hoc praedictum narret lapsu, ut videtur,
 me-

^a *Dion. Halic. Ib.* ^b *Virg. Aen. VII. init.*
^c *Dion. Hal. I. 55.*

PROLEGOMENA.

moriae) Ergo cum non satis suppetentibus cibis etiam frustra panis triticei, quae mundicie causa cibis supposuerant, comederent, *Heus! etiam mensas consumimus, inquit Fulus. Ibid. v. 116.* Alterum etiam, quod Aeneae praedictum fuerat, hic evenit; ut nempe porcam gravidam in litore videret, quae postridie triginta porcellos peperisse fertur ^a: quod deinde in omen vertit, cum triginta annis post *Lavinium* ab Aenea, ut mox dicetur, conditum etiam *Alba* ab Ascanio ^b aedificaretur. Licet alii hoc potius, & meliore, ut credo, jure intelligant de triginta coloniis ab Aenea vel ejus posteris conditis, quae *Priscae Latinae* dicuntur; & de iis locutum censent Lycophrone *v. 1255.* (Vid. omn. Rycquii dissertationem *c. 10. n. 108.*) ac melior auctor Dionysius Hal. *III. 31.* disertim dicit, triginta Latinorum colonias Alba fuisse propagatas.

^a *Dion. Hal. I. c. 56.* ^b *Propert. IV. 6. Virg. Aen. VIII. v. 43. sqq.*

PROLEGOMENA.

tas. Aeneas porro hos porcellos simul cum ipsa sue Diis patriis immolavit; & confestim urbem aedificare coepit ^a. Haec ut fit, Latino, qui tum locorum eorum regno potiebatur, formidolose narrantur: & quidem eo ipso tempore, quo adversus Rutulos, finitimam gentem, bellum gerebat. Ergo omissis Rutulis statim his invocatis hospitibus obviam pergit: sed cum & ipse & Aeneas vires adversariorum quisque suorum pene pares viderent, postridie statim consultius visum est per caduceatores colloquium petere. Atque ita cito inter se convenerunt, ut Latinus quidem advenis agros, quos incolerent, daret ^b; ipsi Latino, tum praesenti bello, aliis, si forte usus veniret, strenuam operam navarent. Ita brevi fractis Rutulorum rebus ad aedificationem civitatis suae Trojani redierunt; ei-que absolutae a *Lavinia*, vel *Lavinia* Latini filia *Lavinium* nomen est

(D) im-

^a *Dion. Hal. I. 57.* ^b *Dion. Hal. I. 59.*

PROLEGOMENA.

impositum. Alii vero dicunt ^a, *Laviniam* filiam fuisse *Anii Deliorum* Regis, qui idem Apollinis erat sacerdos ^b: eamque jussu patris cum *Aenea* illud petente, quod vaticinandi perita esset, navigasse. Sed plurimum opinioni, donec aliud probetur, inhaereamus. Ergo cum omnium animos libido invasisset societatem hanc recentem beneficiis firmare, primum quidem *Lavinia Aeneae* uxor data est ^c: & mox etiam reliqui Regis exemplo communicatis ritibus sacris, legibus, jure civitatis, & praecipue connubiis in unam civitatem coaluerunt: & omnis hic populus ex Aboriginibus, Arcadibus, Pelasgis, *Peloponnesus* & Trojanis conflatus *Latini* dicti sunt. Conditum autem *Lavinium* putat *Dionysius* ^d (nec absque specie veri) duobus circiter annis post discessum *Aeneae* ex Troja; ita ut unam quidem

^a *Dion. Hal. Ib.* ^b *Virg. Aen. III. 80.*
^c *Dion. Halic. I. 60.* ^d *Ib. c. 63.*

PROLEGOMENA.

dem hyemem in Thracia egerit, regione Trojae vicina, ut ibi exciperet eos, qui adhuc e fuga ad eum conveniebant; alteram vero in Sicilia. Igitur hic fuerit annus Per. Jul. 3533. qui incidit in annum ante C. N. 1181. Sed etiamnum in hoc opere occupato Aenea Turnus Rex Rutulorum *Dauni* filius bellum restauravit ^a, instigante praecipue Amata Latini Regis uxore, quae Turni erat matertera, eumque sibi generum optabat. Igitur his de causis exorto bello Latinus, Turnus, aliique, qui ad scopum nostrum non faciunt, cadunt: Aeneas vero victor regnum soceri hoc casu ad se devolutum accepit. Verum & ipse post quatuor annos in bello contra Rutulos, & *Mezentium* Etruscorum Regem periit A. Per. Jul. 3538. Ante Chr. 1176. & cum corpus ejus nusquam comparuisset pro temporum illorum superstitione ad Deos migrasse crediderunt; & *Javem Indi-*

(D 2)

^a *Ib. c. 46.*

PROLEGOMENA.

digetem appellarunt ^a. Inde Filius Aeneae *Euryleon*, qui in ipso a Troja itinere *Ascanius* appellatus fuerat ^b, (quod, ut videtur, alter Aeneae filius eo nomine dictus in eo itinere obiisset) regno succedit: licet Livius ^c dubitet, an fuerit Ascanius hic *Crëusae* prioris Aeneae uxoris filius, (haec vulgarior est opinio) qui idem *Julus* dictus fuerit, & ad quem nobilissima *Juliorum* gens originem suam referebat; an vero Lavinia natus, quippe qui nondum Imperio maturus fuisse dicatur, ita ut regnum tantisper muliebri tutela steterit ^d. Adulto Ascanio rursus cum Mezentio bellum fuit, ^e ita quidem ut Lavinii Ascanius ab eo obsideretur: sed demum nocte illuni eruptione facta hostes re subita perculsos magna strage cecidit; qua etiam *Lausus* Mezentii filius periit: quo audito ipse cum Ascanio Latinisque pacem pepigit;

^a Liv. I. 2. ^b Dion. Hal. I. 65. ^c L. I. 6. 3. ^d Liv. Ibid. ^e Dion. Hal. l. prox.

PROLEGOMENA.

git; eamque deinceps cum fide servavit.

^a Tricesimo anno post conditum Lavinium Ascanius eam urbem florentem jam & (ut tum res erant) opulentam matri an novercae ^b Laviniae reliquit, ut odium ejus se minime curare ostenderet; ipse loco amoenissimo aliam condidit, quae, quod situ excelsa & undique conspicua esset, *Alba* fuit dicta, ut pluribus locis & urbibus idem nomen ex simili causa adhaesit. Hinc etiam *Alpes* montes, & *Albion* Insula, quae hodie *Britannia*, nomen sunt nacti, quod longissime prospicientibus *Albi* appareant: vel potius unice ab *altitudine*, ut contendit *Buchananus Hist. Scotiae Libr. 1. pag. 12. edit. Francof. A. 1624.* cui etiam adsentitur *Rev. Huetius* epistola ad Bochartum ^c: ut nempe prisca *Celtarum* lingua longe lateque olim per Europam diffusa vox *Alpen montes excelsos*
(D 3) no-

^a A. P. Jul. 3563. Ante Chr. 1151. A Troja capta 32. ^b Liv. d. l. ^c dans le Recueil de Tilladet T. II. pag. 202.

P R O L E G O M E N A.

notaverit, quod etiam vult *Palmerius a Grentesmenil Graeciae Antiquae* L. I. c. 14.

Afcanius, cum post mortem patris regnum per annos triginta octo obtinuiffet, mortem obiit fucceffore fratre *Sylvio*, qui ex *Lavinia* post obitum *Aeneae* natus fuerat. Dicebatur autem *Sylvius*, quod in *Sylva* effet educatus ^b. *Iulo* autem *Afcanii* filio in folatium amiffi regni facerdotium eft datum: unde videmus illud proximae dignitatis regno fuiffe. Sed praeterea etiam hic obfervandum eft, *summam poteflatem*, five *majeftatem* dicere velis, tunc temporis fuiffe penes populum: quippe qui libero fuo iudicio *Sylvium Iulo* praetulerit ^c. Per hunc autem *Iulum Julius* *Caesar* originem fuam ad *Venerem* referebat; quae juxta poëtarum figmenta hujus *Juli* proavia haberi debeat: hinc *Virgilius*
Ecl.

a *A. Per. Jul.* 3576. *Ante Chr.* 1138. a *Troja capta* 45. b *Liv. d. l. Dion. Hal. I. 70.* c *Dion. Hal. Ib.*

P R O L E G O M E N A.

Ecl. ix. v. 47. Caesarem Dianaem vocat, *Ecce Dionaei processit Caesaris astrum.* Nam Venus aliquando *Dione* dicitur. Sylvio postquam annos viginti novem regnasset, successit *Aeneas*, qui nomine patris assumpto *Aeneas Sylvius* dictus est, atque ejus exemplo omnes Reges Albani hoc cognomen habuerunt. Atque hic habemus originem primam nominum gentilitiorum, quibus post hos Albanos hominum primi usi fuerunt Romani. Post Aeneam Sylvium (qui regnavit annos triginta & unum) Rex factus est *Latinus Sylvius* annis quinquaginta & insuper uno; quem secuti sunt *Alba Sylvius* annis triginta novem; *Capetus Sylvius* annis viginti sex, qui *Livio Atys* dicitur, sed nos hic potius *Dionysium* sequimur, tum, quod *Livio* diligentior fuisse videatur; tum, quod non multum intersit, quomodo haec regum successio ordinetur; quippe quorum vix aliud, nisi nuda nomina restant. Post Capetum er-

PROLEGOMENA.

go fuit *Capys* Sylvius annis viginti octo: post hunc *Calpetus* (Livio *Capetus*) Sylvius annis tredecim; isque regnum filio *Tiberino* Sylvio reliquit, qui illud non nisi octo annos tenuit. Tum praelio juxta *Albulam* fluvium commisso in eo periisse fertur: atque inde hunc amnem postea *Tiberinum*, vel *Tibrin* fuisse dictum tradunt ^a. Regnum ejus excepit filius *Agrippa* Sylvius, qui regnavit annos quadraginta & unum. Hujus successorem Dionysius vocat *Alladem*, Livius *Romulum* Sylvium (*Eusebio* & *Syncello* est *Aremulus*) Ovidius ^b *Remulum*; qui fulmine percussus dicitur, cum ipse machinis quibusdam exstructis tonitru & fulgur imitari conaretur. Regnavit annos novendecim. Post hunc per triginta septem annos regnavit *Aventinus* Sylvius; unde collis, in quo sepultus fuit, nomen habuit; qui po-

^a Ovid. *Fastor.* II. 389. Vid. etiam Serv. ad *Aen.* III. 500. ubi alias quoque hujus appellationis rationes refert. Vid. eund. ad *Aen.* VIII. v. 72. ^b *Metam.* XIV. v. 617.

PROLEGOMENA.

Ita Urbis Romae magna pars fuit : licet alii de hac re aliter sentiant ^a. Filius Aventini Procas Sylvius, qui post viginti tres regni annos decessit, cum duos haberet filios, Numitorem Sylvium majorem, Amulium vero Sylvium minorem, illi quidem vetustum Sylviae gentis regnum legat; huic vero praecipuas opes; quibus Amulius procures corrupit, fratremque regno deturbavit ^b. Vel, ut alii narrant, Amulius Numitori optionem dedit, utrum regnum tantummodo, an vero totius patrimonii summam, atque omnem paternorum bonorum substantiam habere vellet: cumque Numitor privatum omne cum facultatibus regno praetulisset, Amulius regnum obtinuit ^c. Utque hoc regnum sibi firmaret *Aegestum* Numitoris filium inter venandum ex insidiis interfici curavit, rumore sparso, eum a
(D 4) la-

^a Vid. Serv. ad Virg. Aen. VII. v. 657.

^b Dion. Hal. I. 71. 76. Liv. I. 3. ^c Sex. Aur. Victor. de Orig. gent. R.

PROLEGOMENA

latronibus caesum fuisse: cujus caedis, licet probe gnarus esset Numitor, tamen metu tyranni illud dissimulare coactus est: qui mox etiam per speciem honoris filiam Numitoris Rheam Sylviam (quae *Ilia* etiam dicebatur) Vestalem legit, ut ita perpetua virginitate ipsi spem partus adimeret ^a, ne aliquando ultorem familiae suae pareret. Verum quarto post anno, cum in lucum Martis templo vicinam puella abiisset, ut aquam puram sacrorum causa peteret, a viro quodam ignoto vi compressa fuit ^b: &, seu ita pro superstitione eorum temporum rata; seu, quia Deus auctor culpae honestior erat ^c, Martem incertae stirpis patrem nuncupavit. Et alii quidem unum de procis puellae fuisse volunt: alii, ipsum Amulium armatum, ut puellae terrorem incuteret, eo venisse: qui videntur hoc velle, ipsum

A-

^a Liv. d. l. ^b Dion. Halic. l. 77. ^c Liv. l. 6. 4.

PROLEGOMENA:

Amulium subito amore correptum
Sylviae vim intulisse. Cum autem
gravidam factam esse intellexisset
custodes ei apposuit ^a; & , postquam
peperisset, necavit: vel, ut alii tra-
dunt, filiae suae, quae ejusdem ae-
tatis erat, precibus condonatum car-
ceri inclusit ^b, unde post Amulii
mortem liberata fuerit. Peperit au-
tem geminos, quos Amulius interfi-
ciendos statuit: quomodo vero hoc
periculum effugerint ex antiquissi-
mis omnino scriptoribus, (qui ho-
die deperditi sunt) iisque viris pri-
mariae plane dignitatis, & jam antea
citatis, Fabio Pictore, L. Cincio,
Porcio Catone, & , qui iis addi po-
test, Calpurnio Pisone narrant, qui
eos legerunt, Dionysius Halicarnas-
sensis, & T. Livius: in quibus nar-
rationibus falsa veris esse permixta
quivis prudens lector, etsi de singu-
lis non moneatur, facile intelligat.
Scilicet ministri regii jussu Amulii
pueros acceperunt in fluvium projici-
en-

^a *Dion. Halic.* I. c. 78. ^b *Ibid.* c. 79.

PROLEGOMENA.

ciendos: eosque, cum flumen super ripas effusum esset, in proxima alluvie exponunt; facile, vel altius solito elata aqua, vel dentibus ferarum, vel fame denique extinguendos. Jam notissima fabula addit ^a, lupam sitientem ex montibus, qui circa sunt, ad puerilem vagitum cursum flexisse: eamque summissas infantibus adeo mitem prae buisse mammam, ut lingua lambentem pueros magister regii pecoris (regum & virorum principum his temporibus divitiarum maxime pecore censebantur) invenerit: eosque ad stabula *Larentiae* uxori educandos tulerit. Nec minus notum est quomodo haec vulgo exponantur: nempe *meretricem* Latinis *lupam* ab animalis illius moribus dictam fuisse ^b, unde vulgatum *lupanar*; & *lupari* idem quod *scortari* apud *Nonium* ex *Turpilio* & *Lucilio* ^c. Hanc autem *Larentiam* inter

^a Liv. I. c. 4. ^b Vid. Cic. pro Mil. c. 21. & ibi Abram. ^c Vid. & Lactant. div. instit. I. c. 20.

PROLEGOMENA.

inter pastores corpus vulgasse; atque inde locum fabulae & miraculo datum. Nolim tamen haec omnia absque ullo argumento (nisi ignorantiam pro argumento habeamus) ita statim pro fictis rejici, cum etiam alia & vetera & recentia exempla infantum miris modis educatorum exstent. Sic (ut plane fabulosa mittam, Jovem, ex gr., a capra ^a, *Telephum* a cer-
va ^b fuisse nutritos) *Cyrus* etiam a cane educatus dicitur ^c: quibus adde exempla antiqua, quae habet *Aelianus Variae Historiae* L. XII. c. 42. & recentiora apud *Philippum Camerarium Horis subcis*. Centur. I. c. 75. Verum, ut ad nostros pueros revertamur, ita genitos, ita educatos, tum formae dignitate, tum animo excelsio inter aequales ita eminuisse tradunt, ut facile appareret, si alibi quam inter pastores fuissent, non pecori pascendo, aut agro fodiendo eos

a

a *Serv. ad Aen. III. v. 104.* b *Lucian. de Sacrific. T. I. edit. Graev. p. 364.* c *Justin. I. c. 4. XLIV. c. 4. ubi etiam aliud exem., additur.*

PROLEGOMENA.

a providentia divina productos esse. Ergo etiam alios pastores saepe a vi latronum defendebant, & praedam latronibus ereptam inter eos dividebant. Erant autem inter eos, qui latrocinia exercebant, etiam ipsi pastores avi eorum Numitoris: qui ob iram praedae amissae diu adolescentibus insidiati a tandem Remum captum Regi Amulio tradunt, ultro accusantes. Amulius Remum Numitori ad supplicium dedit: Interim Faustus Remi periculo audito Romulo omnem rem aperit b: qui statim pastorum manu collecta urbem petit fratrem vinculis exempturus. Sed jam Numitor ex Remo, generosa ejus indole captus, exquisiverat, quo genere esset ortus: atque ex adolescentis, imprudentis licet, responso deprehendit, eum nepotem sibi esse. Romulus vero non simul cum globo illo juvenum c; (nec enim ad vim apertam par erat) sed aliis alio itinere

a Liv. I. c. 5. b Dion. Halic. I. c. 80.
c Ibid. c. 81.

PROLEGOMENA.

vere jussis certo tempore in Urbem venire Albam pergit : ubi ab avo agniti adolescentes ad injurias acceptas cedere Amulii vindicandas, compelluntur ^a. Interim etiam Faustus veritus ^b, ne Numitor parum fidei Romulo haberet, simul cum alveo, in quo expositi fuerant infantes, ad Urbem pergit. Sed cum summa trepidatione Urbem ingrederetur; & illud, quod ferebat, diligentissime occultaret, unus ex custodibus (custodes ex fidissimis Amulii ob metum hostilis incursionis frequentes erant in portis) eum comprehendit, & detracto amictu, cum nihil nisi alveum conspexisset, & tamen hominem vidisset haesitantem, rogavit, *cur ita trepidaret, quove consilio vas illud occultum ferret, quod palam habere illi utique liceret?* Dum vero plures ex custodibus confluunt inter eos unus forte fuit ex iis, qui olim pueros ad fluvium deportaverant: qui statim alveum agnovit; & rem reliquis

^a Ibid. c. 82. ^b Ib. c. 83.

PROLEGOMENA

quis custodibus indicavit. Ergo simul comprehensum Faustulum ad Regem ducunt; qui Regi omnia, ut gesta erant, aperit. Sed cum Amulius jussisset, ut ubi inveniri possent adolescentes, indicaret; non enim aequum esse, ut cognati sui, cum jam divina ope servati essent, inter bubulcos vitam degerent; subitam istam Regis clementiam suspectam habens Faustulus, *pueros quidem in montibus armenta pascere, refert; seque ab iis missum esse, ut matri, quo statu res eorum esset, nunciaret: & propterea alveum illum secum tulisse, ut fidem nuncio suo faceret. Se vero lubenter iis, quos Rex secum mittere vellet, pueros ostensurum esse, ut mandata regia intelligant.* Ita vero sperabat Faustulus, se, cum in montes perventum esset illos, a quibus ducebatur, evasurum. Amulius statim quendam ex fidelissimis satellitibus, qui pueros adduceret, misit. At hic misericordia motus mentem Amulii indicat; qui
sta-

P R O L E G O M E N A.

statim juvenes , ut fortiter se gererent hortatus magna comitum manu ad regiam pergit : cui , cum se etiam illi , qui ex agris jam in Urbem confluxerant , junxissent , Amulium facili negotio obtruncant , arcemque occupant. Atque ita fere rem olim narravit Fabius. Alii vero dicunt ^a, Numitorem pro nepotibus suis alios substituisse , qui ab Amulio necati sunt ; nepotes vero ejus a *Lupa* , hoc est , ab uxore *Faustuli* fuisse educatos : tum Numitorem , postquam pueri adolevisset , rixam inter suos & Amulii pastores excitasse ; ejusque rixae occasione Amulium fuisse occisum ; postquam per quadraginta duos annos regno praefuisset. Ita Numitor recepto regno , ut adversam sibi quondam urbanam multitudinem exhauriret , nepotibus novae urbis condendae Auctor fuit ^b ; licet alii dicant ^c , eos id consilii cepisse motos reverentia Numitoris , ne regno ejus

(E)

^a *Dion. Halic. l. c. 48.* ^b *Ibid. c. 87.* ^c *Plut. Romul. p. m. 22. C.*

P R O L E G O M E N A.

inhiare viderentur: sed cum juvenes admodum fuerint, similis vero est, eos consilium & auctoritatem avi fuisse secutos. Nam, si fides iis tribuitur, quae ex Varrone narrat Plutarchus *Romulo* p. 24. vix annum aetatis decimum octavum agebant: quanquam *Auctor Chronici Alexandrini* majore specie veri eos vicesimum quartum annum egisse scribit, qui Urbem anno quarto Olympiadis septimae vult esse conditam. Ergo in iis ipsis locis in quibus educati fuerant, novam urbem aedificare aggrediuntur; (nisi ab Evandro olim conditam instauravisse velimus) cujus fundamenta jacta esse dicunt XI. Kalendas *Maji*; sive, ut nos loquimur, vicesimo primo mensis *Aprilis*: & is dies deinde *Natalis* (nam ita loquebantur. Cic. Att. iv.) *Urbis*, & festus est habitus ^a. Idem *Palilia* est dictus: vel, ut alii, *Pari-lia*, qui a *pariendo* ita dictum volunt, quod tunc Urbs quasi *partu* edita sit. Sed

^a *Plut. Rom. p. 23. F.*

P R O L E G O M E N A.

Sed verius Palilia dicuntur a *Pale* pastorum numine, quod eo die colebatur ^a. Fuit hic annus Periodi Juliae 3961. Ante *Christum* 754. Ab orbe condito 3231. Olympiadis sextae annus tertius, vel potius quartus, ita ut eadem aestate septima Olympias celebranda esset. Annus autem primus Urbis pro anno pleno habendus est; ita ut anni secundi initium a Kalendis Januariis sequentibus duci possit. His ita praemissis transibimus ad ipsam Historiam primordii hujus tanti Imperii: quod ad stupendam sane magnitudinem (& quidem, postquam Italiam sibi subjecit, intra ducentos fere annos) pervenit: ita ut mirum non sit superbissimis nominibus de suo Imperio locutos fuisse Romanos; quod facit, exempli gratia, Virgilius ^b Jovem inducens, qui Veneri futuram magnitudinem posterorum filii sui Aeneae pollicetur; &

(E 2)

Poë-

^a *Ovid. Fast. IV. v. 721. sq. Vide tamen etiam, si tanti est, Broukhus. ad Propert. IV. 1v. v. 71.*
^b *Aen. I. v. 228.*

PROLEGOMENA.

praecipue inter eos Augusti ^a. Nec Poëtae tantum, sed etiam Historici simili fere modo loquuntur. Videre potest, nam longiores ne simus, vetat exiguum, quod nobis superest, chartae spatium; videri, inquam, potest praeter alios Dionysius Halicarnassensis ^b, ubi de ingenti terrarum spatio, quo se Imperium Romanum extenderrat, loquitur, rem magnam tamen etiam veritate majorem faciens. Hinc Imperii aeternitatem sibi pollicebantur Romani ^c; & inde in nummis Imperatorum Phoenix conspicitur, quod observavit Vir Amplissimus ^d, cui hoc opus inscripsimus. Verum jam ulteriorem rerum Romanarum progressum ut consideremus, tempus postulat.

^a *Ib.* v. 287. *Et maxime Aen.* VI. 794. *sq.*
Vid. & Ovid. Fast. II. v. 683. ^b *Ant. L.* I. c. 3.
^c *Liv.* XXVIII. 28. *Virg. Aen.* IX. v. 447. *Hor.*
Od. III. 30. *Amm. Marc. L.* XIV. c. 5. ^d *de*
die mundi Diff. I. p. 189. *sq.* *Vid. & Illustr. Ez.*
Spanh. de P. U. N. Diff. V. p. 287.

FINIS PROLEGOMENORUM.

HISTORIA REIPUBLICAE

E T

IMPERII ROMANORUM


A B

Urbe condita ad A. U. 727.
quo Octaviano Caesari sum-
ma Imperii cum nomine
Augusti delata fuit.

LIBER PRIMUS.

CAPUT PRIMUM.

De regno Romuli.

§. I.  prima novae Urbis ini-
tia foedavit statim Ro-
mulus caede fratris sui
Remi. Cum enim
contentio inter eos esset orta de Im-
perio, & Urbis statuendae loco ex
avi consilio auspiciis rem decerni
placuit. a Ibi prior Remus sex
A vul-

A. U. C. I.
Per. Jul.
396 I.
Ante Chr.
754.
§. I. De
ipsis urbis
initia.

a Dion. Hal. l. c. 86.

vultures dextros conspexit: Romulus, sed posterior, bis totidem. Hinc orta contentio in rixam abiit, qua caesus fuit Remus a; sive ab ipso Romulo b; sive, ut alii, & verius, ut videtur, tradunt a *Fabio Tribuno Celerum*, hoc est, *Praefecto turmae equitum*, quibus corporis custodibus Romulus utebatur, cum Remus fossam & vallum Urbis circumdatum per contemptum transiliisset. Addidit Dionysius l. i. c. 87. etiam Faustulum, dum pugnam fratrum dirimere vult, caesum fuisse. Equites autem antiquissimis temporibus *Celeres* sunt dicti a Graeco *κέλης* c; quae vox tum *equum singularem*, sive *desaltorium*, tum *equitem qui ex eo pugnat*, significat. Hic porro obiter notandum, jam olim vallum & fossas urbium, ut etiam portas inter res sanctas fuisse d. Sed tamen nequaquam credendum est, Romulum Urbem omnibus suis partibus perfectam, utrope cum moenibus suis & portis construxisse, cum revera tantum arcem

In

a lb. c. 87. b *Lucan. l. i. v. 95.* c *Jul. Scal. poet. l. 22. Voss. Etym.* d §. 10. *Instit. de ter. div.*

In monte Palatino ad cujus radices expositus & inventus, & in quo educatus fuerat ^a, condiderit: cui tamen statim etiam munitiones aliquae ^b, ut ea tempora ferebant, in vicino monte, qui postea *Tarpejus* & *Capitolinus* dictus est, accesserunt ^c: verum muros demum Ancus Marcius, aut *Tarquinius Priscus* Urbi circumdederunt. Ad hanc autem arcem alii aedificia sua in valle subjecta statuebant, ut arcis istius defensione adversus latrones hostesve alios uti possent. Urbe jam condita Romulus agnoscens, ut ipsa ratio dicat, vim non tantum, sed etiam jus Imperii penes Populum esse, advocata concione de instituenda Reipublicae forma differuit ^d: & quaecunque reliquis placuisset, se libenter ea usurum esse declaravit. Cumque Populus ipsi regnum deferret, se Deos per auspicia consulere velle declaravit; quae cum ipsi prospera fuissent in regno confirmatus est ^e: ac deinde Romae servatum fuit, ne magistratus maiores, nisi auspiciis habi-

A 2. tis;

^a Liv. I. c. 7. ^b Ib. c. 8. ^c Ib. c. 10. sq.
^d Dion. Hal. II. c. 3. Liv. I. c. 8. ^e Dion.
Hal. I. c. 6.

tis, crearentur; quin nihil unquam majoris momenti postea publice gestum fuit, nisi antea auspicia rite capta essent.

§. 2. *Jura a Romulo constituta.*

§. II. Inde Romulus ad jura civibus suis constituenda animum convertit: utque frequentiam civium augeret *Asylum* aperuit: & hoc plures olim urbium conditores fecisse videntur, ut *Cadmus*, exempli gratia. Et inde, e terra sibi prolem enatam esse, mentiebantur; quia qui ad asylum confugiebant, vel obscuri erant, vel esse conabantur. Nam asyla statuebantur iis, qui caedem non sponte sua fecerant; vel obaeratis; vel servis dominorum suorum saevitiam fugientibus: licet postea haec res in foedum abusum verterit; quem etiam postea Sabini Romanis exprobrarunt. ^a At Romulus multitudine sensim crescente universam civitatem suam in tres partes divisit: easque singulas, rursus in decem alias: illae *Tribus*, hae *Curiae* sunt dictae. (Si Livio credimus (l. 43.) a Servio demum tribus institutae sunt.) ^b Inde eos, qui genere, virtute & opibus excellebant, a reliquis

^a *Dion. Hal.* III. c. 2. ^b *Id.* II. c. 9.

quis civibus secrevit ^a ; praesertim si qui liberos haberent , iique *Patricii* sunt dicti , reliqui *Plebei*. Quod ad imitationem *Atheniensium* factum videtur , qui cives suos in *ἑπαγρίδας* , *patricios* , sive *nobiles* ; & *ἀγροίκους* , *rusticos* , distinxerunt. Patriciis injunxit Romulus , ut sacra facerent ^b , & secum rem publicam curarent ; plebejis , ut agros colerent , & artes quacunque exercerent. Tum permisit plebejis , ut quisque , quem vellet ex patriciis , *patronum* sibi deligeret : & patronos quidem *clientibus* ^c qua opera , quo consilio adesse , ut parentes solent liberis ; clientes vero filiorum obsequium patronis praestare iussit. Ad hujus moris imitationem postea etiam coloniae ^d , imo gentes exterae in clientela illustrium familiarum Romanarum fuerunt ; & hoc jus ad tempora *C. Gracchi* usque , hoc est , ultra sexcentos annos , firmissimum Reipublicae vinculum fuit. Inde Romulus ^e ex iis , qui aetate , virtute , genere eminebant , consilium centum virorum legit , qui honoris causa *Senatores*

^a *Ibid.* c. 8. ^b *Ib.* c. 9. ^c *Ib.* c. 10. ^d *Ib.* c. 11. ^e *Dion. Hal.* 11. c. 12.

natores sunt appellati. Et hoc natura ipsa ita docente omnibus fere gentibus quasi innatum fuit ; ut, qui Senatoris, vel magistratus munere fungerentur, quamquam juniores essent, ab aetate denominationem acciperent. Licet autem jam quaedam de iis notaverim in *posteriore editione Compendii Antiq. Rom. Sect. 1. Cap. 11. §. 1.* tamen animi causa hic quaedam huc spectantia addere lubet. Apud Israëlitas illi, quos jubente Deo, monente *Jethrone* in consilium sibi adsciverat Moyses (*Exodi xviii. xix. 7.*) *Seniores* vocantur: eaque appellatio, quamdiu Israëlitis civitas constitit, obtinuisse legitur. Scriptor post sacros antiquissimus *Homerus* *judices* etiam *γέροντας*, *Senes* vocat, *Iliad. Σ. v. 503.* ut & *consiliarios*, *Iliad. B. v. 21. 53. Z. v. 113.* &c. Apud *Lacedaemonios* quidem ii, qui *amplissimum magistratum* gerunt, ut sunt, sic etiam nominantur *Senes*. Verba sunt *Ciceronis Catone majore c. 6.* Eadem de causa etiam *Christianis presbyteri* dicuntur *ministri sacrorum*. In *Annalibus Fuldensibus* aliquem ad *seniorem* eligere nihil aliud est, quam eum *Regem, vel Principem* constituere.

re a. Et, ut tandem definamus, in antiqua versione *Bibliorum Saxonica* semper *Principes Aldermen* vocantur b. Sed ad Romulum revertamur. Ille lecto Senatu etiam ex nobilioribus juvenibus c trecentos secrevit, quibus ad custodiam corporis sui uteretur: quos *Celeres* appellatos fuisse jam supra diximus. Constituit porro, ut penes Regem primo omnium sacrorum suprema cura esset: quod etiam prudenter, & naturae rei convenienter ab eo factum esse abunde patet, cum tanta merito sit divini cultus reverentia, ut nemini privato aliquid in ea sit permittendum. Unde etiam semper postea clarissimi Senatores & Magistratus Sacendotia praeclariora, laudando imprimis more, gesserunt: ut alibi jam monuimus. Secundo, custodiam legum, morum, & juris sibi sumpsit; ita, ut de gravibus causis ipse quidem judicaret, leviorum autem cognitionem Senatui permitteret. Tercio, ut Senatum & Populum Rex convocaret; ejusque decreta exsequeretur.

A 4

retur.

a Vid. Buchel. notis ad Hedam p. 89. b Vid. Bingham antiquities of the Christ. Church ch. 19. & Diop. Hal. 11. c. 13. d Ib. a. 14.

retur. Quarto, ut in bello summum haberet Imperium ; quia res bellicæ & secretam consultationem , & celerem executionem desiderant. Quorum neutrum obtineri potest , si frequenti Senatu de iis agendum sit ; multo minus , si coram populo. Senatui dedit , ut de iis , quæ ipse ad eum retulisset , cognosceret , utque , quod pluribus placuisset , id demum ratum haberetur. Populo denique concessit , ut magistratus crearet , leges ferret , & de bello decerneret : cujus tamen decreta ita demum rata erant , si ita Senatui quoque visum foret a. *Populum* hic dico , licet Dionysius Halicarnassensis de hac re agens δημοτικὸν πλῆθος habeat , quod *plebem* interpretantur ; ego putem commodius posse verti *popularem multitudinem* , vel *populum universum* : non enim summam Reipublicæ potestatem , quæ magistratibus , legibus , & jure belli ac pacis unice fere continetur , meliori parti Populi , Senatoribus puta ac Equitibus , ita eripere credo voluisse Romulum , ut totam infimæ solum plebi traderet : nec cum se-

a Vid. Compend. nostr. 3. I. c. 6. §. I.

sequenti Reipublicae statu hoc convenit. Sed hoc egisse videtur, ut omnes communi animo Rempubli-
cam gerere possent : quemadmodum
revera Comitiis curiatis, quae hoc
tempore sola obtinebant, ab omnibus
omnino civibus factum est. Nec asy-
lum aperuisse contentus Romulus, ut
etiam porro civitatem suam frequen-
tem redderet, primum iussit, ut
omnis virilis proles, & primogenitae
filiarum educarentur : nam pro jure
eorum temporum pater non teneba-
tur invitus liberos suos educare : sed
vel occidere eos, vel abjicere pote-
rat ^a. Deinde in hunc eundem fi-
nem saluberrimo consilio instituit Ro-
mulus, ne civitates vinctae deleantur :
sed, ut ex civibus Romanis quidam
mitterentur, qui cum pristinis civi-
bus eas urbes *colerent*, unde *coloniae*
sunt dictae : quibusdam etiam jus ci-
vitatibus Romanae daretur ^b. Atque
ita factum est, ut pro ter mille pedi-
tibus, & trecentis equitibus, qui-
bus initio res Romana constiterat,
moriens Romulus quadragies sexies
A 5 mil-

^a Vid. Comp. nostr. Ant. Sect. VI. cap. V. §. 4.

^b Dion. Hal. II. c. 16.

mille pedites , & Equites fere mille reliquerit. Hunc morem cum deinde Reges , & mox Magistratus annui servassent , contigit , ut hic populus omnes alias gentes multitudine hominum superaret a : cum contrarium facientes Lacedaemonii, Athenienses, *Thebani* brevi tempore imperium in Graeciam amiserint. Et merito me hoc consilium vocasse *saluberrimum* pluribus argumentis probari possit : sed pauca tantum pro modulo operis nostri hic afferemus. Primo enim necessarium prorsus hoc esse consilium facile apparet , quod nemo jure sperare possit , se regiones amplas , & incolis , qui hostilem animum gerunt , plenas imperio cohibere posse , nisi sensim illi animi mitigentur , & in unum quasi corpus cum victoribus coalescant ; quod , nisi coloniis deducendis , & jus civitatis victis largiendo , fieri vix posse videtur. Secundo , ita facillime populationes b & incursionē hostiles reprimi possunt c. Tertio , cum mul-
ti

a Vid. etiam Dion. Hal. III. II. b Cic. de L. Agraria contr. Rull. II. c. 27. c Vid. Bacon. de Varianis Sermon. fid. c. 29. quod est de proferendis Imperii terminis.

ti hac ratione, ut uxores ducant permoveantur, necessarium est stirpem hac ratione maxime augeri. Quarto, etiam plebs urbana & otiosa, atque ita Reipublicae noxia, facillime hac ratione exhaustitur ^a: atque, quinto, eadem ratione commodissime sedantur motus civitatis intestini. Sexto denique, hoc modo milites veterani sine cujusquam injuria praemiis ornari possunt, quod alia ratione vix, ut fiat, obtineas: cui rei etiam hoc commodum accedit, ut ita animos eorum spe praemiorum ad egregia quaevis facinora optime incendas. Vide etiam *Sigonius de antiquo jure Italiae* L. 11. c. 2. Et sane etiam Principes prudentiores hoc consilio saepe sunt usi: sic *Assyriae* Rex cum *Israëlitae* e patria eorum abduxisset, in eorum locum colonos ex variis regionibus induxit, qui *Israëlitarum* urbes incolerent ^b: quemadmodum illi ipsi fatentur, se a Rege *Assyriae* eo deductos fuisse ^c. Et hodierna exempla probant ejus rei in omnibus utilitatem; cum videamus, quantum praec-

^a *Cic. l. d. c. 26. ad Att. l. 18.* ^b *II. Reg. xvii. 24.* ^c *Ezr. iv. 3.*

praecipue *Batavi* nostri, tum etiam *Angli* coloniis in diffitissimas orbis regiones missis profecerint. Sed haec jam porro nostri fori non sunt. Pergamus videre quae praeterea instituerit Romulus.

§. 3. *Reliqua Romuli instituta.*

§. III. Cum sciret civitates tribus maxime modis & conservari & augeri posse ^a, benevolentia scilicet Deorum, (ut misere plures Deos sibi homines confinxerant) temperantia & justitia inter cives, & fortitudine bellica, primum quidem cultum Deorum ordinatissime, ut tum res ferebant, instituit, rejectis illis indignissimis Graecorum fabulis ^b de criminibus nempe, bellis, vulneribus Deorum, & si quae alia Graecia mendax finxerat: removens etiam cultus Deorum fanaticos, clandestinos & peregrinos. Sacerdotes, ut jam innuimus, legit c ex iis, qui genere, censu, virtute reliquis praestabant. Tum, ut concordiam inter cives & frugalitatem servaret, singulis curiis exstruxit singula coenacula, in quibus *eiusdem curiae homines* (*Curiales* Latini vocant) die-

^a *Dion. Hal.* II, c. 18. ^b *Ib.* c. 19. ^c *Ib.* c. 21.

diebus festis simul epularentur : quae convivia egregie ad frugalitatem faciebant, quod non licebat in iis apponere, nisi res tenues ^a & eas tenui apparatu : isque ritus constantissime servatus est, etiam cum jam luxus Rempublicam plane corrupisset. Leges etiam de vita civili utilissimas tulit : cum enim videret ^b discordiam inter virum & uxorem multarum in Republica calamitatum esse causam, legem tulit ^c ; ut mulier cum marito omnium bonorum & sacrorum particeps esset : quae causa fuit, cur intra quingentos & viginti annos post Urbem conditam nullum Romae divortium factum sit ^d. Praeterea etiam potestatem patribus in liberos concessit ^e, quanta apud nullos unquam populos obtinuit ^f. Ut porro generosiores redderet civium suorum animos, artes sedentarias, & illiberales servis, libertinis & exteris exercendas dedit ^g, civibus agriculturam, ut magni animi cura rem dignissimam, & militiam reliquit; eosdem-

que

^a *Ib. c. 23.* ^b *Ib. c. 24.* ^c *Ib. c. 25.* ^d *Val. Max. II. l. 14.* ^e *Dion. Hal. L. II. c. 26.*
^f *V. Comp. nostr. Ant. R. Sect. VI. cap. V. §. 4.* ^g *Dion. Hal. L. II. c. 28.*

que & bellicam & rusticam vitam exercere, & ex aequo, quae hostibus ademissent, dividere iussit. Ipse etiam, ut se aequitatis amantissimum ostenderet, judicia severe exercuit, ea ipsa re se magnum in parvis rebus Principem ostendens: nam nunquam vere magnus princeps exstitit, quin idem quoque rigidissimus justitiae cultor fuerit.

Et jam satis validae Romanae res esse incipiebant: sed penuria mulierum hominis duntaxat aetatem duraturae esse videbantur^a: & vicinae gentes societatem connubiumque Romanorum adspernabantur^b, per ludibrium legatos Romuli ea petentes percunctati, *Ec-quod feminis quoque asylum aperuissent? id enim dentium compar connubium fore.* Romulus dissimulata injuria ex Senatusconsulto finitimos cum fororibus ac filiabus ad spectaculum solemne in honorem Dei Consi, sive Neptuni celebrandum invitavit: at, ubi mentes cum oculis eo deditae erant, ex composito, ut quisque suorum virginem inde sibi

ra^r^a Flor. 1. 1.^b Liv. 1. c. 9. Dion. Hal. 11. c. 30.

raperet, jussit: Nec segniter jussis regiis obtemperatum est. Dionysius Halicarn. L. 11. c. 31. id praecipue factum putat, ut vicinae civitates etiam invitae amicitiam cum Romanis contrahere cogerentur; cum hinc matrum, inde filiarum interventu necessario aliquando pax coalitura esset. Hinc tamen statim bellum est ortum. Et si omnes illae gentes junctis viribus Romanos fuissent aggressae de recenti Imperio actum fuerat: nunc iam singulae pugnant universae vincuntur.

§. IV. Et primo Caeninenses caeteris promptiores Romulum adoriuntur: qui acie ipsos superat a, & urbem ipsorum capit, Rege eorum Arcone caeso. Ac mox etiam superatis Antemnensibus b de utraque civitate triumphum egit: & spoliis optimis Caeninensium Regi detracta Jovi Ferretio suspendit c. Victis non tantum veniam dedit; verum eos etiam in civitatem accepit d precibus Hersilinae conjugis motus: an quod ipse id suis res

A.U.C. 4.
§. 4. Bella a Romulo gesta.

a Dion. Halic. 11. c. 32. b Ib. c. 34. c Vid. Cl. Perizonii Anim. Histor. c. 7. d Liv. 1. c. 11.

rebus conducibilius putaret ; ut hoc ejus consilium jam explicavimus. Eodemque modo mox usus est *Crustumini*, cum etiam eorum urbem in potestatem redegisset. His gentibus Plutarchus ^a etiam addit *Fidenates*, quos etiam a Romulo victos & Romanam translatos narrat. At gravissimum Romulo bellum cum Sabinis fuit. Nam hi a subito Romanorum incremento sibi metuentes ingentem belli molem cient. Romulus vero omni modo defensionem parat ^b; cui etiam ex Etruria duce *Lucumone*, & Alba ab avo missa auxilia venerant : & pace frustra tentata castra ante Urbem collocat exercitu vigintimillium peditum, octingentorum equitum instructus, si fides Dionysio Halicarnassensi, qui Sabinorum copias Romanis etiam majores facit : sed hic error multis historicis est familiaris, ut de patriae nostrae Historicis antiquioribus observat, qui optime de ea re judicare potuit, *Petrus Scriverius observationibus ad vetus Chronicon Gaudanum*, & alibi. *Tatio* autem (Rex hic

^a *Vita Rom. p. m. 27.*

^b *Dion. Hal. 11.*

c. 37.

hic erat Sabinorum) metuenti, ne ibi frustra tempus terere cogeretur insperata felicitas oblata est; ut quidem vulgo narrant, sed, ut videtur, parum vere. Erat arcis Romanae custos *Sp. Tarpejus*; cuius filia *Tarpeja* capta splendore annulorum & armillarum, quas brachiis gestabant Sabini, arcem iis prodere statuit, pretium proditionis pacta illud, quod brachiis sinistris gestarent Sabini: at hi arcem jam ingressi clypeis, quos etiam in sinistris gestabant, in virginem coniectis eam obruerunt. Alii dicunt, Tarpejam, cum jam in arcem venissent Sabini, eique aurum offerrent scuta eorum petiisse, ut ita inermes eos suis traderet: Sed vix videtur verisimile, stultos adeo id temporis homines fuisse, ut talia vel peterent, vel promitterent: ita ut, quod prius narratum est, verius putem. Sed, ut dicam quod sentio, tota narratio valde suspecta est; & inspectiorem facit quod geminam historiam narrat Plutarchus in *Paralle-*
p. m. 309. B. de puella quae simi-
us fere legibus Ephesum Brenno
B Gal.

Gallorum duci se tradituram esse promisset. Nam cum eventus valde similes & mirandi de hominibus diversae plane aetatis & regionis narrantur indicium falsitatis satis magnum id mihi esse videtur: quod uno & altero exemplo obiter illustrare lubet. Sic, quod Livius *L. I. c. 54.* narrat de *Tarquinio* capita papaverum decutiente, jam diu ante cum narraverat Herodotus *L. v. c. 92.* de *Thrasibulo & Periandro*, hoc *Corintio* illum *Milesiorum* tyrannum consulente: & diu post eum narravit *Mariana Historiae Hispanicae X. 16.* de Abbate quodam, qui simile consilium *Ramiro Arragonum* Regi dederit. Et ne etiam patria nostra jucundae fabulae expers esset, primum *Hollandiae Comitem Theodoricum* simul cum *Carolo Calvo Franciae Rege* idem responsum a *Papa Joanne VIII.* tulisse dicunt, cum eum de compescendis *Hollandis Frisonibusque* consulissent: a sic quod de *Sixto V. Papa* narrant, sutorem quendam ei vendidisse calceos solvendos cum *Papa* factus esset b, etiam refertur

a Vid. *Scrivenerii Bataviam veterem, in vita ejus.*

b *Leti*

tur de *Joanne Bregio* Cardinalia; quiritidem ut *Sixtus*, subulcus fuerat. Et plura, nisi satis exemplorum esset, afferre possemus. Quicquid sit, hoc certum est, b Romanos aliquanto post acerrimo praelio cum Sabinis decertasse; sed quod nox diremit antequam de victoria constaret. Et post paucos rursus dies pertinacissime pugnatum est in loco, ubi postea forum Romanum fuit, ipso Romulo vulnerato c: sed & hoc praelium anceps fuit. At demum mulieres raptae, auctore consilii *Hersilia*, vel inter duas acies intercurrentes d; vel, ut alii tradunt, in castra Sabinorum profectae e precibus obtinuerunt, ut pax hisce conditionibus fieret f: Ex duabus civitatibus fieret una: *Titus Tatius* aequato cum Romulo imperio regnaret: Urbs pristino nomine ROMA: Cives a *Curibus* (Tatii haec patria erat) QUIRITES dicerentur. Atque ita multi viri illustres cum clientibus suis e Sabinis Romam transmigrarunt. Non omnes

B 2 tat

a V. R. *l'Enfant Hist. du Conc. de Constance* T. 1. p. 15. . b *Dion. Halic.* II. c. 41. . c. 16. c. 43. . d. *liv.* I. c. 13. . e *Dion. Hal.* II. c. 45. . f *ib.* c. 46.

tamen Sabinos in hoc foedus consensisse patet; quod sub *Tullo Rege*^a, & deinde saepius bella cum iis gesta sint. Ita aucta civitate Senatorum & legionum numerus duplicatus est^b: & mulieribus, ut pacis auctoribus, magni honores concessi sunt. His peractis *Quirintem* & *Coelium* colles Urbi addiderunt^c: ita quidem, ut *Tatius* cum *Sabinis* Capitolium vicinumque *Quirintem* obtineret: *Coelium* vero & *Palatinum* *Romulus*. Mox *Camerinos* latrocinia exercentes vicerunt; & in urbem eorum coloniam miserunt.

A.U.C. 9. Quinto, aut sexto anno post pacem cum *Sabinis* factam evenit; ut propinqui quidam *Tatii* legatos *Laurentum*, vel, ut alii, *Lavinienfium* *Romam* proficiscentes spoliaverint. non tantum, sed & necaverint. *Tatius* vero injuriam hanc expostulantibus *Lavinienfibus* satisfacere neglexit; unde ab ipsis inter sacrificia occisus fuit, caedem ejus probante ob facinoris injuriam *Romulo*. Qui ita solus Imperio potitus cum priscis *Latinis* ultro

^a *Liv. I. c. 30.* ^b *Dion. Hal. II. c. 47.* ^c *Id. c. 50.* ^d *Liv. I. 14. Dion. Hal. II. c. 51. seqq.*

tro amicitiam ejus expetentibus foedus junxit : Fidenates qui Romanorum naves diripuerant, subegit, & in Urbem eorum coloniam duci jussit. Mox Camerinos rebellantes fudit; & Urbe eorum capta cives Romam traduxit, bis totidem colonis in locum eorum missis ^a. Anno sequente bellum gessit cum *Vejentibus* ^b Etruriae populo, qui Fidenatium causam ulcisci volebant: & primum quidem praelium anceps fuit; secundo vero victor Romulus ^c magna parte agri Vejentibus adempta pacem in centum annos cum iis pepigit: triumphoque de iis, ut antea de Camerinis fecerat, ducto multis captivorum, qui Romae manere magis, quam in patriam reverti volebant, civitatem dedit.

§. V. Tot rebus egregie gestis ^{§. 5. Romuli finis.} e-latus animo Romulus insolentius se, praecipue adversus Senatum, gere-re coepit ^d, eumque contemnere: ut fere, qui res maximas foris gesserunt, domi insolentiores esse incipiunt; cu-jus rei exempla domestica afferre o-

B 3

dio-

^a Plut. vita Rom. p. m. 33. ^b Liv. I. c. 15.

^c Dion. Hal. II. c. 55. ^d Plut. p. m. 34.

Liv. I. c. 16. Dion. Hal. II. c. 56.

diolus sit. Itaque non diu post subito disparuit. Et constantior fama est, eum dum ad *Capreae* paludem concionem haberet, & ingens subito tempestas coorta esset, dilapsa reliqua multitudine a Senatoribus fuisse discerptum: qui deinde, ut caedis invidiam a se amolirentur, quendam ex suis *Fulium Praeculum* nomine nobilitate & sanctitate clarum subornarunt, qui se Romulum in coelum euntem vidisse sancte dejeraret: eumque iussisse, ut cives sui se *Quirinum* Deum factum colerent a; quod a vulgo avide arreptum est, illique aedes consecrata fuit. Uxor ejus *Herfilia* etiam in Deos relata est, & *Hora* dicta b. Regnavit Romulus annos triginta septem.

A. U. C.
38. Per.
Jul. 3999.
Ante Chr.
716.

CAPUT SECUNDUM.

De Regno Numae.

§. I. Nu-
mae ini-
tium.

§. I. **I**ta sublato Romulo cum inter Romanos & Sabinos contentio orta fuisset ex utra gente Rex in Ro-

a *Ovid. Fast. II. v. 475. sqq.* b *Id. Metam. XIV. v. ult.*

Romuli locum sufficiens esset, primum quidem placuit ^a, ut Senatores in decurias dividerentur, utque decem viris, quibus primis fors obvenisset, summum in Republica Imperium traderetur: non quidem, ut decem simul imperarent; sed quisque quinque dies per vices, quibus diebus cum insignibus Imperii & lictoribus esset: iisque elapsis ea secundo traderet, donec ita quinquaginta dierum spatium transactum esset. Tum sequens decuria eodem modo praeerat, ita ut Imperium in orbem iret. Annum hoc intervallum fuit: id ab re *Interregnum* appellatum. Sed quam modeste hi interreges praeescent ^b tamen Populus minus aeque hanc regiminis formam ferebat: Itaque convenit inter utramque factionem, ut altera Regem ex alterius corpore legeret. Cumque ea lectio veteribus Romanis esset permessa, maluerunt illi regnum Sabino deferre, quam Regem illorum suffragiis accipere Romanum. Ergo Populus iussus a patribus Regem creare, cujus

B 4

^a Liv. I. c. 17. Dion. Hal. II. c. 57. ^b Plut. Numa p. m. 61.

facti patres auctores fierent : quod tam gratum plebi fuit, ut jusserint, *Senatus decerneret, qui Romae regnaret.* Vivebat ea tempestate Curibus Sabinorum oppido virtutis & sapientiae laude inclytus Numa *Pompilius Pompeii* filius eundem cum Urbe natalem habens ^a : eique honoris causa T. Tatius unicam filiam nuptum dederat : At post uxoris mortem in lucis fere sacris, similibusque locis vitam degebat : unde postea rumor fuit ortus eum cum Nympha, sive Dea *Egeria* consuetudinem habuisse. Itaque cum totus studiis & religionibus deditus esset primo regnum oblatum recusavit : sed tandem, cum etiam pater ejus, & *Marcus* propinquus urgerent, accederentque laeta auspicia, re divina facta Romam profectus est, & omnium suffragiis Rex renunciatus. Inito regno statim trecentorum Celerum cohortem exauctoravit ^b in benevolentia civium fiduciam reponens : & omnimodo populum ferocem pacis artibus, & sacrorum plurium institutione a bellis avertere, & ad hu-
ma-

^a *Ibid.* p. 62. ^b *Plut.* p. m. 64.

manitatem & iustitiam mollire paravit. Hinc vulgo creditum est, eum *Pythagoram Crotone* in ultima Italiae ora docentem audivisse: Sed & ipsa Croton quatuor demum annis, postquam regnum accepit Numa, condita fuit: & *Pythagoram Servio Tulio* Romae regnante centum amplius post annos juvenum aemulantium studia coetus habuisse constat ^a. Nisi dicere velimus †, alium quendam ^{† Plut. p. m. 60.} *Pythagoram Spartanum* Numae in regno constituendo consiliorum adiutorem fuisse. Sed fama hinc orta videtur, quod Numae instituta cum *Pythagoraeorum* placitis multa haberent communia ^b: veluti, quod uterque hominis, aut alterius animalis forma Deum effingi vetuerit ^c: & inde Varro ^d dixit antiquos Romanos plus quam annos centum & septuaginta Deos sine simulacro coluisse.

§. II. Ut ergo sacrorum curam su- §. 2. *Gesta*
premam se suscepisse significaret, Pon- *Numae.*
tificum e, qui sacris praecessent, col-

B 5 legio

^a Liv. I. c. 18. ^b Ibid. p. 69. ^c Ib. p. 65.
^d in fragm. p. 46. ed. opt. Durdrecht. ^e Dion.
Hal. II. c. 73.

legio instituto, generum *Numam Marcium*^a eorum Principem fecit *Pontificis Maximi* nomine ornatum. Et sapientissime eosdem viros & sacris & civilibus rebus praefecit, ne praetextu res divinas tuendi homines vel ambitiosi, vel superstitiosi turbas excitarent; quod tot aliis civitatibus perniciosum fuit. Creavit ergo *Flamines*, *Dialem* Jovis Sacerdotem, *Martialem*, & *Quirinalem*. *Virgines Vestae* sex; vel, juxta alios, quatuor, Marti *Gradivo Salio* duodecim legit. *Augures* primum constituit, & *Feciales*, qui foederum curam gererent; & si qua gens Romanos laesisset, bellum ei rite jussu Populi indicerent. Licet tamen juri Feciali formam propriam *Ancus* demum *Marcus* dederit^b. *Fidei*, & *Termino*, quæ numina finxerat, templa statuit^b; ut suos *fidem* colere, & *terminas* agrorum immotos servare doceret: & hos hos quidem sacros esse jussit, ita, ut si quis eos loco movisset, quolibet impune occidi posset^c. Collegia varia artificum formavit, quæ singula

^a Liv. I. c. 32. ^b Plut. Numa p. 70. ^c Dion. Hal. II. c. 74.

la suos coetus & sacra peculiaria haberent : ut ita civitatem quae ex variis gentibus, diversoque hominum genere convenerat, ad concordiam adigeret. Utque anni formam a Romulo incite inductam, meliorem redderet eum ad lunae cursum ordinavit mensibus intercalaribus interpositis, ita ut vigesimo quarto quoque anno ad cursum solis hic annus redigeretur. Idem nefastos dies fastosque fecit a : quia aliquando nihil cum populo agi posse utile futurum erat. His omnibus ita institutis finitimos in magnam verecundiam adduxit, qua civitatem unice in cultum Deorum versam violare nefas ducerent. Et hinc toto regni sui tempore *Fanum clausum* habuit ; quod ex ipsius instituto pacis signum erat b ; ut contra bello exorto statim aperiebatur c. Verum interim, quod paci conveniebat, agriculturae studium maxime Romanis commendavit, agros Romanos finibus terminans d, & in pagos describens e : agri etiam parte, quam Romulus

a Liv. I. c. 19. b Liv. 16. c Vid. Ovid. Fast. I. v. 121. Virg. VII. v. 67. d Dion. Hal. II. c. 74. e Ib. c. 76. Plut. Numa p. 71.

mulus quaesiverat, egenis de plebe viritim divisa ^a gnavos praemiis & honoribus ad labores excitavit, cum inertes ignominia ac poenis castigaret. *Pomoerium*, sive Urbis ambitum *protulisse* a quibusdam dicitur ^b colle Quirinali illi adjecto: sed verius est, eum hunc collem munivisse tantum; cum *capite praec.* jam viderimus, eum post Sabinos in civitatem receptos Urbi fuisse additum: nec ulli postea *pomoerium* proferre licuit, nisi qui etiam fines Imperii protulisset, quod non fecerat Numa.

§. 3. *Leges quas-*
dam Nu-
mae.

§. III. Leges de rebus sacris plurimas tulit, praeter ea instituta quae jam retulimus: sed quas hic recensere operae pretium non fuerit. Addi potius possunt civiles: ut quod *de patrum jure* constituit ^c, *ut contractus dubii & sine testibus facti fide ac iurejurando terminarentur*. De patria potestate, *Ut, si pater filio concesserit ducere uxorem futuram bonorum ac sacrorum juxta leges participem, patri postea nullum jus vendendi filium esset* ^d: qua lege acerbitem legis Romuli cor-
rexit,

^a *Dion. Hal. lb. c. 62.* ^b *Ibid.* ^c *Dion. Hal. II. c. 75. Liv. I. c. 21.* ^d *Plut. l. prox. d.*

rexit, qui omnem verberum vinculorum-
 ue vitae necisque arbitrium & potesta-
 tem, ter insuper venum dandi jus pa-
 tri in suos filios concesserat a. De pa-
 ricidio: si quis hominem liberum dolo
 sciens morti duit, paricida esto b. De
 perduellione: si quis adversus Rempu-
 blicam faciundo Regis magistratusve,
 populive majestatem hostili animo laeserit
 perduellis esto. Poena erat; ut dam-
 nati caput obnuberetur; infelici ar-
 bori recte suspenderetur; cum prius
 vel intra pomoerium, vel extra po-
 moerium verberatus esset c. Hanc
 autem legem Numae tribuo, quod
 videam eam sub Tullo Hostilio fuisse
 exercitam: nec verosimile sit,
 eam tum primum a Populo in caus-
 sa tam favorabili, ac erat *Horatii*
 causa, fuisse latam. Ita optimis le-
 gibus aucta civitate Numa obiit octo-
 genario major; postquam regnasset
 annos quadraginta tres.

a *Dion. Halic. 2. c. 26. sq.* b *Fest. v. Parici.*
 c *Liv. 1. c. 26.*

CAPUT TERTIUM.

A. P. Jul.

4042. A.

C. 673. A.

U. C. 81.

De Tullio Hostilio.

S. I. Tullius
Regis ini-
tia.

Mortuo Numa ad veteres Ro-
manos regnum rediit: nam
Populi jussu Patrum auctoritate a et suf-
fectus est Tullus *Hostilius* nepos ex fi-
lia *Hosti Hostilis* viri insignis qui capta
a Romulo patria sua *Medullia* Ro-
mam migraverat b, & fortiter olim
contra Latinos in infima arce pugna-
verat. Hic Tullus ipso Romulo fe-
rocior fuit c: ubi obiter mirari libet
divinam providentiam, quae, quod
Imperium olim terrarum orbis caput
futurum decrevisset, ita alterna vice
constituit, ut Romulo bellatori suc-
cesserit legifer Numa: huic iterum
bellicosus Tullus: Tullo Ancus pacis
amantior: post quem Tarquinius
Priscus rursus armis validior fuit suc-
cessorem relinquens maximum civilis
ordinis fundatorem Servium Tullium,
ut deinceps sui locis dicemus; & jam
olim satis cum judicio ostendit *Florus*.

S. II.

a *Liv.* I. c. 22. b *Dion. Hal.* III. c. I. c *Liv.*
d. I. *Virg. Aen.* VI. v. 812.

§. II. Tullius autem statim, ut plebem sibi devinciret agrorum regium tenuioribus largitus est. Sed anno regni sexto senescere civitatem otio ratus Janum aperuit a undique bello materiam quaerens; quam facile praebuit Albanorum Dictator *Cluilius* b potentiae Romanorum invidens, eorumque agros latrociniis infestans; siquidem Romanis rerum scriptoribus credere licet: nec possumus hodie judicare utrum jure recesserint a foedere cum Romulo facto, cum ejus verba non essent, quae doceant utrum etiam ad ejus successores pertinuerit: At cum ad arma ventum foret Cluilius mane in tabernaculo violentae coedis indicio mortuus est inventus c. Successit ei *Motius Fuffetius*, qui res Albanorum minus firmas esse sentiens, & praecipue metuens, ne si vires Romani & Albani inter se contrivissent, Fidenates & Veientes victores, quicumque tandem fuissent, aggredierentur d (nam eos conjurasse senserat,) omni studio controversias sine bello dirimere conabatur e. Convenerunt ergo

§. 2. Tullii
res gestae.

a Euseb. Chronic. b Dion. Hal. III. c. 2. c Ib. c. 4. d Ib. c. 6. e Liv. I. c. 23.

ergo ad colloquium Tullus & Fuffetius : & hic quidem omnem injuriarum memoriam abolendam esse censuit : Tullus non hoc tantum, sed ex duabus civitatibus unam facere voluit ^a : Verum cum convenire non possent, utra civitas alteri imperaret, ex sententia Tulli placuit, ut ex paucorum quorundam certamine ea lis dirimeretur ^b. Ferunt autem (nam fides sit penes auctores) forte fortuna in utraque civitate trigeminos fuisse fratres genere, virtute, corporis robore præstantissimos; &, quod maxime mirandum esset, eodem die in lucem editos ^c. *Sequinus* enim fuerat Albanus, qui geminas filias, alteram *Horatio* Romano, alteram Albano *Curatio* (alii *Curatio* legunt ^d) desponderat; quae eodem tempore gravidæ factæ primo partui prolem masculam ediderant, eamque trigeminam. Utrius vero Populi Horatii, utrius Curiatii fuerint non satis constat; nisi quod plures invenerit Livius ^e, qui Romanos *Horatios* vocent; quos etiam
nos

^a *Dion. Hal. L. III. c. 9. sqq.* ^b *Ib. c. 12.*
^c *Ib. c. 14.* ^d *Vid. Cl. Hudson. ad Dion. Halic. c. L. I. c. 24.*

nos sequemur. Hi Regum rogatu certamen in se recipiunt ea lege, ut ibi Imperium foret, unde victoria stetit. Evenit autem, ut duo quidem ex Horatiis caderent, tertius illaesus superesset; Curiatii vero omnes graviter essent faucii: Itaque fuga simulata eos distraxit Horatius; & mox cursu revertens singulos magnis intervallis sequentes interfecit. Ita Tulli imperium agnovit Metius^a. (Sed cum similem omnibus fere circumstantiis de *Pheneatibus* & *Tegeatibus* historiam narret *Plut. Parall. min. p. m. 309.* fit, ut utramque falsam putem.) Horatius vero Curiatorum spolia prae se ferens Urbem est ingressus. Ibi inter primos sororem obviam habuit, quae uni ex Curiatiis desponsa fuerat; auditaque sponsi morte, quasi oestro percita ad portam ferebatur flebiliter nomine sponsum mortuum appellans, fratremque conviciis incessens^b. Non tulit in tanto gaudio publico intempestivum moerorem Horatius; sed stricto gladio simul verbis increpans puellam transfigit: cumque propterea

C in

^a *Ibid.* c. 26.
c. 21.

^b *Dion. Hal.* III.

in jus raptus esset auctore Tullo ad
† *Liv. d. l.* Populum provocavit †, & admiratione magis virtutis quam jure causae absolutus est. Metius vero non diu fidem servavit : Sed pacto transi-
tionis Albanorum Vejentes & Fidenates incitavit ad bellum a : & ipse quidem cum magnis copiis Tullo adfuit ; sed Romanis jam pugnantibus cum suis ad montes recessit b : ut ita ultra pars victa foret , eam invaderet. Tullus id animadvertens clara voce , ita ut etiam hostes exaudire possent, jussu suo id factum edixit , ut ita hostes a tergo quoque circumvenirentur ; atque illos eo metu perculsos feliciter profligare coepit : quo viso etiam Fuffetius pugnae se immiscens multos trucidavit c . Tullus vero noctu Romam profectus Senatui rem omnem aperit : & mox in castra reversus concionem advocat d , Albanis propius tribunal stare jussis , iisque Romanos arma sub vestibus habentes circumdedit. Ibi scelus Metii declaravit , eumque statim quadrigis il-
ligatum illisque in diversa raptatis
discerp-

a *Liv. l. c. 27.*b *Dion. Hal. l. III. c. 24.*c *Ib. c. 26.*d *Ib. c. 27. sqq.*

discerpſit a. Interim jam M. Horatius Regis juffu, Alba exceptis templis diruta b, cives Romam traduxit, quibus loca ad habitandum ſunt adſignata, ac primores eorum in Senatum adſciti: quod ingens rurfus Urbis incrementum fuit: & Coelius mons tunc Urbi eſt additus; eumque ipſe Tullus, quo frequentius habitaretur, ſedem regno cepit c. Deleta eſt Alba anno 487. poſtquam fuit condita. Anno ſequentē Fidenas, quae defe- A. U. C. cerant, Romani ceperunt; & punitis 90. defectionis auctoribus reſtituit d in priſtinum ſtatum Tullus. Inde, victis Sabinis e, (non enim omnes cum Tatio Romam tranſlati fuerant) qui viros quosdam nobiles ad mercatum *Feroniam* proficiſcentes pecuniis ſpoliaverant, Saliorum numerum ex voto duplicavit & tertium triumphum egit; licet mox adhuc rebellaverint f, & adhuc victi ſint. Interea etiam cum Latinis, qui poſt Albam everſam Romanorum imperio cedere nolebant, bellum per quinquennium

C 2

maxi-

a *Virg. Aen. VIII. v. 642.* b *Liv. I. c. 29.*

c *Ib. c. 30.* d *Dion. H. III. c. 31.* e *Ib. c. 32.* f *Ib. c. 33.*

maximis populationibus gestum pace tandem facta sopitum est.

§. 3. *Tulli mors.*

§. III. His rebus gestis tradunt Tullum, cum pestilentia laboraretur, sacra quaedam Jovi *Elicio* minus rite fecisse; (Plutarchus a dicit, eum religionem Numae ludibrio habuisse: & ex aliis exemplis constat, Deum etiam Ethnicorum erga Deos suos impietatem severe puniisse; cum non ex cultus melioris notitia, sed ex animo prae fracte impio eos contemnerent) atque ita fulmine ictum cum ipsa domo conflagrasset b, cum triginta duorum annorum spatio Rempublicam fortiter gessisset. Sed tamen verius videtur, haec ad sedandos plebis animos conficta fuisse; eumque, cum aegrotaret, ab Anco Marcio, vel ministris ejus fuisse occisum; qui, ut caedem occultarent, regiam simul incenderint.

a p. m. 75. b Liv. I. c. 31.

CAPUT QUARTUM.

*De Anco Marcio.**A. P. Jul.**4074. A.**C. 641. U.**C. 113*

§. I. **C**erte Ancus Marcius Numae *§. I. Anci initium.* Regis ex filia nepos ^a, interrege comitia habente, a Populo Rex creatus est, Patribus ejus rei auctoribus factis ^b. Hic Numae avo, quam Tullo similior sacra intermissa restauravit. Fecialibus a Numa institutis formam juris, quo uterentur, constituit: quam Livii locus in margine citatus refert. Cum autem in ea formula senatus tantum & populi mentio fiat, regis nulla, patet penes illos, non penes regem, ipsam fuisse supremam potestatem. Sed, licet avi exemplo pacem colere statuisset, tamen contra Latinos, qui eum ut imbellem contemnebant, bellum gerere coactus *Politorium* urbem ipsis ademit ^c, civesque Romam traduxit: & cum Latini urbem vacuum rursus occupassent, eam receptam delevit non tantum; sed etiam *Tellenem* ipsis

C. 3 eri-

^a *Plut. Numa p. m. 74.* ^b *Liv. I. c. 32.*^c *Dion. Hal. III. c. 37.*

eripuit, Medulliamque, quam ceperant, recuperavit: earum urbium civibus sedes in Aventino & valle *Murcia* concessit a. *Ficanae* etiam urbis b cives Romae habitare iussit: &, cum Latini earum urbem insedisent, denuo contra eam ducere, & demoliri eam coactus est. Tum Fidenatium jam rursus rebellium urbem cuniculis actis cepit c; & defectionis auctores supplicio affecit. Inde in Sabinos, qui etiam defecerant, exercitum duxit: iisque victis pacem dedit. Sylvam *Maesiam* Veientibus ademit: atque ita Imperium Romanum ad mare usque propagavit, colonia ad ostia Tiberis deducta, quae & ipsa *Ostia* dicta est; quia tanquam *ostio* Urbis Romae naves intrando & exeundo eo portu utebantur d. Et haec colonia postea velut emporium & horreum Urbis Romae fuit, fere ut hodie *Sivilla* Hispaniae illa nobilissima urbs *Gadibus* (*Cadix*) pro-emporio utitur; & *Florentia* Italiae portu *Livorno*. *Vulscas* quoque victos in a-

mi-

a Liv. I. c. 33. b Dion. Hal. III. c. 38. Vid. Sigon, ad d. Liv. I. c. Dion. Hal. III. c. 40. d Ib. c. 44. Flor. I. 4.

micitiam recepit. *Faniculum* montem trans Tiberim in agro Etrusco, ne quando arx hostium esset a, muniit; & ponte sublicio urbi junxit b. Obiit Ancus Rex cum regnasset annos viginti quatuor.

CAPUT QUINTUM.

*De Tarquinio Prisco Quinto Romano-
rum Rege.*

A. P. Jul.

4098. A.

C. 617. U.

C. 137.

§. I. **D**emaratus Corinthius ex nobili Bacchiadarum gente oriundus mercatura ingentes opes sibi quaesiverat: sed civilibus contentionibus Cypselo inferior Tarquinius in Etruria Urbem iverat habitatum. Ejus filius Lucumo, cum a Tarquinienfibus c, quod peregrinus esset, contemneretur, sub Marcio Rege Romam commigravit Lucii Tarquinii nomine pro Lucumone assumpto, ut moribus Romanis (quibus solemne erat praenomine uti) gaudere se primo statim adventu ostenderet. Romae degens fortitudine, prudentia, comitate ac liberalitate omnium animos sibi conciliavit, &

§. I. Ori-

go Tarqui-

nii.

C 4

ia

a Liv. I. c. 33. b Dion. Hal. III. c. 45.

c Ib. c. 47.

in amicitiam Anci Regis interiorem admissus est; ita ut a Rege etiam liberis suis tutor constitueretur ^a. Exemplo sane ancipiti, si homini ambitioso, & quidem soli, liberorum regionum tutela committatur, ut rei eventus docuit. Nam plus apud Tarquinium regnandi cupido, quam acceptorum ab Anco beneficiorum memoria valuit. Ergo comitiis regi creando indictis sub tempus ^b pueros venatum ablegat; & primus ambitiose regnum petiit: atque cum ingenti consensu Populus Romanus regnare jussit.

§. 2. Ordines a Tarquinio aucti.

§. II. Ut autem regnum sibi firmaret centum ex honestioribus civibus in patres legit, factionem haud dubiam Regis, cujus beneficio in Curiam venerant: quae artes hodieque Principibus ignotae non sunt. Unicum tantum exemplum in re satis nota allegabimus *Florentii, quinti* eo nomine *Hollandiae Comit*is, qui si credimus veteri nostro *Chronico Hollandiae Divis. XIX. c. 21.* quadraginta ex honestioribus agricolis in nobilium ordinem legit, quibus adjutoribus horum potent

^a Liv. I. c. 34. ^b Ib. c. 35.

tentiam, quam aegre ferebat, minueret. Et nuper admodum in vicino regno similia, nec isti genti insueta, accidisse meminimus: quae hic memoranda non sunt, non magis quam quod haud ita pridem similis rei in patria nostra evenit. Nec Senatorium tantum ordinem auxit, sed etiam Equestrem numero pristino alterum tantum adjiciens ^a, cum orto adversus Sabinos bello equitem maxime suis viribus deesse caussaretur.

§. III. Ita victis Sabinis, & mox ^{§. 3. Bella ab eo gesta.} etiam Latinis, his *Collatiam* urbem ademit; eique *Aruntem*. Tarquinius fratris filium (fratrem facit Livius *L. 1. c. 34.*) praeposuit; qui inde *Collatinus* dictus ^b nomen illud ad posteros propagavit. Et saepius adhuc cum Latinis, Sabinisque pugnavit: sed maximum bellum, & per novem quidem annos continuatum cum Etruscis gessit; ita ut excusari nequeat Livius, qui ne quidem belli cum iis gesti mentionem facit. Dionysius vero Halicarnassensis ^c nos docet, eum modestissime victoria usum fuisse, ita

C 5 ut

^a Liv. 1. c. 36. ^b Dion. Hal. III. c. 59.
^c Ib. c. 60.

ut nec praesidia , nec tributa victis imposuerit : Verum suo jure uti, & pristinam civitatis formam retinere permiserit. Victi Etrusci Tarquinio etiam Imperii insignia , quibus ipsi suos Reges ornare solebant , tradiderunt a , coronam auream , sellam eburneam , sceptrum in summitate aquilam habens , togam pictam , tunicamque palmatam ; tum duodecim lictores cum virgarum fascibus & securibus pro numero duodecim Etruriae oppidorum , quae singulos Regi suo mittere consueverant b . Addit *Sex. Aurelius Victor* libello de *Viris illustribus Urbis Romae* , Tarquinium filium suum tredecim annorum , quod in praelio hostem percussisset , praetexta & bulla aurea donasse c : unde haec ingenuorum puerorum insignia esse coeperint , quae hic auctor ex antiquioribus haussisse potuit . Et haec fere bello gessit .

§. 4. *Civiles Tarquinii res.*

§. IV. Quod civilem vero statum attinet , praeter auctum ordinem Senatorium & Equestrem , de quo jam diximus , duas etiam Virgines Vestales

a *Ibid.* c. 61. b *Flor.* I. 5. c *Fasti Juv.* V. 164.

les quatuor a Numa captis adjecit, juxta Dionysium quidem ^a; qui numerus ad finem Imperii usque servatus fuit. Forum exstruxit, & muros ex ingentibus lapidibus. Infima Urbis loca *cloacis* in Tiberim ductis siccavit; quas operum maximum vocat Plinius *Hist. Nat.* xxxvi. 15. & quas Dionysius Halicarnassensis in tribus magnificentissimis operibus, unde maxime Imperii Romani amplitudo apparuerit, numerat, addens *Vias stratas*, & *aquae ductus*. Circum Maximum ad spectulorum usum aedificavit ^b, quod bello Sabino voverat, Jovi, Junoni & Minervae; quod sub Consulibus demum absolutum, vel certe dedicatum fuit.

§. V. Cum ita summo Reipublicae ^{§. 5. Tar-} incremento annos triginta octo reg- ^{quinii fi-} nasset Tarquinus, vixisset octuaginta, ^{nis.} insidiis filiorum Anci Marcii in regia sua interfectus fuit ^c. Nam hi, cum sperassent mortuo Tarquinio regnum ad se reditum esse, quod filii ejus etiamnum essent impuberes postquam Servio Tullio (de quo mox plura erunt

^a *Dion. Hal.* III. c. 68. ^b *Ib.* c. 69. *Liv.* I. c. 38. ^c *Dion. Hal.* III. c. 73.

runt dicenda) filiam Tarquinii nup-
fisse vident, eumque jam regno inhia-
re, abjecta omni spe, Regem obtrun-
care statuunt. Ergo ex pastoribus
duos ferocissimos deligunt, qui cum
ferramentis, quibus in opere faciun-
do uti consueverant, in Urbem pro-
fecti in ipso regiae vestibulo specie-
rixae apparitores in se convertunt: in-
de vocati ad Regem pergunt; (nam
ipsi Reges ea aetate causas audiebant,
& judicabant, quod vel ex *Salomonis*
exemplo constat) & dum in alterum
eorum intentus Rex se totum aver-
teret, alter elatam securim in caput
ejus dejecit: atque ita Rege caeso
faciente Regina Tullius regnum ob-
tinuit, ut capite sequente narrabimus.
Liberi Anci, cum frustra se fuisse
animadverterent *Suessam Pometiam* ex-
ulatum iverunt. ^a Cur autem non
potius Servium Tullium interfecerint
haec causa fuisse videtur, quod spe-
raverint, se, Rege interfecto, faci-
le illum peregrinum ejecturos esse;
sed favens rebus Romanis Providentia
aliter jussit. Hic autem Tarquinius
ab Historicis *Priscus* est dictus; non
quod

^a Liv. I. l. 41.

quod ipsi viventi hoc nomen datum fuerit; sed, ut a Tarquinio nepote, cui *Superbo* cognomen fuit a posteris inditum, distingueretur; sicut aliis etiam exemplis additis, jam in *Compendio nostro Antiquitatum* diximus *Seet. II. cap. 2. §. 1.*

CAPUT SEXTUM.

De Servio Tullio Sexto Rom. Rege.

A. Per.
Jul. 4136.
A. C. 579.
U. C. 175.

§. I. **I**nter oppida a Tarquinio cap-
ta etiam fuit Corniculum La-
tii urbs; ubi inter captivas nobilem
quandam matronam *Ocrisiam* nomi-
ne, quae uterum ferebat, nactus eam
uxori suae dono dedit, cum maritus
illius matronae in ipsa urbis expugna-
tione esset interfectus a. Haec pue-
rum peperit, qui paterno quidem no-
mine *Tullius*; quod vero ex matre
natus esset, *Servius* cognomine dictus
fuisse fertur; nisi potius hoc nomen
habuerit, quod ex patriae interitu
Servatus esset: nam & Livius b pu-
tat, eam ob nobilitatem a Regina
Romanorum servitio prohibitam in
Prisci

§. I. *Origo*
Servii Tul-
lij.

a *Dion. Hal. IV. c. 1.* b *L. I. c. 39.*

Prisci Tarquinii domo partum edidisse. Hic cum a pueritia usque & bello & pace egregius videretur ^a, dignus habitus est, qui ducta Tarquinii filia Rempublicam minus jam per aetatem valente Tarquinio administraret.

§. 2. Quo-
modo reg-
num obti-
nerit.

§. II. Caeso autem Tarquinio *Ta-
naquil* ejus uxor morte Regis dissi-
mulata Servium, qui vicem Regis
Rempublicam obiret, dum vulnus Re-
gi inflictum curaretur, Populo com-
mendat: & ille mox opibus suis fir-
matis mortem Regis patefecit; & pri-
mus injussu Populi, voluntate Sena-
tus regnavit ^b. Nam, cum primo
quidem minus legitimum Senatui vi-
sum esset, ^c quod ita regni admini-
strationem sumpisset Tullius, hic ple-
bis favorem sibi captandum statuit: &
oratione in eum finem ad Populum
habita omnium favorem sibi concilia-
vit ^d: (licet tamen pupillorum rem
se agere simularet.) Atque inde ple-
bis aes alienum omne dissolvit mensis
in foro positis. ^e Agrum publicum,
quem

^a *Dion. Hal.* IV. c. 3. ^b *Liv.* I. c. 41. *Dion.*
Hal. IV. c. 40. ^c *Dion. Hal.* IV. c. 8. 10.
^d *Dion. Halic. Ib.* c. 12. ^e *Ib.* c. 10.

quem potentiores possidebant, egenis civibus distribuendum decrevit: quo consilio plures postea usos videbimus, qui nimiam plebis gratiam captarent. Leges Romuli & Numae vetustate jam neglectas in usum revocavit, iisque alias ipse addidit, quarum praecipuas hoc loco recensere non inutile fuerit: licet non putem, eas omnes statim initio regni ab eo fuisse latas.

§. II. Et de lege quidem, quam de *censu* tulit, mox dicemus. De patria potestate legem Servii ita refert Festus voce *plorare*, ut quidem a Scalligero emendatur: *Sei parentem puer verberit, ast oloe plorassint*, (ita lege; non *plorassint*; licet ita etiam habeat editio A. 1593. quae hactenus optima est: nam veteres consonas in medio vocis non geminabant) *puer diveis parentum sacer esto. Sei nurus, Sacra diveis parentum esto*. Alias ejus leges sermone non ita casto referemus. De ibertinorum civitate tulit a, „ ut „ servi a civibus manumissi in tribus „ urbanas, & jus civitatis, si vellent, „ adsciscerentur; libertinique ad omnia

§. 3. *Leges a Servio latae.*

„ nia plebejorum civium munia ad-
 „ mitterentur. Nam & hic vir pru-
 dens noverat, nihil Reipublicae esse
 utilius^a, quam multitudinem civium.
 De fœnore: „ ne quis propter fœ-
 „ nus debitum in vincula duceretur^b:
 „ neve fœeneratoribus jus esset in libe-
 „ ra corpora, sed debitoris contenti
 „ essent facultatibus., De judiciis^c:
 „ ut ipse quidem de criminibus ad
 „ Rempublicam pertinentibus cog-
 „ nosceret: privatas causas privati ju-
 „ dices juxta leges a se latas judica-
 „ rent., Leges præterea quinquaginta de contractibus & injuriis tu-
 lerat^d, quas hic recensere non pos-

§. 4. *Ulte-* sumus.

*rior rerum
Tullii nar-
ratio.*

§. IV. Cum ita jam legibus Rem-
 publicam constituisset rumores sparsit,
 quasi patricii sibi insidiarentur, &
 sordidatus cum suis in concionem ad-
 scendit, Reipublicae administrationem
 deponere se velle simulans^e: at cum
 omnes eum precarentur^f, ut Reipu-
 blicae gubernacula retinere vellet, in-
 dictis statim comitiis Populi suffra-
 giis,

^a *Ibid.* c. 24. ^b *Ibid.* c. 9. ^c *Ibid.* c. 25.

^d *Dion. Hal.* IV. c. 13. ^e *Ib.* c. 11. ^f *Ib.*
c. 12.

giis, nequicquam renitente Senatu regnum obtinuit, licet Livius a narret Servium, cum audiret, interdum jactari voces, quasi injussu Populi regnaret, conciliata prius voluntate plebis, agro capto ex hostibus viritim diviso, tum demum ad Populum ferre fuisse ausum, *Vellent, juberentne se regnare?* Atque ita tanto consensu, quanto haud quisquam alius ante Rex, esse declaratum: quae non multum a jam dictis discrepant. Tanaquil autem Tullium nepotibus suis praetulit, quod hi aetate nondum firma essent; & quod sibi ab Anci filiis etiam porro metueret. Nam *Aruntem & Lucium Tarquinius* Prisci nepotes, non filios, fuisse multis argumentis probat Dionysius *L. IV. c. 6.* quae apud eum videri possunt.

Ut porro opes suas firmaret Tullius duas, quas habebat, filias juvenibus regiis Arunti & Lucio junxit, miro quodam & prudenti consilio usus; quod tamen successu caruit. Cum nempe dissimillimae indolis puellae essent, juniorem improbam & ferocem Arunti, qui major erat, & vir probus,

bus, majorem vero modestam & probam Lucio atrocis ingenii viro collocavit. Sed cum nec modestus immodestam, nec impius piam amare posset, convenit inter Lucium & *Tabuliam minorem*, ut ille uxorem, haec maritum necaret: quo facinore peracto scelestissimas nuptias superstitibus contraxerunt a: Verum haec evenerunt serius.

§. 3. *Res
bellicae
Servii*

§. II. Bellum toto regni tempore unicum tantum gessit, nempe cum Etruscis: sed hoc vicennale: quod juxta Dionysium Halicarnassensem b trium triumphorum ipsi materiam praebuit; licet *Tabulae fastorum Capitolinae* quatuor indicare videantur. Initium belli fuit a Vejentibus, qui occiso Tarquinio foedus cessare interpretati, & obscuritatem Tullii spernentes initium defectionis fecerunt: hisque postea *Caeretani* ac Tarquinien-
ses, ac mox tota Etruria accesserunt. Sed variis cladibus domita tandem Romanorum principatum, ut antea, agnovit: & non aliis, nec gravi-
bus legibus, quam quas ei praescripserat Tarquinius, veniam obtinuit:
nisi

a *Ibid.* c. 46. b *L. IV. c. 27.*

nisi quod tres civitates, a quibus bellum coeptum fuerat, agro adempto multavit: quem divisit iis, qui novissime in civitatem Romanam recepti fuerant.

§. 4. At pacis opera a Servio edita §. 4. *Pa-*
omnium praecedentium Regum gloria *cis opera.*
superant. Nam ut mittam, *Vi-*
minalem & *Esquilinum* collem Urbi ad-
ditos, quibus septem collium, quos
Urbs amplectebatur, numerus exple-
tus est a, Urbe universa in quatuor
partes divisa quatuor Tribus *urbanas*
instituit. Agrum vero Romanum
itidem in quindecim partes divisit, un-
de tribuum rusticarum appellatio orta
est. Alii in numero tribuum variant,
& multum dissentit Dionysius Hali-
carnassensis b. Sed verior videtur o-
pinio, quam secutus sum; quae Si-
gonii c est & *Gruchii* d, & aliorum.
Singulis tribubus praefectos quosdam,
& sacra pecuniaria constituit e. Tum
rationem iniit, qua omnium civium
numerus, aetatem & censum brevi
& perspicuo & certo cognoscere pos-
set,

D 2

a *Ibid.* c. 13. *sqq.* b *L. IV. c. 15.* c *De Ant. jur. civ. R. L. I. c. 3.* d *De comitiis Rom. II. c. 1.* e *Dion. Hal. d. 1.*

HISTORIA

et, ut ita semper occurrentibus
 scire liceret, cui &
 vires Reipublicae suffec-
 Ergo iussit, ut omnes civi-
 tra, sive extra Urbem,
 bona sua jurati *conferent*, in
limarent: quod qua ratio-
 ceret exemplo ex praedio
 umpto ostendit *Ulpianus l.*
consibus, Hunc censum, ac
 mina & numerum uxorum
 rum servorum ac libertorum,
 liberorumque aetatem, item
 in locum indicarent: qui fecer-
 ent, eorum bona publicarentur
 sique virgis caesi venundarentur,
 quam qui se ipsos libertate in-
 iudicassent. Inde omnes civi-
 tatione census in sex Classes distr-
 quae rursus in Centurias erant.
 ac, ut ex tabula hic iuncta pe-
 potest. Et licet jam in *nastro*
Augustum Rom. Compendio Sect. I.
 7. §. 2. causas hujus instituti na-
 erimus operae tamen pretium fu-
 paulo latius hic ea repetere, cum
 gregium plane & solidum Reipub-
 ae firmamentum hoc institutum fu-
 t. Prima igitur causa fuit, ut

ROBATIONE CENNI

XXX

Quoniam ad hoc
est, ut per
hoc, ut per
hoc, ut per
hoc, ut per

XX

rum X.

XX

rum X.

XX

rum X.

Indicium

Exo Dio.

na.

XXX

rum X.

et de

huc

una

cliam-

erit qui

trahu.

set, ut ita semper occurrentibus rebus scire liceret, cui & quantae rei vires Reipublicae suffecturae essent. Ergo iussit, ut omnes cives, sive intra, sive extra Urbem habitarent, bona sua iurati *censerent*, hoc est, *aestimarent*: quod qua ratione fieri deberet exemplo ex praedio rustico desumpto ostendit *Ulpianus l. 4. ff. de censibus*. Hunc censum, ac simul nomina & numerum uxorum, liberorum servorum ac libertorum, & suam liberorumque aetatem, item domicilii locum indicarent: qui secus fecissent, eorum bona publicarentur, ipsique virgis caesi venundarentur, tanquam qui se ipsos libertate indignos iudicassent. Inde omnes cives pro ratione census in sex Classes distribuit, quae rursus in Centurias erant divisaе, ut ex tabula hic juncta perspicitur potest. Et licet jam in *nastro Antiquitatum Rom. Compendio Sect. I. cap. 7. §. 2.* causas hujus instituti narra- verimus operae tamen pretium fuerit paulo latius hic ea repetere, cum egregium plane & solidum Reipublicae firmamentum hoc institutum fuerit. Prima igitur causa fuit, ut in
fe.

PRO RATIONE CENSUS

LXXX.

juniorum
 18 Equi:
 Duæ fabro:
 m.

*Seniores ad Urbis
 Custodiam præsto esse
 Juniores foris bella
 gerere debebant.*

XX.

orum X.

XX.

orum X.

XX.

orum X.
 tibicinum
 xta Dio.
 n.

XXX.

orum X.
 n et ac
 huic

una

etiam
 e censi qui
 et tribu

ferendis suffragiis omnis fere Reipublicae potestas penes ditiores esset: cum enim in comitiis centuriatis a Tullio hac occasione institutis Populus per classium centurias divisus suffragia ferret ita ut, quod plures centuriae jussissent, id ratum haberetur, & ditissimorum civium centuriae essent centum, reliquorum autem omnium tantum nonaginta tres, manifestum est adversus illorum consensum reliquas classes nihil potuisse a: cujus rei luculentum exemplum est apud *Dion. Halic. L. X. c. 17*. Altera causa fuit, ut etiam simul tributorum onera maxime in ditissimos inclinarentur; cum non amplius per capita, ut antea, (cum tenuissimae res Romanae, & omnium fere divitiae aequales fuissent) sed pro ratione census tributum penderetur. Tertia causa erat, ut etiam militiae gerendae onus in eosdem derivaretur b: quod tamen simul etiam potentiam eorum, cum assidue in armis essent, mirum in modum auxit. Nam cum decem, exempli gratia; vel viginti millibus militum

D 3

opus

a *Vid. omn. Dion. Hal. vii. c. 59.* b *Id. iv. 19.*

opus esset, quamque centuriam jubebat militum numerum pro rata parte supeditare: cum vero illi quorum maximus esset census, pauciores essent, iique in plures centurias divisi sine ulla fere intermissione militabant & pecuniae longe majorem summam, quam alii, conferebant: quos etiam strenue magis se gessisse, quam tenuiores probabile est, cum eorum plus interesset Remp. esse salvam. Illi vero, quorum minores erant facultates, raro tantum, & per vices militabant; & quinta classis non nisi extra ordinem, & inter velites. Sexta vero plane a militia immunis erat. Et hinc etiam, quanquam omnis Reipublicae potestas revera penes solos ditiores esset tamen, pauperiores id non aegre ferebant, quia illi etiam omnia fere onera ferebant: & praeterea cum & ipsi quoque viritim aliquando in suis centuriis rogarentur, non plane Reip. gerendae expertes esse videbantur: quemadmodum saepe talibus artibus plebs infima deludi solet & potest. Itaque quamdiu Respublica *salva*, hoc est, *libera* fuit, etiam haec instituta salva fuerunt.

Cum

Cum hunc Censum ita peregisset Tullius sacrificiis quibusdam peractis Populum *lustravit*, hoc est *expiavit*: nam *lustrum* primaria significatione *expiationem* notavit a verbo *λύω*, quod non tantum *solvere* notat, sed etiam *expio*: idque etymon verius videtur, quam Varronis, quod olim secutus eram ^a. Sed, quia hoc ordinario quinto quoque anno fiebat, *lustrum* etiam *tempus quinquennale* significare coepit. Et quater quidem ipse Tullius *lustrum condidit* ^b. Censa fuerunt primo lustro octoginta quatuor milia civium, & septingenti. Vid. Sigon. de Ant. jur. Civ. Rom. L. 1. c. 14. Tum ad exemplum *Amphietyonum*, aliorumque Graecorum, omnium civitatum Latini nominis conventum ^c, sive *panegyris* mavis, instituit ad templum *Dianae* sacrificiis, ludis & mercatu celebrandum: qua ratione tacitam Latinis confessionem exprimebat *Romam Latii caput esse* ^d; quod postea quoque simili quadam ratione fecit ejus successor.

§. 5. Finis Servii Tullii.

D 4

§. V.

^a *Comp. Ant. S. 1. c. 7. §. 3.* ^b *Val. Max. L. III. c. 4. ex. 3.* ^c *Dion. Hal. IV. c. 26.* ^d *Liv. I. c. 45.*

§. V. Cum ita per annos quadraginta quatuor summa prudentiae gloria regnasset Servius suorum denique scelere periit. Tullia enim, quam nefariis nuptiis Tarquinio junctam vidimus, maritum incitare non destitit, ut avitum sibi regnum recuperare vellet. Et primo quidem in Senatu gener adversus focerum causam egit ^a, Tarquinio regnum, paternum quippe, sibi asserente, Tullio vero Populi eam dispensationem esse probante, ejusque restitutionem Populo offerente ^b, *penes quem, dicente natura, summum rerum arbitrium esse constat*. Mox in concionem progressus Tullius etiam Populo causam suam probavit ^c; ita ut Tarquinius cum suis ocius se domum proriperet; & paulo post simulata poenitentia cum socero in gratiam rediret. Verum brevi admodum elapso temporis spatio captata occasione, quod pleraque plebs ad messem faciendam in agris esset, regio habitu inductus Patres convocat, quorum plerique minus aequi Tullio erant, quod olim invito Senatu regnum

^a *Dion. Hal. iv. c. 31. sqq.* ^b *Ibid. c. 36.*
^c *Ib. c. 37.*

num obtinuiſſet: & ibi in Senatu contra ſocerum orationem habuit. Tullius hoc nuncio excitus in curiam properat: at Tarquinius multo & ætate, & viribus valentior medium Servium arripit: elatumque e Curia in inferiorem partem per gradus dejicit: Ita ut graviter afflictuſ domum ſe reciperet. Inde narrant a, Tulliam carpento in forum vectam primam maritum Regem ſalutaſſe, & monuiſſe, ut percufforibus miſſis ſtatim Tullium e medio tolleret: ipſamque furiis ſororis ac viri agitatam mox, cum ſdomum reverteretur per ipſum patris corpus, quod trucidatum in via publica jacebat, invito auriga carpentum egiſſe. Vico inde *Scele-rato* nomen fuiſſe factum.

CAPUT SEPTIMUM.

De Tarquinio Superbo.

*A. Per.
Jul. 4180.
A. C. 555.
U. C. 219.*

§. I. **I**ta Tarquinius, cui poſteri ex §. I. *Artes*
moribus *Superbi* cognomen *Tarquinii*
indiderunt, regnavit injuſſu Populi, *ad obti-*
neque Patribus aucto-ribus b. Eum *nendam,*
Prisci Nepotem fuiſſe, non Filium, *& firman-*
dam *ty-*
D 5 Dio- *rannidem.*

a *Ibid. c. 39. Liv. I. c. 48.* b *Liv. I. 49.*

Dionysium & alios secuti capite praecedenti diximus. Verum quidem est ex fragmentis *Tabularum Capitolinarum* apparere, auctorem eorum statuisse, eum Prisci fuisse filium: Sed potius, eum in re antiquissima cespitate crediderim, quam ut manus nondem argumentis invictis, quibus illud, quod dixit, firmat Dionysius. Hic statim regnum, quod invitis omnibus bonis arripuerat ^a, in manifestam tyrannidem vertit satellitio audacissimorum hominum sibi adscito: Mox illustrissimos quosque falsorum criminum damnatos alios morte, alios exilio multavit; ex bonis eorum exiguum quandam portionem delatoribus tribuens, reliquis sibi assertis. Multi etiam sponte, antequam iniquis judiciis oppressi rei peragerentur, urbem tyranno reliquerunt. Senatus numerum praecipue imminuit, statuitque nullos in patres legere, quo paucitate ipsa ordo contemptior esset. Nam tam augusta procerum consilia tyrannis semper exosa sunt: unde etiam *Augustus* Imperator, specie quidem, ut molestiam ordinis Senatorii levaret, sed

^a *Dion. Hal. IV. c. 41.*

sed revera , quia non conducebat ei, qui vim patriae suae intulerat , frequenter adeo Senatum convenire statuit , ut mense *Septembri* & *Octobri* non alii in Senatum venire cogerentur, quam per quorum numerum Senatusconsultum confici posset^a. Quin qui nimiam potentiam quaerunt, Concilia illa fere abolere conantur; quod in *Anglia* haud ita pridem tentarunt *Carolus* uterque & *Jacobus*; in Francia perfecerunt Reges , initio a *Ludovico XI.* facto , qui semel tantum , nempe A. C. 1470. ordines regni sui convocavit. Imo *Cominaeus L. V. c. 18.* testatur, majestatis crimen fuisse habitum , si de convocandis ordinibus Franciae quis loqueretur. Ita Tarquinius domesticis potius consiliis usus est^b, quam ut more a majoribus tradito Senatum convocaret; plane quemadmodum etiam Augustus sibi talia consilia est sortitus^c. Inde leges a Tullio latas^d, & tributorum ordinem ab ipso institutum sustulit; coetus civium abolevit; delatores , qui vere inter adversa temporum

^a *Suet. Aug. c. 35.* ^b *Liv. l. d. Dion. Hal. IV. 41.* ^c *Suet. l. d.* ^d *Dion. Hal. IV. c. 43.*

porum censerī possunt ^a, passim constituit; & plebem urbanam ingen-
tium operum exstructione exhaustit ^b.
Bellum, pacem, foedera per se ipse,
cum quibus voluit, injussu Populi, ac
Senatus fecit, diremitque. Eos quos
sibi fideles & ad bellicos usus idoneos
putavit, ab operibus urbanis immunes
esse iussit; & luculenta praedae ex
hostibus captae parte auxit ^c. Utque
externis quoque opibus tutior esset,
cum Latinis hospitia & affinitates
junxit, *Octavo Mamilio*, qui Latino-
rum ea aetate facile princeps erat, ge-
nero sibi adscito. Priscum quoque
foedus cum iisdem a Tullo Rege fa-
ctum renovat ^d, conventu in lucum
Ferentinum indicto ^e. Ad quem cum
ipse Tarquinius die dicto non venis-
set interea *Turnus Herdonius Aricino-
rum* princeps Mamiliī aemulus acer-
ba oratione in eum, ejusque super-
biam est invectus. Imo postridie Tar-
quinio jam praesente multis verbis sua-
sit, ne Latini Romanorum imperio
cederent. Tarquinius die secuturo
ejus

^a *Suet. Tito c. 8.* ^b *Dion. Hal. IV. c. 44.*

^c *Dion. Hal. IV. 44. 50.* ^d *Liv. I. c. 52.*

^e *Dion. Hal. IV. c. 45.*

ejus orationi responsurus ^a, interim curavit, ut per servos Turni corruptos noctu magna vis armorum in ejus diversorium inferretur: ipse vero luce orta in concione infidias a Turno Latinorum praecipuis structas fuisse dixit, simul hortatus, ut mitterent qui hospitium scrutarentur. Nec ipse Turnus infidiarum ignarus id abnuvit: Sed armis ibi inventis ille quidem necatus est, Tarquinius vero totius Latini nominis Princeps creatus fuit. Ad eandem mox societatem *Hernicos*, & quosdam ex *Volscis* pellexit: &, ut singulis annis indicente Romanorum Rege omnes Latii populi in monte Albano sacrificium commune & epulas celebrarent (quae *Feriae Latinae* sunt dictae) constituit: qua ratione Romam Latii caput esse declaravit; ut jam antea etiam Tullius fecerat.

§. II. Ita firmata potentia Sueffam Pometiam Volscorum Urbem cum optima praeda cepit ^b: atque ex istis manubiis postea templum magnificentissimum, quod jam Priscus inchoaverat, Jovi, Junoni & Minervae struxit; quod *Capitolium* dictum est; non

§. 2. *Bella ab hoc Rege gesta.*

^a *Ibid.* c. 47. ^b *Dion. Hal.* IV. c. 50.

non a *capite Toli* cujusdam ibi re-
 to, ut quidam nugati sunt ^a; sed me-
 ra productione vocis *caput*; quia arx
 veneranda, & Templum Romani Im-
 perii Sanctissimum & *praecipuum* ha-
 bebatur. Et falsam esse eam, quam
 argui, nominis originem etiam inde
 patet, quod & aliis urbibus *Capitolia*
sua fuerunt, ut *Capuae* ^b, *Beneventi* ^c,
Tolosae ^d, & alibi. Inde Sabinorum
 duobus exercitibus intra brevissimum
 tempus deletis eos in fidem recepit ^e.
 Post gravius bellum cum Gabinis est
 ortum: quod cum ancipiti eventu ge-
 reretur, & de ejus successu anxius es-
 set Tarquinius *Sexti* filii sui opera ur-
 be potitus est ^f. Hic enim consilio
 cum patre communicato ad Gabinos
 transfugit, palam a patre virgis cae-
 sus & maximis contumeliis affectus;
 & multiis aliis, qui se Tarquinii saevi-
 tiam fugere simularent, secum addu-
 ctis. Cum his de compacto ex agro
 Romano insignes praedas agebat. Pro-
 pter quae a Gabinis summae rei publi-
 cae

^a *Arnob. adv. gent. L. vi.* ^b *Suet. Cal. c. 57.*
^c *Id. claris Gramm. c. 9.* ^d *Sid. Apoll. L.*
^e *ix. Ep. 16.* ^e *Dion. Hal. iv. 51. sq.* ^f *ib.*
^e 55.

cae praefectus per nuncium a patre sciscitatus est ^a, quid porro agendum foret. Hic praesente nuncio summa papaverum, vel, ut alii, liliorum capita virgula decutiens nullum aliud iis responsum dedit. At facile intellexit Sextus Gabinorum proceres e medio esse tollendos. Quod cum falsis, criminationibus objectis effecisset urbem tutoribus orbam patri tradidit ^b. Et ita quidem haec res vulgo narratur: Sed jam *cap. primo §. 4.* ostendimus hanc narrationem merito suspectam esse. Inde Tarquinius *Signiam, Circeiosque* (fuit hic antiquus Latinorum terminus in ora maritima) colonos misit ^c; praesidia Urbi terra marique futura. Atque hae praecipae sunt res, quas Superbus gessit.

§. III. Sed jam Ultor Deus super-
bos a tergo sequebatur. Cum *Ardeam* Tarquinius,
Latii urbem obsideret Tarquinius, <sup>§. 3. Finis
Tarquini,
& Imperii
regii.</sup>
& obsidio in longum traheretur ^d, e-
venit, ut inter pocula regii juvenes
de castitate uxorum suarum conten-
derent: ad quam explorandam citatis
equis

^a Ibid. c. 56. ^b Dion. Hal. iv. c. 57. sqq.
^c Liv. i. c. 56. ^d Dion. Hal. iv. c. 64.
Liv. i. c. 57.

equis eadem nocte profecti regias quidem nurus luxu conviviiisque tempus terentes invenerunt: *Lucretiam* vero *Tarquini Collatini* (erat hic *Egerii* filius *Aruntis* nepos ^a, qui *Tarquini* frater fuerat) uxorem inter ancillas lucubrantes lanae deditam ^b. Hinc *Sextus Tarquinius* odio ex invidia orto incensus inscio *Collatino* *Collatiam* (hic habitabat cum marito *Lucretia*) venit, & benigne hospitio exceptus noctu per vim eam violat. Illa primo mane patre & viro cum singulis amicis arcessito scelus patratum narrat: & mox cultro, quem sub veste abditum habebat, se interemit. Venerat cum *Collatino*, qui ejus aequae ac *Superbi Regis* sobrinus erat, quippe *Prisci Regis* ex filia nepos, *L. Junius Brutus*. Hujus patrem ^c tyrannus clandestina morte sustulerat; ut ejus opibus potiretur; & cum eo filium natu maximum, in quo generosus animus elucescebat. Hic vero *L. Brutus* periculo commotus stuporem simulaverat; (taliam cogit tyrannis rabida) atque ea ratione insidias Regis ha-

^a *Lib. I. c. 34. 57.* ^b *Ovid. Fast. v. 741.*
^c *Dion. Hal. IV. c. 68.*

hactenus vitaverat. Jam vero cultro quo se interfecerat Lucretia, arrepto praesentes (& stupentes, unde novum in Bruti pectore ingenium) jurejurando in sua verba adegit, quibus juraverat, se *Tarquinium Regem, cum omni sua stirpe, ferro, igni, quacumque dehinc vi possit, exsecuturum*: nec illos, nec alium quenquam regnare *Romae passurum*. Inde Romam properat; & concione advocata, quod suo jure facere poterat, cum Tribunus Celerum esset, expositisque Regum sceleribus Populum perpulit, ut regnum iis abrogaret. Ita Tarquinius Urbe exclusus a cum duobus filiis *Caere* in Etruscos exulatum ivit. Dies ille *Regifugium* est dictus: qui fuit **VIII. Kalend. Mart.** ^b Regnatum est Romae a septem Regibus annos 244. post hos creati Consules, de quibus libro sequente.

a *Liv. I. c. 60.* b *Ovid. Fast. II. v. 685.*

LIBER SECUNDUS.

CAPUT PRIMUM.

*A. Per.
Jul. 4205.
A.C. 510.
U. C. 245.*

De Prima Reipublicae mutatione.

*S. I. Pri-
mi Con-
sules.*

S. I. Ita ejectis simul cum violento suo Imperio Regibus prima Bruto cura fuit, ut eodem jurejurando Romanos alligaret, quo jam amicos suos adegerat, de regia nempe potestate in perpetuum ex Republica tollenda ^a. Quumque populus haec laetus acciperet comitia centuriata habuit; & ipse primus cum L. Tarquinio Collatino Consul factus est: quem quidem invito Bruto collegam datum esse tradit Plutarchus. ^b Placuit enim ut bini deinceps quotannis Consules crearentur, qui regia quidem potestate regiisque insignibus uterentur; sed quorum imperium annum duntaxat esset, ne scilicet solitudine vel mora corrumpetur ^c. Hi statim leges & sacrificia a Tarquinio neglecta

^a Liv. II. c. 1. ^b Poplicola p. m. 97. ^c Flor. I. c. 9.

glecta in usum revocarunt ; Senatumque caedibus exhaustum supplerunt. Tarquinius interea Etruscos perpulsa , ut legatos Romanis mitterent , qui redditum sibi suisque impetrarent ; vel saltem bona regia repeterent literis ad Romanos populariter admodum scriptis. Sed obstitit Brutus ; vel , ut alii , *P. Valerius* B , (qui Senatorum primus de libertate contra Tarquinos defendenda juraverat) quominus ad Populum producerentur. Placuit tamen Populo , invito quidem Bruto , ut bona Regibus redderentur ; at dum ea consultatio in longius protrahitur tempus ; moxque etiam tempore ad bona ea distrahenda , aliaque curanda opus esse simulant legati a Tarquinio missi plures ex nobilissimis juvenibus , & inter eos *Aquilius* & *Vitellius* , (hi filii erant sororis Collatini) ipsiusque Bruti (cujus uxor Vitelliorum soror erat) filios ad conjunctionem de reducendis Tarquinis , trucidandisque consulibus compellunt. Nempe prospiciebant jam juvenes licen-

E 2

tia

tiae assueti sub justorum Magistratum imperio non eam sibi fore licentiam, quae sub tyrannis fuerat; quippe cum legibus deinceps, non libidine vitam instituere cogerentur ^a. Forte autem in cubiculo, ubi scelus agitabatur, servus quidam, cui Vindicio nomen fuit imprudens delituerat. Hic statim rem ad Valerium, de quo modo dictum fuit, defert; inventisque literis, & fontibus deprehensis Brutus quidem statim admirabili animi constantia se coram filios suos virgis caesos securi percuti iussit. Collatinus autem cum sororis suae filios servatos vellet ^b, illi quidem Populi iussu damnati & necati sunt; ipse vero, suadente etiam ut obsequeretur focero *Lucretio*, Magistratu se abdicare coactus est; & magna pecuniae summa a populo donatus Lavinium habitatum abiit ^c: unde patet, non satis recte Livium *L. 11. c. 2.* nudo nominis odio Collatinum pulsum dicere. In ejus locum successus est P. Valerius: & ut omnis spes amicitiae regiae Populo

^a *Liv. 11. c. 3. sq.* ^b *Plut. Poplic. p. 100.*

^c *Dion, Hal. L. V. c. 12.*

pulo adimeretur, bona tyrannorum civibus diripienda sunt data: ager eorum publicatus, & Marti sacer factus est: civibus vero, qui cum tyrannis abierant, si se intra vicesimum diem Romae stitissent, omnium delictorum venia est data. Inde Senatus caedibus a Tarquinio exhaustus (semper enim tyranni, ut jam notatum est, augustos illos procerum confessus timere, & proinde odisse solent) patriciorum praestantissimis allectis ad trecentorum usque numerum expletus est; legesque multae jam dudum neglectae in usum revocatae sunt. Et quia sacra quaedam a Rege curari oporteret, ne etiam hic desideraretur, *Rex Sacrorum* comitiis centuriatis factus est, qui tamen, ne tanto nomine superbiret, Pontifici Maximo subiectus fuit a. Tarquinius interim injuriis Romanorum, ut ipse interpretabatur, incensus cum Etruscis, & praecipue quidem cum Tarquiniensibus suis & Vejentibus bellum Romanis infert: & cum ad manus ventum esset b, *Aruns Tarquinius* alter Regis filius multis conviciis in Brutum

E 3

in-

a Liv. II. c. 2. b Dion. Hal. L. V. c. 15.

invectus est ; adeoque infensis animis
 & citatis equis ex adverso concurre-
 runt , ut alter alteri lethale vulnus
 infligeret. Ceterum aequo fere Mar-
 te pugnatum est a : & Brutus sum-
 ptuoso , ut erant ea tempora , funere
 elatus ; & funebri concione (more
 deinceps Romanis solemni) celebra-
 tus est b , cumque matronae annum ,
 ut parentem luxerunt , quod tam
 acer ultor violatae pudicitiae fuisset c.
 Sed Valerius , ut inconstans & suspi-
 ciosum est vulgus , cum collegam in
 Bruti locum sibi non adscivisset ; quod-
 que in loco elato & foro imminente
 aedificasset , in suspicionem regni af-
 fectati venit : verum statim rumore eo
 intellecto aedes suas una nocte diruit ,
 & mox alias humiliores aedificavit :
 tum secures fascibus , qui Consulibus ,
 ut olim Regibus , praeferebantur ,
 exemit ; eosque in concionem ad-
 scendens Populo submisit ; his omni-
 bus nomen *Poplicolae* a *Populo colen-*
do adeptus. Collegam etiam sibi ad-
 sumpsit *Sp. Lucretium Tricipitinum*
Lucretiae patrem , eoque mox fato fun-

a Liv. II. c. 7. b Dion. Hal. V. c. 17. c Liv.
 l. d.

functo *M. Horatium Pulvillum*; ita ut primus ille annus libertatis quinque habuerit Consules: vel, ut justius etiam remi putemus, cum ex anno, quo pulsi fuerunt Tarquinii, quatuor etiam menses superfuisse videantur, quinque illi Consules sexdecim mensium spatium occuparunt. Horatius Consul Capitolium, quod a Tarquinio Prisco inchoatum, a Superbo fere absolutum fuerat, dedicavit: quod, cum ex invidia impedire conarentur necessarii Valerii, postem, ut solemne erat, tenenti Horatio, *funestam ejus esse familiam morte filii* nunciarunt: ad quod nihil aliud, quam ut *cadaver offerris* juberet, respondens solemnia dedicationis verba peregit a. Verum alii secundo demum Horatii Consulatu, five anno Urbis ducentesimo quadragesimo sexto Capitolium eum dedicasse scribunt b. Quæstores hoc anno primum a Populo comitiis creatos fuisse auctor est Plutarchus c: qui antea a Regibus creabantur: & hæc sententia verior esse videtur, quam

E 4

Ta-

a *Val. Max. L. V. c. 10. n. 1.* b *Dion. Hal. L. V. c. 35. Tac. Hist. L. III. c. 72.* c *Po-
plic. p. m. 103.*

Taciti ^a, qui anno demum trecentesimo septimo eum honorem a Populo mandatum dicit. Notius porro est, quam ut hic addi necessarium sit, curam aerarii publici praecipuam partem muneris eorum fuisse.

§. 2. *Bel-*
lum cum
Porfena.

§. II. Anno sequente nihil memorabile valde evenisse dicit Dionysius ^b. Livius ^c vero jam statim *Lartem Porfenam Clusinorum* in Etruria Regem a Tarquiniis exoratum (cum praeterea communem Regum causam in causa Tarquiniolorum agi crederet) infesto exercitu Romam venisse scribit: eo-que terrore motum Senatum, ut plebem sibi conciliaret, annonae praefertim & saliscopia ut suppeteret, curasse ^d; tributorum quoque onere in solos divites declinato: iisque artibus concordiam in civitate egregie coaluisse. Nec sine causa hic terror Senatum invaserat, cum praeter Etruscos etiam Octavus Mamilius Tarquinii gener Latini generis plurimos ad auxilium foci sui jam contraxisset. Ita multorum auxiliis instructus Porfena Jani-

^a Ann. L. XI. c. 22. Vid. & l. un. ff. de off. Quaest. ^b L. V. c. 20. ^c L. II. c. 9. ^d Vid. Juven. S. X. v. 80.

Janiculum montem prope Urbem trans Tiberim, munitum licet, occupat; unde opportune Urbem oppugnare poterat. Et ponte sublicio iter in Urbem habuisset, nisi *Horatius Cocles* cum duobus aliis¹, & his mox in tutum regressis, solus incredibili virtute impetum hostium, donec pons abruptus esset, sustinuisset: quo facto in Tiberim defiliens incolumis ad suos tranavit. Quod quidem ex nostri seculi moribus res aestimanti vix credendum esse videatur: at cogitandum est, nec tantos eo tempore in Italia fuisse exercitus, ac sunt illi, quibus hodie res geri solet; neque etiam arcuum usum eo tempore in Italia fuisse receptum; cum hastis missilibus tantum eminus, & gladiis cominus pugnarent, contra quae arma scuto se defendere erant docti: quam etiam *Horatius* grave vulnus in femore acceperit, a quo deinde claudus fuit ^a. Alterum etiam facinus hoc bello illustre celebratur *C. Mucii Cordi* adolescentis nobilis, qui in castra regia transgressus animo Regem interficiendi, errore ductus scri-

E 5

bam

^a *Dion. Hal. L. V. c. 25.*

bam pro Rege obtruncavit. Comprehensus, cum insidiarum ordinem & modum tormentis adhibitis expromere cogeretur, foculo ad Sacrificii usum accenso dextram, velut alienato ab sensu animo, imponit: attonitoque ad miraculum Regi, trecentos principes juventutis Romanae simili modo in eum grassaturos esse mentitur. Inde dimissus a clade dextrae manus *Scaevolae* cognomen retulit: a Senatu vero agro publico donatus est, cui *pratorum Muciorum* inde nomen fuit ^a. Sed ~~repat q̄d~~ illud de cremata dextra non retulit Halicarnassensis, fide nempe indignum judicans. Hac Romanorum fortitudine impulsus Porfena ex consilio filii *Aruntis*; votoque suorum condiciones pacis Romanis tulit. „ Ut Tarquiniis bona ju-
 „ ste parta, vel eorum pretia redde-
 „ rentur; ager, quem Romani de
 „ Etruscis ceperant, sibi redderetur;
 „ nobilissimarum familiarum liberi
 „ obsides sibi darentur ^b. “ Haec omnia Senatus concessisset: sed Populus Tarquiniis nihil restituendum esse

^a Liv. L. II. c. 13. Dion. Hal. L. V. c. 35.

^b Ibid. c. 31.

esse scivit ; verum ut ipse Porfena decorum bonis judicaturus assumeretur. His legibus statim induciae sunt factae ; obsidesque datae virgines nobilissimae : & ipse Consul Valerius in castra exiit : Sed , dum in concilio apud Regem disceptant , nunciatur , *ausugisse virgines*. Petierant ipsae a custodibus , ut , illis pudoris causa remotis , lavare sibi in Tiberi liceret : eoque imperato , hortante una earum *Claelia* , in Urbem tranarunt : cui postea honoris ergo statua equestris est posita. Et licet Tarquinius , *indignam hanc esse perfidiam* , clamitarent , permissum est Consuli , ut in Urbem regrederetur puellas reducturus. Revertentibus insidiae a Tarquiniis structae sunt ; sed filio etiam Porfena ad auxilium accurrente depulsae. Quamobrem gravissime indignatus Porfena eo ipso die facessere castris Tarquinius jubet. Et pace cum Romanis firmata castris quoque suis instructissimis eos donata : quod beneficium anno sequente alio statim beneficio Romani remunerati sunt ; dum Etruscos ab hostibus suis victos & fuga in agrum

grum Romanum delatos benigne excipiunt, vulneratos curant, multisque, qui apud Romanos remanere volebant, certum locum Urbis habitandum concedunt; qui inde *Vicus Tuscus* est dictus a. Et paulo post cum postremum, *ut in regnum reduceretur Tarquinius*, Porfena urfisset, Senatusque per legatos ipsum docuisset, *salva Urbe Roma id fieri non posse*; a petendo destitit, & amicitiam in perpetuum cum Romanis firmavit b; redditis obsidibus, & agro Vejente, qui foedere nuper ic̄to ademptus fuerat. Tarquinius spe omni redditus amissa exsulatum ad generum Mamilium Tusculum abiit.

§. 3. *Bel-
la cum Sa-
binis & a-
liis.*

§. III. Anno Urbis 248. bellum cum Sabinis exortum est; iisque a Consulibus gravi ac difficili praelio victis Populus Romanus pristinos spiritus resumpsit c; Consulibusque ambobus triumphum decrevit. Sed tamen rursus anno sequente a Sex. Tarquinio persuasi simul cum Fidenatibus & Camerinis bellum Romanis faciunt, Sex-
to

a *Liv. L. II. c. 14. Plaut. Curc. IV. 1. 21. Hor. Serm. II. 111. v. 228.* b *Liv. II. c. 15.*
c *Dion. Hal. L. V. c. 39.*

to Tarquinio Imperatore adscito. Eodem tamen anno ex ipsis Sabinis aliquantum virium Romanis accessit a; quod Vir inter eos potentissimus *Atta Clausus*, quia pacis auctor suis erat suspectus, cum magna clientum manu ab *Regillo* urbe Romam transfugeret. Romae *Appio Claudio* ipsi nomen fuit: ac statim inter patres lectus nobilissimae genti *Claudiae* a se originem dedit. Romani autem consilio hostium castra Romana adoriedi ex transfuga cognito, ita eos exceperunt, ut maxima clade accepta recederent; & Fidenae post aliquot dierum oppugnationem reciperentur; ubi in paucos defectionis auctores more Romano animadversum est b. Anno iterum 250. Sabini subita in agrum Romanum impressione ingentem rusticorum non tantum, sed etiam civium in Urbe degentium caedem ediderunt; cum Postumius Consul imprudentius in eos erupisset. Sed cladem hanc & superbiam Sabinorum inde ortam ulturi Consules omnibus viribus collectis maxima eos strage-

af-

a Liv. L. II. c. 15.

c. 43.

b Dion. Hal. lb.

affecerunt. Et Minucius quidem triumphans Urbem introiit: Sed Postumius, quod ejus maximè culpa prius accepta fuisset cladès, *ovationem* tantum obtinuit, siue *minorem triumphum*: quod triumphì genus tunc primum a Senatu inventum Licinius vetus Historicus^a prodidit; ejusdemque ovationis vestigiolum in fragmentis Tabularum Capitolinarum occurrit ^b. Eodemque anno mortuus est acerrimus ille libertatis vindex Poplicola in tanta egestate, cum scilicet ditescendi occasiones neglexisset, ut Senatusconsulto sumptus ex aetario ad ejus funus suppeditatus sit. Matronae, ut Brutum sic Poplicolam per annum luxerunt; & in Urbe prope forum crematus & sepultus est: qui honor paucissimis quidem, non soli tamen Poplicolae, ut vult Dionysius, contigit ^c.

A. U. 251. Anno sequente cum Sabinis magna victoria a *Sp. Cassio Viscellino* superatis debellatum est: licet saepius etiam postea rebellaverint. Alter vero Consul *Opiter Virginus* Camerinorum Urbem

^a *Dion. Hal. Ib. c. 47.* ^b *Vid. & Plin. H. N. L. XV. c. 29.* ^c *Vid. Kirchm. de fun. R. L. II. c. 26.*

bem quae defecerat vi cepit ; defectionis auctoribus securi percussis a. Etiam cum Auruncis grave, sed prosperum bellum hoc & praecedente anno gestum fuisse Livius tradit b. Inde, cum Latini bellum adversus Romanos molirentur, legatis Romam missis postularunt, ut Tarquinii ceterique exules in Urbem reciperentur, omni injuriarum memoria abolita: utque a Fidenis, quam Urbem oppugnabant Romani, exercitus abduceretur; quod ideo factum, ut justam belli causam habere viderentur; cum satis scirent utrumque Romanos esse negaturos. Venerant cum his Latinorum legatis etiam quidam a Tarquinio missi, qui rursus cum egenis & servis contra Rempublicam conspirarunt; ita ut principes quidem conjunctionis nocte obscura observata munitiora Urbis loca invaderent; servi autem, cum hoc peractum esse sensissent dominos suos dormientes interficerent: sed duo fratres ex urbe Laurento, qui etiam *Tarquinii* dicebantur, & inter conjuratos fere erant praecipui, rem ad Consulem detulerunt

runt horrendis somniis, si credere licet, moniti a. Consul jussit indicibus, ut cum conjuratis circa mediam noctem in forum convenirent b: atque ibi illos armatis circumdedit, & per lictores interfecit.

A. V. 255. Fidenae tandem post diuturnam obsidionem a T. Lartio Consule captae sunt; & in defectionis auctores animadversum fuit c. Sed cum hinc Latinorum metus augeretur cum Tarquiniis viginti quatuor Latini nominis gentes in Romanos conjurarunt: & ni a solita arrogantia remisissent, bellum iis minati sunt. (Sed videtur haec eadem fuisse conjuratio ac ea, de qua ad A. 252. ex Livii L. 11. c. 18. dictum est) Romani bellum suscipiendum decreverunt; quanquam etiam domi ob foeneratorum impotentiam ingenti discordia omnia flagrant d; cum L. Valerius Poplicolae frater Populi inopiam debitorum remissione sublevandam esse censeret; Ap. vero Claudius prolixa oratione in Senatu contrarium suadere conaretur e: atque hac

oc-

a *Dion. Hal. L. V. c. 54.* b *Ibid. c. 57.* c *Ib. c. 60.* d *Ib. c. 63. sqq.* e *Ib. c. 66. sqq.*

occasione primum creatum esse Dictatorem putat Dionysius. Sed vix est ut in ultima hac antiquitate certi aliquid de singulis annis statuere possimus: cum videamus ipsum Livium saepe fluctuasse. Itaque non nimis anxie in res chronologicas inquirentes summa praecipue rerum capita persequemur.

Dionysius Halicarnassensis L. VI. c. I. ad Consules anni 256. memorandum quid refert: Senatusconsultum nempe factum esse, ut mulieres Latinae Romanis nuptae, aut Romanae, quae Latinis nupserant, si eis videretur; intra certum diem, aut domum ad parentes redire, atque e liberis feminas innuptas secum ducere; vel, si mallent, apud conjuges manerent. Tum vero Romanas fere omnes e Latio ad parentes fuisse reversas; Latinas in Urbe nuptas, duabus exceptis, omnes maritos patriae praetulisse: quod hominem Graeculum adulatorio erga Romanos animo de suo addidisse, satis verosimile mihi esse videtur. Hoc certum est, jam gravia hoc tempore inter Romanos & Latinos fuisse odia. Igitur A. U. 257.

bellum Latinum in nervum erupit ; ita ut propter illius gravissimi metum Dictator diceretur *A. Postumius Albus*, qui ad lacum *Regillensem* Latinorum triginta tria millia interfecit, aut cepit. Cecidere etiam duces Latinorum insigniores omnes, & inter eos *Sextus & Titus Tarquinius* Regis filii & *Octavus Mamilius* ejusdem generis. Pugnatum fuit Idibus Quinctilibus ; eaque pugna cum Latinis debellatum fuit : cum enim legatos supplicum habitu Romam misissent post longam in Senatu deliberationem pacem pristinis legibus a Romanis impetrarunt a : & paulo post, ut se firmæ pacis cupidos ostenderent, Volscorum, Hernicorumque consilia adversus Romanos aperuerunt ; Latinorumque nomen Romano Imperio conjunctissimum fuit b. Postridie hujus prælii advenerat Volscorum exercitus Latinis auxilio missus : Sed visa Latinorum strage exploratores nomine legatorum Romam miserunt, qui se ipsis adversus Latinos auxilio venisse simularent :

a *Ib. Dion. Halic. L. VI. c. 10. sqq.* b *Ib. c. 21. c Liv. L. II. c. 22.*

larent: sed Postumius ex literis interceptis eos falsi arguit: & tamen, ne Volscis honestam belli causam daret, illaesos eos dimisit; atque ita insignem de Latinis triumphum egit. In hujus celeberrimi praelii memoriam institutum fuit, ut quotannis iisdem Idibus Quintilibus equites Romani solemniter ab aede Honoris extra Urbem ad Capitolium transveherentur. ^a Nihil opus est hic addere fabulam de *Castore & Polluce* hujus pugnae nunciis, licet etiam Dionysius eam referat; ut & *Valerius Maximus L. I. c. VI. VI. ex. I.* & *Florus L. I. c. II.* at hi duo mirandarum narrationum captatores historicis fide dignis vix sunt accensendi. Tarquinius fractis Latinorum opibus ad *Aristodemum Cuminum* tyrannum se contulit: & ibi tandem A. U. 258. nonagenarius obijt. ^b

^a *Dion. Hal. VI. c. 13.* ^b *Dion. Hal. L. VI. c. 21.*

A.U.258.

Per. Jul.

4219. A.

C. 494.

CAPUT SECUNDUM;

De institutione Tribunorum plebis, &c.§. I. Or-
tus tribu-
niciae po-
testatis.

§. I. Sed ita remoto Regum metu
seditionibus domesticis Ro-
mae laborari coeptum est; maxime
propter nexos ob aes alienum ^a. De-
creverat quidem Senatus bellum con-
tra Volscos non aliam ob causam;
quam ut plebs a negotiis suis domesti-
cis averteretur: cum vero plebs no-
men militiae dare recusaret, ne inter
ipsos quidem Consules conveniebat
quemadmodum hac occasione plebe
uterentur, cum *Servilius* mitiore via
insistendum esse censeret; *Appius* se-
veritatem adhibendam esse contende-
ret. Tandem *Servilius* multis preci-
bus a plebe obtinuit, ut se ad bellum
sequeretur; & edicto proposito, quo
nexos & vinctos solvi jubebat, maxi-
mo undique concursu sacramento di-
ctum est ^b: & statim quidem Volsci
in deditionem venerunt: at subdole;
quippe qui mox digresso Consule cum
Her-

^a Liv. L. II. c. 23. Dion. Hal. L. VI. c. 22.^b Liv. II. c. 24.

Hernicis & Sabinis societate inita bellum instaurarunt ^a. Sed cum plebs, nisi sibi satisfaceret, Consules ad bellum sequi nollet, demum post varias altercationes Servilius nomine Senatus promisit plebi, fore, ut salutaris Reipublicae forma constitueretur ^b, modo praesens periculum fortiter propulsarent. Itaque magno exercitu coacto Volscos nec opinantes ingenti strage concidit maxima praeda militibus parta: inde Sueffam Pometiam urbem nobilissimam, aliaque Volscorum oppida brevi temporis spatio expugnavit, militibus semper praedam largitus; & adversante collega injussu Patrum triumphavit. Idem paulo post Sabinos ^c feriarum tempore in agrum Romanum irruentes fundit & fugat; Auruncosque etiam ferocientes contundit. Hoc eodem anno mercatorum collegium Romae esse institutum notatu satisdignum est. *Liv. II. c. 27.*

Verum anno sequente cum Sabini *A.U. 259.* bellum pararent, Volsci & *Aequi* illud minarentur, nisi ager sibi ademptus restitueretur, plebs tamen nomen mi-

F 3

litiæ

^a *Dion. Hal. L. VI. c. 25.* ^b *Ibid. c. 28.*

^c *Ibid. c. 31.*

litiae dare recusavit; & si vis adhiberetur, vi eam populare coepit: cum enim Consules a Senatu iussi essent delectum acerrime agere nemo citatus ad nomen respondebat^a; lictor, si quem Consules mittebant, repellebatur. Ergo Senatu vocato post ingentes rixas tandem ex Appii sententia, Dictatorem dici placuit: dictusque est *M' Valerius Poplicolae* frater: qui Populo in concione promisit fore, ut omnia aequa a Senatu impetraret, modo nomen militiae daret; atque ita magnis copiis conscriptis Sabinos castris exiit; cum interea Consul quoque contra Aequos Volcosque bene rem gereret. Sed Dictator cum benigne agendo nihil in Senatu proficeret, & relatio ejus de solvendis nexis rejiceretur, Dictatura se abdicavit.

§. 2. De
secessione
prima in
montem
sacrum.
A. U. 260.

§. II. Demum cum per occasionem renovati ab Aequis belli Consules educere ex Urbe legiones juberentur, plebs indignata *Sicinnio* quodam auctore in montem Sacrum trans *Anienem* amnem tribus ab Urbe passuum millibus secessit^b: Ita usurarum immodestia,

ni-

^a Liv. L. II. c. 29. ^b Liv. L. II. 32.

nimia Senatus potentia, & quod continuas bellorum occasiones quaerere patricii, ut finibus foris prolatis domi libertatem opprimere possent, originem dedit tumultui, qui parum abfuit quin Rempublicam everteret: licet tamen etiam verum videatur, plebejos fere sua culpa, & quod minus quam bonum patrem familias decet rei suae familiari attenderent, ad summam paupertatem fuisse redactos.

Ingens ex hac secessione pavor civitatem incessit, cum mutuo metu suspensa essent omnia: qui etiam auctus est, postquam legati de pace ad plebem missi nullo nisi minaci & superbo responso accepto redierunt. At cum novi Consules a. A. U. 260. de plebis reditu ad Senatum retulissent, *Agrippa Menenius* vir eximius alteram legationem ad plebem mittendam censuit, quae aequis conditionibus pacem componeret: & postquam omnes, iuncto Appio excepto b, ei assensissent, eo ipso die decem ex spectatissimis Senatoribus ad plebem missi sunt de pacis conditionibus acturi. At-

F. 4

que

a *Dion. Halic. L. VI. c. 49. sq.* b *Ibid. c. 68.*

que ibi M' Valerius plebem, ut in Urbem rediret invitavit, promittens fore, ut Senatus omnia aequa ipsis concederet: sed *L. Junius* a, qui se *Brutum* cognominari volebat, tanquam ex illustri illa esset familia, vir acri ingenio praeditus proluxa oratione justas quaerendi causas, quas plebs habebat, exposuit, ita ut etiam ipsis legatis lacrymas expresserit b. Et licet acerbius ei responderet *T. Lartius*, tamen *Agrippa* eleganti apologo, & civili oratione animos flexit: Et parum abfuit, quin statim in Urbem reverterentur c; nisi *Brutus* ille petiisset, ut plebeji quidam viri quotannis legerentur, qui nullam aliam auctoritatem haberent, quam ut plebi auxilium adversus Consules ferre possent; illique *sacrosancti* haberentur d; neve ulli patricio capere eum magistratum liceret. Igitur statim in ipso monte duo creati fuisse videntur e; quibus vel mox in Urbe, vel anno demum 283. lege *Publilia* tres fuerunt ad-

a *Dion. Halic. L. VI. c. 70. sq.* b *Ibid. c. 81.*
 c *Ib. c. 87.* d *Liv. L. II. c. 33.* e *Ibid.*
 & c. 58. *Cic. pro Corn. Orat. I. p. 968, ed.*
Græv.

additi a : & iterum alii quinque A. 297. ita ut tum bini ex singulis classibus crearentur. Dionysius Halicarnassensis *L. VI. c. 89.* primum quinque creatos dicit ; anno vero 297. quinque etiam fuisse adiectos. b Cicero loco modo in margine citato primum duos fuisse creatos vult : postero autem anno auspicato comitiis curiatis decem : ad quem locum etiam videri potest *Asconius*. Tribunis plebis duo viri fuerunt additi quasi administri , qui , quod etiam *sacrarum aedium* curam gererent , *Aediles* sunt dicti c. Ita pace in Urbe parta *Postumus Cominius* Consul *Longulam* & *Poluscam* Volscorum urbes cepit d : *Corioli* vero , caput gentis , post acres pugnas virtute maxime *C. Marcii* viri patricii expugnati sunt , qui se statim Postumo cum Antiatibus praelianti junxit ; & fortitudine sua praecipuus victoriae auctor fuit : ac *Coriolanus* deinceps cognomine est dictus , cum antea a Consule pro concione laudatus decimam etiam partem de

F 5

prac-

a *Vid. Pighii Annal. ad hunc annum.* b *Vid. eund. Dion. L. X. c. 30.* c *Id. L. VI. c. 90.* d *Ib. c. 91.*

praeda recusasset. a. Quia autem plura de hoc viro dicenda sunt operae pretium fuerit, ut paulo propius eum noscamus.

Marcia gens Romae nobilissima originem referebat ad Ancum Marcium quartum regem Romanorum, cujus avus maternus fuerat Numa Pompilius b. Ex hac gente ortus noster C. Marcius patrem cito amisit: sed mater *Veturia* antiquae omnino virtutis matrona omnibus modis austerissimae virtutis amorem filio inculcavit, Nec ipse sibi defuit. Erat enim frugalis, continens, fortis & iustitiae rigidus cultor; praeterea liberalis, & legum vindex acerrimus. Praecipua autem animi illius dos erat fortitudo militaris, quae sola fere Romae in pretio habebatur: unde etiam *virtus a viribus* fuit denominata c. Sed has virtutes inutiles, imo perniciosas reddebat animus arrogans, tristis & imperiosus; qui prohibebat, ut unquam, etiam in causis iustissimis, plebi gratificaretur.

§. 3. Coriolani in patriam molitiones. a Plut. Coriolano. p. m. 218. b Plut. Ib. p. 213. c Ib. p. 214.

montem sacrum nulla sementis facta esset, ingenti caritate annonae Respublica laborabat ^a. Igitur legati in Etruriam, *Campaniam*, & praecipue Siciliam, missi sunt qui frumentum conquirerent: & ex Sicilia praesertim, commodante *Gelone* benignissimo *Syracusarum* tyranno, ingentem vim frumenti advexerunt. Sed hic ipse commeatus maximarum turbarum occasio fuit. Nam superbissimus simul & iniquissimus plebi *Marcus* ille *Coriolanus*, (qui etiam aegre admodum tulerat, quod consulatus repulsam passus foret, cum nimio fastu a Senatu in campum Martium, ubi comitia habebantur, deductus Populum offendisset ^b) *Coriolanus*, inquam, ut plebem fame vexatam ad plenissimum obsequium cogeret, Senatui auctor fuit, ne frumentum nuper advectum plebi inopia laboranti divideretur, nisi haec antea in tribuniciae potestatis abolitionem consensisset. Quod cum revera injustissimum esset merito tribuni graviter eum in concione Populi

^a Liv. L. II. c. 34. Dion. Hal. L. VII. c. 1.

^b Plut. Coriol. p. m. 220.

puli accusarunt ^a. At cum plebs modesta oratione & pollicitationibus *Minucii* Consulis flecti videretur ^b, *C. Sicinnius* tribunus plebis Consules quidem laudavit, & patriciis gratias egit, quod tandem aliquando de inopum salute essent solliciti : ad *Marcium* vero conversus data opera eum hortatus est, ut iram civium deprecaretur ; quod sciret animum ejus elatum nunquam eo venturum ; quemadmodum etiam revera superbissime, & sine ulla moderatione respondit. Cumque propterea eum comprehendi jussissent tribuni acgre a Consulibus servatus est. Quamquam vero etiam annonam viliores fecisset Senatus tamen *Sicinnius Marcio* diem dixit ; sed collegis ejus permittentibus Senatusconsultum factum est ^c, ut, postquam tribuni dixissent, tum demum patres causa cognita, quod justum ipsis visum fuisset, pronunciarent. Postridie *Brutus* prolixa oratione *Marcium* in Senatu accusavit, cui rursus acerbe *Appius* respondit ^d, nullum esse jus plebi de quoquam patricii ordinis ju-

^a *Dion. Halic. L. VII. c. 27.*

^b *Ib. c. 33.*

^c *Ibid. c. 39.*

^d *Ib. c. 47.*

judicandi contendens. M' vero Valerius humaniter cum plebe agendum esse censuit : cumque videret Senatum efficacia orationis suae permoveri, addidit ^a, plebem etiam ad judicia majestatis praecipue, vel perduellionis esse admittendam, quod nihil magis ad potentiam Reipublicae conciliandam faciat, quam diversorum in ea ordinum concordia. Postquam autem sensit Marcius, Patres in hanc sententiam esse proniores, rogavit ut tribuni juberentur dicere, *Cujus criminis eum essent accusaturi* ^b. Cupiebat enim scire an accusatio praecipue in eo volveretur, quod in Senatu plebem fame domandam esse censuerat : Verum, cum *affectatae tyrannidis crimen se ipsi objecturos esse dixissent, nullam se moram facere Senatusconsulto, quo Populo judicium de hac causa permittebatur*, respondit. Ergo ad comitia, ubi hoc judicium erat exercendum, ingens hominum multitudo confluit : Sed quia in centuriatis comitiis, quibus haecenus de talibus rebus deliberatum fuerat, potentiorum suffragia ita prae aliis valebant, ut de

ab.

^a *Ibid.* c. 55. ^b *Ib.* c. 58.

absolutione sua satis certus esse posset Coriolanus, tribuni voluerunt, ut Populus *tributum* suffragia ferret, quo casu aequae valebant pauperiorum ac ditiorum suffragia. Atque haec origo *comitiorum tributorum* fuit. Ante quam autem ipsa comitia haberentur alter Consul Minucius civili oratione Plebem monuit, *ut absolvendo Marcium Senatui gratificari vellet*: cui respondit Sicinnius, *se nihil aliud facturum, nisi ut tribus in suffragia mitteret a*. Et sane, licet a Tribunis acriter accusaretur, tamen egregia sua facinorosa commemorando plebem ad absolutionem sui flexisset, nisi *M. Decius* tribunus plebis ei etiam praedae Antiaticae anno superiore interversae, atque amicis suis donatae crimen impigisset. Fecerat hoc quidem, ut credi potest, bono consilio, ut clientes suos aliosque cives tentiores ad hostiles excursiones propulsandas promoveret, quando plebs militiae nomen dare nollet; sed tamen parvo suffragiorum discrimine b damniatus, & in exilium ejectus fuit. Ita ab hoc deinde

a *Ibid.* c. 61. b *Vid. Manut. de comit. Rom.* c. 2.

deinceps exemplorū iudiciū plebi in patricios concessum est : quod, nisi accessisset abusus, utilissimum Reipublicae futurum erat, ut etiam Dionysius noster censet a.

Ergo ita, ut dictum est, Urbē expulsus Marcius ad *Attium Tullum* Volscorum Antiatium Principem supplex profectus est b : & benigne receptus consilia cum eo de bello patriae inferendo contulit. Quia autem induciae iam inter Volscos & Romanos erant; & illi praecipue cladibus fessi a bello magis abhorrerent, arte opus erat, ut Volscos in Romanos accenderent. Commodum autem iis diebus apud Romanos certa ex religione ludi instaurabantur. Ergo Tullo auctore magna Volscorum multitudo Romam ad ludos spectandos profecta est : sed simul index, five a Marcio, five a Tullo missus Consules monuit c, *cauerent sibi a Volscis; timere se; ne, dum intentis spectaculis civitas esset, inimicum aliquid contra eam molirentur.* Itaque facto Senatusconsulto Volsci per praekonem ante noctem excedere sunt iussi.

a L. VII. c. 65. b *Plut. Coriol. p. m. 224.*
c *Liv. L. II. c. 37.*

jussi. Ita irritata Volscorum gente ex sententia Marcii legati Romam sunt missi, qui agros & oppida a Romanis sibi erepta repeterent; quae nunquam eos sponte reddituros esse probe novērat Marcius. Negantibus ergo Romanis bellum a Volscis decretum est: eique cum Tullo Coriolanus praeficitur. Hic statim Romanorum agros invadens, dum plebejorum quae essent ageret & ferret, optimatum agris abstinuit ^a; unde magna dissensio cum invidia in Urbe est exorta. Inde omnibus Volscorum viribus coactis ^b, multisque Latinorum oppidis expugnatis ad quintum ab Urbe lapidem castra posuit. Ergo, ut in re trepida, legati ad Marcium ex ejus necessariis mittuntur: & Minucius legationis caput oratione civilitatis & humanitatis plenissima cum, ut in patriam omni injuriarum memoria abjecta revertetur, hortatus est ^c. Verum Coriolanus longo sermone injurias sibi factas prosecutus tandem conditiones pacis tulit, *ut omnia Volscis adempta ipsis redderentur; utque ipsi eadem foederis*

^a Dion. Halic. L. VIII. c. 12. ^b Plut. Coriol. p. m. 227. Dion. Hal. L. VIII. c. 23. sqq.

deris forma cum Romanis, qua Latini gauderent; & triginta diebus ad deliberandum datis interim in reliquas Latinorum urbes exercitum duxit; & septem oppidis in potestatem redactis rursus ad Urbem accessit; nec altera legatione consularium virorum; nec tertia sacerdotum, ut patriae ignosceret, compelli potuit. Tandem, cum mulieres per omnia templa supplices se abjicerent, *Valeria* Poplicolae (qui jam defunctus erat) soror quasi divino quodam instinctu mulieres excitavit^a; cumque iis ad matrem Marcii *Veturiam* perrexit; eamque, licet aegre^b, permovit, ut cum nuru sua *Volumnia* (Plutarchus matrem Marcii *Volumniam*, uxorem *Veturiam* vocat; sed contra alios omnes auctores^c) & parvulis Marcii liberis in castra ad filium pro patria deprecatura proficisceretur. Comitatae eam sunt aliae matronae ingenti numero. Cum autem *Coriolanus* matri obviam complexum ferret^d repulit eum mulier primum scire volens, *an ad hostem, an ad filium venisset?*

G

set?

^a *Plut. p. m. 229.* ^b *Dion. Hal. L. VIII. c. 41. sqq.* ^c *Florus, Valerius Max. Livius, Dionys. Hal., Entropius, Aur. Victor.* ^d *Lib. L. II. c. 40.*

fer? Atque ita oratione sua eum delinivit, ut matrem amplexus testaretur *eam potitam fuisse victoria patriae laeta, sibi funesta* statimque postridie exercitum ab Urbe abduxit. Mulieribus Romam regressis ingens honos habitus est; decretumque, ut in rei memoriam templum *Fortunae Muliebris*; & sacra anniversaria ei peragenda constituerentur ^a. Marcium ad Volscos reversum Tullus die dicta prodicionis accusavit; & defendere se parantem audacissimorum juvenum ope confodit. Fabius vero antiquissimus auctor usque ad senectutem vixisse testatur: & saepe exacta aetate hanc vocem usurpasse, *Multo miserius seni exilium esse*. Hunc finem habuit vir omnibus suae aetatis bellica laude superior ^b: sed idem implacabilis ingenii, immoderatae iracundiae, & severitatis nulla lenitate temperatae: majoris denique arrogantiae quam quae in civitate libera ferri posset. Volsci A. U. 266. in genti praefecto a *Sicinio* Consule sunt victi; quo etiam cecidit Tullus ille Coriolani hospes & percussor ^a:

^a Dion. Hal. L. VIII. c. 55. ^b Dion. Hal. L. VIII. c. 60. sq.

fora: ita ut anno sequente & Volsci & Hernici in deditionem venerint.

§. IV. Verum eodem anno Sp. Cassius tribus jam consulatibus, duobusque triumphis clarus tyrannidem Romae affectare coepit plebejorum gratiam omnibus modis ambiens: *legemque agrariam* tulit nunquam deinde sine maximis motibus rerum agitatam b: nec mirum, cum ita optimates agris publicis, quibus in fraudem plebis, ut suis utebantur, privarentur. Nam vel curabant procures, ut, si hi agri publice venderentur minimo pretio addicerentur sibi. Vel etiam suo, aut alieno nomine agros plebi sub annuae pensunculae solutione concessos acquirebant: vel denique usuris exhaustos plebejos patrimoniis suis exuebant. Imo sensim terminos suos proferendo optimates agros publicos in privatos usus convertebant. Ergo Cassius Senatum rogavit c, ut ager bello partus, sed absque ulla verecundia a patriciis occupatus plebi divideretur: &, ut frumenti a Gelone missi pretium emptoribus ex aerario

§. 4. *Lex agraria*
Sp. Cassi.
A. U. 267.

G 2

re-

a *Ibid.* c. 67. b *Liv. L. II. c. 41.* c *Dion. Hal. L. VII. c. 70.*

restitueretur. Hinc ingentes rixae sunt ortae, cum tenuioris fortunae homines Cassii latus quotidie stiparent, meliores ejus collegae *Virginio* adhaererent: imo ipsi tribuni, vel quod plebem largitionibus corruptam lascivire praec otio e Republica non putarent; vel quod tantum beneficium ab alio, quam a tribuno plebis, plebi tribui nollent, se adjunxerunt Senatui. Cassius vero, cum se inferiorem videret, infirmitatem simulans socios interea quam posset plurimos ad suffragia ferenda arcessebat. Nam jam in secundo suo consulatu Latinos Hernicosque civitatis jure donari fecerat: sed ita, ut suffragii lationem non nisi ad arbitrium magistratuum Romanorum haberent^a. Interea in Senatu diversae de hac re fuerunt sententiae, Appio quidem censente, ut, si qua pars agri publici a privatis possidere deprehenderetur, ea rursus in publicum redacta ad usum publicum locaretur, *A. vero Sempronio Atratio*^b, ut magistratus ad eum finem creati discernere, qui agri Reipublicae, qui

^a *Vid. eund. Ibid. c. 69. f. & sq.* ^b *Ibid. c. 74.*

qui privatorum essent. Ita gliscenti Sp. Cassii seditioni obviam itum fuit. Anno autem sequenti a Quaestoribus apud populum affectatae tyrannidis accusatus; & cum crimen populo probatum fuisset, damnatus a, & de saxo Tarpejo dejectus est. Alii dicunt, ipsum Cassii patrem cum in Senatu accusasse; & mox a Senatu damnatum *pro patria potestate* interfecisse: quod Dionysio verisimile non fit, quia domus ejus diruta, & bona publicata sunt; quorum neutrum vivo patre contigisset. Hoc etiam anno si Valerio Maximo *L. VI. c. 3. ex. 2.* & Graeculo *Zonarae* credimus, *Mucius* tribunus plebis novem collegas suos, qui duce, Sp. Cassio id egissent, ut magistratus non subrogarentur, vivos cremavit. At levis est, ut jam diximus, Valerii fides, & levior multo etiam *Zonarae*. Antequam autem ad ulteriora pergamus observandum hic est, merito quidem plebem has leges agrarias expetivisse, cum, ut jam diximus §. 4. capitis praecedentis, optimates nulla juris aut aequi reverentia maximam agri publi-

G 3

ci

ci partem in suos & suorum privatos usus convertissent : sed tamen , eas nunquam nisi summa cum perturbatione Reipublicae fuisse promulgatas cum earum latores , plerumque certe , non tam plebis commodum quam vel suam ambitionem & gloriolam , vel inimicorum ultionem spectarent. Certe non cum morte Cassii simul extincta est legis hujus mentio ; verum etiam sequentibus annis relata tantarum contentionum causa fuit , ut A. U. 272. fusos ab equitibus Vejentes odio *Fabii* Consulis insequi pedes noluerit ^a. Tamen hic annus jam antea patres docuerat , quo modo optime tribuniciae potestati resisteretur : si nempe optimates unum modo ex toto tribunorum collegio permovere possent , ut collegarum actionibus intercederet : quod haud difficulter obtinebatur , cum omnes fere tribuni , propria unusquisque ratione , patribus obstricti essent. Atque ita jam , ipso quidem Appio monente ^b , comiter Tribunos appellando , partim gratia , partim auctoritate

^a Liv. L. II. c. 43. ^b Dion. Hal. L. IX. c. I.

te obtinuerunt, ut quatuor tribuni se uni dilectum moranti opponerent. (Nam quinque duntaxat tribunos hoc tempore fuisse creatos supra dictum est.)

§. V. Igitur Consules adversus E-
truscos Romanorum discordiam suam, §. 5. Bella cum Ve-
jentibus &
Aequis. occasionem esse ratos profecti sunt. Sed pertinaciae plebejorum pristinae 300. Fa-
bii caesi.
A. U. 273. memores militem eo usque a pugna cohibuerunt, donec insultantem insolentius hostem ferre jam amplius non possent^a: tum demum jurejurando adactos milites, *nisi victores ex acie non reversuros*^b in hostem duxerunt; eosque difficillimo praelio, quo alter Consul *Manlius* cecidit, vicerunt: constitit autem exercitus Romanorum quadraginta quidem millibus peditum; equitum vero duobus millibus & quadringentis; quantus nunquam antea fuerat^c. Sed cum continua plane haec bella cum Aequis & Vējentibus essent (at non nisi minimo anni tempore gerebantur; nam nec messis tempore expeditiones suscipiebant, nec hyeme). *Fabii* gens, quae
G 4 hoc

^a Liv. L. II. c. 45. ^b Dion. Hal. L. IX. c. 10.

^c Ibid. c. 13.

hoc tempore omnium Romae gentium erat florentissima, hoc bellum sibi & clientibus suis atque amicis peculiare a Senatu poposcerunt a. Dico, *sibi & clientibus suis atque amicis*: nam popularis est error credentium, trecentos illos & sex, qui ad Cremeram caesi dicuntur, omnes patriciae illius gentis Fabios fuisse. Quomodo enim in numerosa adeo gente unus tantum puer, & is quidem prope pubertatem, fuisset? & quomodo brevi adeo spatio, postquam Senatus a Tarquinio caedibus fuisset exhaustus, tot viri militaris aetatis in una gente inveniri potuissent? Sed pluribus argumentis vulgarem illam opinionem refellit magnus harum rerum magister Jacobus Perizonius b. Ergo ad bellum profecti Fabii primo quidem feliciter rem gesserunt: & praesidio ad Cremeram fluvium collocato longe lateque hostilem agrum depopulati sunt: verum nimio rerum successu in contemptum hostium inducti tandem ex insidiis ad unum omnes caesi sunt; praesidiumque eorum ad Cremeram est

a *Lev. L. II. c. 48.*
6. 5.

b *Animadv. Hist.*

est expugnatum. Dies, quo clades haec accepta fuit, *Idus* nempe *Februariae*, inter *atros* relatus est ^a, & porta, qua egressi fuerunt, *Scelerata* est dicta ^b. Hujus etiam belli occasione extraordinarii exercitus & provinciae cum *imperio Proconsulari* privatis consularibus a Senatu commissae sunt; quae Origo *Proconsulatus* & *Propraeturae* fuit ^c. Victoria hac elati Tusci Janiculum occuparunt. Sed A. U. 277. felici alterius Consulis temeritate occidione occisi sunt ^d. Ita parto otio tribuni rursus lege agraria Populum agitare coeperunt: *Mennenio* etiam anni praecedentis Consuli diem dixerunt, quod Cremerensi praesidio non subvenisset, cum haud procul inde castra habuisset; eique damnato mulctam duo milia aeris edixerunt; unde morbo ex aegritudine contracto absumptus est: quod *Servilius* Consul A. U. 278. cum similis criminis a Tribunis accusaretur plebi objecit, quod

G 5 nem-

^a *Dion. Hal. IX. c. 23. Ovid. Fast. 195. sqq.*

^b *Fest. hac V. c* *Vid. Dion. Halic. L. IX. c. 16. & Pighii Ann. ad hunc annum.* ^d *Liv. L. II. c. 51.*

nempe illi viro causa mortis fuisset, cuius patris munere tribunos haberet; & per eam libertatem absolutus est. Eodem anno Latini per se ipsi, sine Romanorum aut duce aut auxilio Volscos castris exuerunt. Missus est tamen statim a Roma Consul *Nautius*; cum nequaquam placeret socios suis viribus consiliisque bella gerere ^a.

§.6. Origocomitiorum tributorum.
A.U.280.

§. VI. Inde iterum contentionibus tribuniciis certatum est: & A. U. 280. *Cn. Genucius* Tribunus plebis, qui Consulibus praecedentis anni diem dixerat, quod agraria legi resistentes tribuniciam potestatem laesissent, & Decemviros, qui ex S^Cto agros plebi dividerent, non creassent, ipso iudicii die domi suae mortuus est inventus ^b. Ergo consternata plebs duce *Volerone Publilio*, qui se militem fieri debere negabat, quod ordines duxisset, quemque propterea virgis caedi iusserant Consules, tanquam ad praelium sese expediit, Consulesque fractis fascibus foro expellit: & proximis comitiis A. U. 281. creatus Tribunus pl. Volero rogationem ad Populum

^a Liv. L. II. c. 53. ^b Liv. L. II. c. 54. Dion. Hal. L. LX. c. 38.

pulum tulit, ut plebeji magistratus tributis comitiis fierent. Dira autem pestilentia prohibuit, quo minus eo anno haec lex praeferretur: verum cum anno sequente Tribunus iterum creatus esset, adiutoremque fortissimum haberet collegam *Lactorium*, silentibus tandem ex consilio Valerii Poplicolae patribus a, post maximas turbas perfertur: & exinde tam Tribuni, quam Aediles plebis tributis comitii creari coeperunt. Quidam scripserunt, nunc primum quinque tribunos pro duobus creatos esse, ut jam supra notavimus. Cum autem pro gentili in plebem odio pertinacissime se *Appius* Consul huic legi opposuisset indignatus miles non tantum vincere noluit, quod ante decennium Fabio Consule factum vidimus; sed etiam voluit vinci b: & in aciem eductus turpi fuga castra repetiit. Consul vero castris in pacato positis severe in proditorem militaris disciplinae exercitum animadvertit: Alter Consul *Quinctius* lenitate sua militibus gratus contra Aequos bene rem gessit. Re-

ver-

a *Dion. Hal. L. IX. c. 49.* b *Liv. L. II. c. 59.*

versum in Urbem Appium Tribuni plebis arripuerunt, quod sacrosanctam eorum potestatem sprevisset; quodque legibus agrariae & Publiliae obstitisset: sed cum constantia sua tribunos & plebem obstupefecisset, dies ei prodicta est; ipseque interea morbo est mortuus ^a. Dionysius *L. IX. c. 54.* cum manus violentas sibi intulisse dicit. Hinc cum Aequis, Sabinis, Volscis vario eventu pugnatum est:

A. U. 285. hisque *A. U. 285.* Antium maritimum oppidum est ademptum: eoque anno sequente colonia deducta est ^b, Triumviris in eum finem creatis; cum interea tamen domi a continuis contentionibus non cessaretur. *A. U. 289.*

289. Consule *Furio* ab Aequis oblesso in tantum discrimen ventum est; ut ad ultimum illud in summo periculo Senatusconsultum recursum sit, *Videret A. Postumius Consul, ne quid Respublica detrimenti caperet.* Sed *T. Quinctius* Proconsul Latinorum Hernicorumque auxilio periculum discussit. *A. U. 290.* dum pestis saevissima Urbem vastaret, Volsci ex agro Romano magnas praedas egerunt: verum

^a *Ibid. c. 61.* ^b *Liv. L. III. c. 1.*

rum anno sequente, validiore jam civitate, Volscorum nomen pene deletum est ^a.

§. VII. At eodem anno novae tur- §. 7. Ori-
bae Rempublicam vexare coeperunt: ^{go legum}
cum C. Terentius, vel Terentillus Ar- ^{Decemvi-}
^{ralium.}
^{A.U. 291.}
^{sa} Tribunus plebis legem promulgaf-
set ^b, ut Quinqueviri crearentur *legi-*
bus de imperio Consulari scribendis; ut-
que quod Populus in se jus dedisset, eo
Consules uterentur; neve libidinem ac
licentiam suam pro lege haberent. Sed
tum quidem intercessione collegarum
res sublata est: Cum autem opti-
mates omni omnino conatu se pro-
mulgationi hujus legis opposuerint,
satis constare potest, (cum nihil ini-
qui in se lex haberet) *eos monstri ali-*
quid inter se aluisse ^c: quin etiam pro-
digia ementiti sunt, ut eorum procu-
randorum cura ab aliis rebus homines
averteret. Ergo, cum A. U. 292. ^{A.U. 292.}
bellum a Volscis & Aequis nunciare-
tur ^d, Tribuni dilectum impediunt,
compositam hanc a patribus fabulam
jactantes: unde ingentes iterum rixae
sunt ortae, duce a parte patriciorum
prac-

^a Ibid. c. 8. ^b Liv. L. III. c. 9. ^c Dion.
Hal. L. X, c. 2. ^d Liv. L. III. c. 10.

praecipuo *K. Quinctio Cincinnati* filio. Hunc igitur ut ex Urbe amoverent Tribuni laesae eum potestatis tribuniciae reum faciunt: nam saepe eo duce Tribuni foro pulsi, fusa ac fugata plebs fuerat. Cum tamen in sui damnationem consensuram plebem videret, tandem singulos prensare coactus est. Et favore patris aliorumque amicorum conversa plebes absolutum eum ibat ^a, cum unus e Tribunis *M^o Volscius Fictor* (Livius *L. III. c. 13.* ante aliquot annos tribunum plebis fuisse dicit) Quinctium accusavit, quod ante aliquot annos fratrem suum in rixa nocturna pugnis occidisset; addens, *non licuisse sibi per superiorum annorum Consules rem tam atrocem exsequi.* Falsam accusationem fuisse dicit Dion. Halic. *L. X. c. 28.* ut & Liv. *L. III. c. 26.* Tamen Quinctius vadibus datis dimissus in *Tuscos* in exilium abiit. Pater omnibus bonis ut multam dissolveret (erat 30000. aeris, quod a 300. *Philippaeis* nummis non multum aberit) divenditis, aliquamdiu in tugurio trans Tiberim habitare coactus est; ubi agellum quatuor

^a *Dion. Hal. L. X. c. 7.*

tuor iugerum, qui solus ipse reliquus erat, suis manibus ad vitam sustentandam coluit. *Prata Quinctia* haec deinde sunt dicta ^a. Ita remoto Caesone rursus lex ferri coepit ^b, sed tanta patriciorum juvenum oppositione, ut, *mille pro uno Caesones existisse*, plebes quaereretur; cum tamen mediis diebus, quibus de lege non ageretur, populares mansuetique essent. Sed A. U. 293. Tribuni fictis literis, & indice subornato accusarunt optimates conjurationis de extirpanda plebe imitae ^c; cujus perquisitionem sibi concedi postulabant: Sed C. Claudius Consul crimen hoc a Tribunis fictum esse patribus & pluribus de plebe jam persuaserat, cum Ap. Herdonius Sabinus cum exsulum & servorum manu Capitolium arcemque noctu occupat ^d, servos etiam reliquos postridie ad libertatem vocans. Tanto tamen furore correpti erant tribuni plebis, ut non hostes, sed patriciorum clientes & hospites Capitolium insedissee contenderent: neque eo die per Tribunos iri in Capitolium potuit.

^a Liv. Ib. ^b Id. L. III. c. 14. ^c Dion. Hal. L. X. c. 9. sqq. ^d Liv. L. III, c. 15.

tuit. Romanis postridie a Tusculo auxilia venerunt: eorumque & civium ope (nequicquam reclamantibus tribunis) arx recepta est; at *P. Valerius* Consul inter primores pugnam ciens interfectus; suffectusque ei est *Quinctius* Caesonis interfecti pater. Servorum plerisque caesis de reliquis, qui pauci erant ^a, supplicium sumptum est ^b. Annus sequens solemnibus jam inter patres & plebem contentionibus exactus est; minus tamen quam alias per egregiam Consulum prudentiam infestis ^c: & Consul *Fabius* Tusculum, quod Aequi ex improvviso ceperant, recepit ^d: Aequis pax a Senatu est data. Alter Consul *Cornelius* Antio, quod defecerat, vi capto in defectores severe animadvertit. Utrumque Consulem triumphasse Tabulae Capitolinae docent: ^{A. U. 295.} Verum Aequi statim anno sequente defecerunt; Consulemque *L. Minucium* obsederunt in castris suis ^e: ergo in summa trepidatione *L. Quinctius* Cincinnatus Dictator dicitur; quem

^a *Dion. Hal. L. X. c. 16.* ^b *Ibid. c. 18.* ^c *Liv. L. III. c. 24.* ^d *Dion. Hal. L. X. c. 21.* ^e *Liv. L. III. c. 26.*

quem legati Senatus agellum manibus suis colentem invenerunt : unde *Dictator ab aratro* vulgo dicitur. Hic exercitu maxima celeritate conscripto ad obsessum Consulem contendit ; Acquosque victos *sub jugum misit*, hoc est, *duabus hastis humi fixis, superque eas transversa una deligata hostes eo transire coëgit, & quidem discinctos*^a, ut ita plenam victoriae confessionem iis exprimeret ; nam etiam juga, quae armentis imponebatur, primis temporibus figuram habuerunt literae Π, posterioribus literae Λ ; unde etiam *fastigia montium* in eam formam ascendentia *juga* dixerunt. Ita domitis hostibus, postquam triumphasset Dictator, die decimo sexto se magistratu abdicavit ; cum prius etiam M^o Volscium falsi testimonii de quo jam dictum est, reum a Populo in exilium ejici curasset : Minucium etiam Consulem, quod timidius rem gessisset, magistratu se abdicare & pro legato, legionibus praeesse jussisset A. U. 296. A. U. 296.

actio *legis Terentiae* (cujus initio hujus §. meminimus) revocari coepit : sed, licet jam quintum iidem Tribu-

H
ni

^a *Ibid. c. 28. Fest. V. Jugum.*

ni a plebe reſecti eſſent, nondum eam perferre potuerunt : interim tamen prohibuerunt , ne dilectus ageretur , autequam de juris æquabilitate ſtatuenda plebi a patribus conceſſum eſſet. Verum tandem concedente Senatu *Virginii* legem promulgavit a de decem Tribuniſ plebis in poſterum creandis ; quod anno ſequenti factum eſt. Tum quoque Tribuni poteſtatem Senatum convocandi ſibi primum arrogare coeperunt : & poſt longam diſceptationem obtinuerunt , ut *Aventinus* plebi ad aedificandum concederetur b. Anno 298. Tribuni plebis legem agrariam jam per triginta annos extractam rurfus propoſuerunt c : eaque a *L. Siccio*, vel, ut alii, *Sicinius Dentato* viro fortiffimo militari facundia laudata eſt : diſſuaſoresque legis in craſtinum a Tribuniſ aſſeſſe juſſi ſunt d. Ergo ante lucem patricii cum clientibus ſuis varias fori partes occuparunt : & poſt multas altercationes prohibuerunt , ne eo die lex perferretur. Sed mox patricii juvenes, per quos id ſteterat, abſentes damnati ſunt ;

a *Liv. L. III. c. 30.* b *Dion. Hal. L. X. c. 32.*
 c *Ib. c. 35.* d *Ib. c. 40.*

sunt ; & Patrum in reliquis moderatione mala Reipublicae imminetia discussa : & statim , cum ab Aequis & Volscis commode bellum nunciaretur , exercitus in aciem eductus est. Profectus est simul cum Consulibus *T. Romilio* & *C. Veturio* ille Sicinius cohortem extraordinariam ducens octingentorum civium voluntariorum ^a , sive veteranorum militum , qui jam emeritis stipendiis ad militiam cogi non poterant. Cum vero ad hostes perventum esset Consules jusserunt , ut Sicinius cum cohorte sua castra hostium , quae in monte erant , adoriretur : simili consilio ac quondam illud fuit ; quo *David Uriam* perire fecit : & licet ostenderet Sicinius periculum non ambiguum , sed certissimum in eo versari , tamen alterius Consulis conviciis adactus ^b tanquam ad certam mortem cum octingentis suis militibus profectus est. At rusticis quodam duce longe alia , quam Consules putaverant , via in montem castris hostium imminentem evasit ; eaque castra capta cum omni praeda

H 2 in

^a *Ibid* c. 43.
c. 45.

^b *Dion. Hal. L. X,*

incendit a, ut Consulibus victoriae gloriam & triumphii splendorem imminueret. Haec autem res, cum vulgo innotuisset, magnam Consulibus invidiam apud omnes conflagavit; ita ut Sicinius (Livius *L. III. c. 31.* hic *C. Claudium Ciceronem* nominat) in A.U. 299. annum sequentem Tribunus plebis creatus Romilium violatae tribuniciae potestatis, & male acti imperii militaris damnaverit b, multa decem millium aeris c irrogata: quemadmodum post paucos dies collegae ejus C. Veturio quindecim millium aeris d multa est dicta. Verum Consules metuentes, ne & ipsis, statim ac magistratum ejurassent, similis lis intenteretur, aperte plebi favere coeperunt e: & constituerunt lege lata, „ ut omnibus magistratibus liceret „ eos mulctare, qui aliquid vel insolens, vel a moribus, aut legibus „ dissonum in sese admisissent; quod „ antea solis Consulibus licuerat“: deinde curarunt, ut ex Senatusconsulto decem legati in Graeciam mitteren-

a' *Dion. Halic. L. X. c. 47.* b *Ibid. c. 48. sq.*
 c 100. *Philippaci.* d 150. *Philippaci.* e *ib.*
 f. 50.

rentur, qui leges Atheniensium a *Solone*, Lacedaemoniorum a *Lycurgo* latas describerent; easque etiam, quae in *Magnae Graeciae* Urbibus ex *Pythagorae* potissimum institutis obtinebant; quarum imitatione Romani sibi ipsis *corpus legum* constituere possent. Hujus rei auctor potissimum fuit *Romilius* ille, de quomodo dictum est, ut se plebi iniquum non esse probaret: Interea, dum horum legatorum reditus expectaretur, a solitis contentionibus in Urbe cessatum est; praesertim cum etiam atrocissima pestilentia Urbem vastaret.

CAPUT TERTIUM.

De Decemviris legibus scribendis Consulari potestate.

A.U. 302.
Per. Jul.
4263. A.
C. 450.

§. I. **L**egatis, qui, ut diximus, legum conquirendarum causa missi erant, A. 301. Romam reversis ex sententia *Appii Claudii*, qui jam pessimo consilio pro truci saevoque insectatore plebis plebicola repente, & popularis aurae captator eva-

§. I. De
institutione
LL. 12.
Tabb.

ferat ^a, pro Consulibus Decemviri legibus scribendis, & quidem sine provocatione, creati sunt; interque eos in primis ipse Appius. Hi decimo die jus Populo singuli reddebant unica inter ipsos concordia; summa tamen adversus alios aequitate. Decem etiam legum Tabulas proposuerunt monito populo, ut singulas res iis tabulis comprehensas animo versaret, sermonibusque agitare, ut non alias leges haberet Populus Rom. quam in quas ipse consensisset ^b. Imo, ut manifestior harum legum aequitas esset ad rumores hominum unum quodque eorum caput correxerunt: easque tandem Comitiis centuriatis pertulerunt; & tamen etiam plebiscito easdem confirmare voluerunt ^c; ita ut nec Consulum nomen, quod exosum erat, nec tribunicium auxilium plebes requireret; praesertim cum etiam invicem appellatione cederent Decemviri. Verum sub finem annui sui magistratus rumores spargi curarunt, auctore praecipuo, ut videtur, Appio, quasi deessent etiamnum duae legum Ta-

^a Liv. L. III. c. 33. ^b Ibid. c. 34. ^c Dion. Halic. L. X. c. 57.

Tabulae, quibus adjectis absolvi posse velut corpus omne Romani juris. Comitia igitur Decemviris creandis rursus sunt indicta, eorumque habendorum munus a Patribus Appio injectum fuit, ne scilicet semet ipse creare posset: sed ille eo ipso impedimento pro occasione usus seipsum imprimis creat, collegasque sibi adsciscit, quos in suos mores formare se posse crederet a splendore vitae haud quaquam prioribus pares.

§. II. Hi statim insolentissime age- §. 2. De
re coeperunt cum duodenis singuli *tyrannide*
fascibus in forum prodeuntes, & in *Decemvi-*
humiliores libidinose crudeliterque *rorum.*
consulentes. Provocationem quoque *A.U. 303.*
re ipsa sustulerant: nam, si quis collegam appellasset ab eo ad quem venerat, ita decedebat, ut poeniteret, non prioris decreto stetisse; ita ut crederentur foedere inter se facto Decemviratum perpetuum reddere voluisse. Duas tamen adhuc legum tabulas prioribus addiderunt. Sed cum expectaretur quam mox Consulibus creatis Decemviratu se abdicarent, nullis magistratibus creatis privati pro

H 4

De-

A. U. 304. Decemviris in tertium etiam annum in forum prodierunt : ita ut jam in perpetuum libertas deploraretur, non sine maximo Decemvirorum odio ; & finitimarum gentium contemptu. Huc accedebat , quod falforum criminum accusatos adversarios suos exilio , vel morte afficerent : quodque audacissimis juvenum res eorum, qui sibi adversabantur, agere & ferre permitterent ^a. Ergo hac occasione usi Aequi & Sabini agrum Romanum invadunt ; ita ut Decemviri Senatum convocare cogerentur ; quod ipsis jam fere insolitum quemadmodum omnibus tyrannis talia concilia exosa esse plus semel jam est observatum. Verum cum jam Senatus convenisset acres sententiae adversus Decemviros sunt dictae ^b a *L. Valerio Potito* praesertim *Horatioque Barbato* : his vero ab Appio repressis *Claudius Appii* patruus dicere jussus censuit ^c, ut, ante quam de alia aliqua re decerneretur, pristina Reipublicae redderetur forma : & Valerius per Interregem Dictatorem creandum esse monebat ^d, cum Decemvirorum legitimum

^a *Dion. Hal. L. XI. c. 2.* ^b *Liv. L. III. c. 39.*

^c *Dion. Hal. L. XI. c. 11.* ^d *Ibid. c. 19. sq.*

mum tempus magistratus jam praeteriisset. *L. vero Cornelius*, cujus frater in Decemviris erat, prius hostes reprimi; deinde de forma Reipublicae consultari volebat ^a: eamque sententiam, tanquam quae vinceret, *Appius* pronunciavit. Interim tamen plurimi ex honestissimis civibus, quod se factionibus Decemvirorum victos viderent, Urbem deseruerunt, Decemviris nequaquam prohibentibus, praesertim cum eorum, ut militiae desertorum, bona publicarent ^b. Tandem post multas turbas delectum habuerunt Decemviri: verum non melius foris, quam domi Rempublicam gesserunt: cum & minus prospere saepe adversus hostes pugnarent; & plurimi cives Decemvirorum adversarii clam e medio tollerentur ^c. Praeter alia autem duo facinora invidiae plenissima emicuerunt; quorum alterum in Urbe, alterum in expeditione patratum est. Nam *Sicinius* illum fortissimum prospeculatum ad locum castris capiendum missum a comitibus suis interfici curarunt, sparso rumore tanquam ab hostibus per insidias

^a *Ibid.* c. 18. ^b *Ib.* c. 22. ^c *Ib.* c. 24.

fidias caesus esset ^a. In Urbe Appium, cui Urbis tutela decreta erat, libido cepit *Virginiam* plebejam, sed ingenuam virginem stuprandi: itaque *Claudio* cuidam clienti suo negotium dat, ut eam, tanquam serva sua natam, in servitutem coram tribunali suo affereret. Nec mora, additam Claudio puellam abducere jubet ^b. At quum fortissime se ei opponerent *P. Numitorius* puellae avunculus, & sponsus *Icilius*, in posterum diem res differtur. Interea *Virginius* virginis pater citatis equis e castris accitur; licet collegis in castra scripsisset Appius, *ne Virginio comitatus darent* ^c. Sed jam prima luce profectus *Virginius* cum ingenti matronarum aliorumque advocacy filiam in forum deducit. At amens libidine Appius obstinato animo *vindicias secundum servitutem* decernit. Ibi indignatus *Virginius*, ubi nihil usquam auxilii vidit, venia Appii puellam, tanquam coram nutrice percontaturus, *quid hoc rei esset*, seducit; arreptoque a lanio cultro confodit, *hoc mo-*

mo-

^a *Ibid.* c. 25. *Liv.* L. III. c. 43. ^b *Ib.* c. 45.
^c *Ib.* c. 47.

modo, quo posset, se filiam in libertatem vindicare adjiciens : atque protinus, frustra comprehendi eum jubente Decemviro, in castra contendit cruore conspersus, & strictum telum gerens. Ibi in concione commilitonum calamitate sua exposita eorum auxilium exposcit. Sed cum multi reverentia sacramenti militaris, quod sanctissimum Romanis habebatur, duces suos deserere non auderent, Virginius docuit, eos nullo sacramento Decemviris obstringi, cum potestas eorum nullis plane legibus niteretur, quando annuum Imperii Decemvralis tempus jamdudum praeteriisset a. His rationibus persuasi milites sublati signis in Urbem profecti sunt; & in Aventino castra posuerunt: ac postridie decem Tribunos militum, qui summae rei praessent, crearunt. His postea alter exercitus, qui in Sabinis erat, auctore Icilio Numitorioque accessit b : & etiam sibi decem Tribunis creatis, se alteri exercitui junxit; ita ut penes hos viginti Tribunos jam rerum summa esset. Cumque

a *Dion. Hal. L. XI. c. 43.* b *Liv. L. III. c. 51.*

que tamen in Senatu contentionibus assiduis nihil transigeretur, plebs in sacrum montem trans Anienem fluvium transiit. Tum demum, cum Horatius & Valerius assidue Senatum hortarentur, Decemviros increparent, hi, *quando ita videretur, in potestate Patrum se futuros*, affirmant: simul tamen rogantes, *ut caveretur, ne suo sanguine ad supplicia patrum plebs assuefieret*. Tum Valerius Horatiusque ad plebem missi sunt: hisque a plebe, *facere ut vellent*, permissum est^a. Ergo Senatusconsultum est factum, *Ut Decemviri se primo quoque tempore abdicarent; Tribunique plebis crearentur: & ne cui secessio militum plebisque fraudi esset*.

§. 3. Re-
stitutio
Reip. post
Decemvi-
ros.

§. III. Creati inter alios sunt Tribuni pater, sponsus & avunculus Virginiae; & mox Consules facti sunt, illi libertatis vindices Valerius Horatiusque. Hi statim leges centuriatis comitiis tulerunt; *ut quod tributim plebes jussisset, Populum teneret*; cum antea Patres plebiscitis non tenerentur. Legem etiam alteram *de magistratu sine provocatione non creando* sanxerunt.

Tum

^a Ibid. c. 54.

Tum quoque Tribunorum sacrosanctam potestatem nova sanctione firmarunt: additumque plebiscitum, *ut qui plebem sine Tribunis reliquisset, quique magistratum sine provocatione creasset, tergo ac capite puniretur.* Inde Virginius Appio diem dixit; qui nequicquam Tribunos appellans a viatore arripitur. Atque ita ille ipse libertatis Populi oppressor (miras consideret quis humanarum rerum vices) ad Populum provocare coactus est ^a. Sed nihilominus in carcerem est conjectus; ibique, frustra pro eo deprecante patruo Claudio, sibi mortem conscivit: eundemque vitae finem habuit *Sp. Oppius* Decemvir, qui collegam injuria grassantem non prohibuerat. Reliqui Decemviri exilii causa solum verterunt; bonaque eorum publicata sunt ^b. Ita compositis rebus urbanis exercitus Consules eduxerunt: & Valerius quidem Aequos & Volscos egregio, sed difficili praelio vicit: Horatius vero Sabinos etiam fudit, castrisque exiit. Cumque ipsis Senatus maligne triumphum

^a *Ibid.* c. 56. ^b *ib.* c. 58. *Dion. Hal. L. XI.*
^c 46.

phum negaret ^a, quod plebi faventes Senatus potentiam imminuissent, (ea praesertim lege, qua plebiscitis universum Populum teneri sanxerant) & Decemviros absque causae dictione Tribunis prodidissent, hi primi, invito Senatu, jussu populi triumpharunt.

§. 4. *No-
vae tur-
bae: nova
bella.*

§. IV. A. U. 305. Ipsi novem Tribuni plebis contra libertatem conspirarunt, eosdem Tribunos reficere in animo habentes, cum etiam Consulibus magistrarum continuare permetterent, quo sua cupiditas minus emereret ^b. Sed cum fors comitiorum *M. Duillio* viro prudenti evenisset, Consulesque ejus rogatu respondissent, *se novos Consules creaturos*, quinque hic novos Tribunos creavit; cum alii candidati justum suffragiorum numerum explere non possent, quod novem collegae *Duillii* aperte peterent. Novi Tribuni plebis in coop-
tandis collegis patrum voluntatem foverunt; duobus etiam consularibus viris assumptis. Verum hac occasione *L. Trebonius* Tribunus plebis legem tulit, *ut qui plebem Romanam Tribu-*

nos

^a *Dion. Ib. c. 49.* ^d *Liv. L. III. c. 64.*

nos plebei rogaret, is usque eo rogaret, dum decem Tribunos plebei faceret. Ipse Trebonius ab insectandis patribus *Asperi* cognomen tulit a. A. U. 307. A. U. 307. discordiis patrum & plebis illecti Aequi & Volsci ad ipsa Urbis moenia populabundi accesserunt: sed cum ne sic quidem plebeji ad nomina militiae danda permoverentur gravissima oratione a Quinctio Consule castigati ita flexi sunt, ut promptissime delectus haberetur: quo facto Consules educto exercitu hostes gravissimo praelio vicerunt.

§. V. Victoriā honeste de hostibus relata**m** b turpe domi de finibus fociorum iudiciū Populi deformavit. Iudices capti Romani de agro, de quo Aricini & Ardeates saepe bello certaverant, eum *P. Scaptio* quodam sene decrepito auctore, qui eum agrum Coriolorum fuisse, captisque Coriolis jure belli Romanorum factum fuisse dicebat, sibi adjudicarunt.

§. 5. Turpis Rom. rapacitas.

Hoc etiam anno, si *Tacito* c credimus, Quaestores primum comitiis a Po-

a *Liv. L. III. c. 65.* b *Ibid. c. 71.* c *Ann. XI. c. 22.*

Populo creari coeperunt; cum antea
ab ipsis Consulibus crearentur.

CAPUT QUARTUM.

A.U. 308.

Per. Jur. *De institutione Tribunorum militarium*

4269. A.

Consulari potestate.

C. 444.

§. I. *Initia
contentio-
num de
communi-
cando cum
plebe con-
sulatu.*

Anno Urbis 308. semina novorum
motuum, &, qui diutissime Rem-
publicam affligerunt, provenire cœ-
perunt; & quidem duplicia. Primo
C. Canulejus Tribunus plebis legem
promulgavit ^a, ut Populo potestas es-
set, seu de plebe, seu de Patribus vel-
let, Consules faciendi. Tum item
alteram, ut connubiorum communio ple-
bi ac patribus esset; quam communio-
nem sustulerant Decemviri. Et de
connubiis quidem vicit Canulejus ^b.
Sed cum Consulatus communicationi
vehementer Senatus adversaretur, at-
que ita frustra protraheretur ^c tempus
nunciatum est bellum ab Aequis,
Volscis, Vejentibus & Ardeatibus pa-
rari: Tribuni vero, nisi Senatuscon-
sultum de communicando cum plebe
Con-

^a Liv. L. IV. c. 1.
Hak. L. XI. c. 54.

^b Ibid. c. 6.

^c Dion.

Consulatu fieret; dilectum se impedituros esse minabantur. Itaque, cum optimates concilium suorum convocassent, ex C. Claudii sententia placuit, ut sex vel octo Tribuni militum Consulari potestate (de eo numero videbimus postea) crearentur;isque honor aequae plebejæ ac patriciis pateret. Ergo A. U. 309. status civitatis iterum est mutatus: & pro Consulibus tres duntaxat Tribuni militum creati sunt; iique omnes patricii; cum Populus esset contentus, quod plebejorum ratio in comitiis habita fuisset. Atque ita hic Magistratus unicum per multos annos remedium fuit tuendæ contra plebem Consularis dignitatis: iisque annis, prout vel plebs, vel Patres contentionibus praevaluissent, vel Consules, vel Tribuni militum creati sunt. Iis hoc nomen inditum est; quia inter plebejos maxime eminebant, qui Tribuni militum in castris fuissent. Nomen hujus magistratus per aliquot annos in Republica auditum fuit, donec A. U. 387. primus Consul e plebe crearetur; ut suo loco dicemus. Verum hoc A. 309. qui creati erant Tribuni militum tertio

A. U. 309.

mense postquam honorem inierant augurum decreto magistratu abierunt^a,
 tanquam vitio creati essent, quod C.
Curtius, qui comitiis eorum præfue-
 rat, parum recte *tabernaculum cepisse*
 diceretur. Sed hae patriciorum erant
 artes, qui soli auspicia habebant; aut
 potius pro lubitu ea e mentiebantur.
 Ergo in horum locum Consules sus-
 cepti sunt. Anno 310. & etiam sae-
 pius postea Consules iterum sunt fa-
 cti, cum & plebs patriciis, seu hunc,
 seu illum delatura honorem frustra
 certare supersederet; & principes ta-
 men plebis ea comitia haberi mallent,
 quibus non haberetur ratio sui, quam
 quibus ut indigni praeterirentur. Eo-
 dem anno nova *Censorum* & ingens
 dignitas in Republica emerfit. Cum
 enim per septemdecim annos Census
 in Republica actus non fuisset; ne-
 que Consulibus per frequentia bella
 otium esset id negotium agere, pro-
 prii huic rei magistratus creati sunt:
 & a *censendo* *Censores* dicti. Interea
 legati ab optimatibus Ardeatium Ro-
 mam venerunt auxilia adversus ple-
 bem suam, quae urbem obsederat,
 oran-

orantes a. Seditio exorta ibi fuerat causa virginis plebejæ: quam cum duo juvenes peterent, alter nobilis, alter plebejus, ille matris, hic tutorum judicio superior erat. Magistratus quidem secundum parentem pronuntiavit: sed plebs virginem e domo parentis rapuit; ita ut prælium atrox fieret: quo pulsa ex Urbe plebes agros optimatum vastabat; evocabatque Volscos ad obsidendam Ardeam. At ipsi Volsci a Geganio Consule unius noctis opere firmiore munimento circumvallantur, quam quo ipsi Ardeam cinxerant: Ita ut post-ridie dedito Imperatore suo, & traditis armis sub jugum missi abire cogerentur. Ita a Consule seditio Ardeatium est composita, principibus ejus motus securi percussis.

§. II. Anno Urbis 313. cum dira fame Romani premerentur petente plebe L. Minucius Augurinus c. creatur Praefectus annonae. At nulla ratione annonam ita laxare potuit, quin multi ex plebe omni spe amissa capitibus obvolutis se in Tiberim praecipitaverint. Itaque Sp. Maelius Eques

§. 2. Seditio Sp. Maelii.

I 2

Ro-

Romanus praedives ea occasione usus de regno consilia agitare coepit : Verum Minucius , cum eandem curationem publice ageret , rem facile comperit , conpertamque ad Senatum **A.U. 314** defert. Ergo Dictator *regni opprimendi & seditionis sedandae causa* dicitur senex L. Quintius Cincinnatus , idem qui in priore Dictatura Aequos sub jugum miserat. Hic C. Servilius Ahalam Magistrum Equitum dixit. Cum autem Maelius fidem plebis Romanae imploraret , *opprimi se consensu Patrum , quod plebi benigne fecisset* , dictitans , Servilius eum assecutus obtruncat , laudante facinus Dictatore. Maelii bona publicata sunt : domus jussu Dictatoris diruta ^a , ut monumentum esset oppressae nefariae spei : id *Aequimelum* appellatum est. Anno quidem Urbis 317. alter Spurius Maelius Tribunus plebei Minucio ob hanc rem diem dixit ; & rogationem de publicandis bonis Servilii Ahalae tulit : sed quae vana ad Populum fuere.

S. 3. Rursus bella cum Vejentibus, Fidnatibus, etc.

S. 3. Anno Urbis 315. Fidenates a Romanis ad *Lartem Tolumnium* Vejentium Regem defecerunt , legatis etiam Romanorum instinctu Tolumni

a Liv. L. IV: c. 16.

nū

nii interfectis, (quorum statuæ in rostris positæ sunt. Cic. *Phil. IX. c. 2.*) ut ita spe veniæ præcisa firmiori fœdere Tolumnio jungerentur. Et factis quidem bene res gessit *L. Sergius* Consul, ita ut *Fidenatis* etiam cognomen ex eo bello reportaret a. Verumtamen tantum bellum fuit ut Senatus *Mam. Aemilium* Dictatorem dici juberet; præsertim cum etiam Falisci auxilio Vejentibus venissent. Praelio commisso *A. Cornelius Cossus* b Tribunus militum Regem Tolumnium singulari praelio vicit; spoliaque optima altera a Romulo Jovi Feretrio tulit: unde patet, spolia optima etiam fuisse dicta, quæ aliquis ex minoribus ducibus duci hostium in acie detraxisset; ut docet etiam non sine laudis præfatione in his literis nominandus *Jacobus Perizonius* ó νῦν ἐν ἀγλοῖς c. A. U. 318. Fidenates cum Vejentibus in agrum Romanum populabundi descendunt, dum pestilentia affligerentur Romani. Contra eos Dictator dicitur *Q. Servilius Priscus*; qui primum Etruscas legiones collatis signis

a *Liv. lb. c. 17.* b *Ibid. c. 19.* c *Vid. Perizon. anim. Hist. c. 7. p. 252.*

nis fudit a; mox urbem Fidenas cuniculis actis cepit, unde, ut vidimus, *Fidenas* etiam ipse est dictus. Hac urbe capta in Etruria trepidatum est: cumque inde magnus tumultus imminere videretur Dictator iterum dictus est

A.U. 319. Mam. Aemilius. Verum cum reliquae civitates Vejentibus auxilia negassent Dictator b, ut tamen insigne aliquod Dictaturae suae exstaret monumentum, legem tulit, „ut Censura pro „quinquennali annua tantum & se- „meltris esset. “ Quod aegre passi Censores Mamercum tribu motum octuplicato censu aerarium fecerunt. Magni momenti non est, sed tamen

A.U. 321. notatu dignum, quod A. U. 321. Tribuni plebis legem promulgaverint, *ne cui album in vestimentum addere liceret* c; indignati, quod, cum per tot annos Tribuni militum consulari potestate crearentur, nulli unquam plebejo ad eum honorem aditus fuisset.

A.U. 322. Anno tamen sequente cum tumultus rursus ab Aequis & Volscis nunciaretur, Senatui Dictatorem dici placuit. Sed cum Consules, quorum potestas per Dictaturam cessabat, hoc facere re-

CU-

a Liv. IV. c. 22. b Ibid. c. 24. c Ib. c. 25.

casarent, Q. Servilius Priscus nomine Senatus Tribunos appellavit, ut pro potestate sua Consules Dictatorem dicere cogerent: nec Tribuni hanc occasionem augendae potestatis neglexerunt. Ergo T. Quinctius Consul Dictatorem dixit socerum suum A. Postumium Tubertum, severissimi imperii virum; qui difficillimo praelio, quo ipse & duo legati graviter vulnerati sunt, Consulique Quinctio brachium abscissum est, hostes vicit. *Diodorus Siculus L. XII.* & *Valerius Maximus L. V. c. 4. ex. 2.* item *Gellius nostrum Att. L. XVII. c. ult.* huic historiae addunt, Postumium Dictatorem filium suum, quod injussu suo praesidio decedens cum hoste pugnas-
set, licet victorem, securi percussisse. Id Livius negat^a, quia non sit verisimile T. Manlio, qui postea filium tali de causa securi percussit, Imperiosi cognomen inditum fuisse, & Manliana Imperia pro severissimis fuisse dicta, Postumium nulla tristi nota fuisse insignitum. Verum Cl. Perizonius *animadv. Hist. c. VIII. p. 350.* probat T. Manlii patri Lucio id cognomen jam fuisse inditum ob saevitiam in agendo dilectu

I. 4

4. Hinc

^a Liv. L. IV. c. 29.

adhibitam ex Livii *L. VII. c. 3.* 

4. Hinc per aliquod tempus Romanis otium ubique *fere* fuit. At A.U. 325. cum Veientes & Fidenates in agrum Romanum excursions fecissent, Fidenatibus quidem, ut in fide retinerentur, colonorum numerus est additus; in Veientes vero, quo minus exercitus duceretur, aquarum praesiccitate summa penuria, & ortis inde morbis est prohibitum: qua etiam occasione praeconi ad superstitionem Romanorum animi variam eam & peregrinam in Urbem induxerunt; ita ut aedilibus negotium daretur, *animadverterent, ne qui, nisi Romani, Dii, neu quo alio more quam patrio colerentur* a: tamen *Pighius in Annalibus* ad hunc annum spolia opima a Cossore-
A.U. 327. lata refert; quod in consulatu Cossicae relata esse putet. A. U. 327. ex quatuor Tribunis Consulari potestate tres Vejos profecti sunt: verum cum quisque ad sua Consilia tenderet aliquid cladis acceperunt: ita ut Tribunorum pertaesa civitas Dictatorem posceret: nec obfuit Mam. Aemilio censoria nota, quin tertium Dictator diceretur. Transstulerant Veientes bellum
ibid. c. 30.

lum Fidenas, cum Fidenates novorum colonorum caede arma sua imbuissent; ita ut ingens terror Romae esset exortus. At Dictator intrepide aggressus est hostes; nihilque moratus, quod facibus accensis multitudo Fidenatum in hostem rueret^a, eorum urbem castraque vi capit ac diripit; cumque triumphasset die decimosexto se magistratu abdicat. Anno sequente Vejentibus annorum viginti induciae sunt datae.

§. IV. A. U. 330. imprudentia & nimia fiducia *Sempronii* Consulis male adversus Volscos pugnatum est^b: sed fortitudine *Sex. Tempanii* equitum decurionis exercitus servatus fuit; idemque, cum Tribuni hac occasione usi in *Sempronium* inveherentur, & *Tempanium* ad testimonium dicendum evocarent, prudenti oratione cum ingenti laude, non virtutis magis, quam moderationis, hanc culpam a Consule amolitus est, moderationisque pretium in annum sequentem Tribunatum plebis tulit^c, eumque modestissime gessit. Eodem anno cum

§. 4. *Bel-*
la cum
Volscis &
Aequis
A. U. 330.

I 5 etiam

^a *Liv. L. IV. c. 33.* ^b *Ibid. c. 37.* ^c *Ib. c. 42.*

etiam *Hortensius* Tribunus plebis Sempronio diem dixisset, quatuorque collegae Hortensii pro Sempronio intercederent, vestemque se cum reo mutaturos esse dixissent, ab accusatione destitit.

A. U. 332. A. U. 332. Cum duobus adhuc Quaestoribus, qui Consulibus ad munia belli praesto essent, opus esse videretur, petierunt quidem eam dignitatem aliquot plebeji; sed obtinere non potuerunt, quin, quorum patres avosque Consules viderat Populus, illi reliquis praeferrentur ^a, indignantibus maxime Tribunis plebis, & iram suam in Sempronium effundentibus, qui acerrime actionibus Tribunorum de agris dividendis restiterat; & jam quindecim millibus aeris damnatus fuit.

A. U. 334. Servorum ^b de Urbe incendienda, atque occupanda arce conspiratio detecta est: *Lavicanique* (*Laticum*, vel *Lavicum* Latii veteris urbs fuit) novi hostes facti per discordiam Tribunorum militum aliquid cladis Romanis Romanis intulerunt: sed creatus iterum Dictator Q. Servilius Priscus Aequos Lavicanosque vicit: ho-

^a *Ibid.* c. 44. ^b *Ib.* c. 45.

imque oppidum cepit ac diripuit a.
 tus autem, ut Tribunis plebis A.U. 335.
 am populi praeriperet agrum La-
 num plebi dividendum censuit :
 & quingenti coloni eo sunt mis-
 si. His tamen non contenti Tribu-
 lebis aliis & iniquis legibus agra-
 rivitatem agitarunt b: donec Pa-
 scex ex eorum collegio ad inter-
 onem comparassent, consilio uti-
 jam antea notato. Eadem ra- A.U. 338.
 : discussa est rogatio L. Sextii tri-
 plebis, ut Volas quoque, quam
 ab Aequis modo ceperant Ro-
 i, coloni mitterentur. Sed anno
 ante Volae ab Aequis receptae sunt:
 imque adversus Aequos M. Postu-
 Regillensi Tribuno militum con-
 potestate permissum est. Hic
 inter Volarum oppugnationem,
 lam militis fore edixisset, oppido
 fidem mutavit. Nec conten-
 a levitate, cum idem Tribunus
 ius, se agrum etiam Volanum iis,
 um ceperant, divisurum esse dixit-
 salum militibus suis nisi quiescerent,
 tari ausus est. Hinc seditione or-
 quaestor Postumii vulneratus est.
 Postu-

Postumius vero seditionem cohibiturus acerbis quaestionibus, crudelibusque suppliciis asperiora omnia fecit : ita ut tandem eo indignatio eruperit, ut Tribunus militum ab exercitu suo lapidibus cooperiretur : quod facinus anno sequente, sed, moderatione Consulum, paucorum supplicio vindicatum est ^a. Verum omnino plebis animos delinire potuisse videntur Consules si Volani agri divisionem plebi objecissent ; qui mox paucis, ut cetera, praedae erat futurus. Fuiissetque seditio annis sequentibus concitata, nisi pestilentia & inde orta fames eam prohibuissent ; quo tamen malo plurimorum morbis, perpaucis funeribus defuncta est civitas : & tanta etiam-

^{A.U.} 343. num A. U. 343. penuria fuit, ut *Trebio* Aedili plebis, qui affibus Populo frumentum praestiterat statuae in Capitolio & Palatio ponerentur ; ipseque demum mortuus Populi humeris portatus in rogam est ^b. A. U. 344. cum arce *Carventana* ab hostibus capta nihilominus *Maenius* Tribunus plebis legis agrariae lator delectum impediret *C. Valerius* Consul novem

^a *Ibid.* c. 51. ^b *Plin. H. N. XVIII. c. 3.*

vem Tribunorum plebis decreto armatus, postquam paucis Tribunum appellantis *collum torfisset*^a, hoc est, *vi eos collo apprehensos ad parendum coëgisset*, metu ceteros, ut sacramento dicerent, subegit. Idem arce Carventana recepta praedae quod erat in aerarium redegit; quod exercitus militiam abnuisset. Cumque vererentur Patres, ne hinc offensus Populus Maenio locum inter Tribunos militares daret, consularia comitia sunt habita: *A. U. 344.* cujus rei dolorem quaestoriis comitiis ulta est plebes tres plebejos clarissimarum familiarum juvenibus praefendo, auctoribus potissimum *Iciliis*, ex qua infensissima patriciis gente tres eo anno Tribuni plebis erant: Ingentem hanc victoriam plebs habuit, ita ad Consulatum ac triumphos locum sibi patefactum reputans. Nec eo contenti Tribuni plebis, cum mira opportunitate Volsci Aequique bellum movissent^b, delectum impediendo rem eo deduxerunt, ut Senatusconsultum fieret de Tribunis militaribus anno sequente creandis, in quorum comitiis ratio plebis haberetur. Sed

^a Liv. L. IV. c. 55. ^b Liv. L. IV. c. 53.

A.U. 345. Sed & tunc tres patricii creati sunt; solerti patriciorum consilio, quod turbam indignorum candidatorum dignis intermisceri curassent; quorum taedio Populus a plebejis fuerat aver-
sus ^a. Cum autem tumultu majore, quam res erat, bellum nunciaretur Senatusque Dictatorem dici jussisset, duobus Tribunis militum nequicquam contra tendentibus, tertius *Ahala Servilius P. Cornelium Cossium* Dictatorem dixit, ipse ab eo Magister equitum creatus. Hostes facili praelio sunt victi. Is annus insigne specimen moderationis Romanae praebuit ^b. Cum enim Veientes legatione missa a Senatu postulassent, ne res ab iis repeterentur, quia discordia intestina laborarent, concessum hoc ipsis fuit. At in Volscis, quod tardius Senatus praesidio *Verrugine* obfesso succurrisset, accepta clades fuit. **A. U. 347.** *Anxur* Volscorum oppidum expugnatum, & militibus diripiendum datum est; quae res primum plebem patribus conciliavit. Ei mox accessit beneficium a Senatu ^c decernente,

^a *Ibid.* c. 56. ^b *Ib.* c. 58. *omnino.* ^c *Ibid.* c. 60.

te, ut stipendium miles de publico acciperet, cum ante id tempus de suo quisque functus eo munere esset. Gratissimum hoc plebi fuit, nequicquam liberalitatem patrum in peiorem partem detorquentibus Tribunis Eodem anno Veiens bellum motum est ob superbum responsum legatis res repetentibus datum: Sed anno demum sequente obsideri coepti sunt Veji; eaque obsidio in decimum annum traxit. *Artena* etiam Volscorum oppidum hoc anno servi proditione captum est a. Servo praeter libertatem, duarum familiarum bona in praemium data: quod ceterae Romarum magnanimitati non nimis congruum fuisse videtur.

§. 5. Anno Urbis 350. octo Tribunos militum consulari potestate creatos fuisse dicit Livius, Censurum, qui eo anno fuerunt, (ut ex Fastis Capitolinis patet,) nomina per incuriam iis adnumerans. Vid. Cl. Perizon. anim. Hist. c. 2. Quicquid ejus rei sit, ut obsidio Vejorum acrius continuaretur, Tribuni exercitum sub pellibus hyemare coegerunt, novo Romano militi more b. Nec occasione defuerunt Tribuni

§. 5. Bellum cum Veientibus.
A.U. 350.

a *Ibid.* c. 61. b *Liv. L. V. c. 2.*

buni plebis criminando, quasi ad vexandam plebem unice hoc facerent. Sed *Appius Claudius* Tribunus militum a collegis ad opprimendas seditiones tribunicias in Urbe relictus gravi & prolixa oratione Tribunis plebis respondit, plebemque in suas partes pertraxit ^a. Cumque eodem tempore clades ad Vejos nocturna hostium eruptione accepta nunciaretur, & ingens inde omnibus moestitia esset injecta, repente quibus census equester erat, equi publici non erant adsignati, Senatui, *equis se suis stipendia futururos* promiserunt ^b. Eo exemplo permota quoque plebs *operam Reipublicae extra ordinem* pollicetur: & si *Vejos ducatur, priusquam capta urbe inde redituram esse*, negat. Ita summo patrum gaudio grates plebi actae: stipendia voluntariis etiam peditum decreta. *Equites* quidem tum *primum equis merere* coeperunt: atque ita alacriter quae ad Vejos amissa fuerant restituta sunt. Anno sequente praesidium Anxure negligentius agens a Volscis oppressum est, nec mea

A.U. 351.

^a *Ibid.* c. 3-7. ^b *Vid. Graev. praef. ad T. 1. Ant. Rom. & Schellum not. in Polyb. c. 4.*

melius ad Vejos discordia ducum res gestae sunt : nam cum *Capenates* & *Falisci* novi hostes accessissent , *Maniusque Sergii* Tribuni militum castra aggrederentur , *Virginus* , qui alteris castris praeerat , auxilium , nisi rogatus , collegae ferre noluit : hujusque tanta fuit pertinacia , ut vinci ab hoste , quam vincere per civem mallet. Ita magna clade accepta coacti sunt Tribuni etiam ante justum comitiorum tempus abdicare : creatique A. U. 352. alii Tribuni militum multiplex bellum eodem tempore cum *Vejentibus* , cum *Faliscis* , cum *Volscis* gesserunt : cum interea Tribuni plebis ob collationem stipendii , quae tributorum pensionem necessariam reddebat , turbulentis concionibus civitatem agitarent ^a. Atque ita tandem effecerunt , ut A. U. 353. usurpandi A. U. 353. juris causa unus ex plebe *P. Licinius Calvus* Tribunus militum consulari potestate crearetur : ita demum de tributo impediendo Senatui remissum est. Cumque placuisset *Licinius* in magistratus gestione , anno sequente de sex Tribunis militum quinque ple-

K

beji

beji facti sunt ; ita ut jam Senatui prope major comitiorum , quam belli cura esset , cum non tantum communicatum cum plebe , sed prope amissum summum honorem cerneret. Itaque religionem etiam plebi pincutere conati sunt , quod priore anno intoleranda hyems fuisset ; proximo etiam pestilentia agris Urbique illata. Ergo

M. V. 355. A. U. 355. omnes patricii creati sunt. Tum vero inter multa alia prodigia , quae quotidie nunciabantur , maxime animos tenuit , quod lacus in nemore Albano sine ulla causa perspicua in altitudinem insolitam crevisset ^a. Quidnam eo portenderetur sciscitatum *Delphos* oratores missi sunt : sed interim senior quidam *Veiens* vaticinatus est , *nunquam Vejis potiturum Romanum , priusquam ex lacu Albano aqua emissa foret.* Quod statim Romanis innotuit : (jam enim per longinquitatem belli sermonum commercium factum erat) ergo juvenis praevalidus ex statione Romanorum colloquii specie senem elicuit ; inque omnium conspectu raptum ad Imperatorem perduxit. Ergo anno sequente , cum

legati

^a Liv. *Ibid.* c. 153

legati sortem oraculi responso vatis congruentem attulissent, senex ad procurationem prodigii Albani, Deosque rite placandos est adhibitus. Cumque praeterea ex ambagibus oraculi Tribunos militum vitio creatos esse colligerent, illi quidem abdicarunt; sed in annum sequentem Tri- A.U. 357.
buni militum creati sunt omnes ex plebe ^a. Verum dum duo ex illis majore animo, quam consilio, rem gerunt in insidias praecipitaverunt; unde ingenti terrore Romae orto Dictator dictus est fatalis Dux ad excidium Vejorum servandaeque patriae *M. Furius Camillus*: cum quo repente omnia mutata sunt. Nam restituta disciplina, novoque exercitu conscripto, summa ratione consilioque omnia egit; fortuna etiam, ut fit, secuta. Inde exercitu ad Vejos ducto cuniculum in arcem hostium agere coepit ^b. Cum autem jam victoriae certus esset, Senatum consuluit quid de praeda fieri vellet. Placuit edici, ad praedam *Vejentem*, quibus videretur, in castra ad *Dictatorem* praefici scerentur. Ergo per cuniculum in urbem

K a

crum.

erumpunt Romani : atque ita oppidum Etrusci nominis opulentissimum, cum decem aestates hyemesque continuas circumfessum fuisset, expugnant. Maximum inde Romae gaudium fuit ; ita ut in quatrimum supplicationes, quot dierum nullo ante bello, Senatus decreverit. Triumphavit Camillus curru equis albis juncto ^a, quod parum humanum fuit visum ; cum Jovis & Solis currus albis equis trahi dicerentur. Invidiae ergo ingenti haec res ipsi fuit : cui accessit, quod decimam partem praedae Vejentanae in publicum conferre omnes juberentur ; ut ex ea donum Apollini, cui decimam de praedae voverat Camillus, fieret. Cumque etiam urbs & ager Vejentium voto contineri sacerdotibus fuisset visum ^b, placuit, ut in aestimationem ea venirent : atque cum ita pecunia ad eam rem aerario deesset, matronae aurum & omnia ornamenta sua eo contulerunt. Agitatum etiam fuit a Tribunis, latore ejus legis T. Sicinio Dentato, „ ut quoniam Veji „ urbs, agerque Vejentanus, urbe „ agro-

^a *Ib. c. 23. Plut. Camillo p. m. 132.*

^b *Ibid. c. 25.*

„ agroque Romano ampliores, uberiorioresque essent, plebis Senatusque parti habitanda darentur. ” Quares constantia & fortitudine principum Senatus, qui se identidem plebi occidendos offerebant, fuit discussa.

§. 6. A. U. 359. Faliscos M. Furius Camillus obsedit: & diuturnus labor fore videbatur ^a, cum istis temporibus omnibus bellicis machinis nondum inventis, commeatum intercludendo maxime obsessas urbes expugnare cogerentur. Sed commodum evenit, ut, pro more docentium apud veteres, magister liberos principum erudiens eos ad ambulandum saepius educeret; atque sensim longius progrediendo eos tandem perduceret in ipsa Romanorum castra; ut ita eo pignore Romanis tradito puerorum parentes etiam urbem suam tradere cogerentur: sed scelesti hominis perfidiam detestatus Camillus denudatum eum, manibus post tergum religatis, reducendum & virgis verberandum pueris tradidit. Hac Camilli probitate moti Falisci se Romanis dedunt.

§. 6. Camilli probitas, &c.
A. U. 359.

K 3

In

In Aequis eodem anno ambigue bellatum est. Et de lege, quam Sicinius de transferenda Vejos populi parte promulgaverat, contentionibus certatum; ut etiam anno sequente, quo post quintum decimum annum rursus Consules creati fuerant ^a: sed licet tertium refectus esset Tribunus plebis Sicinius, lex ejus, annitenti-
A. U. 360. bus summo opere Camillo auctore, patribus, perlata non est: verum delinendae plebe agri Vejentani septena
A. U. 362. jugera ipsi divisa sunt. **A. U. 362.** cum pestilentia in Romano agro ex siccitate nimisque caloribus esset orta, ut copia magistratuum Reipublicae esset, si cui eorum incommoda fuisset valetudo, sex Tribuni militum consulari potestate creati sunt, qui leviter cum finitimis bella gesserunt. Sed majoris momenti est, quod eo anno Camillus divisae inique praedae Vejentanae accusatus in exilium abiit ^b, Deos precatus, *si innoxio sibi ea injuria fieret, primo quoque tempore desiderium sui civitati ingratis facerent*: absens quindecim millibus gravis aeris damnatur.

^a *ibid.* t. 29. ^b *ibid.* c. 32.

CAPUT SEXTUM.

*De bello Gallico, & capta a
Gallis Urbe.*

A.U. 363.

Per. Jul.

4324.

A.C. 389.

§. I. **R**egnante Romae Tarquinio §. I. De
Prisco Ambigatus Biturigum, adventu
& totius Celticae Rex a exonerare Gallorum
praegravante hominum turba regnum in Italiam.
cupiens Bellovesum ac Sigovesum fo-
roris filios, hunc in saltus Hercynias;
illum in multo laetionem Italiam misit.
Qui Taurino saltu Alpes transgressus
in Insubria consedit, urbemque ibi
Mediolanum condidit. Hunc alii at-
que alii subinde secuti omnem agrum
inter Padum & Alpes non tantum oc-
cuparunt; sed etiam Pado trajecto E-
truscos Umbrosque agro pepulerunt.
Adversus eos Clusini, quorum urbs
ad Clanum fluvium Porsonae quondam
regia fuit, auxilium a Senatu petie-
runt. De auxilio negatum est: sed
legati sunt missi tres M. Fabii Am-
busti filii, qui cum Gallis agerent, ne
focias Pop. Rom. oppugnare vellent. His
fatis benigne a Gallis responsum est,

K 4

se,

a Liv. L. V. c. 34. sq.

*se, agrorum egentes petere partem agrorum, quam latius, quam colere possent, possidebant Clusini. Sed cum ferociter utrimque ageretur, accensis animis ad arma discurritur. Ibi contra jus gentium legati Romanorum in prima acie adversus Gallos, & fortiter quidem, pugnarunt. Hinc merito irati Galli, omissa pugna, legatos Romam mittunt, postulatum, ut pro jure gentium violato Fabii dederentur. Verum & apud Senatum & apud populum tantum ambitio, gratia & opes Fabiorum valuerunt, ut quorum de poena agebatur, Tribuni militum Consulari potestate in annum insequentem crearentur. Ea injuria accensi Galli confestim signis convulsis citato agmine Romam contendunt, Tribunis interim, quorum temeritate bellum contractum erat, summa negligentia rem militarem curantibus. Aegre tandem, velut tumultuario exercitu raptim ducto, ad undecimum lapidem, qua *Allia* fluvius Tiberino amni miscetur, Gallis occursum est. Sed eadem temeritate, eodem divinarum humanarumque rerum*

rum contemptu omnia sunt gesta 2. Pugnatum est xv. Kal. Septembres: diesque ille a loco pugnae *Alliensis* est dictus; & infaustissimus deinceps est habitus; maxime cum olim trecenti Fabii ad Cremeram eodem die caesi fuissent. Maxima tamen pars Romanorum incolumis Vejos perfugit; reliqui Romam petiere tanto pavore, ut ne clausis quidem portis Urbis in arcem confugerent.

§. II. Galli miraculo victoriae suae §. 2. *Urbis a Gallis; capta. A. U. 363.* obstupefacti, velut ignari quid accidisset, insidiasque metuentes sub occasum demum solis ad Urbem perveniunt: sed etiam ibi, cum Equites praegressi nunciassent, nullas portas esse clausas, nullam stationem pro portis excubare, non armatos esse in muris noctem veriti, ante Urbem confederunt. Sequenti luce signa portis illata sunt. Sed interim placuerat Romanis, ut juvenus militaris cum conjugibus ac liberis, senatusque robore in arcem Capitoliumque conscenderent, armis & frumento eo collatis. Sacra cum flamine sacerdotibusque Vestalibus Caere in Etruriam sunt

K 5

missa.

missa. Seniorum confularium, triumphaliumque turba, ne oneri obsessis esset, domos regressa, insignibus virtutis, aut honoris, quas cuique propria, induiti, sellisque curulibus medio aedium suarum sedentes, obstinato ad mortem animo adventum hostium expectabant ^a. Postridie Galli patente porta *Collina* Urbem ingressi primo quidem illos in vestibulo aedium suarum sedentis viros tanquam Diis simillimos (tantam majestatem vultus gravitasque oris prae se ferebat) venerabundi intuebantur. At mox unus ex his senibus, *M. Papirius* dicitur Gallo barbam suam suam honoris ergo demulcenti scipione eburneo in caput incusso iram movisse, atque inde initio caedis orto ceteros in sedibus suis fuisse trucidatos. Hinc nulli mortalium parcitum est: Urbs direpta: tectis ignis injectus. Nequaquam tamen Romanis, qui arcem tenebant, hac rerum suarum clade animus fractus est. Ita ut Galli ^b, cum viderent, eos ad deditionem animos flexuros non esse, nisi vis adhiberetur, arcem summo conatu oppugnarent;

^a Liv. L. V. c. 41. ^b Ibid. 4. 43.

rint; sed tanta strage & ruina repulsi sunt, ut nunquam postea, nec pars nec universi tale pugnae genus tentaverint. Igitur diviso exercitu, partim, ut frumentum suppeteret, per finitimos populos praedari placuit, partim obsidere arcem. Praedantes Gallos fortuna ipsa Ardeam duxit; ubi ab exule Camillo magna strage affecti sunt: nec minore fortuna Tuscos etiam Romanum agrum incurrentes, & Vejorum oppugnationem animo agitan-
tes Caedicius centurio iterata pugna superat ^a. Et indies Vejis & animi & vires crescebant; non Romanis tantum, sed etiam ex Latio voluntariis eo confluentibus. Placuit itaque ab Ardea Camillum acciri; consulto tamen ante Senatu, qui Romae erat, ne quid minus conveniens legibus ac jure actum videretur. Factum est hoc per juvenem *Pontium Cominium*, qui magno suo periculo in Capitolium evasit: acceptoque inde Senatus decreto de Camillo curiatis comitiis ab exilio revocando, jussuque populi Dictatorem eum dicendo, incolumis Vejos rediit. Interim Galli nocte qua-

dam

dam sublustri b arcem; non animadvertentibus custodibus, cepissent, nisi *anser* * Junoni sacri clangore alarumque crepitu *M. Manlius* excitassent: unde postea semper anseres publice in Capitolio nutriti sunt. Plin. H. N. L. X. c. 22. Cic. *pro Rosc. Amer.* c. 20. Mulieres etiam ex capillis suis tormenta fecerunt; unde aedes Veneri *Calvae* est consecrata. *Lactant. L. I. c. 20.* ejusque Manlii potissimum fortitudine repulsi sunt Galli. Sed jam ultra fames ferri non poterat, (septimus enim jam mensis erat, quo Capitolinus exercitus obsidebatur) & Galli etiam fame ac pestilentia urgebantur. Ergo induciis factis colloquia permissu Imperatorum haberi coeperunt, jactantibus non obscure Gallis, haud magna mercede se adduci posse, ut obsidionem relinquunt: ita mille pondo auri recessus eorum redimitur.

§. 3. *Urbs
a Camillo
liberata.*

§. III. Sed Galli insolentia elati non tantum iniqua attulerunt pondera: verum etiam, recusante, qui aderat Tribuno,

a *Ibid. c. 42.*

* *Lucret. IV. v. 687. Virg. Aen. VIII. v. 655.
Ovid. Fast. I. v. 453. Propert. III. 2. v. 12.*

buno , insolens *Brennus* (Gallorum regulo hoc nomen erat) gladium ponderi addidit , vocemque Romanis intolerandam , *Vae victis esse* ^a. Dum autem per hanc altercationem nondum omne aurum esset appensum intervenit Dictator , *auferrique aurum de medio* , & Gallos submoveri jubet ; *injussu suo inferioris juris magistratum pacationem* , quae rata foret facere potuisse negans. Inde facili negotio Gallos Roma expellit ; moxque ad octavum lapidem ita caedit , ut ne nuncius quidem cladis relinqueretur. Atque ita triumphans in Urbem reventus *Romulus ac parens patriae* , conditorque *alter Urbis* ^b a militibus appellatur. Et ita quidem rem narrat *Livius* , & post eum *Plutarchus* ^c & *Polyaenus* ^d : sed *Polybius* L. II. c. 22. *Justinus* , sive *Trogus Pompejus* L. XXVII. c. 2. & XXXVIII. c. 4. *Suetonius Tiberio* c. 3. quin ipse *Livius* L. X. c. 16. Gallos aurum absportasse satis diserte memorant ; ut observat *Palmerius* a *Grentesmenil exercitationibus in Auctores Graecos* p. 188. Verum

^a *Ibid.* c. 49. ^b *Ibid.* c. 59. ^c *Camille* p. m. 143. sq. ^d L. VIII. c. 7. §. 2.

rum responderi potest, Polybium, Livium, Justinum locis citatis hostes Romanorum pro sua causa loquentes inducere. Suetonium autem quod attinet, ille de incerta satis fama loquitur. Hoc tamen certum est, nullum postea bellum tantopere timuisse Romanos quam Gallicum: ita ut *tumulus* proprie, non *bellum* diceretur: ac omnis excusatio militandi tunc cessaret ^a. Cum autem Tribuni plebis legem de transmigrando Vejos renovarent, assiduis concionibus monentes plebem, ut Urbem in ruinis jacentem relinqueret, Camillus summa vi se ipsis opposuit: & maxime quidem populum permovit, quod nec sacra, nec Deos suo loco moveri posse absque religione ostenderet ^b. Ita antiquata lege statim aedificari coeptum est: sed festinatio curam vicus dirigendi exemit; eoque factum est, ut forma Urbis occupatae magis, quam divisiae, similis esset. Camillum, nisi anno circumacto Dictatura se abdicare populus est passus ^c. Ita demum A. U. 365. A. U. 365. creati Tribuni militum consu-

^a Cic. pro Fontejo c. 16. ibique Hotom.

^b Liv L. V. c. 55, ^c Ibid. VI. 1.

consulari potestate foedera primum & leges, quae comparerent, conquiri iusserunt: diemque a. d. xv. Kalendas *Sextiles*, (est *Julii* mensis decimus octavus) quo ad *Alliam* cum exitio Urbis foede pugnatum erat, *Alliensis* appellarunt; & inter atros retulerunt ^a.

§. IV. Eodem anno illi, qui Ve- ^{§. 4. *Alia*}
 gentium Capenatiunque ac Faliscorum ^{*rursus*}
 per ea bella ad Romanos transfuge- ^{*bella.*}
 rant, in civitatem accepti sunt ^b:
 revocatique in Urbem Senatusconsul-
 to a Vejis, qui aedificandi Romae pi-
 gritia eo se contulerant, capitali poe-
 na in eum, qui non remigrasset, con-
 stituta: tantoque ardore aedificatum
 est, ut intra annum nova urbs stete-
 rit. Sed eodem tempore Volsci ve-
 teres hostes ^c, & Etrusci arma cepe-
 rant. Latini quoque ac Hernici post
 centum prope annorum nunquam am-
 biguam fidem a Romanis defecerant:
 nam quod antea *Tiburtes*, *Praenestini*
Tusculani aliquando defecerant, pri-
 vato eorum nomine, privatis opibus
 factum fuerat. Ad tantos undique ter-
 rores

^a Cic. *Attic.* L. IX. n. 5. *Fest.* V. *Alliensis*.

^b Liv. L. VI. c. 4. ^c *Ibid.* c. 2.

rores Dictator tertium dicitur Camillus; qui primum in Volscos profectus septuagesimo demum anno eos ad deditionem subegit. Inde Aequorum castra, urbemque cepit. Hinc adversus Etruscos a *Sutrium* oppugnantes exercitum duxit: urbemque jam captam invenit; sed incautos cum offendisset Etruscos ante noctem *Sutrinis* inviolatum oppidum reddidit. Anno sequente *Cortusæ* & *Contenebra* Etruscorum oppida capta sunt. At A. U. 368. jam senio gravis Camillus factus Tribunus militum IV b. Volscos, Latinos, Hernicosque juvenili ardore vicit; cum ingens pavor & tristitia Romanum exercitum invasisset, quando cum centenis hostibus singulos pugnatos esse jactarent. Sed cum vidissent ipsum Camillum senectâ invalidum in hostes vadentem c, & signiferum proximum manu arreptum secum rapientem mutuo hortatu pariter procurre runt; hostemque ceciderunt; donec nox praelium dirimeret. Verum mox revocatus est Camillus, ut Etruscis opponeretur, quos iterum Sutrio eiecit:

a *Ibid.* c. 3. b *Ibid.* c. 6. c *Ibid.* c. 8.

cit : & *Nepefinorum* urbem a, quae ad hostes defecerat, recepit.

§. V. Anno Urbis 369. grave etiam §. 5. *Man-*
bellum a Volscis fuit, adjuncta Lati- *lius reg-*
norum, Hernicorumque defectione b. *num affe-*
Sed gravior seditio domi exorta est a *ctat.*
M. illo, Manlio, qui Gallos e saxo
Tarpejo deturbarat. Is ingenii vehe-
mens & nimius animi, quum alios
principes, ut inferiores sperneret, uni
M. Furio Camillo invidebat: ac post
quam animadvertit inter patres non
quantum aequum censebat, opes suas
excellere, repente popularis factus no-
vas tabulas, aerisque alieni abolitio-
nem agitare coepit. Imo centurio-
nem, nobilem militaribus factis, quum
judicatum pecuniae duci vidisset, tra-
num ei iniecit c: palamque populo
rem creditori solvit. Alia etiam ad
commovendam plebem addidit; ut
quod fundum, caput patrimonii,
praeconi subjecit, *se hoc facere* adji-
ciens, *ne quem Quiritium judicatum*
addictumve duci videret. Adhaec domi
secretis concionibus criminabatur Pa-
tres, ac si aurum, quod ad redimen-
dam a Gallis civitatem collatum fue-

L . rat,

rat, in eorum praedam cessisset. Ergo haec Manlii consilia magis quam tre-tus belli Volsci, licet ille praetexere-tur; compulit Senatum ut Dictato-rem crearet *A. Cornelium Cossium*. Hic primo Volscos sociosque eorum praeio vicit: (merito hic Livius a sanietatem meruit lectoris; metumisque & nos; quod frequens adeo mentio belli istius cum Volscis & finitimis gesti occur-rat; dubitatque, unde toties ipsis vi-ctis suffecerint milites: sed etiam no-bis eam tamen seriem rerum sequi me-lius videtur). at mox suspensis per mo-litiones Manlii rebus in Urbem acci-tus ^b, postquam in Senatu voluntates hominum periclitatus fuisset discede-re Senatum a se vetuit. Atque ita sella in comitio posita Manlium per viato-rem vocat; jubetque missis ambagi-bus; aut probare crimen Senatui ob-jectum; aut fateri, se vani furti in-juriam obtulisse. Negantem arbitrio inimicorum se locuturum in vincula duci jussit; cum nequicquam Deos Capitolium, quod defenderat, incolen-tes in auxilium sui vocaret. Mox Di-ctator de Volscis triumphavit: sed

summa

summa plebis invidia *de Manlio potius, quam de hoste triumphum actum* dicentes. Senatus vero ^a, ut seditionem leniret, *Satricum* coloniam duo millia civium Romanorum, deduci iussit; iisque bina jugera & semisses agri assignavit. Sed magis eo remedio irritata fuit seditio, cum & parum, & paucis datum esset; mercedemque prodendi Manlii interpretarentur. Igitur Manlius Senatusconsulto liberatur vinculis; atque ita dux seditioni datus est. Senatus vero magistratibus mandavit ^b, quod non nisi in suprema Reip. necessitate fiebat, *viderent, ne quid ex perniciosissimis consiliis M. Manlii Respublica detrimenti caperet*; ipsis Tribunis (cum cernerent, eundem suae potestatis, quam libertatis omnium, finem fore) patrum auctoritati se dedentibus. Imo ipsi Tribuni Manlio diem dixerunt; qui tanto suis odio erat, ut ne fratres quidem ejus causae faverent. Ipse tamen, tum alia sua pace belloque bene gesta memorando; tum identidem ad Capitolium a se servatum manus tendendo (campo Martio enim, ubi iudicium

L 2 ageba-

agebatur, Capitolium imminebat) populum ad misericordiam permoturus videbatur. Itaque prodicta die in locum extra Urbem ad portam *Numen-
tanam*, (sic pro *Flumentana* apud *Li-
vium* legit *Fam. Nardinus Roma Vet.
L. IV. c. 4.* & adoptavit eam emen-
dationem tacito Nardini nomine *Ol.
Borrichius ant. U. R. facie c. 7.*) unde
conspectus in Capitolium non esset,
Concilium populi indictum est. Ibi
damnatus, & mox a saxo Tarpejo
dejectus est; ut idem locus in uno ho-
mine & eximiae gloriae & poenae ul-
timae monumentum esset. Decretum
etiam est a Senatu, ne quis patricius
in arce, aut Capitolio, ubi aedes
Manlii fuerant, habitaret. Gentisque
Manliae (non Senatus, ut plurimi mi-
nus recte narrant) decreto cautum
est, ne quis deinde *Marcus* Manlius
vocaretur ^a: quemadmodum postea
in *Marco Antonio* quoque factum esse
testatur *Dio L. LI. p. 309. edit. regiae*
1548.

§. 6. *Bella
rursus ex-
terna.*

§. VI. Anno sequente 371. bello
Volsco *Veliternorum* & *Circejenfium* de-
fectio accessit. Praenestini etiam &

Lanu-

^a *Liv. L. VI. c. 21.*

Lanuvini, qui fidelissimi fuerant, subito hostes exorti Satricum coloniam pertinaciter a colonis defensam vi expugnarunt. Bellum Volscum Camillo sextum Tribuno militum Consulari potestate extra ordinem decretum est, & ab eo, ratione vires juvante, (numero enim praestabant hostes) prudenter gestum : sed collega ejus *L. Furius* aetate & ingenio ferox Camillo invito praelium committit ; ingenti-que clade caesus fuisset, ni Camillus auxilio advolans victoriam hostibus extorsisset ^a. Sed tanta tamen in hoc viro animi moderatio fuit ; ut cum mox Tusculanos bello persequendos esse Senatus censuisset (ex captivis enim quibusdam intellectum fuerat Volscis auxilia misisse Tusculanos) hunc eundem *L. Furium* adiutorem sibi permittente Senatu adsciverit. Sed Tusculani nullum plane bellum, nec defensionem quidem ullam parantes eo ipso pacem in praesentia nec ita multo post civitatem etiam impetraverunt ^a. A. U. 374. cum ad Prae-

A. U. 374.

L 3

runt

^a *Ibid.* c. 24. ^b *Ibid.* c. 26.

runt Tribuni plebis postulantes, ut primum aes alienum inspiceretur, ut sciret unusquisque, *quid sui, quid alieni esset*. Hujus discordiae fiducia Praenestini ad ipsam portam Collinam signa intulere ^a. Romani vero a seditione ad bellum versi Dictatorem fecerunt *T. Quinctium Cincinnatum*; cujus terrore statim hostes a moenibus recesserunt; castris ad Alliam fluvium positis, tanquam locus ille Urbi Romae fatalis esset. Sed ne primum quidem impetum Romanorum sustinuerunt, oppido Praeneste sese includentes. Id cum antea octo etiam oppida, quae sub ditione Praenestinorum erant, fuissent capta, Velitraeque etiam essent expugnatae, Romanis deditum est. *T. Quinctius* die vigesima quam creatus erat, Dictatura se abdicavit. Anno tamen sequente rebellarunt Praenestini concitatis etiam Latinorum ^{1. U. 375.} populis: qui Tusculum se contulerunt incensi rabie ob iram, quod, deserto communi concilio Latinorum, non in societatem modo Romanam, sed etiam in civitatem se dedissent Tusculani ^{1. U. 377.} ^b. Primo impetu oppidum, praeter ar-

cem

^a *Ibid.* c. 28. ^b *Ibid.* c. 33.

cem captum est: at. mox a Romanis receptum fuit. Latini ad unum omnes in medio oppido caesi.

CAPUT SEPTIMUM.

A.U. 377.

Per. Jul.

4328.

A.C. 375.

*De communicato cum plebe Consu-
latu ad bellum usque Sam-
niticum.*

§. I. **E**odem anno Tribuni plebis L. *§. I. Leges*
Sextius Sextinus Lateranus, C. *a Sextio*
Licinius Calvus Stolo leges promulga- *& Licinio*
verunt a adversus opes patriciorum & *Trib. pl.*
pro commodis plebis: unam de aere *latae.*
alieno, ut deducto eo de capite, quod
usuris pernumeratum esset, id, quod su-
peresset, triennio aequis pensionibus per-
solueretur. Altera fuit de modo agro-
rum, ne quis plus quingenta jugera a-
gri possideret. Sed ipse Licinius primus
hac lege damnatus est, quod mille
jugerum agri cum filio possideret, e-
mancipandoque filium fraudem legi
fecisset. Liv. VI. c. 16. Tertia, ut Con-
sulum, utique alter ex plebe crearetur.
Harum autem legum occasio haec
fuit. Erat M. Fabius Ambustus, vir

L. 4

po-

a Liv. Ibid. c. 34. sq.

potens; cujus filiae duae nuptae, *Ser. Sulpicio* major, minor C. Licinio Stolonii. Forte ita incidit, ut in Ser. Sulpicii Tribuni militum domo sorores *Fabiae* sermonibus, ut fit, inter se tempus tererent quando lictor Sulpicii, quum is de foro se domum reciperet, forem (ut mos erat) virga percuteret. Quum ad id moris ejus insueta expavisset *Minor Fabia* risui sorori fuit, miranti ignorare id sororem. Confusam eam cum pater forte vidisset causam doloris elicuit, eamque consolatus promisit, „ ut propediem „ eosdem domi honores videret, quos „ apud sororem viderat “. Ergo cum genero, adhibito etiam L. Sextio, consilia inire coepit: creatique sunt uterque, quod vidimus, Tribuni plebis; Legesque jam dictas promulgarunt. Cumque patres remedio multis jam ante certaminibus experto uterentur, collegarum nempe intercessione, tandem Sextius *ea ipsa intercessione tutaturum se esse plebem* professus est. Atque ita prohibuit, ne comitia praeter aedilium tribunorumque plebis haberentur. Ipsi autem per totum quinquennium Tribuni plebis relecti

fecti nullos magistratus curules creari sunt passi. Alii tamen ^a, praeter Livium, omnes quadriennio tantum sine magistratibus curulibus fuisse Urbem uno ore asserunt; quod rationibus fragmentorum Capitolinorum convenientius esse ostendit Pighius ^b. Verum cum A. U. 382. quo sextum jam Tribuni erant Sextius & Stolo Veliterni Tusculanos oppugnassent, remittentibus Tribunis plebei Tribuni militum creati sunt; Velitraeque obsideri sunt coeptae: sed nec eo, nec sequente anno memorabile aliquid ad Velitras factum est ^c. Domi vero iidem Tribuni septimum facti prioribus rogationibus adjiciunt, *ut pro Duumviris sacris faciundis Decemviri crearentur; ita ut pars ex plebe, pars ex patribus fieret*: eaque lex anno sequente perlata est ^d. Anno 385. ad ultimam dimicationem de legibus ventum est: ita ut patres M. Furium Camillum jam quartum Dictatorem dicerent; sed re neutro adhuc inclinata Dictatura se abdicavit: seu quia

L 5

vitio

^a Vopiscus in Tacito c. 1. Eutrop. L. II. c. 3. Cassiodorus. ^b ad A. U. 378. & 384. ^c Liv, L. VI. c. 36. ^d Ibid. c. 42.

vitio creatus erat: seu quia Tribuni
 ad plebem tulissent, & plebs scivisset,
 multa quingentum millium aeris
 ei esset, si quid pro Dictatore e-
 gisset. At prior causa similis magis
 vero videtur. Certe paulo post *P.
 Manlius* Dictator ei suffectus *C. Li-
 cinium* primum de plebe Magistrum
 equitum dixit. Cum autem tempus
 comitiorum tribuniciorum venisset,
Licinius Sextiusque acerrima oratio-
 ne plebem incenderunt; negantes, se
 jam sibi honorem continuari velle: no-
 num se jam annum ^a, velut in acie,
 adversus optimates maximo privatum pe-
 riculo, nullo publice emolumento stare.
 Proinde ipsi primum statuerent quid vel-
 lent: deinde, si conjunctas ferre ab se
 promulgatas rogationes vellent, perla-
 turos quod promulgarint: sin quod cui-
 que privatum opus sit id modo velint ac-
 cipi, nihil opus esse invidiosa contentio-
 ne honoris. Oratione tamen *Ap. Clau-
 dii Crassi* tempus rogationum juben-
 darum prolatum est ^b. Cumque fama
 belli Gallici afferretur, *Camillus* Di-
 ctator quintum dictus est: ab eoque
 Galli in agro Albano sunt victi. Sed
 domi

^a Liv. L. VI. c. 39. ^b Ibid. c. 42.

domi tandem etiam & Dictatore & Senatu victo Consul primus de plebe *A.U. 387.* factus est L. Sextius Sextinus Lateranus. Nobilitati agente Dictatore concessum de Praetore uno ex patribus creando, qui jus in Urbe diceret, cum Consules plerumque bellis avocarentur. Cumque Senatus placuisset, ut dies unus ludis maximis adjiceretur, recusantibus ob sumptus illud munus Aedilibus plebis conclamatum a patriciis est juvenibus, *se id honoris Deum immortalium causa libenter acturos, ut Aediles fierent.* Verum etiam hoc artificium patrum fuit, qui facile satis conjicere poterant, Aediles plebis id oneris recusaturos, ut ita auctoritatem etiam suam hoc modo eveherent; cum plebs prae nimia laetitia calliditatem eorum non esset observatura; quod jam olim notavit *Christoph. Adamus Rupertus* *animadversionibus in Pomponium de Origine juris L. II. c. 12.* Duo ergo ex patriciis aediles sunt facti, qui, quod honore *sellae curulis* uterentur, *Curules* sunt dicti: sed etiam hic magistratus statim anno sequente cum plebe est communicatus.

§. 2. Pax
Reip. red-
dita.

§. II. Ita pace restituta gravis pestilentia Urbem vexavit; &, praeter multos alios viros insignes, etiam Camillum alterum Urbis conditorem senem jam decrepitum sustulit: eaque occasione a A. U. 389. primum ludi scenici sunt instituti: ludis enim Deorum iras placari posse veteres credebant. Verum ipsos illos ludos superfluous circo Tiberis impediit b. Ergo ex prisca Etruscorum religione, quae volebat, *ut qui praetor Maximus esset Idibus Septembribus clavum pangeret* c, Dictator creatus fuit L. Manlius Imperiosus. (nam olim *qui vis summus magistratus Praetor* dicebatur.) Sed cum bellum Hernicum affectans Dictator delectu acerbo juventutem agitare, seu vi Tribunorum plebis, seu verecundia victus Dictatura abiit. (Ex quo delectu an *Imperiosi* cognomen habuerit d dubitatur) Diestamen ipsi anno sequente a M. Pomponio tribuno plebis dictus est, *quod non damnatione modo civium, sed etiam laceratione delectum illum egisset: filiumque praeterea juvenem nullius probri compertum, sed*

a Liv. L. VII. c. 2. b Ibid. c. 3. c Vid. Perizon. anim. Hist. c. 5. d Id. Ibid. c. 8.

sed quod infacundior esset, in opus servile rus tanquam relegasset. At hic ipse filius a audita tribuni accusatione inscientibus cunctis cultro succinctus mane in Urbem domumque tribuni pergit. Cumque facile impetrasset, ut remotis arbitris cum eo agere posset, (non enim dubitabat Tribunus, quin juvenis aut criminis aliquid novi, aut consilii adversus patrem deferret) stricto cultro jurejurando adegit, ut accusatione desisteret. Adeo id plebi placuit, ut non modo patri causae dictio remitteretur; sed ipse etiam adolescens Tribunus militum ad legiones suffragio populi fieret: nam illi tum a populo creari coeperunt; cum antea Imperatores ipsi facerent.

§. III. Ad hunc etiam annum refe. §. 3. *Fa-*
renda est historia, vel fabula potius *cinus M.*
de M. Curtio *b.* *Narrant nempe in* *Curtii.*
medio foro subito exstitisse voraginem,
quae nullo conjectu terrae expleri po-
tuerit. Tandem vates cecinisse, id
illi loco dicandum, quo plurimum popu-
lus Rom. posset. Tum M. Curtium ju-
venem bello egregium, nullum magis
Romanum bonum, quam arma virtus-
que

a Liv. L. VII. c. 5. b Ibid. c. 6.

que esset, interpretatus se equo quam poterat maxime exornato insidentem armatum in specum immisisse; atque ita prodigium istud fuisse procuratum. Sed, ut dixi, haec fabulae propiora videntur. Fuit quidem Romae *lacus Curtius*, sed qui ita dictus est a *Metio Curtio* Sabino, qui quondam in ea palude haeserat ^a. Varro *L. L. IV. c. 32.* dicit, *lacum Curtium esse fulguratum, & ex Senatusconsulto septum*; idque factum esse a *Curtio* Consule, cui *M. Genucius* collega fuit A.U. 308. Procurato, ut fertur, hoc prodigio *Genucius* Consul in *Hernicos* profectus cum magna parte exercitus caesus est, quod interpretati sunt Patres, *factum esse, quod suis auspiciis bellum gerere voluerit; cum plebejis nulla auspicia essent*. Dictator inde dictus *Ap. Claudius* hostes, sed difficillimo praelio, vicit; cum jam fortiter a *C. Sulpicio* legato a valli oppugnatione fuissent repulsi.

§. 4. De bello Gallico & Manlio Torquato.

§. IV. Anno Urbis 392. revertentibus ex *Hernicis* Consulibus *Tiburtes* portas clausere ^b. Ergo bellum

iis

^a Id. *L. I. c. 12. sq. Dion. Hal. L. II. c. 42.*

^b Liv. *L. VII. c. 7. sq.*

his indictum est. Sed Gallis adventantibus, & ad Anienem ad tertium lapidem castra locantibus a Tiburtibus bellum aversum. Ibi dum de ponte, qui in medio castrorum utriusque populi erat, crebra essent praelia, eximia corporis magnitudine Gallus processit, Romanorumque fortissimum ad singulare certamen provocavit. Hic ille T. Manlius ^a, qui patrem a vexatione tribunica vindicaverat, venia a Dictatore petita Gallum aggreditur, vincit, & *torque* (Gallorum hic gestamen erat) spoliatur. Ac *Torquatus* inde militari joco dictus cognomen hoc ad posteros propagavit. Galli proxima nocte relictis castris Tibur abeunt; & societate cum Tiburtibus facta anno sequente Latium foede depopulantur. Sed a Romanis haud procul porta Collina in conspectu parentum conjugumque ac liberorum memorabili pugna vincuntur. Tiburtibus tamen adeo animus non fractus est, ut proximo anno 394. ^b nocturnum terrorem ad ipsas portas Urbis Romae excitarent: sed vix primum impetum Romanorum sustinentes repulsi

^a *Ibid.* c. 10. ^b *Ibid.* c. 12.

A.U. 395. pulsi sunt. Anno Urbis 395. cum bellum ab Etruria, ab Hernicis, a Gallis immineret, Latinis petentibus pax data est. Et Hernici quidem a *C. Planzio* Consule devicti subactique sunt: collega vero ejus *Fabius* incaute adversus Tarquinienses pugnavit ^a; quae clades eo insignior fuit, quod trecentos & septem ex Romanis captos milites Tarquinienses immolarint. Adversus Gallos Dictator creatus *C. Sulpicius* militem a pugna prohibuit, mora posse vinci Gallos confusus. Verum exercitus ejus, verba militum jussu faciente veteri ordinum ductore *Sex. Tullio*, pugnam acriter poposcit. Cumque dilationem res recipere non videretur ^b, praelium in posterum diem edicitur. Addidit robori consilium *Sulpicius* mille circiter agasombus mulis impositis, sylvisque se occultare jussis. Et pugna primo anceps fuit; donec etiam hi proruperunt. Tum demum in fugam acti Galli; & plena clade affecti sunt. Anno Urbis 396. cum *Privernatibus* ejusdem potissimum *Sex. Tullii* opera bene pugnatum est ^c: domi vero Tribuni

^a *Ib. c. 15* ^b *Liv. L. VII. c. 14.* ^c *Ib. c. 16.*

sem, sive unus nummus per annum
centum nummorum foenere persol-
tur a. Alter Consul, cum nihil
horabile gereret, legem tamen in
castris ad Sutrium tulit *de vigesima*
m, qui manumitterentur. Sed statim
coni merito veriti, ne, si id lice-
nihil non quamvis perniciosum
ulo per milites juratos in Consu-
erba ferri posset capite sanxerunt,
uis postea populum sevocaret. Anno
is 397. alter Consul Fabius a
scis & Tarquiniensibus praelio fu-
est b, cum exercitus ejus turba-
r insueta specie sacerdotum, qui
bus ardentibus anguibusque prae-
incesso furiali in Romanos pro-
derentur. Sed discusso pavore eo-
die hostium castris potiti sunt.
um cum ita totum nomen Hetrus-

M

cum

Vid. Celeb. Noodt de foenore & us. L. II.
Gron. de pec. vet. III. 13. & antexegesi de
us. & foen. unc. Et A. U. 406. semuncia-
foenus est factum. Liv. VII. 27. b Liv. L.
c. 17.

cum concitaretur Dictator dictus est primus de plebe *C. Marcus Rutilus*. Ei populus, frustra obnitente Senatu, omnia ad bellum necessaria promptissime decrevit; ejusdemque populi jussu, rebus bene gestis, sine auctoritate patrum triumphavit: nec tamen impe-

A. U. 398. dire valuit populus, quin anno sequente uterque Consul ex patriciis crearetur. Imo Anno etiam 399., cum Consulum perseverantia plebs victa esset, per infrequentiam peractis comitiis, duo rursus patricii sunt facti ^a; quod etiam sequentibus annis saepius evenit. Eodem anno in Tarquinienfes acerbe saevitum est: vulgus, quod in acie non ceciderat, trucidatum fuit: trecenti & quinquaginta octo ex nobilissimis in foro Romae virgis caesi, & securi percussi sunt. Res bene gestae Samnites (validissimus Italiae populus fuit, & frequentissime porro memorandus) perpulere, ut Romanam amicitiam peterent: a quibus foedere in societatem
A. U. 400. recepti sunt: ut etiam *A. U. 400.* *Caerites*; qui se Tarquinienfibus adversus Romanos junxerant. Sed ob
 meri.

^a *Liv. Ibid. c. 18.*

meritum, quod bello Gallico sacra Romanorum accepta rite procurassent, induciae in centum annos iis sunt datae. Anno Urbis 401., cum diutissime de altero Consule ex plebe creando decertatum esset, tandem Patres cesserunt: ita ut ex plebe Consul factus sit C. Marcius Rutilus iterum collega ei dato *P. Valerio Poplicola*. Hi cum animos in concordiam inclinos cernerent, foenebrem rem, unde perpetua discordia oriebatur, curare sunt aggressi ^a. Huic fini *Quinqueviro*s, qui a dispensatione pecuniae *Mensarii* sunt dicti, crearunt: qui summa aequitate & moderatione hoc officio functi sunt: ita ut vel aerarium debita privatorum dissolveret, cum nempe prius debitores populo cavissent; vel res aequis pretiis aestimatae creditoribus traderentur: ut non modo sine injuria, sed etiam sine querimoniis partis utriusque, exhausta vis ingens aeris alieni sit. Et cum ita multae res dominos mutassent, censum agi placuit, censuramque primus de plebe obtinuit C. Marcius Rutilus, quem modo etiam primum Dictato-

M 2

rem

^a *Ibid.* c. 21.

rem plebejum vidimus ^a. Nec hujus solius ex plebe viri laus fuit: nam

A.U. 403. Anno 403. *M. Popillium Laenatem* a plebe Consulem fortuna illustriorem fecit. Cum enim ingentem Gallorum exercitum in agro Latino castra posuisse nunciatum esset, altero Consule *Scipione* gravi morbo implicito, ipse summa cum laude bellum Gallicum administravit; magnoque favore plebis triumphum de iis retulit ^b.

§. 5. De
Valerio
Corvo.

§. V. Anno Urbis 404., cum ad maximum terrorem defectionis sociorum Latini nominis ingens fama tumultus Gallici accessisset, exercitus decem legionum conscriptus est ^c; praesertim classibus Graecorum (tyrannorum ex Sicilia, ut videtur) maritima loca populantibus. Hoc bello *M. Valerius* Tribunus militum cum Gallo provocante singulari certamine depugnavit; & victor fuit. Verae narrationi additur fabula, ut videtur; *corvum* nempe in galea Galli insedis-
se, ejusque os oculosque rostro & unguibus appetiisse, ita ut oculis simul ac mente turbatus a Valerio obtruncare-

^a *Ibid.* c. 22. ^b *Ibid.* c. 25. ^c *Eutrop.* L. II. c. 6.

caretur. Vera autem videtur conjectura G. I. Vossii *Idolol. L. I. c. 27.* qui arbitratur fabulam inde esse ortam, quod *corvi effigiem* in galea habuerit Valerius. Certe *Corvi* cognomen ex hoc eventu Valerio adhaesit, ut ex Livio ^a, & fastis Capitolinis constat, non *Corvini*; quo nomine posterius demum hujus Valerii sunt dicti: & apud *Eutropium* quoque *L. II. c. 6.* ita legi debere ex Metaphrasie ejus Graeco *Paeanio* patet, qui habet quidem *Κορβίνο*; sed ex ipso contextu patet legendum esse *Κόρβο*. Sed haec haecenus. Galli post hoc nobile Valerii facinus insigni pugna victi; & hinc inde dissipari sunt. Et tantus, favor ob hanc victoriam Valerii fuit; ut anno sequente 405. Consul fieret; *A. U. 405.* licet viginti trium annorum juvenis esset. Idem Valerius centesimum vitae annum implevit: & inter primum & sextum ejus Consulatum quadraginta sex anni fuere ^b. Eodem anno cum *Carthaginensibus* legatis Romae foedus ictum fuit; quum amicitiam & societatem petentes venissent ^c: ita

M 3

ut

^a *L. VII. c. 26.* ^b *Cic. de Sen. c. 17. & alii.*

^c *Liv. L. VII. c. 27.*

ut satis pacatae res essent; nisi quod cum Volscis & Auruncis levia bella gesta fuerint.

CAPUT OCTAVUM.

De bello Samnitico, usque ad bellum cum Pyrrho.

§. 1. *Origo belli Samnitici.* A. U. 410. §. I. Anno Urbis 410. majoris molis bellum, & quod per quinquaginta annos continuos fere gestum est, initium habuit. Erant Samnites gens potens, armis valida, divitiis clara, oppidis firma, eam Italiae partem incolens, quae hodie regni *Neapolitani* partem facit, complementem fere *Principatum* ulteriorem, *Aprutium* ceterius cum comitatu *Molissino*, ac partes *Capitanatae provinciae*, & *Terrae Laboris*. Foedere amicitiaque ante paucos annos cum Romanis junctam fuisse capite praecedente vidimus. Jam autem *Sidicinis* injusta arma (juxta scriptores quidem Romanos) intulerant: qui auxilii causa *Campanis* se junxerunt. Sed Campani luxum potius & delicias, quam arma & fortitudinem cupiebant; ita ut bre-

vi intra moenia Capuae compulsi fuerint. Hinc auxilium a Romanis petierunt: at cum Romani pacem praetexerent; & foedus ante decem annos cum Samnitibus initum, Campani se suaque omnia in ditionem populi Rom. dediderunt ^a; ut ita sua defendere Romanus cogeretur. Sed an Romani talem deditionem sine Samnitium injuria recipere potuerint, juris publici Doctoribus disceptandum permitto. Hoc certum est, Romanos vix alia re magis fines suos protulisse, quam promptissime subveniando, si qui a potentioribus opprimerentur: quod observavit sapiens ille *Angliae Cancellarius Franciscus Bacon* *de Verulamio sermonum fidelium num.* 29. p. m. 151. Ita in deditionem acceptis Campanis legati ad Samnites missi sunt, qui denunciarent, ut Campanis abstineretur. At Samnites ferociter praesentibus Romanorum legatis cohortium suarum praefectis imperarunt, ut extemplo praedatum in agrum Campanum proficiscerentur. Ergo bello iis indicto alter Consul Varius, in Campaniam, alter *Cornelius*

in Samnium profectus. Et Valerius quidem (qui quanquam dignitatis suae memor, comi tamen facilitate militibus suis gratissimus erat ^a) praelio neutram in partem diu inclinante Samnites vicit, castris etiam eorum positus: Cornelius vero, cum exercitum suum incaute in vallem ab hostibus obsessam deduxisset, *P. Decius* Tribunus militum, uno edito in saltu colle conspecto, qui hostium castris imminabat, permissu Consulis, admiratione paventibus hostibus cum unius legionis principibus hastatisque eum occupat: ad tantam audaciam stupentes hostes, incertosque quid agerent nox oppressit: eademque Decio evadendi occasionem praebuit. Eodem quoque anno tertia ^b eaque gravi pugna ad *Suessulam* Campaniae oppidum a Valerio Samnites caesi sunt. Tanta porro horum successuum fama fuit, ut & Falisci foedus a Senatu peterent; & Latini bellum a Romanis in *Pelignos* averterent; imo ut Carthaginienfes legatos gratulatum Romam mitterent.

§. 2. Con-
juratio

§ II. Anno Urbis conditae quadringente-

^a Liv. *Ibid.* c. 33. ^b *Ibid.* c. 37.

gentesimo & undecimo milites, qui *militum*
 Capuae praesidium agitabant ^a, de *et seditio*
 dimenda Campanis Capua consilia *in Campa-*
 inierunt, eo facilius, quod quondam *nia.*
 Campani urbem antiquis cultoribus *A. U. 411.*
 Etruscis eodem scelere ademissent.
 Conjuratorem deprehendit Consul
 C. Marcius Rutilus: & consilio pru-
 dentissimo, ut militarem impetum
 frustraretur, rumorem dissipat in iis-
 dem oppidis & anno post praesidia
 hibernatura. Ita in praesens seditio
 quievit: Consul, dum quietos Sam-
 nites habet, turbulentorum hominum
 missionibus exercitum purgat, aliis
 emerita dicendo stipendia esse; alios
 graves jam aetate, aut viribus parum
 validos. Alii per speciem militarium
 usum Romam ablegati vario prae-
 textu ibi retinebantur. Cum vero
 non nisi eos, qui in Campania hi-
 bernassent, praecipueque ex iis sedi-
 tionis auctores mitti viderent, haud
 dubius timor incessit animos, consilia
 sua emanasse: ergo cohors una, quae
 forte haud procul Anxure erat, ibi
 itinere angusto inter montes & mare
 confedit; eosque qui mittebantur ex-
 cepit.

M 5

cepit. Cumque jam justi fere exercitus forma esset; sed deesset Imperator T. Quinctium senem ex vulnere altero pede claudum, & inde procul ambitione ruri agentem cogunt, ut eos ad Urbem duceret. Verum ad octavum lapidem obviam habuerunt cum exercitu M. Valerium Corvinum adversus eos Dictatorem dictum. Ibi, quamprimum in conspectum ventum est, armaque & signa agnita, oratione Corvi, quem gratissimum militibus fuisse vidimus, seditio illa sine sanguine composita ^a. Dictator auctoribus Patribus legem tulit, *ne cui militum fraudi secessio esset*: oravitque Quirites, *ne quis eam rem joco seriove cuiquam exprobraret*: aliaeque etiam leges eodem tempore militibus favorabiles latae sunt. Si alios etiam annales sequimur, ^b maximas sane vires defectio habuit: nam addunt latum etiam esse, *ne foenerare liceret*; *ne quis eundem magistratum intra decem annos caperet*; *ne duos magistratus uno anno gereret*: utique *liceret Consules ambos plebejos creare*. Alii multum in aliis variant: hoc certum est, hujus seditionis famam &

^a Liv. L. VII. c. 40. ^b Ibid. c. 42.

& susceptum cum Samnitibus grave bellum, multos a societate Romanorum avertisse. Et Privernates quidem ac Volsci, qui defecerant, statim sunt victi; foedusque cum Samnitibus renovatum est.

§. III. Sed major belli tempestas a §. 3. De bello Latino. A. U. 413. Latinis ingruerat: Samnites enim contra Sidicinos profecti in arctum eos redegerant: cumque Romani horum deditionem aspernarentur, Latinis jam sua sponte in arma motis se tradiderunt ^a; ne Campanis quidem se iis armis abstinentibus. Ergo hi omnes simul Samnites adoriuntur. Re autem vera Latinorum principes occulte Romanum coquebant bellum: sed omnia summo studio occultare conabantur, ut priusquam Romani moverentur, Samnitem hostem a tergo tollerent. Indicia tamen conjurationis Romam emanarunt. Etsi autem defectio haud dubia erat, tamen Romani, tanquam de Samnitibus, non de se, curam agerent, decem principes Latinorum Romam evocarunt, quibus imperarent, quae vellent. Verum cum Consul *Manlius* cum iis egisset,

ne

^a Liv. L. VIII. c. 2,

ne Samnitibus foederatis bellum inferrent, *Annius* Latinorum Praetor audaci oratione postulavit, *ut in posterum Consul alter Roma, alteret Latia crearetur: Senatus pars aequa ex utraque gente esset: utque ita unus populus, una Respublica fieret: nomen Romanum utrisque commune esset.* Summa Consulum Senatusque indignatio has petitiones excepit; additurque, vocem *Annii spernentem numina Jovis Romani* auditam: quam noxam praesens poena excepit, ita ut quum commotus ira se ab vestibulo templi citato gradu proriperet, lapsus per gradus, capite graviter offenso, imo saxo ita impactus sit, ut sopiretur. Consensu igitur Latinis bellum est indictum; castraque ad Capuam locata, quo jam Latini sociique convenerant; Samnitibus jam etiam pro Romanis militantibus. Cum autem lingua, moribus, armorum genere, institutis militaribus hostium civiumque exercitus similes essent, ne quo errore milites caperentur edicunt Consules, ne quis extra ordinem cum hoste pugnaret. Erat forte apud Latinos a *Geminus Metius* vir tum genere,

nere, tum factis inter suos clarus, qui *T. A. U. 413.*

Manlium Consulis filium ad certamen virium & virtutis provocavit. Hoc adeo ferre non potuit ferox juvenis, ut patrii imperii oblitus id certamen susciperet: fortiterque victo hoste spolia ex eo capta patri laetus offerret.

At Consul averfatus filium concionem extemplo advocat; utque filii morte consulare imperium sanciret, securi eum percuti jubet. *Manliana* hinc *imperia* in proverbium abierunt: & tantum odium Manlio conflatum est, ut Romam venientem juvenus & tunc & omni vita deinde averfata execrataque fuerit. Addunt plerique hinc *Imperiosi* cognomen Manlio adhaesisse: sed *capitis praecedentis* §. 2. jam inuimus hujus patri ob acerbius actum delectum hoc nominis fuisse inditum.

Alii verò (ut *Dion. Hal. VIII. 79.*) bello Gallico hoc paternae severitatis specimen evenisse volunt: sed vulgatiores est sententia, quam posuimus. Cum posthaec acie decerni placuisset evenit ^a, ut ab laevo cornu, cui praeerat *P. Decius* Consul, hastati Romani Latinorum impressionem non ferrentes

^a *Ibid. c. 9.*

rentes recederent. Tum Decius a pro exercitu Diis Manibus se devovit; & in medios hostes inVectus terrorem pavoremque religionis intulit. Ubi vero telis obrutus corruisset Latini fugam ac vastitatem late fecerunt. Manlius ab altera parte fortissime praelium ciens plena victoria Romanos potiri fecit. Verum ne sic quidem quieverunt Latini: sed a Manlio Torquato Consule adeo eorum res accisae sunt, ut se omnes dediderint; deditionemque eam Campani sequerentur. Parte agri omnes mulctati sunt. Equitibus Campanis, qui non desciverant, civitas data. Atque ita Campania nobilissimus Italiae tractatus; & *toto orbe terrarum plaga pulcherrima* ^b in ditionem Romanorum concessit. A. U. 414. Latini rebellantes a Q. Publio Philone Consule caesi sunt. Alter vero Consul Aemilius, cum collegae decretum triumphum audivisset, bello infecto repente omisso, ipse quoque triumphi ante victoriam flagitator Romam rediit. Cumque non tantum triumphus ipsi negatus esset, sed etiam a Senatu, qui Consulum imperium finire cupiebat,

a Liv. L. VIII. c. 10. b Flor. L. I. c. 16.

bat, Dictatorem dicere esset jussus, collegem Dictatorem dixit. Hic popularem & orationibus in patres ^a (erat ipse homo plebejus) criminosis Dictaturam egit: legesque plebi secundissimas, adversas nobilitati tulit: unam, *ut plebiscita omnes Quirites tenerent*: alteram, *ut legum, quae comitiis centuriatis ferrentur, ante initum suffragium patres auctores fierent*; hoc est, *ut promitterent, se id quod Populus jussisset, ratum habituros* ^b: tertiam, *ut alter utique censor ex plebe crearetur*. Anno sequente (U. C. 415.) *Pedum*, cujus urbis expugnationem Consul Aemilius anno praecedente omiserat, expugnandum ac delendum Senatus censuit. A *Camille* Consule (magni Camilli ex filio primo Praetore nepos erat) oppidum scalis captum est: & mox circumducto exercitu Latium omne subactum ^c: Latinisque, sed diversis legibus, prout quisque populus de Romanis bene vel male meruisset, pax concessa fuit. *Rostris* navium Antiatium (sex fuerant *rostratae* ^d) suggestum in foro exstructum ador-

^a Liv. L. VIII. c. 12. ^b Id. L. I. c. 17.

^c Id. L. VIII. c. 13. ^d Flor. L. I. c. 11.

adornari placuit: *Rostraque* id templum appellatum. A. U. 417. cum Aufonibus ^a, qui *Cales* urbem incolebant, bellum fuit; qui Sidicinis finitimis (hi anno praecedente Auruncorum oppidum deleverant) arma conjunxerant: cumque fusi hostes in urbes se recepissent, magnaeque curae hoc bellum Patribus esset, Consul

A. U. 418. quartum creatus est T. Valerius Corvus. Hic *Cales* oppugnare coepit: & inopina opportunitas urbem ipsi tradidit. Cum enim festum diem agerent urbani, *M. Fabius* captivus Romanus vinculis ruptis evasit ad Consulem; ejusque consilio hostes vino epulisque sepulti cum ipsa urbe capti sunt. *Cales* anno sequente colonia deducta est. Duobus vel tribus sequentibus annis (anni 420. Consules & historiam apud Livium desiderari docet Pighius) nihil admodum notatu

A. U. 422. dignum est gestum. Verum annum Urbis quadringentesimum vigesimum secundum muliebris fraus foedum reddidit ^b: cum enim primores civitatis similibus morbis, eodemque fere eventu

^a Liv. L. VIII. c. 16. ^b Liv. L. VIII. c. 18.

eventu moverentur, ancillae indicio deprehensum fuit, matronas venena coquere. Eaque ducente coquentes inventae sunt: & salubria ea medicamenta esse contententes bibere iussae ad viginti epoto medicamento suamet ipsae fraude omnes interierunt. Comites earum comprehensae magnum numerum matronarum indicaverunt: ex quibus ad centum septuaginta sunt damnatae. Captis id magis mentibus matronarum, quam consceleratis adscriptum est: & ad id prodigium procurandum C. Quinctius Dictator clavum fixit.

§. IV. A. U. 423. cum Privernatibus bellum initum; iisque socii fueret Fundani duce Viruvio Vacco: qui levi momento victus Priverni muris se tutari conatus est: anno sequente capta urbe ipse necatus est a Fundanis deprecantibus venia est data: sed in capita conjurationis animadversum. Memorandum autem hic venit liberum & constans legati Privernatis responsum: qui in Senatu rogatus, *quam poenam meritos Privernates censeret? Eam, inquit, quam merentur, qui se libertatis dignos censent.* Cum-

§. 4. *Bella cum Privernatibus Palaepolitans, Samnitibus, &c. A. U. 424.*

N

que

que Consul addidisset. *Quid si poenans remittimus vobis, qualem nos pacem vobiscum habituros speramus? Si bonam dederitis, inquit, & fidam & perpetuam; si malam, haud diuturnam.* Atque ea libertate obtinuit, ut Priver-
 A. U. 429. natibus venia & civitas daretur. Anno quadringentesimo vicesimo sexto bellum exortum est cum Graeca civitate *Palaepolitanorum*^b, qui haud procul inde habitabant, ubi nunc *Neapolis* sita est. Haec multa hostiliter adversus Romanos agrum Campanum *Falernumque* incolentes fecerat freta, tum infida Samnitium adversus Romanos societate; tum pestilentia quae Romanam Urbem adorta nunciabatur. Samnites enim ab amicitia Romanorum defecerant ob agrum *Fregellanum* a Romanis occupatum. Ergo Publius Philo Consul jussu Senatus Palaepolitanos gravi obsidione preffit: cumque non e Republica esse videretur, Publilium ab spe capiendae urbis avocare, Proconsul rem gerere jussus est, quoad cum Graecis debellatum foret. Atque ita huic Publilio *primum omnium prerogativa magistratus* Populi

a *Ibid.* c. 22.

puli jussu contigit: & *acto honore*, belloque confecto, *triumphus* a. Nam anno sequente 427. Palaepolitani se A. U. 427. dediderunt: eodemque tempore, cum Samnitibus bellum indictum esset, nova, nihil tum animo tale agitantibus Romanis, accesserunt auxilia b. *Lucani* & *Apuli* arma virosque ad bellum pollicentes foedere in amicitiam recepti sunt: sed Lucani statim fraude *Tarentinorum* (*Magnae Graeciae*, sive *extremae Italiae* urbs Graecae originis fuit, quae vicinitatem Romanam, & merito quidem, metuebat) defecerunt. Quidam enim ex Lucanorum clara juventute pretio a Tarentinis adsciti seipsum virgis mulcarunt, & apud cives vociferati sunt, se, quod castra Romanorum ingredi ausi essent, a Consule virgis caesos & prope securi percussos esse. Ejus rei indignitate permoti Lucani societatem cum Samnitibus renovarunt: sed statim fraude intellecta, nihil ultra, quam ut poeniteret frustra, restabat. Ad omnem hanc belli molem accessit, quod etiam *Vestinus* populus Samnitibus jungeretur. Verum domi eo anno velut aliud

N 2

ini

a Liv. L. VIII. c. 26. b Ibid. c. 25.

initium libertatis plebi Romae factum est, quod ligari nexi desierunt : cui mutationi libido simul crudelitasque unius foeneratoris occasionem praebuit ^a. Cum enim *Publilius* quidam a *L. Papirio* verberibus laceratus in publicum se proripuisset, miseratione sui magnum tumultum concivit. Senatus etiam commotus Consules ad populum ferre iussit, *ne quis, nisi qui noxam meruisset, donec poenam lueret, in compedibus, aut in nervo teneretur*. Atque ita nexi soluti, cautumque in posterum, *A. U. 428. ne neſterentur*. Eodem anno Vestinos subegit *Junius Brutus Scaeva* Consul. Adversus Samnites vero Dictator creatus est *L. Papirius Cursor* omnium sua aetate clarissimus. Sed cum jam in Samnium Dictator pervenisset, auspicia non recte capta fuisse a pullario monetur ^b. Ergo ad ea repetenda Romam proficiscens *Q. Fabio Maximo Rulliano* Magistro equitum interdixit, *ne se absente cum hoste manum confereret*. At Fabius, sive illa occasio rei bene gerendae fuerit, sive ferocia tantum adolescentiae eum accenderit, cum Samnitibus conflixit; & quidem felicissimo eventu. Postquam

^a *Ibid. c. 28.* ^b *Ibid. c. 30.* - illud

illud e literis ad Senatum missis Dictator accepit, maximis statim itineribus in castra profectus est: Ibi confestim Fabium ad tribunal suum citavit; (quem tamen jam antea milites bonum animum habere jusserant) cumque haud facile interroganti Dictatori, *cur injussu suo, incertis auspiciis, depugnasset*; responderi posset, secures Papirius & virgas expediri jussit: Fabius vero in extremam concionem militum se recepit ^a; atque ita tum deprecationibus, tum contentionibus dies ille est extractus. Magister Equitum noctu ex castris Romam profugit, & vocato Senatu, cum vim atque injuriam Dictatoris conquereretur, ipse Papirius infensus aderat: cumque ne universi quidem Senatus deprecationi concederet, pater Magistri Equitum Fabius, qui ter jam Consul Dictatorque fuerat, Tribunos plebis appellat. Sed ad auctoritatem Dictatoris ipsi Tribuni stupebant: donec tandem Populus Romanus consensu, ut sibi poena Magistri Equitum remitteretur, postulavit ^a. Tribuni quoque intercessionem in preces

N 3

ver-

^a Liv. L. VIII. c. 35.

vertunt, *veniamque errori humana, veniam adolescentiae* Fabii exposcunt. Cumque jam ipse adolescens, paterque ejus ad genua Dictatoris procumbentes ejus iram deprecarentur, tandem Papirius, *se Fabium populo Rom. tribuniciaeque potestati donare* dixit. Abdicare tamen se magistratu coactus est. Papirius in *Samnium* reversus debellare cum Samnitibus potuisse credebatur, nisi miles de industria cessasset, ut laudibus ducis obtrectaretur. Sensit peritus Dux, summaque comitate animos militares tractans ita eos sibi conciliavit, ut pacem petere Samnites coegerint. Pighius rursus a Livio annum praeteritum putat, ita ut etiam *A. U. 429.* anno quadringentesimo vicesimo nono Dictaturam continuaverit Papirius: nec dissentit *Onuphrius Panvinus*, auctoritate tabularum Capitolinarum uterque nitentes. Porro Samnites inducias duntaxat annuas impetrare potuerunt. Sed nec eas quidem servarunt; verum Apulis ad societatem belli pertractis rebellarunt. Igitur Dictator dictus *A. Cornelius Arvina* anticipi ac difficili praelio Samnites vicit; cladisque Samnitibus potissima causa

caussa fuit, quod impedimenta Romanorum invadentes praeda se immature praepedivisset a. Ita rebus eorum infractis rupti foederis auctorem *Papian Brutulum* (vel potius corpus ejus exanime; nam voluntaria morte ignominiae se ac periculo subtraxerat) cum omni praeda ac captivis pacem petentes Romanis dediderunt. Ita quidem Livius: sed ex fastis Capitolinis videmus etiam utrumque Consulem hoc anno de Samnitibus triumphasse.

§. V. Verum anno sequente tristissima Romanorum clade acceptum damnum Samnites sarciverunt. C. Pontius Herennii filius Samnitium Imperator deditione, quam Romanis factam esse memoravimus, defunctos jam esse foederis legibus Samnites, justumque adversus Romanos bellum geri posse censebat b. Ergo castris ad *Caudium* quam occultissime locatis per milites decem pastorum habitu indutos & sua sponte captos, rumorem spargunt, *Luceriam*, quae socia jam Romanis civitas erat, a Samnitibus obsideri. (Et verum hoc fuisse, ur-

§. 5. De clade Caudina.
A.U. 432.

N 4

bem-

a Liv. *Ibid.* c. 38. b Liv. IX. i.

bemque a Samnitibus fuisse captam series narrationis Livianae ostendit a.) Igitur Consules ad opem fidelibus sociis ferendam proficiscuntur. Ferebant autem ad Luceriam duae viae b ; quarum altera tutior, sed longior: altera brevior, sed periculi plenior erat: ducebat enim per locum, qui saltibus & montibus perpetuis cinctus angustum introitum, nec latiore exitum habebat. Sed non dubitantes quin hostis procul abesset in eas angustias (*Furcas Caudinas* a forma & situ loci vocabant) demisso agmine Romani statim undique clausi tenebantur. Tam laetis rebus ne Samnitibus quidem consilium suppetebat: ita ut Herennium *Pontium* Imperatoris sui patrem per literas consulendum esse censerent c. Is annis gravis, consilio valens, suadet, ut *Romanos omnes inde quam primum inviolatos dimitteret*: iterum consultus censuit, *ad unum omnes interficiendos*; ut ita, vel amici pararentur, vel inimici tollerentur. At mediam viam ingressus Pontius (notemus obiter, *media consilia non*

a *Vid. Ibid. c. 12.* b *Ibid. c. 2.*

c *Ibid. c. 3.*

non semper esse optima, licet plurimum ita credatur) inermes cum singulis vestimentis sub jugum missurum dixit: alias conditiones pacis aequas victis & victoribus fore: agro Samnitium decederetur: suis deinde legibus Romanus ac Samnis viveret. Inde Consules ipsi ad Pontium profecti a, quum de foedere victor agitare, negarunt, injussu populi foedus fieri posse: ita ut per sponsionem proprie, non foedere pax Caudina facta sit. Sponsionem intelligimus, ubi hi, qui a potestate summa mandatum non habent, aliquid promittunt, quod proprie eam tangit: unde is, qui summum imperium habet, nullam in partem obligatur b. Igitur sponponderunt deditionem Consules & duces reliqui; equitibus etiam sexcentis obsidibus traditis. Ita Consules primi prope seminudi sub jugum missi c; tum ut quisque gradu proximus erat; tum deinceps singulae legiones, non sine multa hostium illusione & injuria. Demum ex saltu emissi prope Capuam omnium egeni corpora humi prostraverunt: summaque benignitate a Cam-

N 5

panis

a Ibid. c. 5. b Grot. vidend. de I. B. P. L. II. c. 15. §. 3. & 16. c Liv. L. LX, c. 6.

panis excepti sunt, ingenitam iis superbiam evincente iusta sociorum miseratione. Romae ad famam obsidionis delectus haberi erat coeptus; sed dimissus auxiliorum apparatus, postquam foedam deditionem acceperunt: summusque moeror totam civitatem invasit. Consules Urbem ingressi in privatum se abdiderunt, nihil pro magistratu agentes; nisi quod coacti Dictatorem comitiorum causa dixerunt: sed taedio magistratuum ejus anni res ad interregnum rediit. Creati Consules statim de pace Caudina retulerunt ^a; *Spuriusque Postumius*, qui Consul sub jugum missus fuerat, rogatus sententiam, se, collegam, quaestores, legatos, tribunos militum, qui sponsonem fecerant, dedendos Samnitibus censuit; *Tribunosque plebis*, (hi inter tribunos militum anni praecedentis & pacis etiam sponsores fuisse videntur) qui, quod sacrosancti essent, dedi se hostibus, violarive posse negabant, quum primum magistratu abiissent. Oratione Postumii permoti Tribuni, se in Senatus potestate fore dixerunt. Ita summa cum Postumii laude lux quaedam civitati

^a *Ibid.* c. 8.

vitati affulſiſſe viſa eſt ^a. Sponſores pacis per feciales Samnitibus ſunt dediti: ubi obſervari poteſt riſu digna actio Sp. Poſtumii, qua bellum Romanorum in Samnites legitimum ſe poſſe reddere credebat. Fecialis nempe Romani ſponſores tradentis femur quanta maxime poterat vi perculit, *ita a ſe, qui jam civis Samnis eſſet violatum contra jura gentium Fecialem adjiciens; eo juſtius Romanos bellum geſturos.* Pudet ſane indigniſſimarum artium; quibus non hac ſolum occaſione, ſed ſaepe alias Romani ſunt uſi: & puto ex ſimilibus ſatis colligi, nequaquam juſtitiae ſeveros cultores, nec domi, (cujus rei exempla pluriſima jam habuimus) nec foris, priſcos illos fuiſſe: quod obiter monendum fuiſſe videtur: cum fortitudinis quidem, frugalitatis, juſtitiae inter cives exercitae, multarumque aliarum virtutum, quas domi coluerunt, exempla exſtent; in hoſtes vero quidvis licere ſibi putaffe videantur. Ergo merito illam deditiorem accipere, aut ratam habere abnuerunt Samnites ^b: ita ut inviolatus in caſtra Romana re-
verſus

^a *Ibid.* c. 10. ^b *Ibid.* c. 11.

A. U. 434. versus sit cum suis Postumius. Atque ita bellum infestius Samnitibus est renatum; ad quos tamen defecerunt *Satricani* ^a: Fregellis vero Samnites, cum nocte urbem occupassent, sed acriter pro aris ac focis dimicaretur per praeconem edixerunt, *impune abiturum qui arma posuisset*. Pars Fregellanorum pertinacior per averfam portam erupit: ceteros igni circumdatos Samnites concremaverunt. Idem, ut ad Luceriam a Romanis obsessam ire possent, cum Publilio Consule primum certamen transigere statuunt ^b: verum ira militari, & vesano prope impetu fusi sunt hostes. Alter Consul Papirius Samnites, qui prope castra ad Luceriam confederant, secum signa conferre coëgit: nequicquam intervenientibus legatis Tarentinis, qui annunciabant, *ut bellum omitterent: per utros stetisset, quo minus ab armis discederetur, adversus eos se pro alteris pugnaturos*. Papirius ergo a spretis *Graeculae* arrogantiae hominibus hostes profligat: & paulo post Samnites, qui Luceriae in praesidio erant, fame domitos (septem fuerunt millia) sub

^a Ibid. c. 12. ^b Ibid. c. 13.

sub jugum misit. Praeda ingens ibi capta: recepta signa armaque, quae ad Caudium amiserant: &, quod omnia superabat gaudia, recuperati Equites, quos pignora pacis Romanis dederant. Quidam addunt Pontium Samnitium Imperatorem cum ceteris sub jugum missum. Disputatur etiam an *L. Cornelius* Dictator, cum *L. Papirio* Cursore Magistro Equitum has res gesserit: an vero Consulum Papiriique praecipuum hoc decus fuerit. Sed Fasti Triumphales Eutropiusque Papirio Cursori eam gloriam tribuunt: quem saltem certum est, praestantissimum hoc tempore Imperatorem fuisse. Eodem anno Consulum alter Satricum recepit, ubi duae factiones Senatum distinuerant; sed utraque tamen ad reconciliandam pacem Consuli operam navaverunt ^a: itaque pars altera, quae Samnitibus faverat, Consuli enunciat, qua noctis, hora, & qua via praesidium eorum essent emissuri: altera, quibus invitis descitum ad Samnites erat, etiam portam Consuli aperuerunt. Itaque duplici proditione Samnites sunt oppressi. Satricanorum,

^a *Ibid. c. 16.*

norum, quorum opera defectio esset facta virgis caesi, securique percussi sunt ^a.

§. 6. *Uterior Rom. Imperii per Italiam propagatio.* §. VI. Anno Urbis 435. Samnitium legatis suppliciter renovationem foederis petentibus induciae tantum biennii concessae sunt: Apuliaque perdomita in Lucanos perrexerunt Romani. Capuam etiam tum primum *Praefectus* mitti coepit, qui ex legibus a Praetore Romano datis jus diceret; quum utrumque ipsi pro remedio aegris rebus discordia interstina petissent. A. U. 437. Romanos *Saticulam* oppugnare adortos Samnites hac iusta rebellandi causa data ad eximendos obsidione socios aggressi sunt ^b: verum victoria, sera quidem, sed non incerta fuit. Anno tamen sequente eodem reversi sunt: ubi *Auilius* Magister Equitum Romanorum inconsulto Dictatore in eos evectus ipsum Samnitium Imperatorem occidit; sed ab ejus fratre vicissim trucidatur. Victores tamen fuere Romani; & intra paucos dies Saticula per deditionem potiti sunt. Inde Sora, quae ad Samnites interfectis colonis Romano-

^a *Ibid.* c. 20. ^b *Liv.* L. IX. c. 21.

manorum defecerat, obseffa ^a. Dictator tum erat A. Fabius; & in Aulii Magistri Equitum locum suffectus fuerat C. Fabius. Eum cum novo exercitu ab Roma advenientem occulte Dictator subsistere jubet; ejusque adventum militum suum celat. Quin tanquam nulla nisi in eruptione spes esset in hostem educit; castris etiam suis, qua hosti proxima erant, (licet de universis castris ipse ad milites loqueretur) igni subdito incensis. Ita animus militibus est additus; captisque & direptis castris hostium castrorum suorum partem maximam contra spem salvam invenit. Sora tandem capta est A. U. 439. opera transfugae, qui decem milites Romanos delectos in arcem supra oppidum duxit; atque inde decurrens suis, quasi capta arx esset, ostentavit. Ausonum etiam gens ^b, quae se Samnitibus junxerat, proditione urbium, sicut Sora, in potestatem venit: ea vix certo defectionis crimine, deleta fuit, perinde ac si internecino bello certassent. Luceria quoque proditione Samnitium est facta: sed statim recepta, Lucerinis & Samnitibus
ad

^a Ibid. c. 23. ^b Ibid. c. 25.

ad internecionem caesis. De Luceria delenda Romae actum fuit ^a : sed vicit sententia, ut coloni eo mitterentur: & adeo gravis hic annus Romanis fuit, ut Capuae quoque occultae conjurationes fierent: quin Romae quoque nobiles homines ejusdem criminis rei postulabantur. Hi vero in *Maenium* magis (qui *Dictator quaestionibus exercendis* factus fuerat; & ipse plebejus Magistrum Equitum plebejum sibi dixerat; *M. Foslium*) id crimen rejiciebant. Dictator se statim magistratu abdicavit; & cum Magistro Equitum absolutus est: & brevi nobilium etiam factionibus tota quaestio est oppressa. Samnites tamen harum barbarum spe ad Caudium usque revocati sunt, intenti in occasionem, si qua daretur, Capuam Romanis eripiendi; sed a Consulibus tanta clade affecti sunt, ut ad triginta millia eorum caesa, aut capta memorentur.

§. 7. *Appii Claudii*
cenfura ce-
lebris &c.
A.U. 441.

§. VII. Anno fequente Hetrufci quidem belli fama fuit: at domi celebrior fuit Cenfura *Appii Claudii* ^b, qui viam illam celeberrimam *Appiam* Cenfor

^a *Ibid. c. 26.* ^b *Liv. Ibid. c. 29.*

Censor stravit Roma Capuam usque, quae longitudo est passum CXLII. millium. Eadem postea *Brundisium* usque producta fuit, quae juxta Strabonem *L. VI. n. 283*. Roma abest passuum millia CCCLX ^a. ita ut merito *Regina longarum viarum* dicatur *Papinio Statio Sylvarum L. II. carm. II. v. 12*. Hodieque ingentes ejus reliquiae, & quibusdam partibus satis integrae superesse dicuntur ^b. Idem Censor Appius aquam, quae ab ipso *Appia* itidem est appellata, per milliaria circiter undecim in Urbem deduxit ^c: licet alii, ut, exempli gratia, *Pancirollus Descr. Urbis Romae* passuum M. XXII. ei tribuant. Praeterea Appius auctor fuisse dicitur *Potitiis* Herculis sacerdotibus, ut servis publicis hoc ministerium delegarent: unde dicunt, nomen Potitiorum in duodecim familias dispersum intra annum fuisse extinctum; ipsumque Appium post aliquot annos luminibus captum. Denique etiam prava lectione ordinem Senatus deformavit; ita ut Consules

O

^a Sunt horae itineris 120. ^b Vid. *Misson. Itiner. T. I. ep. 21. p. 272. sqq. edit. Hag. 1694. Burnet. Voyag. p. 376.* ^c V. *Lips. de Magn. Ro. III. 11. Al. Donat. de Urbe Rom. III. 18.*

les anni sequentis eam lectionem non observaverint ^a. Praeterea hoc anno e viginti quatuor Tribunismilitaribus sexdecim a populo creari coeperunt: octo (in quatuor legiones, sive duos exercitus consulares creabantur viginti quatuor Tribuni) octo, inquam, beneficio Consulum relictisunt. Interea in Samnio Samnites *Cluviam* deditione ceperant: & in deditos crudeliter facerant. Ergo Consul *C. Junius Bubulcus* oppido capto omnes puberes interfecit. Inde *Bovianum* opulentissimum oppidum cepit; praedamque militibus concessit. Videntes ita Samnites, se vi aperta Romanis esse impares, simili dolo ac apud Caudium usi fuerant, legiones Romanas in saltum intrare perpulerunt: at maiore fortitudine periculo se exemerunt; ita ut perpau- cis hostium effugium patuerit, praedamque ultro ab hoste oblatam Romani fuerint nacti. Ab altera parte Etrusci Sutrium, sociam Romanorum Urbem, & velut claustra Etruriae ^b, oppugnarunt; praelioque pertinacissimo cum Romanis, qui ad solvendam obsidionem venerant, depugnarunt; quod

^a *Liv. L. IX. c. 30.* ^b *Ibid. c. 32.*

quod nocte demum veniente diremp-
tum est. Igitur anno sequente 443. *A. U. 443.*
etiam acrius bellum exarsit; fusisque
ingenti praelio Etruscis persequi ho-
stem Consul Fabius statuit ^a. Sed
penetranda erat sylva *Ciminia* hactenus
Romanis invia. Ergo fratre suo,
qui Etruscis literis eruditus (solebant
tunc Etruscas disciplinas, ut postea
Graecas, doceri Principum Romano-
rum liberi) linguam Etruscam probe
noverat, cum uno servo comite prae-
misso societatem cum *Camertibus* Um-
bris firmat: fratremque cum exerci-
tu subsecutus opulenta Etruriae arva
depopulatur, sero advenientibus a Se-
natu Romano legatis, qui denuncia-
rent, *ne saltum Ciminium transiret* ^b.
Hinc indignatione conciti Etrusci ca-
stra Romana subeunt; quos vigilando
fatigatos prima luce Consul invadit;
clarissimaque pugna superat ^c. Ita-
que praecipui Etruscorum populi pa-
cem petentes inducias in triginta an-
nos impetrarunt. Sed ob res ab alte-
tero Consule adversus Samnites am-
biguo eventu gestas *A. U. 444.* *Di-* *A. U. 444.*

O 2

Etato-

^a *Ibid.* c. 53. ^b *Flor. L. I. c. 17.* ^c *Liv.*
Ibid. c. 37.

Etatorem dici placuit Papirium Cur-
 sorem, quem toto hoc anno Dictato-
 rem fuisse sine Consulibus ex fastis
 Capitolinis patet ^a. Hic Samnitium
 aciem auro argentoque coelatis armis
 fulgentem stravit castraque eorum ce-
 pit; magistro Equitum, legatisque
 strenue rem gerentibus; nec militi-
 bus ducum virtuti cedentibus ^b. Pa-
 pirius de Samnitibus triumphavit: ut
 etiam praecedentis anni Consul Fa-
 bius: nam ex fastis Capitolinis, ut
 jam dictum est patet, eum Procon-
 sule triumphasse. Livius vero hic
 duorum annorum gesta in unum con-
 fudit: unde etiam *capite 41. perperam*
dicit, Fabio in annum sequentem con-
sulatum fuisse continuatum; cum annus
 Dictaturae Papirianae intercesserit.
 A. U. 445. Ergo A. U. 445. Fabio tertium Con-
 suli collega virtutis ergo, qua lega-
 tus anno praecedente in Samnites pu-
 gnaverat, est datus P. Decius secun-
 dum. A Fabio iterum victi Samnites
 cum novis etiam hostibus Pelignis ac
Marfis ^c. Decius circumferendo pas-
 sim in Etruria bellum nomen omne
 Etruf-

^a Vid. Pigh. hic & ad A. 457. ^b Ibid. c. 40.
^c Ibid. c. 41.

Etruscum foedus petere coëgit: sed induciae tantum annuae datae. Verum magna Tuscorum pars statim ab Umbris ad rebellionem est compulsa; ita, ut se ad oppugnandum Romam ituros esse jactarent. Itaque etiam Fabius Consul ad Urbis tutelam arcessitur: cujus miles hostem maxima alacritate adortus facile sternit; ita ut etiam in sequentem annum imperium ipsi prorogaretur: inque eo imperio ad *A. U. 446.* *Allifas* urbem cum Samnitibus minime dubio praelio confligit. Ipsi sub jugum missi: sociorum ad septem milia sub corona venditi. Hernicorum qui capti erant per Latinos populos custodiendi dantur; unde Hernici nominis populi etiam anno sequente Romanis bellum indixerunt. Sed trinis castris intra paucos dies exuti a *Marcio Tremulo* Consule in deditionem recepti sunt ^a. Eo bello confecto statim Marcius collegae, qui in Samnio locis impeditis obsessus hostes ad pugnam elicere non poterat, auxilio profectus est: ubi inter duos exercitus intercepti hostes & maxima clade affecti sunt. Samnitibus Hernicisque

O 3

stipen.

^a *Liv. L. IX. c. 43.*

stipendium , vestes , frumentum in usum militum Romanorum imperata sunt : atque ita deinceps , ubi fieri potuit , hostium sumptibus exercitus

A. U. 448. Romani alii coepti sunt. Cumque anno sequente rursus infelicissime Samnites bellum gessissent , Imperatore etiam eorum *Statio Gallo* a Romanis capto , anno demum 449. petentibus iis foedus antiquum est redditum. Aequi etiam veteres hostes hoc anno rebellaverant a : sed intra dies quadraginta unum & quinquaginta oppida ex iis capta dicuntur. Facile autem intelligi potest , talia haec fuisse oppida , ut juxta praesentem rerum in *Europa* , & praesertim in patria nostra , faciem vix vicorum nomen tueri potuissent ; cum tantum partem istius agri incoluerint Aequi , qui hodie *Campania Romana* dicitur. Eorum exemplo territi *Marrucini* , *Marfi* , *Peligni* , *Frentani* pacem petierunt , impetraruntque.

A. U. 449. Eodem anno b *Cn. Flavius* scriba , qui aedilibus apparebat , summa nobilium indignatione Aedilis Curulis factus est c. Igitur , ut oculi iis dole-

a *Ibid.* c. 45. b *Liv. Ibid.* c. 46. c *Piso Annal.* III. ap. *Gell. N. A. L. VI.* c. 9.

dolerent civile jus repositum in penetrabilibus Pontificum evulgavit, fastosque circa forum in albo proposuit, ut *quando lege agi posset*, sciretur. Idemque formulas actionum, quae anxie in judiciis observabantur, composuit; vel, juxta alios, a ab Ap. Claudio compositas vulgavit. Fabius contra Censor hoc eodem anno omnem turbam forensem excretam ex reliquis in quatuor tribus conjecit, ne in humiliorum manu comitia essent, *urbanasque* eas tribus appellavit. Ab eodem institutum dicitur, *ut Equites, Idibus Quintilibus transveherentur*.

§. VIII. Anno Urbis 451. Aequi §. 8. *Bella*
 aegre patientes coloniam velut arcem *rursus cum*
 suis finibus impositam, summa vi eam *Aequis,*
 oppugnare adorti sunt *Samnitibus* b : & licet ab *aliisque.*
 ipsis colonis essent pulsi tamen ma- *A. U. 451.*
 gnum Romae terrrorem fecere; quia
 vix credi poterat solos per se Aequos
 ad bellum coortos. Tamen a Dicta-
 tore C. Junio Bubulco, quem ejus
 belli metus creari fecerat, facile victi
 sunt. Graecorum etiam classis, quae
Thurios urbem in *Sallentinis* ceperat,
 a *M. Aemilio* Consule profligata est;

O 4

&

a l. 2. §. 7. ff. de O. J. b Liv. L. X. c. 1.

A.U. 452. & urbs recepta, veterique cultori red-
 dita. A. U. 452. a Dictatore *M. Valerio*
Maximo, qui ob multiplicem terro-
 rem exortum creatus fuerat, a Marſi
 ſunt fuſi, & parte agri mulctati. In
 Etruria vero Aemilius Magiſter Equi-
 tum abſente Dictatore pabulatum e-
 greſſus focda ſtrage afficitur: egregia
 tamen ejusdem cura reliquiae exerci-
 tus ſervatae ſunt. Itaque Dictator re-
 verſus conſeſtim caſtra in agrum hoſti-
 lem promovit. Ibi hoſtes pecus in con-
 ſpectum praefidii Romani propellunt,
 ut eas in inſidias elicerent; ſed expe-
 ritis linguae, quos ſe paſtoribus jun-
 gere juſſerat legatus, qui praefidio
 Romano praeerat, intellexit, ſo-
 num linguae & corporum habitum ac
 nitorem cultiora, quam paſtoralia eſſe.
 Hoſtes, ubi conſilia patuiſſe vident,
 in patentem campum ſigna proferunt.
 Legatus vero veritus, ut tantam aciem
 ſuſtinere poſſet, Dictatorem arceſſit. Et
 hic quidem ſtatim ſigna ferri, ac ſequi
 armatos jubet *b*; attamen data opera
 agmen retentat, & ſenſim incedere
 jubet, ut integri viribus feſſos adori-
 ri poſſent: eaque ratione victis Etruſ-
 cis

a Ibid. c. 3. b Ibid. c. 5.

cis induciae iterum in biennium datae. Anno Urbis 453. foris nihil admodum memoria dignum est gestum: domi *Ogulni* Tribuni plebis legem promulgarunt, pervicitque *P. Decius Mus*, ut Pontificatus & Auguratus honor plebi communicaretur. ^a Anno sequente *Nequinum* Umbriae oppidum proditione captum est: colonia eo adversus Umbros deducta *Narniae* nomen a fluvio *Nare* accepit. Etrusci spe auxilii Gallici freti, quod auro se sibi comparasse putabant, adversus inducias bellum parant: sed cum Galli mercedem se belli Romanis inferendi pactos negarent, *quicquid acceperint accepisse, ne agrum Etruscum vastarent*, dicentes; postulantisque *certam sedem, si auxilium suum vellent Etrusci*, pecuniam ingentem sine labore ac periculo partam retulerunt. Etrusci solo adventu *M. Valerii Corvi*, qui jam sextum Consul erat factus in locum *T. Manlii* casu ex equo extincti, compressi sunt. Hic autem *Valerius Corvus* solus omnium ante *Marium* ad sextum Consulatum pervenit ^b: vixit annos centum, quadra-

O 5

ginta

^a *Ibid.* c. 9. ^b *Plut. Mario* p. m. 422.

ginta quinque annis inter primum & sextum ejus Consulatum interpositis ^a. Samnites rebellantes hoc eodem anno egregio stratagemate adhibito *Fulvius* Consul vicit: cum enim se numero inferiorem cerneret, simulavit, unam legionem hostium a se corruptam ad prodicionem ^b; imperavitque, *ut quantum quisque numeratae pecuniae, aut auri argentique haberet conferret, ut repraesentari merces proditoribus posset*: quae persuasio Romanis alacritatem & fiduciam, atque inde victoriam attulit. Anno Urbis 455. cum Lucanis querentibus, Samnites *fines suos vastare* (anno praecedente jam nunciaverant *Picentes*, Samnites *arma & rebellionem spectare*) foedus est ictum: fuitque Fulvii Consulis clara pugna in Samnio ad Bovianum haudquaquam ambiguae victoriae ^c. Cum tamen A. U. 456. iterum nunciatum esset gravissimum bellum, tam a Samnitibus, quam ab Etruscis imminere, consensu civitatis seni Fabio Maximo recusanti licet Consulatus delatus

^a Cic. de Sen. c. 17. Plin. H. N. VII. 48.

^b Frontin. Stratag. L. I. c. XI. n. 2.

^c Liv. L. X. c. 12. f.

latus est; cum lege, qua intra decem annos eundem Consulem reficere non licebat, solutus esset. Etruscis autem consilia de pace agitantibus tota belli moles cum utroque Consule in Samnium versa est: Samnitesque, sed difficili valde praelio, superati ^a. Apuli quoque se Samnitibus ante praelium conjunxissent, nisi a Decio Consule fuissent fusi; at faciliori multo certamine, cum plus ibi fugae fuerit, quam caedis. Ambo deinde Consules Samnium omne quinque mensium spatio evastarunt: nec destitit etiam Proconsul Decius anno sequente eorum agros populari, donec Samnitium exercitum nusquam se praelio committentem postremo expulit finibus: atque ita occasionem nactus plura eorum oppida cepit.

§. IX. At Samnites, qui pulsi Etruriam petierant, ingens ibi bellum ex multis gentibus conciverunt ^b: quod nec satis scite, nec fortunate ab Appio Consule gestum fuit. Addunt quidam, *Volumnium* alterum Consulem a collega literis ex Samnio arcessitum; sed dissimulasse Appium non tantum, (plebe-

§ 9. Bellum etiam cum Etruscis.

^a *Ibid.* c. 14. ^b *Ibid.* c. 18.

(plebejum fuisse Volumnium notandum est) verum etiam rogasse, *satin' saluae res in Samnio essent? Quaeve causa eum, ut provincia sua excederet, induxisset?* Cumque Volumnius, *res in Samnio prosperas esse, literisque ejus accitum venisse* respondisset, *se nihil eum morari, quin reverteretur*, adjecit. Reversusque fuisset Volumnius, nisi legati tribunique ex Appiano exercitu obstitissent. Ergo invitus fere Appius in aciem protractus fortiter tamen pugnavit, ita ut egregia victoria Consules potiti sint. Volumnius ^a magnis itineribus regressus hostes agrum Campanum populantes caedit; captivosque multos, & ingentem praedam sociorum ab iis recipit: atque inde ad comitia Romam **A.U. 458.** reversus Fabium V. Decium IV. Consules creat, ^b tribus jam consulatibus & censura collegas; qui non gloria magis rerum, quae ingens erat, quam concordia clari fuerunt ^c. Populi Senatusque consensu Fabio Etruria provincia extra ordinem decreta est; licet plebeji auctores fuissent Decio, ut rem ad sortem revocaret. Profectus
ad

^a *Ibid.* c. 20. ^b *Ibid.* c. 22. ^c *Ibid.* c. 24.

ad castra Fabius itineribus ac mutatione locorum milites suos, quo salubriores essent, exercuit. Verum, cum bellum illud expectatione majus inveniretur, Decium sibi adiutorem dari petiit, impetravitque ^a. Et jam praesentia Consulum necessaria valde erat, cum Galli legionem Romanam, cui praerat *Scipio* legatus, circumvenissent; licet in hac historia tradenda auctores varient. Hoc constat Consules, dum jubent, ut Propraetores agrum Etruscum vastent, ita Etruscos & Umbros ad suos fines tuendos abduxisse; iisque absentibus cum Gallis & Samnitibus conseruisse pugnam. Sed etiam sic res in ancipiti erat ^b. Ergo Decius paterno exemplo *se pro exercitu Populi Romani Quiritium devovit*. Quo piaculo facto additus est Romanis animus, victoriaque egregia, nec incruenta tamen potiti sunt. In Etruria per eosdem dies res a *Cn. Fulvio* Propraetore ex sententia gesta ^c. Samnites etiam per Pelignum agrum fugientes a Pelignis caesi sunt; iterumque a L. Volumnio Proconsule Appioque Praetore. Neque ita tamen

^a *Ibid.* c. 26. ^b *Ibid.* c. 28. ^c *Ibid.* c. 30.

men cum Samnitibus debellatum est: sed anno rursus sequente etiam ultro castra Romana oppugnare sunt ausi, quaestoriumque ceperunt; ita ut in mediis castris, nec sine periculo, dimicaretur; pulsus tamen demum Samnitibus. Sed adventante etiam altero Consule *L. Postumio* recesserunt Samnites; Postumius a *Milonia* urbe potitus *Ferentinum* duxit: & illud oppidum, pluraque vicina deserta ab hostibus occupat: cumque in Samnitibus ipsi materia belli deesset in Etruriam versus tres validissimas urbes pacem petere coëgit ^b: Alter vero Consul *Atilius* vario & ancipiti praelio cum Samnitibus pugnavit; ita ut apud utrosque exercitus par esset pavor. Samnites, ubi primum illuxit, abire sine certamine cupiebant: Romani, cum exploratores *vallum secum portare Samnites* affirmarent, *non dubium esse, quin castra circumvallaturi essent*, dicebant. Itaque vix compelli potuerunt, ut hostibus obviam castris exirent: Samnites vero, *exire, id quod timuerint, ad impediendum iter Romanos* fremebant. Cum igitur acie quidem

^a *Ibid.* c. 34. ^b *Ibid.* c. 37.

dem instructa vestigio tamen nemo moveretur, Consul Romanus equitum turmas paucas immisit ^a : at hi pulsi etiam alios metu affecerunt : donec Consul se ipsum iis objecit, cuique qui ad vallum pergeret, sive ille Romanus, sive Samnis esset, mortem minitans. Ita omnes undique annisi hostes ad eum locum, in quo commissa pugna erat, repellunt ; ibique ingenti eos strage afficiunt, septem millibus etiam & trecentis suorum amissis. Inde revertens Consul etiam alterum Samnitium exercitum *Interamnatum* agros depopulatum caedit ; praedamque iis ereptam summa aequitate dominis suis reddidit, quemadmodum ante biennium etiam fecerat Volumnius ^b ; & A. U. 291. Consul *Lucretius* ^c. Utrumque hujus anni Consulem triumphasse ex fastis Capitolinis constat ; de quo sibi parum liquere ob Annalium diversitatem tradit Livius ^d. Anno Urbis 460. Samnites omni ope bellum reparaverunt, jurejurando etiam, sive carmine potius

^a *Ibid.* c. 36. ^b *Liv.* L. X. c. 20. ^c *Id.* L. III. c. 10. *Vid. de hac re Grot. de I. B. P. L. III. c. XVI. §. 2.* ^d *L. X. c. 37.*

tius diro in execrationem capitis, *flammae* miliaëque & stirpis composito ad fortiter pugnandum adactis militibus; obtruncatisque circa altaria, qui juraturos se esse abnuissent. Sed *Papirius* Consul paterna suaque gloria clarissimus, dum collega *Carvilius* destinendo hosti *Cominium* oppugnat, summo militum ardore hostes adoritur, pul-lario etiam auspicia mentiri auso ^a; & *tripudium solistimum* nunciante, cum tamen pulli pasci noluis-sent. Exau-dita tamen fuit veritas, & Consuli a fratris filio renunciata, qui religio-nem in eum qui falsi aliquid nuncia-
set rejecit: ac cecidit quoque pulla-rius ante, quam concurretur, emissio temere pilo ictus. Nec prohibuit Samnites facta detestatio quo minus fugerent, hostes suos magis, quam jurisjurandi religionem metuentes. Er-go castris & urbe captis maxima cla-des Samnitibus illata fuit ^b: & ex armis Samnitium hoc praelio captis Colossus Jovi in Capitolio tactus est ^c. *Cominium* etiam ab altero Consule captum fuit: utrumque opidum igne injecto

^a *Ibid.* c. 40. ^b *Ibid.* c. 42. ^c *Plin. H. N. L. XXXIV, c. 7.*

injecto deflagravit a : *Volana* praeterea, *Palumbium*, *Herculaneum* a Carvilio ex Samnitibus capta. Sed nunciata Etruscorum rebellionē ex Senatusconsulto exercitum in Etruriam duxit; dum Papirius *Sepino* etiam in Samnio capto insignem, ut illorum temporum habitus erat, ex ea regione triumphum duxit. Interea Carvilius etiam in Etruria, & contra Faliscos, qui post multorum annorum amicitiam desciverant, feliciter adeo res gessit, ut & illae honore triumphī dignae esse viderentur. Tantaque ob has victorias fuit laetitia, ut *tum primum coronati* ob res bello bene gestas *ludos spectaverint* Romani b.

§. X. Anno Urbis 461. Consul fuit §. 10. Continuatio
Q. Fabius Maximus Gurges Q. Fabii bellī Samnitici.
 Maximi Rulliani, quem saepius jam A. U. 461.
 memoravimus, filius, licet constanter cum Populo egisset pater, ut aliquando vacationem hujus honoris Fabiae genti daret c. Et sane male adeo adversus Samnites pugnavit, ut in Senatu de removendo eo ab exercitu ageretur d. Sed deprecatus est pater
 P hanc

a Liv. L. X. c. 44. b Liv. Ibid. c. 47.

c Val. Max. L. IV. c. 1. n. 5. d Epit. Liv. XI.

hanc sibi ignominiam, pollicitus, *se legatum filio suo iurum esse*: atque ejus opera & consiliis filius Consul adjutus caesis Samnitibus triumphavit: atque C. Pontium Samnitium Imperatorem, qui quondam ad Caudinas furculas Romanos sub jugum miserat, in triumphum ductum securi percussit: quae tamen anno demum sequente facta esse ex fragmentis Tabularum Capitolinarum constat. Eodem anno, cum civitas pestilentia laboraret, oraculorum monitu legati *Epidaurum* sunt missi (*Argiae* in *Peloponneso* urbs fuit, hodie *Malvasia*) qui *Aesculapii* signum inde Romam transferrent. Anguem, sub cujus forma Deus ille colebatur, secum deportaverunt; qui sponte in insulam Tiberis egressus fertur a; ibique illi, tanquam eas sedes elegisset, templum structum fuit.

A.U. 462. Habuit annus, quo Romam advectus est Aesculapius, Consulem L. Postumium III. qui malo exemplo, ut quondam Appius Claudius se ipsum Decemvirum fecerat, comitiis, quae ipse Interrex habebat, Consul declaratus

a Ovid. Met. L. XV. v. 739. Plut. Quaest. Rom. n. 93. sive p. m. 286.

ratus fuerat. Neque minore arrogancia magistratum gessit, quam ceperat, Samnitici belli administrationem sibi extra ordinem sumens, Fabiumque Proconsulem in Samnio res gerentem provincia excedere cogens; ita ut invidia Postumi multum Fabio ad triumphum impetrandum profuerit; ipsi vero, licet Cominium aliaque oppida Samnitibus eripuisset, triumphus fuerit negatus. Ita omnibus exosus accusantibus Tribunis plebi ingenti multa damnatus est. Anno demum se- A.U. 463.
 quente Samnites a Consulibus *P. Cornelio* (fuit hic *Sullae* Dictatoris atavus) & *M' Curio Dentato* agrorum suorum populationibus, ruinis urbium, aliisque ingentibus cladibus ad pacem serio petendam compulsi sunt. Igitur Consuli Curio foco in scamno assidenti, atque ligneo catillo coenanti magnum auri pondus publice miserunt, a quo cum risu repudiati sunt ^a, cum diceret, non aurum habere praeclarum sibi videri; sed aurum habentibus imperare. Itaque post annos quadraginta novem (ut Eutropius di-

P 2 cit

^a Cic. de Senect. c. 16. Val. Max. L. IV, c. III. ex. 5.

cit *L. II. c. 9.* sed verius post annos quinquaginta quatuor ; coepit enim anno urbis quadringentesimo decimo) hoc bellum confectum fuit : nam quod etiam postea bellum tentaverint, non magni momenti negotium fuisse videtur.

§. II. *Bel-
la cum
Sabinis,
Lucanis,
&c.*

§. XI. In eodem magistratu Curius Sabinos longa tum pace opulentos, atque inde, ut videtur, per proterviam Romani juris loca quaedam invadentes vicit ; eaque expeditione ad mare *Hadriaticum* (ita enim rectius scribitur) a usque pervenit ; coloniaeque *Castrum*, *Senam*, atque Hadriam deductae sunt b : Sabinis victis civitas sine suffragio est data c. Ergo duos hoc anno triumphos egit Curius ; alterum nempe de Samnitibus, alterum de Sabinis. Lex etiam de Lucanis bello persequendis hoc anno est lata d ; quod *Thurinos* Populi Romani socios *A. U. 465.* hostiliter infestassent : sed anno demum sequente hoc bellum gestum videtur. Eodem etiam anno *L. Papi-
rius*

a *Vid. Cellar. Geogr. Ant.* b *Liv. Epit. XI. Polyb. L. II. c. 19. A. demum 470. Senam deductam dicit.* c *Vell. Patere. L. I. c. 14.*

d *Plin. H. N. XXXIV. c. 6.*

rius Turdus legem de *Treviris capitilibus* quotannis a Praetore creandis tulit a. Anno Urbis 466., cum foris res satis laetacessent, ingens rursus domi seditio est exorta propter aes alienum; ita ut plebs tandem in montem Ianiculum secederet. Ergo Dictator *seditionis sedandae causa* creatus est *Q. Hortensius*, quem leges concordiae utiles tulisse facile conjici potest, cum hinc ad tempora Gracchana (spatium est centum quinquaginta quinque annorum) nulla periculosa seditio in Urbe invaluerit: sed universas fere leges illas injuria temporum abolevit. Hoc tamen tradunt auctores in margine citati b *lege Hortensia* sancitum fuisse, *uti quodcunque plebs jussisset, omnes Quirites teneret*; cum antea plebiscitis patricii non tenerentur. Vidimus tamen supra *hujus libri c. 4. §. 3.* similem legem ab Horatio Consule fuisse latam; & *c. 8. §. 3.* a Publilio Dictatore relatum A. U. 414. Verum potest fieri, ut non semper fuerit observata; sed

P 3

jam

a Liv. Epit. d. Vid. Festum V. Sacramentum.

b Laelius Felix. ap. Gell. XV. 27. Plin. H. N. XVI. 10. Pomp. l. 2. §. 8. ff. de O. I. Justin. Instit. de I. n. G. C. §. 4.

jam praeterea haec novis capitibus sanctionibusque firmioribus fuerit munita. Hic idem Dictator etiam in gratiam plebis videtur tulisse legem, *ut nundinae fastae essent, uti rustici, qui nundinandi causa in Urbem veniebant, lites componerent* ^a; cum prius feriae fuissent, quibus Praetorem fari non licebat. His factis Hortensius, quod nulli Dictatori ante contigerat, in eodem magistratu exspiravit ^b. Hoc etiam tempore, & ejusdem secessionis occasione videtur lata fuisse *Lex Maenia, ut Patres ante inita suffragia Populi auctores fierent ejus rei, quam Populus Romanus jussurus erat*; quam legem jam in tribunatu agitaverat M^o Curius ^c A. U. 455. In fragmento, quod ex tabulis Capitolinis esse videtur, invenitur hoc eodem anno Dictatorem fuisse A. Fabium Maximum Rullianum, quae tertia ejus Dictatura fuerit: & ob Gallici, Umbrici, & Etruscorum Volsinienfiumque belli reliquias ei delata fuisse videtur. Sed defectu historiae Livianae aliorumque

^a *Macrob. Saturn. L. I. c. 16.* ^b *August. de Civ. D. L. III. c. 17.* ^c *Cic. de clar. Or. c. 14. S. Aur. Victor. de vir. ill. in Curio.*

rumque auctorum veterum horum aliquot annorum res gestae in occulto jacent. Anno Urbis 470. Lucani, *A.U.* 470. *Bruttii*, Samnites cum Etruscis & *Senonibus* Gallis bellum contra Romanos moliti sunt a ; legatique ad exorandos Gallos missi ab iisdem interfecti sunt. Ergo cum imperio extra ordinem adversus eos missus est *L. Caecilius Metellus* Praetor ^b ; eique in praelio occiso successus est M' Curius Dentatus. Discrepat tamen aliquantulum Polybius , qui *Arretium* a Gallis obsessum liberare volentes Romanos cum Caecilio Praetore occisos fuisse scribit : posteaque legatos a Curio in Galliam missos caesos fuisse addit ; atque ita demum eam injuriam a Romanis fuisse vindicatam , Senonibusque pulsas civitatem eorum coloniam Romanam fuisse factam ; *Senamque* appellatam. Florus vero *L. I. c.* 13. ab ejusdem anni Consule *Dolabella* in Etruria ad lacum *Vadimonis* omnes Gallorum Senonum reliquias deletas dicit : ad quem lacum Polybius *L. II.*

P 4

c. 20.

a Oros. *L. III. c.* 23. & videtur eodem respicere August. de Civ. Dei *L. III. c.* 17. b Polyb. *L. III. c.* 19.

c. 20 Gallos Bojos & Etruscos caesos fuisse narrat, eosdem tamen iterum defecisse, iterumque victos aegre tandem submisisse animos adjicit. Sed viam jam ad famam Romanorum extra Italiam propagandam, & ad victorias transmarinas occasione belli Tarentini parabat providentia: de quo jam capite sequenti dicturi sumus.

CAPUT NONUM.

A. U. 472. *De bello Tarentino, & cum Pyrrho Rege.*

§. I. De
Tarento,
& occasio-
ne belli
Tarentini.

§. I. **T**arentum urbs fuit Calabriae, five illius partis Italiae, quae Magna Graecia dicebatur, quod Graecorum coloniis plena esset; quodque Graeci per ambitionem, licet falso, eam tota Graecia majorem esse jactarent ^a. Antiquissima quidem haec urbs fuit: quippe quae a Tarante quodam Heroë Neptuni filio condita fuisse dicatur ^b: sed postea occupata fuit a Phalantho Partheniarum e Laconia duce circa Olympiadem XXI. quo

^a Vid. Plin. H. N. L. III. c. 5. ^b Pausan. Phoc. c. 10.

quo tempore Numa Romae regnabat. Inde ob commoditatem portus immensis divitiis aucti cives luxui se totos tradiderunt; unde *molle Tarentum* dicitur *Horatio Serm. L. II. Sat. IV. v. 34.* & *imbelle* eidem *Epistolarum L. I. Ep. VII. v. 45.* *Juvenali vero Sat. VI. v. 267.* *coronatum & petulans, madidumque Tarentum.* Et sane *petulantia* civium exitii causa ipsis fuit. Cum enim forte classis Romana, tanquam ad socios & amicos, litori eorum adnavigasset, Tarentini ludos tum forte in theatro, quod mari imminet, celebrantes ut hostilem, & cum summo contemptu invadunt, *Qui, aut unde essent Romani?* rogantes ^a. Addunt quidam classis praefectum occisum ^b, bonaque Romanorum direpta fuisse. Ergo *Postumius* legatus, qui de his injuriis expostularetur, ad eos missus fuit. Sed hunc theatrum (ubi Graecorum more de summa Republica consultare solebant ^c) ingressum, postquam non satis ad exactissimam Graeci sermonis

P 5

nor-

^a *Flor. L. I. c. 18.*

^b *Oros. L. IV. c. I.*

^c *Aëtior. XIX. 29. Cic. pro Flacc. c. 7.*

normam loqui animadverterunt ^a, per ludibrium ejecerunt: imo scurra quidam nomine *Philonides*, qui *Cotyla* ^a *vinolentia* dicebatur, (κοτύλη *omne cavum* significat, & in specie etiam *peculi genus*) legatum, quem ejecerant, sublata veste perminxit: quod cum riderent Tarentini, *Ridete*, inquit *ridete, Tarentini, dum licet; nam post-haec diu flebitis.* Ad quas minas, cum nonnulli exacerbarentur, & *ut magis*, inquit, *stomachemini, hoc quoque vobis dicimus, fore, ut hanc vestem multo sanguine eluatis.* Ita Romam reversus legatus contumeliam sibi factam narravit: unde tanta indignatio est orta, ut confestim bellum iis indicendum Senatus decreverit: decretum Senatus Populus ratum fecit.

§. 2. Belli
cum Ta-
rentinis
successus.

§. II. Ergo *Aemilio* Consuli bellum Tarentinum decernitur: qui tamen primum Tarentinorum animos tentavit idoneis verbis ^b, aequis conditionibus pacem amplexuros esse ratus. Sed vicit apud hos juvenum sententia, qui bellum malebant. Carthaginenses, fama hujus rei accepta, centum

^a *Dion. Hal. excerpt. de legat. c. 4.*

^b *Zonaras Annal. T. II.*

tum & triginta navium classem Romanis auxilio miserunt: verum duci eorum respondit Senatus, *Populum Romanum bella suscipere solere, quae suo milite gerere posset: proinde classem Carthaginem reduceret* ^a. Aemilius itaque agrum hostilem vastat; egressosque hostes cum clade in urbem repellit. Tarentini vero viribus suis diffusi *Pyrrhum* Epiri Regem in auxilium advocant; atque interim ducem sibi constituunt *Agidem* quendam Romanis satis amicum. Verum hujus consilio pacem jam agitantibus supervenit cum exercitu, *Cineas* Pyrrhi legatus ^b (Pyrrhus enim Tarentinorum societatem opportunam sibi ducebat, cum ita viam sibi ad subjugandam Siciliam, *Sardiniam* ipsamque Carthaginem aperire videretur.) Igitur etiam cum altero exercitu *Milonem* mittit; cui libenter, quod laborem fugerent, arcis & murorum custodiam permiscere Tarentini, imperio Agidi jam dudum abrogato. Aemilius adventu militum Pyrrhi cognito recessit: cumque in angustis quibusdam faucibus, quas

^a Val. Max. L. III. c. 7. ex. 10.

^b Vid. Plut. Pyrrho p. m. 391.

quas transire coge batur , iter ei inter-
 clusissent Tarentini, captivos eorum
 praemittit: at illi veriti, ne suos pro
 Romanis conficerent, destiterunt.
 Pyrrhus interea non exspectato vere
 anni sequentis cum magno lectissimo-
 que exercitu, quem mira alacritate
 conscripserat *elephantisque* praeterea vi-
 ginti (qui tum primum in Italiam
 venerunt; & a Romanis, quod eos
 in *Lucania* primum vidissent, *Boves*
Luciae sunt dicti) in Italiam traje-
 cit ^a, magno suo exercitusque etiam
 sui periculo, & multis suorum amif-
 sis. Sed brevi Tarentinos arcessiti au-
 xilii peregrini poenituit. Pyrrhus enim
 statim ex junioribus eorum delectum
 egit; eosque manipulis suorum inse-
 ruit, ne contra se aliquid moliri pos-
 sent. Theatrum etiam clausit, coeti-
 busque conviviorum & comessionum
 interdictis adolescentes aut in armis
 exerceri, aut in foro totos dies agere
 iussit ^b. Et ne quis se ex urbe sub-
 duceret, custodias in portis posuit.
 Eos vero, quos vel favoris erga Ro-
 manos suspectos habebat, vel Reipu-
 blicae

^a *Pausan. Attic. c. 12.*

^b *Plut. Pyrrho p. 292.*

blicae gerendae noverat idoneos, partim clam sustulit; partim ex quaestitis causis ad filium in Epirum misit. Inter eos fuit *Aristarchus*, vir summus apud Tarentinos; quem certi negotii causa navigare in Epirum Pyrrhus iussit: ille vero obedientiam simulans Romam est profectus, Senatumque de multis ac magnis rebus edocuit. His rebus intellectis Romanos jam cura bellicosissimi Regis ceperat; delectibusque agendis & pecunia cogenda strenue bellum apparabant: nec immerito, cum omnes sui temporis Imperatores peritia rei militaris superaverit, in acie praecipue instruenda, castris metandis, stratagematibus inveniendis versatissimus ^a; & libris de ea arte editis clarus ^b. Accessitque scelus *Decii Fabellii* Tribuni militum; quod sociorum animos a Romanis alienare erat aptissimum. Cum enim *Rhegium* oppidum in extrema Italia, ut haec tempora ferebant, opulentum, tum Pyrrhi, tum Carthaginiensium metu praesidium Romanorum expetivisset, missus eo est cum
legione

^a Donat. in Ter. Eun. IV. 13.

^b Plut. Pyrrho p. m. 387.

legione ex Campania conscripta Decius. Hic vero urbis occupandae opportunitatem sibi natam ratus literas fingit tanquam a *Rheginis* ad Pyrrhum arcessendum datas; atque ita proditionis ulciscendae specie principum alios obtruncat, alios patria ejicit; novamque Republicae formam instituit. Sed dissensione de praeda dividenda, ut inter latrones, orta Decius ejectus *Messanam* confugit; ibique morbo oculorum correptus est; & medici dolo coecus factus.

§. 3. *Bel-*
lum porro
cum Pyr-
rho ge-
sum.

A. U. 473.

§. III. Anno Urbis quadringentesimo septuagesimo tertio *P. Valerius Laevinus* Consul, ut bellum quam longissime a finibus Romanorum averteret, sociorumque mobiles ad defectionem animos in fide retineret, cum exercitu in Lucaniam contendit: interque *Pandosiam* & *Heracleam* urbes ad *Sirin* amnem, qui in sinum Tarentinum effunditur, consedit. Cumque Pyrrhus praelium detrectaret, Romanos brevi in regione hostili omnium rerum inopia laboraturos esse sperans, Laevinus prior pugnam laceffivit: sed licet fortiter & Dux & miles rem gererent, terrore praecipue elephantorum

rum virtuteque *Thessalici* equitatus Romani sunt victi. Majorque clades fuisset accepta, nisi ex elephantis unus accepto vulnere conversus suorum aciem turbasset. Tot tamen etiam ex victoribus ceciderunt, ut Pyrrhus victoriam gratulantibus responderet, *vereri se, ne, si iterum sic vicisset, sine milite in Epirum reverteretur*: quod tamen alii post ultimum cum Romanis praelium eum dixisse voluit ^a. Additur, quoque Pyrrhum cum Romanos omnes vulneribus honestis & in hostes versos oppetiisse vidisset, magna voce exclamasse, *Quam facile erat orbis imperium occupare, aut mihi Romanis militibus, aut me duce Romanis!* Imo ipse etiam juxta quosdam graviter vulneratus fuit ^b. Sed auctus Lucanorum, Bruttiorum, Samnitiumque auxiliis Campaniam populatus Praeneste usque pervenit ^c; Capuam tamen & Neapolin frustra occupare conatus. At cum omnia Romae in armis esse intelligeret, novoque delectu habito *Ti. Coruncanium* Consulem sibi occurrere, dum Laevinus ^a tergo

^a *Plut. Pyrrh. p. 397.* ^b *Justin. L. LXVIII c. 1.* ^c *Plut. Pyrrho p. 394.*

tergo instaret, metu ne circumveniretur in Campaniam regressus est. Hinc vero, cum Romanis nequaquam animos minutos esse vidisset, Cineam legatum de pacis conditionibus acturum Romam mittit, muneribus additis, quae proceribus Romanis, eorumque uxoribus traderet. Verum ea a nemine admissa sunt. In Senatu tamen Cineas blanda oratione adeo animos moverat, ut plures ad pacem inclinaturi fuissent, nisi Ap. Claudius, qui caecitatis & senectutis causa jam dudum Reipublicae administratione abstinerat, hac re audita lectica se in Senatum deportari iussisset; & gravi oratione pacem dissuasisset ^a. Responsum itaque est, *prius Italia excederet Pyrrhum debere, antequam de pace, aut societate cum eo ineunda agi posset*. Et tanta his temporibus Senatus erat veneratio ut Cineas diceret ^b, *Regum sibi illum confessum visum fuisse*. Missus est tamen cum aliis legatus ad Pyrrhum, qui de redimendis captivis ageret, C. Fabricius; quem frustra auro delinire Rex conatus est. Nec magis terrore commoveri potuit.

Cum

^a Vid. Cic. de Senect., c. 6. ^b Flor. L. I. c. 18.

Cum enim imperasset Pyrrhus, ut dum cum Fabricio colloqueretur, elephas ipsi post aulacum interpositum admoveretur, subitoque bellua proboscidem supra caput Fabricii extendisset, simulque vocem horrendam emitteret, ipse nihil territus, *Non magis, inquit, o Rex elephas tuus hodie me commovit, quam heri aurum.* Super coenam vero, cum Cineam differentem audiret de Epicuro philosopho (vivebat enim hoc ipso tempore Epicurus, quippe qui mortuus est Olympiadis CXXVII. anno secundo, qui fuit Urbis quadringentesimus octuagesimus secundus) a summum illum bonum in voluptate collocare; Reipublicae procurationem, quasi vitae beatæ noceat, devitare; Deos, affirmare, a beneficentia & ira & cura nostri remotos otiosam & voluptatibus affluentem vitam agere; Vah, inquit Fabricius, Pyrrho haec praecepta & Samnitibus, dum nobiscum bellum gerunt, cordi sint b. Admiratus egregiam viri mentem Pyrrhus invitavit, ut, postquam de pace convenisset, se in Epirum

Q comi-

a Diog. Laërt. L. X. segm. 15.

b Plut. Pyrrho p. m. 395.

comitari & secum aetatem exigere vellet, primum inter amicos locum ipsi offerens; & quartam regni partem, ut alii a, sed minore veri similitudine tradunt. At responsum, quod Fabricio tribuitur, cum cetera ejus sapientia minus mihi convenire videtur. Fertur enim dixisse, *Non ex re Regis fore, si hoc faceret; illos namque ipsos, qui nunc Pyrrhum venerarentur, siquidem se Fabricium plene pernovissent, eum sibi Regem praeoptaturos esse.* Quod tamen mihi quidem, ut dixi, nimiae arrogantiae fuisse videtur. Tanti tamen celsitudinem hanc animi fecisse dicitur Pyrrhus, ut captivos unius Fabricii fidei crederet, ea lege, *ut si pacem abnuisset Senatus, salutatis propinquis, & Saturnalibus celebratis ad se reverterentur.* Nec cessit hac parte generoso Regis animo Senatus: peracto enim festo statim eos remisit; & si quis domi remansisset, mortis supplicio affectus fuit. Praeterea cum medicus Regis Consulibus obtulisset, si dignum facinoris pretium ostenderetur, se veneno regem necaturum esse, monuerunt Regem, ut insidias ca-
ret;

a *Entrop. L. II, 6, 12. Sex. Aur. Vict.*

ret; meliusque in futurum amicos ab hostibus distinguere disceret ^a. Medici tamen nomen non addiderunt, ne eum, qui bene mereri paratus fuerat, proderent. Quin tanta hoc tempore virtus Romanorum fuit, ut simul cum hoc gravissimo adversus Pyrrhum bello etiam cum Etruscis bellum gererent; & quidem ea fortuna, ut belli illius reliquias Consul Coruncanius sustulerit: nullam enim deinceps belli cum Etruscis mentionem invenimus ante ultimum bellum, quod anno Urbis quingentesimo duodecimo confectum fuit. Triumphasse enim hoc anno Coruncanium de Volsiniensibus & Vulciensibus Etruscis ex tabularum Capitolinarum fragmentis constat; quemadmodum etiam collegam ipsius in Consulatu *L. Aemilium Barbulam* de Tarentinis Samnitibus & Sallentinis triumphum egisse ex iisdem tabulis discimus.

§. IV. Anno sequente bellum contra Tarentinos & Pyrrhum ambobus Consulibus est decretum: & magno praelio ad *Asculum* Apuliae urbem concursus fuit. Ibi, cum ob loci

§. 4. *Finis belli cum Pyrrho.*
A.U. 474.

Q 2

inae-

^a *Plut. Pyrrh. p.m. 396, Gell. L. III. c. 8.*

inaequalitatem elephantorum nullus usus esset, post multam utrimque stragem editam nox praelium diremit. Postridie Pyrrhus, ut aequabili loco pugnare cogerentur Romani, difficiliora loca praesidiis occupavit: Romani vero, ut gravem armaturam, antequam belluae ingruere possent, impellerent, acriter gladiis certaverunt vulnerum & caedis immemores: atque ita, postquam diu pugnatum esset, initium fugae eo loco coepisse dicitur, ubi Pyrrhus agebat ^a. *Hieronymus* tamen historicus antiquus memoriae prodidit, de Pyrrhi exercitu tantum tria millia quingentos & quinque cecidisse, sex vero millia ex Romanis, quod castra Pyrrhi haud procul abessent. *Frontinus Stratagematum L. II. c. 3. ex. 20.* quadraginta millia utrinque fuisse dicit: Pyrrhum dimidiam partem exercitus, Romanos quinque millia suorum desiderasse. Certe non nisi difficillime victoriam adeptos Romanos constat: licet in tota hac historia tradenda scriptores admodum varient. Videtur etiam posse colligi ex Cicerone *Tusculanarum quaestionum*

^a *Plut. Pyrrho p. m. 396.*

stionum L. I. c. 37. & de Finibus bonor. & mal. L. II. c. 19. alterum Consullem Decium paterno avitoque exemplo se pro exercitu devovisse, atque occubuisse; quanquam alii auctores silentio hoc praetereant. Ex Zonaræ vero narratione videtur posse deprehendi, devovisse quidem se Decium, sed non fuisse caesum, cum mandatum dedisset Pyrrhus, ut vivus potius comprehenderetur. Et licet Zonaræ quidem per se non magna sit auctoritas, quippe Graeculi hominis, qui ante sex, vel septem demum saecula vixit, tamen videntur ejus aetate *Constantinopoli* adhuc superfuisse scriptores hodie deperditi, ex quibus sua haurire potuit. In hac rerum incerto illud tamen scimus, superiores fuisse Romanos. Tarentum enim Pyrrhus concessit, non persequentibus tamen Romanis, quod magnitudinem cladis, quam etiam ipsi acceperant, satis arguit. Itaque anno sequente cum *A.U. 475.* a *Syracusanis, Agrigentinis & Leontinis* quibusdam (seditione enim laborabant Siculi a) evocatus esset, in Siciliam cum magna exercitus parte trajecit.

Q 3

Fa-

a *Plut. Pyrrh. p. m. 397.*

Fabricius vero Consul de Lucanis, Bruttiis, Tarentinis, Samnitibus triumphavit a. Pyrrho autem in Siciliam appulso civitates certatim se tradiderunt: bellumque jam cum Carthaginiensibus animo agitabat. Carthaginienses enim foedus cum Romanis inierant legibus, quae sequuntur b: *si societatem cum Pyrrho Populus Romanus, aut Carthaginiensis inierit, foederis legibus uterque caveo, ut si alterutrius ditionem hostis invaserit, sibi opem ferre liceat. Utriusque opus auxilio habuerint, naves a Carthaginiensibus praebentur & ad iter & ad praelium. Stipendia suis utrique danto. Carthaginienses etiam mari, si opus erit, auxiliantur. Socios navales nemo invitos navibus exire cogito. At in hoc bello apparando imperiose & dure cum Siculis egit, multos sibi suspectos e medio tollens, ita ut ex populari in tyrannum verteretur c. Sed hac ipsa causa sublapsae ejus res retro referri coeperunt; ita ut aliae civitates ad Carthaginienses, aliae ad Mamertinos deficerent. (Mamertini Messanam urbem*
inco-

a Marmora Capitol. b Polyb. L. III, c. 25.

c Plus. d. l. p. 396.

incolebant.) Commodum itaque honori Regis literae a Samnitibus & Tarentinis allatae sunt, quibus opem ejus implorabant, quod a Romanis ad angustias redigerentur. Color ergo hic fuit, ne pro fuga discessus ejus haberetur. Et tamen etiam verum erat, Consules collatis viribus Samnium *A.U. 476.* vastare, ita ut Samnites res suas in abruptos montes aviosque scopulos conferrent. Atque etiam alterum Consulem *C. Junium Brutum Bubulcum* de Lucanis & Bruttiis triumphasse fasti docent: ut etiam anno sequente *Q. Fabium* Consulem; de quibus tamen triumphis apud auctores altum est silentium. Alter hujus anni Consul erat *P. Cornelius Rufinus* *II.* vir belli quidem peritus; sed avaritiae nomine infamis. Mirabantur igitur homines, Fabricium spectatissimae integritatis virum ^a in comitiis causam Rufini contra competitores ejus enixe provehere: quibus facete respondit Fabricius, *Nihil mirum videri debere, si difficillimis temporibus compilari se, quam venire mallet* ^b. Et

Q 4 bene

^a *Val. Max. L. IV. c. 4. n. 10.*

^b *Gell. L. IV. c. 8.*

bene sane rem gessit Rufinus Lucanis
 & Bruttiis afflictis; & Crotonem, quae
 defecerat praesidio *Epirotarum* rece-
 pto, dexteritate potius ingenii, quam
 vi recepit ^a. Pyrrhus autem, cum
 ex Sicilia discederet, fertur ad comi-
 tes suos conversus dixisse, *Quam, o*
amici, palaestram Carthaginienfibus &
Romanis relinquimus? Quod verissi-
 mum prudentis Regis praesagium
 fuisse eventus mox comprobavit. In ipso
 trajectu cum *Poenis* configere Pyr-
 rhus coactus fuit; ac magna parte na-
 vium suarum amissa in Italiam po-
 tius fugit, quam venit. Transgressum
 statim invasere Mamertini: sed Pyr-
 rhus, cum ipse praesens fortissime pu-
 gnaret, ita ut barbarum se invadentem
 medium dissecuerit, viam reliquam
 sibi tutam praestitit. Inde partem exer-
 citus in Lucaniam adversus alterum
 Consulem mittit: ipse reliquam par-
 tem adversus Curium duxit, si ante
 quam auxilia adventarent, ipsius exer-
 citum profligare posset. Sed Consul
 primam ejus aciem (per errorem enim
 vicia milites Pyrrhi non omnes simul ad-
 venire potuerunt) caedit elephantosque
 aliquot

^a *Frontin. Strat. L. III. c. 6. ex. 4.*

aliquot capit : eoque successu elatus & castris egressus plenam ab hostibus victoriam reportat. Atque ea victoria tantum fiducia animis Romanorum addidisse videtur, ut inde statim de imperio extra Italiam proferendo cogitare coeperint. Pyrrhus vero omni spe ulterioris adversus Romanos successus abjecta in Graeciam est reversus anno sexto postquam in Italiam venerat: ibique anno Urbis quadringentesimo octogesimo cum nocturna invasione *Argos* urbem ingressus esset, a muliercula, cujus filium occiderat, tegula e tecto projecta interfectus est. Reliquerat autem Tarenti Milonem Praefectum: sed ille ab ipsis Tarentinis, quod male eos vexaret, in angustias reductus anno Urbis 481. arcem Tarentinorum *Papirio* Consuli tradidit. Addit epitome Liviana *L. XIV.* & *Orosius L. IV. c. 3.* Carthaginenses Tarentinis contra Romanos auxilio venisse; atque ita ab iis foedus primum fuisse violatum. Nam *Tarentinis* in epitome Liviana esse legendum, non *Mamertinis*, ut habent editiones *Gryphii* A. 1554. *Gruteri* 1609. 8. *Clerici* 1710. docet

ad eum locum Sigonius.

§. 5. *Alia
bella post
fugatum
Pyrrhum.*

§. V. Eodem anno ab utroque Con-
sule bellum Samniticum , quod per
annos plusquam septuaginta continua-
tum fuerat, confectum fuit: Taren-
tinisque pax & libertas data est a.
Atque ita , Etruscis etiam & Gallis
paulo ante debellatis tota fere Italia
(ut tum scilicet finiebatur, Gallia Ci-
salpina nondum eo nomine compre-
hensa) in potestatem Romanorum ve-
nit : nisi quod de Sallentinis *Messa-*
piisque A. etiam 487. ab utroque Con-
sule triumphatum fuit; otioque Ro-
manis dato legio Campana, quae Rhe-
gium occupaverat, obsessa: &, dedi-
tione facta, tota, millia hominum
quatuor, in foro Romano securi per-
cussi sunt b. Nisi verior alicui vi-
deatur sententia Polybii *L. I. c. 7.* qui
pertinaciter adeo urbem ab ipsis de-
fensam dicit, ut tantum paulo am-
plius trecentis in potestatem redege-
rint, securique percusserint Romani.

A. U. 483. Hinc cum Umbris bellum est gestum:
nam de *Sassinatibus* Umbriae populis
anno Urbis quadringentesimo octua-
gesimo tertio triumphasse *Cn. Corne-*
lium

a *Liv. Ep. XV.* b *Liv. L. XXVIII. c. 28.*

lium Blasionem Consulem docent reliquiae marmorcorum fastorum. Anno vero sequente novum bellum cum Picentibus (quorum regio hodie *Marchia Anconitana* dicitur) exortum est a : sed anno statim quadringentesimo octogesimo quinto ipsis victis, captoque capite gentis *Asculo*, (diversum enim hoc est ab Asculo Apuliae, de quo supra diximus) pax data est : cum anno praecedente primum argenteus nummus Romae signatus esset ex argento, ut videtur, a *Ptolemaeo Aegypti* Rege legatis Romanorum A. U. 480. dono data. Colonia in Picenum *Ariminum* deducta est, ut in fide ea gens retineretur. Eodem anno adhuc cum Umbris bellum gestum fuisse videtur : nam de hujus anni Consule *Ap. Claudio Crasso* cum Pighio intelligenda esse censeo, quae narrat Valerius Maximus *L. VI. c. 5. ex. 1.* eum Camerinos (qui in Umbria fuerunt juxta Strabonem, *Ptolomaeum* & alios) ductu atque auspiciis suis captos sub hasta vendidisse : quod Senatus aegre ferens, quia parum liquida fide ab Impera-

peratore gestum erat, maxima cura
 repositos redemit: iisque habitandi
 gratia locum in Aventino monte ad-
 signavit & praedia eis restituit. Utrum-
 que Consulem hujus anni de Picenti-
 bus triumphasse ex fastis Capitolinis
 patet; & tanta victoria fuit ut Pi-
 centium CCCLX. millia simul in fi-
 dem venerint. Anno Urbis quadrin-
 gentesimo octuagesimo sexto Sallen-
 tinis a & Messapiis bellum est illa-
 tum, & Brundisium urbs ab illis ca-
 pta; unde frequentissimus postea in
 Graeciam trajectus fuit. Praetextus
 quidem belli erat, quod cum Pyrrho
 arma junxissent: sed vera ratio fuisse
 videtur, ut commodissimum illum ad
 trajectum in Graeciam portum occu-
 parent Romani; cum illa ratione fa-
 cillime victorias suas etiam Orien-
 tem versus extendere possent. Addit
 Zonaras, Romanos urbe potitos eo
 colonos misisse: sed Livius (ut ex e-
 pitome ejus decimanona constat) &
Vellejus Paterculus L. I. c. 14. Tor-
quato demum Sempronioque Consuli-
bus, sive anno Urbis 509. hoc factum
fuisse referunt: quibus adversari no-
lim.

lim. Sed hoc anno jam Brundisium in potestatem Romanorum venisse patet ex Valerio Maximo *L. VI. c. 6. ex. 5.* ubi narrat, Aediles hujus anni *Q. Fabium & Cn. Apronium* legatos *Apolloniatum* orta contentione pul-
 fuisse: eosque a Senatu per feciales fuisse deditos, Quaestoremque cum iis Brundisium ire jussum, ne quam in itinere a cognatis deditorum injuriam acciperent. Anno Urbis quadringentesimo octogesimo octavo Volsiniensibus libertorum & servorum conjuratione oppressis, cum Romanorum opem per legatos implorassent, *Q. Fabius Gurges* Consul auxilio missus est; a quo superati sunt servi, & in urbem compulsi. Zonaras, Consulem Fabium ex vulnere obiisse dicit: eaque fiducia servos erupisse adjicit: sed ab altero Consule ad deditiorem coactos, & cum cruciatu necatos fuisse, urbe etiam eversa indigenisque & servis, qui in fide manserant, alio translatis. Verum hoc de *Fulvio* anni insequentis Consule intelligendum esse columnae Capitolinae docent, triumphum ejus de Volsiniensibus referentes. Ita Italia omnis in potestatem redacta in
 qua-

quatuor provincias Quaestorias divisa fuit ^a : pristinisque quatuor Quaestoribus quatuor alii sunt additi ^b , qui vectigalia, tributa, decimas, portoria, omnes denique Populi Romani redditus ex agris, sylvis, pascuis publicis administrarent. Divisio autem haec sequenti fere modo facta fuisse videtur ^c ; ut prima provincia quaestoria fuerit *Ostiensis*, quae Etruriam & utrumque Latium cum adjunctis *Cisapenninis* & mediterraneis populis fuerit complexa. Secunda provincia videtur fuisse *Calena*, dicta a *Calibus* Campanorum oppido, quae Campaniam, Samnium, Lucanos, Bruttios, Magnam Graeciam usque *Metapontum* & ad sinum Tarentinum continuerit. Tertia provincia fuit *Gallica*; quae ita dicta videtur ab *agro Gallico* inter *Aesim* & *Rubiconem* fluvios ^d ; quem Romani Senonibus Gallis deletis occuparant, publicarantque : atque hanc provinciam, Umbriam etiam, & forte Picenum comprehendisse puto. Ita quarto demum

^a Tac. Ann. L. XI. c. 23. ^b Lips. ad Tac. Ann. L. IV. c. 27. ^c Pigb. ad hunc A.

^d Suet. Claud. c. 24.

num Quaestori, Calabria administra-
 stranda superfuerit; cui includeban-
 tur Apuli, *Hirpini*, *Pediculi*, Sallen-
 tini, Messapii, *Iapyges*, *Peucetii*,
 Tarentini, *Compsani*, alique. Quo
 nomine autem haec provincia dicta
 fuerit obscurum est; nisi generali *Ca-*
labriae nomine venisse dicatur.



tum Africam, sed pleraque etiam *Hispaniae* loca maritima, insulasque maris inferi sui juris fecissent; atque ita metuendi sibi vicini fierent, undique Italiae imminentes.

§. 2. *Initium belli Punico II.*
A. U. 489.

§. II. Igitur *Ap. Claudio* Consuli Sicilia provincia decernitur: tumque primum Romani, belli quidem causa, mare ingressi sunt a; sed classe rudi admodum & incondita, parumque ad pugnam apta. Hinc ipsae na-
ves, quibus tunc sunt usi, *candicariae* sunt dictae b quia *candices* arborum ipsis adhuc adhaerebant: & ipse *Appius* inde cognomine *Caudex* appellatus fuit. In Siciliam appulsus *Claudius Carthaginienses* & *Syracusanos* intra munitiones suas compulit c; *A. U. 490.* eamque urbem illico obsedit. Cumque anno sequente ambo Consules cum novis etiam copiis in Siciliam missi essent, pleraque tam *Carthaginiensium*, quam *Syracusanorum* oppida ad Romanos defecerunt. Rex *Hiero*, qui jam victus a Romanis fuisset, atque metum Siculorum & multitudinem

a *Flor. L. II. c. 2. Suet. Tib. c. 2.* b *V. Sen. de brev. vit. c. 13. Fest. Non. p. 559. ed. Plant. 1565.* c *Polyb. L. I. c. 15.*

nem ac vim Romanarum legionum cerneret, legatos ad Consules de pace & amicitia mittit; eamque aequis legibus impetravit, & constantissime postea amicitiam cum Romanis exercuit. Mirari hic lubet prudentiam Romanorum, qui inimicorum suorum gratiam ita sibi conciliaverint; praesertim si qui ipsis prodesse poterant, ut eorum egregia opera imperium suum stabiliverint; quemadmodum secundo Punico bello ita *Massinissam* Regem; & bello Asiatico *Attalum* atque *Eumenem* sibi adjunxerunt. Triumphasse tamen hoc anno de Poenis & Hierone Rege *Valerium* Consulem ex fastis patet: qui etiam ab urbe *Messana* victa, *Messana*, paulatimque vulgo permutante literas, a *Messalla* appellatus fuit. Non magni est momenti, sed tamen observatione non indignum, hunc *Valerium primum*, *Catana* capta, ex Sicilia *horologium* in Urbem detulisse; & in columna publice secundum rostra statuisse ^b; quod tamen valde imperfectum fuisse, lineis ejus ad horas non

R 2

con-

a *Senec. de brev. vit. c. 13. Macr. Sat. L. 1. c. 6.* b *Plin. Hist. Nat. L. VII. c. 60. f. ult.*

congruentibus ex Plinii loco citato patet. Facete eo alludit *Plautus* in comœdia deperdita, quae *Boeotia* dicta fuit, in loco, quem citat *Gellius Noct. Attic. L. III. c. 3.* & qui apud ipsum legi potest. Anno sequente utrique iterum Consuli bellum in Sicilia est mandatum: cumque Poeni *Agrigentum* sibi quasi arcem belli constituissem, eoque annonam & copias collegissem, Consules eam obsidione cingunt ^a. Cumque post duos menses ad summas jam angustias redacti essent, *Hannonique* Poenorum duci significassent, famem amplius tolerari non posse, belli fortunam sibi tentandam esse, Dux Carthaginiensium constituit. Sed cum magno praelio fuisset fusus ^b *Hannibal*, qui cum imperio copiis obsessis praeerat, rebus desperatis noctu Romanis insciis copias suas incolumes abduxit. Ita postridie Romani facile urbem coeperunt, multis mancipiis, multoque omnis generis apparatu potiti. Haec victoria Romam nunciata in spem adduxit Romanos, posse omni Insula exturbari Carthaginienses.

§. III. Igi-

^a *Polyb. L. I. c. 18.* ^b *Ibid. c. 19.*



Fig. 2



Fig. 4



Fig. 6

§. III. Igitur, cum pedestres quidem §. 3. *Initium rei maritimae apud Rom.*
 copias idoneas habere se confiderent
 Romani, sed maris Imperium obtine-
 rent Carthaginienſes ^a, ad navium
 fabricam omni conatu animum appli-
 cuere, quinquereſ centum, trire-
 ſes viginti fabricare ſtatuentes: & li-
 cet rudes admodum talium navium
 conſtruendarum eſſent, tamen intra
 ſexageſimum diem, quam caeſa ſylva
 fuerat ^b, centum viginti navium claſ-
 ſis in anchoris ſtetit; imo centum ſe-
 xaginta eas fuiſſe dicit Florus. Et
 huius rei memoriam in denario ſerva-
 re voluiſſe videtur *Q. Fabius Maximus*
Gurges ^c; quem Quaefſtorem hoc anno
 fuiſſe Pighius conjicit. Dum autem
 claſſis inſtruitur, ſimul etiam remiges
 exercebantur: in litore enim ad remos
 ſedere juſſi eundem ordinem ſervabant,
 quem in tranſtris navium ſedentes ſer-
 vaturi eſſent & *hortatore* ^d, ſive *ce-*
lenſta (*portifculum* dixerunt Latini ^e)
 in medium locato, qui omnes ſimul

R 3

recli-

^a *Ibid.* c. 20. ^b *Plin. H. N. L. XVI. c. 39.*

^c *Vid. Vaill. de ſam. Rom. G. Fabia num. 7.*

^d *Vid. Ovid. Met. L. III. v. 619.* ^e *Ennius*

Ann. VIII. ap. Non. p. 179. ed. Plant. A. 1565.

Vid. & Plant. Aſin. A. III. S. I. v. 15.

reclinare sese manus adducendo, & rursus incumbere easdem propellendo docuit. Ita paulum modo veram navigationem in mari experti juxta Italiae litus navigare inceperunt ^a. At *Cn. Cornelius* Consul, quem rei navali praefecerant Romani, cum septemdecim navibus Messanam jam erat profectus: sed cum spes capiendi per proditionem Liparaeorum oppidi ei affulsisset, inconsultius ad ejus muros appellit; & a Carthaginiensibus opprimitur. Et socii quidem navales in terram evasere, ipse vero cum navibus captus est. Verum parum abfuit, quin etiam Hannibal classem Romanam cognoscendi cupidus in simile discrimen incideret: sed amissis plerisque navibus ipse tamen incolumis evasit. Interim classis Romana jam Siciliae appropinquaverat; ejusque praefecturam alter Consul *Duillius* in se susceperat. Experti autem fuerant prioribus pugnis Romani, naves suas rudi opere constructas a Carthaginiensium navibus velocitate longe superari: ergo *Duillius* machinas quasdam excogitavit, sive asseres ferreo unco praec-

^a *Polyb.* L. I. c. 21.

praefixos, quos hostium navibus injiceret, ut cogerentur quasi in solido decernere ^a. *Manus ferreas*, sive *harpagonas* vocabant ^b. Cum his non confundendos esse *corvos*, quos describit Polybius, volunt interpretes: quod jam ulteriori per otium inquisitioni relinquo. Duillius ita instructus apud *Liparam* insulam hostes adortur; stupentesque miraculo rei Carthaginieneses amissis quinquaginta navibus in fugam inclinati sunt. ^c Inde exscensione in Siciliam facta Romani *Aegesthanos* ad ultima jam redactos obsidione liberarunt; *Macellam*que urbem vi expugnarunt. Propter hanc victoriam Duillio maximi honores fuerunt habiti; eique *omnium primo triumphus navalis* est decretus; cujus memoriam etiam servant nummi ^d. Tum columna ei in foro marmorea rostrisque captarum navium insignis erecta est ^e: cujus basi titulus victoriae rerumque gestarum erat inscriptus: quem ad sua usque tempora existisse

R 4










stitisse


^a Flor. d. l. ^b Vid. Liv. L. XXX. c. 10. Curt. L. IV. c. 2. ^c Polyb. L. I. c. 23. ^d Vid. Vaillant. de fam. Rom. Gente Duillia n. 2.

^e Silius Ital. L. VI. f.

stitisse significat Plinius ^a ; & post aliquot secula adhuc superfuisse ex *Sexti Rusi* libello *de Regionibus Urbis* discimus : nam apud eum in *descriptione regionis VIII. dictae Forum Romanum* pro *Columna divi Julii* legendum esse *Columna Duillii* felix est Pighii in *Annalibus Romanis* conjectura. Hodieque pars basis ejus cum inscriptione restat ; & in Capitolio Romano conspicitur. *Petrus* vero *Ciacconius Tolletanus*, qui inscriptionem a se, qua temporum injuria corrupta fuit, suppletam cum commentario luculento edidit ^b, non putat esse antiquissimam columnae basin, sed quae post *C. Caesarem*, & fortasse post *Plinium* & *Quintilianum* restituta sit ; cum & literae elegantiores sint, quam ut rudi harum artium seculo coelatae videri possint ; & scribendi ratio, qua illa aetate Romani utebantur, non exacte in ea reperiatur servata. Vide exactissimam lapidei frusti, quale hodie in *Palatio Conservatorum* in Capitolio exstat, imaginem apud *Cl. Graevium Praef. Tomi*

^a *Hist. N. L. XXXIV. c. 5.* ^b *Exstat in Thes. Graev. T. IV.*

TONER
FRATOS
IONT' MAC
' EODEM
L' PRIMO
OS' ORNAVI
IS' POENICA
S' PRAESEN
DD' MARID' PV
ELS' SEPTEN
VE' NAVELS' X
EDD
EI' 
   
   
OPLO
VOS' J





Tom 1. Pag. 268.



HONCO

DYON

LVCIO

CONS

HEC

DEDE

mi Quarti Antiquitatum Romanarum.

§. IV. Hannibal ^a, licet alter Car- ^{§. 4. Ulte-}
thaginienſium Dux Hamilcar so- ^{rior hujus}
cios Romanorum ex improvifo idonea ^{belli pro-}
ſatis ſtrage affeciſſet, tamen cum om- ^{greſſus.}
nibus, quae reſtabant, navibus Car-
thaginem petiit. Sed inde paulo poſt
aliis navibus aſſumptis in Sardiniam tra-
jecit; ubi a Romanis in portu quo-
dam incluſus plurimas naves amiſit;
cujus rei pretium a Carthaginiensibus ſuis crucem tulit. Anno ſequen-
te *L. Cornelius Scipio* Conſul in Sardi- ^{A. U. 434.}
niam & *Corſicam* inſulas trajecit; qua-
rum imperio Poeni potiebantur: &
in hac *Aleriam*, in illa *Olbiam* ur-
bem expugnavit ^b; totisque inſulis
facile potitus eſt. Imo terra marique
Poenos ſic proſtigavit, ut victoriae
nihil, niſi Africa ipſa, reſtaret: quod
ſentiens Hanno Poenorum Dux rebus
deploratis inter confertiſſimas hoſtium
turmas ſe praecipitans occubuit, am-
pliſſimo mox funere a Scipione ela-
tus ^c. Sed interea Romae improvi-

R 5 sum

^a *Polyb. L. I. c. 24.* ^b *Flor. l. d. Vid. omn.*
Inſcr. antiquiſſ. & ejus explicat. in T. IV. Theſ.
Graeviani. ^c *Val. Max. L. V. c. n. 2. Silius It.*
L. VI. v. 670.

sum & subitum periculum patres sollicitudine simul affecit & liberavit ^a. Samnites erant ad quatuor millia ad usum navalis militiae conscripti: qui cum a mari abhorrent, urbis incendium & direptionem agitabant; servorumque jam tria millia in suas partes pertraxerant. Assentiri se his etiam simulaverat *Erius Potilius* auxiliorum ductor, ut omnia eorum consilia penitus cognosceret. Quia vero illa deferre non poterat, cum undique Samnitibus cingeretur, persuasit illis, ut, cum Senatus haberetur, in foro congressi vociferarentur, in dimetiendo frumento fraudem sibi factam. Atque ita tanquam auctor tumultus arcessitus insidias Senatui exposuit: ac tum quidem seditione sopita illi sunt dimissi. Noctu autem, cum quisque servos suos domi comprehendisset, omnis conjuratio dissipata est. In Sicilia interea *Hamilcar* tanta prosperitate bellum gerebat, urbes alias vi, alias proditione occupans; ut nisi a *C. Floro* Proconsule fuisset coërcitus, totam Siciliam subigere potuisse videatur. Et hinc est, quod dicit *Polybius L. I.*

c. 24.

^a *Zonar. L. II. Oros. L. II. c. 7.*

c. 24. Romanas legiones eo anno nihil memoria dignum in Sicilia gessisse : A. U. 494.
sed anno sequente idem *Hippanam*,
Mytistratum, *Camarinam*, *Ennam*, aliaque a Romanis occupata narrat.

§. V. Mirandum vero videtur, cum §. 5. *Mira*
nullam facere mentionem eximiae *fortitudo*
fortitudinis M. *Calpurnii Flammar* a *Calpurnii*
Tribuni, & trecentorum, qui cum *Flammar*.
eo erant, militum; qua gloriam *Leonidae Spartani*, & trecentorum, qui
quondam cum eo ad *Thermopylas* caesi fuerant ^b, exaequarunt. Narrat
hanc historiam ex M. Catonis *Originum libris* Gellius *Noct. Att. L. III.*
c. 7. sed ibi *Q. Caedicius* dicitur; & in hoc nomine valde variatum fuisse
patet ex Frontino *Stratag. L. IV. c. v.*
ex. 10. ubi etiam *Laberium* a quibusdam
vocatum fuisse addit; quemadmodum
Gellius *Valerio* ipsi nomen fuisse ex
Cl. *Quadrigario* refert. Res autem
ipsa ita se habet: Cum milites Ro-
mani se in locum fraudi & pernicipi
obnoxium insinuassent, Tribunus ad
Consulem venit, & ostendit, nullam
viam

^a Florus l. d. Liv. Epit. 17. & ipse Liv. L. XXII. c. 60. Plin. L. XXII. c. 6. ^b Vid. Herodot. L. VII. c. 220. & 224. innumerosque alios.

viam salutis exercitui superesse, nisi locus editus, qui in conspectu erat, a paucis (quadringentos dicebat) occuparetur, ut, dum in horum quadringentorum caede occupatus esset hostis, tempus exercitum ex eo loco educendi haberet. Respondit Consul, consilium quidem fidum ac providens sibi videri; sed dubitare, quem invenire possit, qui milites quadringentos ad eum locum in hostium cuneos & certam mortem duceret. Operam suam offerenti Tribuno gratiae a Consule sunt actae: Tribunusque cum quadringentis militibus ad moriendum profectus est: Stupuerunt primo ad tantam audaciam hostes: sed mox strenuissimos suorum adversus Romanos mittunt. Tandemque post anceps praelium multitudo superavit: quadringentique ad unum omnes perfossi gladiis ac missilibus aperti ceciderunt. Consul interea se in locos tutos & editos subducit. Cato tamen *in Originum libris*, Tribunum, cum inter mortuos defatigatus vulneribus, aegreque spirans diu jacuisset, sublatum fuisse, atque inde convaluisse, asserit; saepeque post illa operam fortem Reipublicae

blicae atque strenuam prae buisse.

§. VI. Eodem anno *Sulpicius* Con- §. 6. Bel-
sul successibus, quibus in Sardinia u- lum in
sus fuerat, elatus in Africam navigare Africam
contendit. Hannibal patriae suae me- transla-
tuens eum insecutus est: verum ad- tum.
versis ventis repulsi ambo recesserunt. A.U. 495.

At mox alter Consul ^a *Aulus Atilius*.
Hannibalem per transfugas tanquam
etiam ipse in Africam navigaturus es-
set, decepit. Nam celeriter portu e-
gressum *Sulpicius* Consul invasit;
pleraeque naves ejus prae caligine diu
ignorantes quid rei esset, demersit; re-
liquas inanes cepit, cum defensores
earum ad terram profugissent. Hanni- A.U. 496.
bal mox seditione suorum periit. An-
no Urbis quadringentesimo nonagesi-
mo sexto cum Consul C. *Atilius Re-*
gulus (qui etiam *Serrani* cognomen-
tum habuit, quod ipsi in agro *serenti*
Consulatus oblatus esset ^b) stationem
apud promontorium Siciliae *Tyndari-*
dem haberet, Punicam vero classem
ex litore inordinatius praeter navigan-
tem conspexisset, cum decem solum
navibus, reliquis sequi jussis, ipsi ob-
viam

^a *Zonar. Ann. T. II.* ^b *Val. Max. L. IV.*
c. 4. Plin. H. N. XVIII. 3.

viam pergit a. Poeni qui animadvertenterent, cum longo intervallo asequentibus esse divulsum, subito conversi omnes praetoriam capiunt; sed mox a reliquis Romanorum navibus, quae jam se instruxerant, cum magna clade repelluntur. Inde Liparam non tantum; sed etiam *Meliten* Insulam cepisse Consulem Atilium vult Orosius *L. IV. c. 8.* & recte, ut videtur, cum Capitolinae tabulae, cum triumphum navalem hoc anno egisse, testentur; quemadmodum etiam denarii triumphi hujus testes hodie inveniuntur b. Ergo prospera hac fortuna aucti animis Romani anno sequente Sicilia, ut jam suae ditionis, relicta, ejusque insulae rebus ordinatis, in Africam bellum transferre decreverunt; ut jam non amplius de Sicilia, sed de salute sua propria, suisque agris pugnarent Poeni. Nec segnius hi Romanos avitis suis sedibus arcere parabant c; & maxime, ut navali praelio hostes excipere possent; ita ut utraque Respublica tota sua amplitudine, totisque viribus jam in bellum

a *Polyb. L. I. c. 25.* b *Vid. Vaillant. de fam. Rom. G. Atilia n. 9.* c *Polyb. L. I. c. 26.*

lum incumberet. Non vero Carthaginienſes adventum Romanorum exſpectarunt ; ſed ad *Heracleam Minoa* (Siciliae in litore Auſtrali urbs eſt) cum iſtis congreſſi ſunt ^a : verum poſt acrem pugnam ſuperatus eorum Imperator Hamilcar, ut tempus tereret, donec domo auxilium mitteretur, *Hannonem* ad Conſules, tanquam de pacis conditionibus tractaturum, mittit. Quem cum multi comprehendendum eſſe clamarent, (quod etiam Carthaginienſes Cornelium Conſulem fraude cepiſſent ^b) dixiſſe fertur : *Hoc vero ſi feceritis, jam nihil eritis Afris meliores*. Et ſane excepit vocem ejus dictum Conſulum grave, *Iſto te metu, Hanno, fides civitatis noſtræ liberat* ^c. Eaque adulatione vitam ſibi ſervavit Poenus. Fuerunt autem Carthaginienſes perjurii & fraudis nomine infames; unde *Punica perfidia* apud Romanos in proverbium abiit ^d : licet tamen nolim Romanis de hoſtibus ſuis id affirmantibus in omnibus

^a Zonar. T. II. ^b Vid. ſupr. §. 3. ^c Zonar. d. l. Val. Max. L. VI. c. 6. ex. 2. ^d Vid. Liv. L. XXII. c. 6. Eraſm. Adag. Chil. I. Cent. 8. n. 28.

nibus fidem habere: & puto, si Poenorum libri ad nos pervenissent, non pauciores nos querelas de mala Romanorum fide, & forte non minore jure, inventuros fuisse. Consules porro, rejectis pacis conditionibus, in Africam ad *Mercurii promontorium* appulere: statimque *Clupea* urbe obsidione potiti sunt ^a, (*Aspidem* vocant Graeci, quae vox ipsis *clypeum* notat) five, ut Zonaras dicit, eam ab incolis desertam occuparunt: & ingentem porro ex agris pecudum mancipiorumque praedam collegerunt. Imo ad trecenta, five castella ^b, five urbes in potestatem redegerunt, Poenorum agros ad Carthaginis usque moenia depopulati. Ita cum ingenti praeda *L. Manlius* Consul Romam reversus navalem de Poenis triumphum egit; multis etiam Romanorum, qui occasionibus variis fuerant capti, servitute liberatis ^c. Regulus autem ex Senatusconsulto bellum in Africa continuavit: cumque ad *Bagradam fluvium* castra haberet, tanta magnitudinis serpens milites complures, qui aqua-

^a *Polyb. L. I. c. 29.* ^b *Flor. l. c.* ^c *Zonar. l. d.*

aquatum, aut pabulatum exiverant, devoravit, ut arcis cujusdam instar militaribus copiis & catapultis conficiendus fuerit. Ejus pellis centum viginti pedum longitudine Romam perlata fuisse perhibetur a. Regulus porro variis jam captis castellis *Adin*, non poenitendum oppidum, oppugnat b. Carthaginienses, qui illud servatum cupiebant, castra in propinquo colle locant: sed cum ita equitatum & elephantos, quo genere copiarum maxime valebant, inutiles sibi reddidissent, Romani occasione usi undique ad collem accedunt: &, licet mercenarius Carthaginiensium miles strenue pugnando primam Romanorum legionem jam in fugam compulisset, tamen reliqui pugnam restituerunt, castrisque captis non tantum libere undique praedas agere poterunt; sed etiam oppido *Tuneto* Carthagini vicino potiti sunt. Cumque etiam *Numidae* haud secus ac Romani Poenos invaderent, in arctum valde locum eorum res sunt redactae. Hinc Regulus brevi successorem sibi

S Roma

a *Plin. H. N. L. VIII. c. 14.* b *Polyb. L. I. c. 30.*

Roma mittendum expectans ^a, ne confecti belli gloria penes alterum esset, hostes ad pacem hortatus est. Sed cum nimia felicitate inflatus durissimas pacis leges ferret, quamvis conditionem subire, quam iis legibus pacem facere maluerunt.

§. 7. *Xanthippus*
Poenis
Dux ad-
venit.
A. U. 498.

§. VII. Commodum Carthaginiensibus evenit, quod eodem tempore qui in Graeciam missi fuerant ad conducendum militem, cum magna auxiliarium manu reversi sint, quibus *Xanthippus* Lacedaemonius, Dux praestantissimus, praecerat. Hic statim Carthaginiensium Senatum edocuit, multis partibus imperitia Ducum peccatum fuisse; ita ut, cum magnam alacritatem animi ad pugnandum omnes praese tulissent ^b, acie cum Romanis conflixerint; eosque memorabili valde praelio vicerint; quo totus Romanorum, qui in Africa erat, exercitus, vel caesus, vel cum ipso M. Regulo Proconsule captus fuit, exceptis 2000. fuga Clupeam elapsis ^c; quam urbem statim obsederunt Poeni. Interea quoque eorum Dux Hamilcar per

^a *Polyb. d. l. c. 31.* ^b *Polyb. L. I. c. 33.*
^c *Entrop. L. II. c. 21.*

per *Numidiam* & *Mauritaniam* omnes urbes, quae ad Romanos defecerant, diripuit & vastavit, principibus earum patibulo affixis. Addit Zonaras, (cui an hic sit credendum dubito, licet etiam Polybius *L. I. c. 36.* satis indicet, diversam de Xanthippi profectione famam fuisse) Poenos post victoriam socios suos crudelissime tractasse: nam, dicit, cum praestare non possent, quae promiserant, dimiserunt eos, ut stipendia paulo post soluturi: sed navium magistris, qui eos veherent, jusserunt, ut illis in deserta aliqua insula expositis clam discederent. Xanthippum etiam, ne gratiam ei referre cogerentur, submersum quidam fuisse ferunt ab iis, qui abeuntem prosequiebantur: alii, navem veterem & rimarum plenam, sed recens picatam ei fuisse datam, ut ita in mari periret, narrant; quo is animadverso alia navi conscensa evaserit.

§. VIII. Ut autem Romae nuntiatum est, tantam cladem in Africa acceptam fuisse, Consules ambo *Ser. Fulvius* & *M. Aemilius* nova classe trecentarum & quinquaginta navium, Italia prius Siciliaque praesidiis muni-

§. 8. Belli
continuatio
post profe-
ctionem
Xanthippi.
A. U. 498,

ta, exercitum in Africam transferre, & obsessis opem ferre iussi sunt. His nunciatis a Clupeae obsidione desistunt Poeni, classique Romanae ad Mercurii promuntorium occurrunt; sed primo statim impetu in fugam versi centum & quatuordecima naves cum suis classiariis amiserunt. Addunt Zonaras & Orosius, etiam terrestri praelio expositis ad Clypeam copiis victos fuisse Carthaginienes, multosque Poenorum captos & servatos fuisse in spem recuperandi Reguli: sed silent de ea re Polybius & Eutropius. Ergo victores Romani magna praeda parta, praesidioque Clupeensi navibus imposito in Siciliam navigarunt; at cum insulae jam appropinquarent, ingens naufragium victorias omnes deformavit: nam tempestate terribili coorta ex trecentis sexaginta tribus navibus octoginta tantum superfuerunt; ita ut nunquam alias tanta clades mari accepta fuerit. Culpa autem Consulum hanc cladem passos fuisse Romanos asserit Polybius, quippe qui urbibus quibusdam in exteriori latere Siciliae sitis victrici classe metum injicere, & ita ad deditionem eas compellere se posse

posse sperarent ; cum tota haec ora importuosa sit , annique tempestas jam anceps navigantibus esset. Non neglexerunt occasionem opportuna-
 deo oblatam Carthaginenses a ; sed confestim Hasdrubalem cum classe ducentarum navium, elephantis centum & quadraginta, ceterisque rebus ad bellum necessariis in Siciliam mittunt: Romani etiam diligentia vix credenda trimestri spatio ducentas viginti na-
 ves ab ipsis carinis usque aedificant; A. U. 499.
 ita ut novi Consules anni quadringentesimi noni statim restauratis naufragii superioris reliquiis trecentarum navium classem impleverint b : eaque tertio post naufragium mense in Siciliam profecti *Panormum* praecipuam Carthaginensium urbem vi ad deditionem adegerint. Nec eo contenti A. U. 500.
 anni sequentis Consules, licet *Lilybaeum* frustra tentassent, tamen in Africam trajiciunt ; ibique praeda luculenta potiuntur : sed redeuntes in loca *parvae Syrtis* vadosa illapsi imperitia locorum vix incolumes elabuntur, navibus praeda evacuatis c ; ita ut au-

S 3

ctores

a Polyb. L. I. c. 38. b Zonar. T. II. c Polyb. L. I. c. 39.

ctores minus certos secutus fuerit Solinus a , qui dicit, *se accepisse, his Consulibus classem Romanam inter haec vadosa impune perfretasse*. Neque hac clade defuncti periculis fuerunt Romani: nam, dum Consules temere per fretum Romam contendunt, tantam iterum tempestatem experti sunt, ut amplius centum quinquaginta naues amitterent: ita ut Senatusconsulto decretum fuerit, *maris pericula non ultra experiri*; sexaginta modo navium classe servata, qua necessaria in provincias transvherentur. Vix ergo cum Polybio, Eutropio, Zonara, qui de cladibus hoc anno acceptis loquuntur, conciliari possunt Fasti triumphales, in quibus duo triumphi de Poenis ad hunc annum memorantur: nisi dicamus olim factum fuisse, quod hodie non infrequens est, ut etiam victi victorias suas celebrent. Atque ita falsus etiam fuerit denarius, (vel potius qui eum fieri curavit) qui *Cn. Scipionis Asinae* Consulis Anni 499. triumphum de Poenis celebrat b: itemque alter, in quo *C. Sempronio Blaeso* collegae Scipionis triumphanti victo-

a c. 30. b Vid. Vaill. G. Cornelia n. 6.

victoria supervolans coronam affert ^a. Non tamen tantis cladibus acceptis animis conciderunt Romani: sed an- ^{A.U. 501.}no rursus quingentesimo primo ambo Consules in Siciliam profecti sunt; ubi maxime Poenorum res florebant, quod & maris dominatu cessissent Romani, & elephantorum metu nimium quantum afficerentur; ita ut nihil aliud egerint, quam ut *Thermam* & *Liparam* difficillimis & elephantis inaccessis locis sita expugnarint: unde iterum ad maris curam animum sibi adjiciendum esse censuerunt. Atque ita quidem narrat Polybius. *Zonaras* tamen hoc anno *Himeram* civibus vacuum a Romanis captam asserit: & alterum Consulem *Aurelium*, acceptis ab Hierone Rege navibus in *Liparam* insulam trajecisse, ibique urbem insulae cognominem expugnasse. Et sane etiam in marmoribus Capitolinis triumphus Aurelii *Cottae* Consulis de Poenis & Siculis recensetur: & convenit Orosius *L. IV. c. 9.* Ita ut hujus anni historiam minus accurate tradidisse Polybius videatur: vel

S 4

hujus,

^a V. *Ib.* G. *Sempronia*; & utrumque nummum citat *Pighius* ad h. ann.

hujus, & sequentis anni res gestas confudisse; qui fere in apparatu belli utrimque consumptus fuisse videtur. Quin alios quoque auctores videtur secutus fuisse Eusebius, qui *in Chronico* sexaginta naves Romanas, *Metello* Consule in fugam verso a Poenis captas esse asserit.

§. 9. *Insignis victoria Metelli.*
A.U. 503.

§. IX. Verum anno quingentesimo tertio, antequam Consules novi advenissent, Hasdrubal^a, qui sciret, alterum Consulem cum parte dimidia copiarum in Italiam rediisse, *Panormitanum* agrum instante messis tempore invadit. Cumque Metellus Proconsul temeraria ejus audacia cognita suos intra portas Panormi contineret, elephantos cum exercitus parte vicinum fluvium transire jubet. Hos lacerans Metellus universum Hasdrubalis exercitum in aciem prodire cogit. Suorum autem expeditos quosdam ante fossas urbis locaverat: ita ut belluis nimis eos prementibus in fossas confugerent: ipse velitantibus alios super alios auxilio mittit. Demum belluarum rectores victoriae gloriam sibi asserere conati uno impetu in primos

mos pugnatores irruunt facileque eos in fossam compellunt. Sed cum ita elephanti propius ad muros successissent, undique tum ab iis, qui pro fossis pugnabant, tum a moenibus configebantur: adeo ut prae vulnorum dolore saevire incipientes suorum ordines ipsi conculcarent, dissiparentque. Tum demum omnibus copiis turbatos invadens Metellus ingenti strage edita hostes in fugam vertit: & decem ex belluis cum *Indis* suis capit; at ceteras, quae rectores deiecerant, post pugnam omnes ab equitibus circumventas in potestatem redigit. Hasdrubal, cum Carthaginem venisset, in crucem actus est. Metellus vero Romam reversus nobilissimum triumphum egit, tredecim ducibus hostium & magno elephantorum numero in triumphum ductis. Centum quadraginta duos fuisse dicit Plinius ^a: qui addit ex *Verrio*, eos pugnasse in Circo, interfectosque jaculis penuria consilii; quoniam neque ali placuisset neque donari regibus.

§. X. Hoc etiam, vel sequenti anno Regulus ex captivitate Romam ^{§. 10. Dis-}missus ^{quisitio de}
S 5 missus ^{morte Re-}
guli.

^a H. N. L. VIII. c. 6.

missus videtur, ut *de permutandis captivis* cum Senatu ageret ^a, ea lege ut, *si non obtinisset, rursus Carthaginensi se sisteret*. At ille Romam cum advenisset in Senatum venit, mandata exposuit, sententiam ne diceret recusavit ^b: *quamdiu jurejurando hostium teneretur, non esse se Senatorem*. Reddere tamen captivus negavit esse utile: *illos enim adolescentes esse, & bonos Duces; se jam confectum senectute*. Quin uxoris quoque & liberorum oscula averfatus dicitur ^c, quippe qui cum libertate etiam civitatem simul perdidisset; atque ita nec connubii jus cum cive Romana; nec patriam in liberos potestatem obtineret. Nam qui bello capti in hostium erant potestate, eorum libertas civitasque insuspensio esse videbatur: licet propter *jus postliminii* ea amisisse non crederentur. Cum igitur nuptiae nisi inter cives legitime consistere non possent, & jus patriae potestatis civium tantum Romanorum esset, merito neque uxorem lege habere se, neque liberos

^a Cic. Offic. III. 26. sq. ^b Cic. Ibid. Vid. eund. pro Sext. c. 29. & de Fin. II. 20. ^c Horat. Od. L. III. Od. V. v. 41.

liberos in potestate credidit Regulus; quippe qui jurasset, *se Carthaginem reversurum*; nec animum Romae remanendi haberet ^a. Ergo nequicquam deprecantibus uxore, liberis, amicis, Carthaginem rediit; ibique diris tormentis necatus dicitur. De genere mortis ejus non satis inter auctores convenit: plerique tamen eo redeunt, ut palpebris resectis in machinam inclusus; ibique vigilando occisus fuerit ^b. *Seneca crucem vicisse* Regulum dicit; sed ita loquitur ob supplicii acerbicatem ^c; cum alibi etiam ejus *arcam* memoret ^d: & ex *ejusdem libro de providentia* c. 3. satis pateat, cum hoc supplicium generatim pro quovis crudelissimo poenae genere posuisse. Tradiderunt vulgatori sententiae fere similia historici antiquissimi *Tu-bero* & *Tuditanus* ^e: ita ut putem eorum testimonio facile posse redargui tum alios recentiores scriptores, qui tantum, ne vulgari & regia via ire viderentur, ab aliis dissentiunt; tum prae-

^a l. 5. §. 3. ff. de capt. & postl. rev. ^b *Cic. in Pis.* c. 19. & *de Off. d. l.* ^c *Epist.* 98. ^d *Epist.* 67. ^e *Ap. Gell. Noct. Att. L. VII.* c. 24.

praecipue Palmerium a Grentesmenil virum praeteriti seculi (Obiit A. 1670. provecta aetate) nobilissimum ac doctissimum, qui in *exercitationibus ad Appianum Alexandrinum p. m. 151. & sqq.* putat, *Boftarem* & Hamilcarem eo praelio, de quo supra §. 8. diximus, victos cum navibus captis & victoriae nuncio Romam fuisse missos: eosque a Senatu uxori liberisque Reguli in custodiam fuisse traditos; ut eorum commutatione Regulum redimere possent. At cum in captivitate morbo obiisset Atilius, uxorem ejus omni spe abjecta captivos crudeliter vexasse: cumque id aegerrime Senatus Romanus ferret, fabulam hanc de necato per inediam, & vigilias, & tormenta Atilio per ejus propinquos in vulgus sparsam fuisse. Et de crudelitate quidem in Poenos captivos exercita loquitur Diodorus Siculus *fragmento L. XXIV.* quod per incuriam periisse Atilium ejus propinqui crederent: quae ipsa crudelitas vulgarem opinionem firmare videtur; cum non sine magna causa eam exercitam fuisse verisimile sit. Sed quod addit Diodorus, *credidisse propinquos Reguli,*

*Reguli, eum per incuriam periisse, δι
ἀμέλειαν*, nescio an parva mutatione
legi possit, *δι ἀπηνειαν*, per crudelita-
tem: μ enim & π in veteribus libris
non admodum diversae esse figurae
facile iis, qui illas versarunt, credo:
λ autem fere est υ inversum; η deni-
que & ε ejussem fere soni literae fa-
cillime confunduntur. Idem certe cum
recepta vulgo opinione etiam tradi-
dit Cato in *Originibus suis*; ut ex lo-
co Cicerónis citato satis constat.
Atqui Cato, qui anno Urbis sexcen-
tesimo quarto vel sequenti, aetatis o-
ctuagesimo quinto, mortuus est, non
potuit id nescire; quippe qui septem-
decim circiter annis demum post
mortem Reguli natus facile illud ex
ejus aequalibus audire potuerit. Mit-
to historicum Appianum Alexandri-
num ^a, *Silium Italicum* ^b poëtarum-
que alios similia fere de Regulo re-
ferre; cum poëtarum praecipue testi-
moniis, quippe qui mirabilia fere se-
ctantur, minus insistendum putem.

§. XI. Eodem quo Metellus trium-
phavit anno Consules bello (quod per
quatuordecim jam annos gerebatur)
finem

§. II. Ad
historiae
seriem re-
ditus.

finem imponere cupientes cum classe ducentarum navium in Siciliam trajiciunt, & Lilybaeum obsident ^a; quo capto se facile bellum in Africam transmittere posse sperarent. *Himilco* vero Carthaginiensium in ea urbe praefectus omnibus artibus Romanorum oppugnationem moratus est. Interea praecipui inter peregrinos, qui mercede conducti Carthaginiensibus militabant, conspiracyem cum Romanis inituri noctu in castra ad eos transfiliunt, ut cum Consulibus colloquerentur. Innotuit ea fraus *Himilconi* ope *Alexonis Achaei*; ejusque opera, qui in urbe remanserant mercenarii in fide retinentur; atque alii lapidibus ac telis excepti a muris recedere coguntur. Cumque etiam auxilium Carthagine inopinato urbem intrasset, animos resumpsere obsessi, ut eruptione facta plerasque Romanorum machinas corrumpere **b**. Verum haec Romam nunciata majorem etiam ardorem belli restaurandi animis ^{A. U. 504.} injiciunt. Ergo *P. Clodius* (sive *Claudius*) *Pulcher* Consul cum omni classe profectus est *Drepanum*; quod solum oppi-

^a *Polyb.* L. I. c. 41. ^b *Ibid.* c. 45. & 48.

oppidum praeter Lilybaeum in Sicilia obtinebatur a Poenis. Sed tanquam paratae spes praedae ostenderetur, cum credituros non putaret Poenos post tantas clades classem idoneam habere Romanos, veteres novosque remiges sine delectu navibus imponit. Et sane primo ad inopinatae rei spectaculum stupebat *Adherbal*: sed mox collectis animis ante litus aciem instruxit, cum jam naves plures Romanorum in portum penetrassent. Verum cum hostem nequaquam, ut crediderat, adventu suo territum cerneret Claudius, naves suas e portu retro navigare jubet; unde necessario maxima debebat existere omnium rerum confusio, & maximo suo incommodo ad ipsum litus pugnare cogebantur Romani. Et initio quidem aequa fatis pugna fuit ^a; sed cum Romani & peritia maris, & loco pugnae longe essent inferiores; quippe qui si premerentur retro se recipere non possent; verum aut in brevia, inciderent, aut solo illiderentur, Consul cum navibus triginta fugam cepisset; reliquas cum ipsis remigibus mili-

militibusque ceperunt Poeni. Patet
 vero, Claudium fuisse hominem coe-
 cae ac temerariae audaciae; Deorum
 ac hominum contemptorem. Cum e-
 nim ex more ante praelium auspiciū
 fumeretur, & renunciasset pullarius,
pascere nolle pullos; ergo bibant ^a, in-
 quit; & cum ipsa cavea in mare eos
 projici jussit ^b. Deinde post cladem,
 cum a Senatu revocatus, ac Dictato-
 rem dicere jussus esset, palam illudens
 discrimini publico, scribam suum, vel
 viatorem ^c, infimae certe fortis ho-
 minem, dixit *M. Claudium Gliciam* ^d:
 qui statim magistratu se abdicare coa-
 ctus postea nihilominus tanquam sum-
 mo magistratu functus ludos praetex-
 tatus spectavit ^e. Nec ipse tantum
 Claudius hic Pulcher importunus; sed
 etiam soror ejus *Claudia* atroci mulier a-
 nimo fuit: quippe quae aliquando a ludis
 revertens cum turba premeretur, opta-
 verit ^f, *ut rursus frater suus classem*
duceret; ut nempe multitudo ea ci-
 vium.

^a Cic. de Nat. Deor. L. II. c. 3. & de Divin.
 L. I. c. 16. & II. c. 8. ^b Liv. epit. 19. ^c Suet.
 Tib. c. 2. ^d Tabb. Capit. ^e Liv. d. epit.

^f Ibid. Val. Max. L. VIII. c. 1. n. 17. Suet.
 d. l.

vium minueretur : ob quae verba mulieris tam improba & incivilia Aediles plebis ei multam dixerunt ^a. Claudius etiam habito de eo Populi iudicio graviter multatus est ^b : licet sui ipsius parum memor Valerius Maximus *L. VIII. c. i. ex. 4.* dicat, cum imbre discussa fuisset quaestio, aliam velut Diis interpellantibus de integro instaurari non placuisse.

Eodem anno etiam alter Consul *L. Junius Pullus* cum longis navibus centum viginti, onerariis vero, annona ceterisque rebus necessariis onustis prope octingentis in Siciliam trajicit; & cum maxima classis parte Syracusis subsistens Quaestores dimittit, qui necessaria legionibus ad Lilybaeum deferrent: ubi interea idonea clade Romanos affecerat Poenus Adherbal ^c. Qui cum auxilium illud obsessis adventare audivisset, obviam Quaestori pergit: sed cum ad litus se recepissent Romani, paucas naves commeatibus onustas abduxisse contentus tuto ex loco discessum hostium

T obser-

^a Gell. *L. X. c. 6.* ^b Polyb. *L. I. c. 52.* Cic. *de Nat. Deor. L. II. c. 3.* Val. Max. *L. I. c. 4. n. 3.* ^c Polyb. *Ibid. c. 53.*

observat. Consul omnium, quae suis accidissent, ignatus secure adnavigat: cumque ipsi statim obviam factus esset praefectus Poenorum, naves suas ad loca aspera Consul ejicit, ne iis potirentur Carthaginienses. Atque ibi paulo post coorta tempestate ita misere Romanorum naves confractae sunt, ut ne tabula quidem ullius usus e naufragio superaret. Itaque jam rursus maris dominium plene obtinebant Poeni: Consule tamen, ut aliquid memorabilis facinoris ederet, *Erycem* montem & urbem Veneris cultu clarissimam in potestatem redigente ^a. Hoc tamen non profuit ipsi, quin ad Populū accusatus damnationis infamiam voluntaria morte praevenire coactus fuerit. In Gliciae porro per ludibrium Dictatoris facti locum suffectus est A. Atilius Calatinius, qui *primus Dictator exercitus extra Italiam duxit*: sed nihil, quod memorari mereatur, gessit: licet tanta animarum pertinacia post tot damna bellum reparassent Romani, ut quendam in Senatu de pace cum Carthaginiensibus facienda loqui ausum occi-

^a Polyb. 16. c. 55.

occiderint. Anno tamen sequente con- A.U. 505.
 tinenti Italiae arcere Poenos conten-
 ti fere fuerunt Romani; cum commo-
 de etiam conductitius Carthaginien-
 sium miles in Sicilia ob non soluta
 stipendia atroci in Imperatorem suum
 seditione insurgeret. Superveniente
 tamen cum novis auxiliis *Hamilcare*
 cognomento *Barca*, qui adolescentu-
 lus admodum erat ^a, & pater cele-
 berrimi istius *Hannibalis* toties nobis
 in sequentibus memorandi exstitit,
 multi ex seditionis, tum alia ratione
 occisi tum in mare demersi sunt. Idem-
 que in Italiam trajiciens maritimam
 oram omnem depopulatus est. Eo-
 dem quoque anno cum Syracusarum
 Rege Hierone perpetuam amicitiam
 sanxerunt Romani, quam Rex quoad
 vixit sinceram & integram servavit ^b.
 Cum autem in Siciliam reversus esset A.U. 506.
Hamilcar tuto loco inter Erycem &
 Panormum consedit ^c, loco nempe ad
 castrametationem opportunissimo, &
 ingenti audacia, cum nullam sociam
 urbem, nullam spem haberet, pluri-
 mum inde negotii Romanis faceffit.

T 2

Et

^a *Nepos ejus vica.* ^b *Zonar. T. II, Oros. L.*
^c *Polyb. Ibid, c. 56.*

Et deinde, quum non procul ab eo loco, etiam Romani castra locassent, trium ferme annorum spatium multa & varia certamina inter eos commissa sunt, quae hic sigillatim referre opus non est: nisi quod omnia, quae industria, quae experientia, quae virtus bellica comminisci potuit, in opus deducta esse sciamus. Tandem tamen Romanos belli tam diu varia adeo fortuna gesti generosum tedium cepit: ita ut etiam privati pro modo facultatum ad belli sumptus conferre coeperint, singuli, aut bini, aut terni, quinqueremem cum omni suo instrumento praebendam suscipientes. Imo tantum animorum fuit, ut classe privatis sumptibus instructa *Hipponem* Africae urbem adorti fuerint: magnaue praeda parta inde discessuri erant Romani cum sentiunt cives, dum ipsi praedae intenti sunt, aditum portus catenis clausisse. Igitur arte hic & audacia opus esse animadvertentes, cum rostra navium jam catenas fere tangerent, subito in puppim omnes transierunt; atque ita proris levatis catenas superarunt; cumque rursus in proras transiliissent puppibus

pibus iterum levatis transiverunt. Videntur autem hi privati Ducem Proconsule habuisse praecedentis anni Consulem *C. Aurelium Cottam*; ut ex nummi cujusdam inscriptione conjicit Pighius. Sed sequentibus proxime annis nihil memoria dignum gestum videtur; cum nec Polybius, nec Livii epitome quicquam memorabile notaverint: & expressim dicat Zonaras, plures tum fuisse Consules nullo facinore edito celebres. Atque observat idem scriptor, maximo detrimento Romanis fuisse, quod quotannis Imperatores mutarent; & eos, qui belli administrandi munia discebant adhuc, revocarent, quasi non rei gerendae, sed exercitii solum causa eos misissent. Ex Floro a videmus *M. Fabio Buteone* Consule (fuit hic annus Urbis conditae quingentesimus *A. V. 508*, octavus) Romanos classem hostium in Italiam ultro jam navigantem in Africo mari apud *Aegimurum* profligasse: eamque classem naufragio facto praeda opulentissima Africam & *Syrtes*, insularumque litora implevisse: de qua re apud alios auctores altum

T 3

est

est silentium.

§. XII. Verum tandem anno Urbis
 §. 12. *Exitus I. belli Punici.* quingentesimo decimo, cum etiam
A.U. 510. stipendiarii Galli a sociis Poenis male
 habiti defecissent a : atque deinde sti-
 pendio conducti Romanis militassent,
 (cum antea peregrinum militem a-
 lere non consuevissent Romani) du-
 centarum quinqueremium classe para-
A.U. 511. ta anno sequente C. Lutatio Con-
 suli belli summam commiserunt: cum
 collegam ejus A. Postumium ad bellum
 proficisci volentem L. Caecilius Metel-
 lus Pontifex Maximus in Urbe reti-
 nuisset, quod Flamen Martialis esset,
 sacra deserere nequaquam passus b.
 Lutatio *sortes Praenestinas* de belli exi-
 tu consulere cupienti Senatus restitit,
 auspiciis patriis, non alienigenis Rem-
 publicam administrari oportere judi-
 cans c. Quae etiam caussa fuisse di-
 citur, cur tum primum duo Praeto-
 res creari coeperint; ut, cum unus
 tantum ad bellum mitti potuisset Con-
 sul, velut adjutor ei Praetor alter da-
 retur. Verum non, nisi postulante
 necessitate, (veluti hoc anno cum
 Postu-

a Zonar. b Liv. Epit. 19. c L. XXXVII.
 c. 51. c Val. Max. L. 1. c. 3. n. 2.

Postumius a Pontifice in Urbe retineretur) bellicarum rerum administratio ipsi commissa fuit, cum proprie juri inter cives & peregrinos dicundo creatus esset a : unde etiam *Praetor Peregrinus* est dictus. Et hic Lutatio Consule vulnerato ducis partes subiit; maximumque ad victoriam momentum contulit b : unde etiam neque ac Consul anno sequente navalem triumphum egit; ut ex fastis patet; nam, si Valerio Maximo credamus, triumphus ipsi negatus fuit. Consul ergo Lutatius cum Praetore in Siciliam profectus Drepanum terra marique summis viribus aggressus est: nec minus diligenter socios navales quotidie exercuit; cum futurum esse provideret, ut paulo post cum classe occurrerent Poeni. Nam hi, cum praeter spem cognovissent c, Romanos classem in mari habere; illudque denuo sibi assertum ire, etiam ipsi quadringentarum navium classem expediunt d; ducemque ei praeficiunt Hannonem, omni modo cum hoste

T 4

con-

a l. 2. §. 28. ff. de O. J. b Val. Max. L. II. c. 8. n. 2. c Polyb. Ibid. c. 60. f Polyb. L. II. c. 27.

confligere cupientes: quod cum facile conjiceret Lutatius fortissimum quemque e pedestribus copiis assumit; & *Aegates* insulas Lilybaeo oppositas petit. Postridie statim, licet ventos haberet adversos, cum hoste confligit; hoc reputans, posse cum sola Hannonis classe, eaque commeatibus onerata; & iis, quas adduxerat, copiis, tironum fere, decernere: sin autem expectasset, donec defaevisset tempestas, cum navibus onere jam levatis, cum militibus ex terrestri militia lectissimis; &, quod maximum erat cum audacissimo Hamilcare dimicandum fore. Ergo cum navibus ad certamen ineptis; cum remigibus subitariis & rudibus; cum milite tirone confligentes Romanos facile futuros superiores. Nec defuit consiliis eventus: nam primo statim congressu facile superati sunt Poeni, demersis navibus ipsorum quinquaginta, captis cum ipsis rectoribus septuaginta, reliquis omnibus in fugam conversis. Hominum juxta Polybium ad decem millia vivi sunt capti: nam Eutropius tum navium captarum & demersarum, tum hominum caesorum captorumque

rumque longe majorem facit numerum, non sine specie veritatis. Hanno cum paucis navibus in Africam elapsus haud diu post crucis supplicio poenas dedit: qui mos duces infortunatos, aequae ac imprudentes puniendi hodie etiam apud *Turcas*, barbararumque gentium alias obtinet. Haec tandem victoria pacem inter duos populos restituit. Nam, quamquam animis quidem ad bellum gerendum promptissimi essent Carthaginenses, rationem tamen sustinendi ulterius belli commodam inire nullam poterant; nec ducibus ipsis amplius, quibus quidem Rempublicam credere auderent, nec militibus suppetentibus. Maxima igitur diligentia nunciis cum mandatis ad Hamilcarem missis summam rerum ipsius arbitrio permittunt: qui omnes primum vias audaces & periculosas bellando tentavit: sed, postquam omnis omnino spes res lapsas restituendi decolasset, legatos de foderere ac pace ad Consulem mittit. Nec Lutatio, qui vires Populi Romani hoc bello detritas probe sciret, ingrata legatio fuit. Itaque pacis conditiones, si ita Populo Romano vi-

deretur , Carthaginienſibus tulit :
 „ Poeni univerſa Sicilia excederent ;
 „ cum Hierone Rege, Syracuſanis,
 „ eorumve fociiſ bellum ne amplius
 „ gererent, captivos ſine pretio red-
 „ derent ; argenti talenta *Euboica*
 „ bis mille ducenta ^a in annos vigin-
 „ ti penderent. Gravior ſ aliquanto
 „ leges Populus Romanus fecit ^b :
 „ tempus enim pendendi tributi coar-
 „ ctavit ; talenta mille ^c ad ſummam
 „ adjecit ; omnibus inſulis inter Ita-
 „ liam & Siciliam excedere Poenos
 „ juſſit ”. His legibus bellum graviffi-
 „ mum & per annos viginti quatuor ma-
 „ ximis utrinque cladibus geſtum tan-
 „ dem ſopitum fuit acrius multo poſt
 „ aliquot annos exarſurum. Sicilia, prae-
 „ ter ea , quae Regis Hieronis erant,
 „ in provinciae formam redacta eſt : ea-
 „ que *prima* Populi Romani extra Ita-
 „ liam *provincia* fuit facta ^d. Videtur
 „ autem ^a *Q. Lutatio* Caji fratre, qui
 „ anno quingentefimo duodecimo Con-
 „ ſul fuit, anno ſequentē quingentefi-
 „ mo

^a Florenorum vicies centena ſexcenta quadra-
 ginta millia. 2640000. ^b Polyb. Ibid. ^c 63.

^c Flor. decies centena ducenta millia. 1200000.

^d Cic. in Verr. L. II. c. 1.

mo decimotertio ex decem legatorum sententia ordinata fuisse: eoque deinceps privati Consulares, vel Praetorii extra ordinem cum imperio missi sunt ^a. Poenos autem domi atrox seditio mercenariorum militum excepit; quam narrat Polybius *L. I. 68. sqq.*

§. XIII. Anno quingentesimo duo- §. 13. *Alia*
decimo cum Faliscis etiam bellum ge- *minoris*
stum est: ad quod ambo Consules *momenti,*
profecti intra sexagesimum diem illud con- *quae hoc*
fecerunt, urbe hostium capta; & *tempore a-*
caesis quindecim millibus, ceteris pax *venerunt.*
est concessa, agrorum tamen dimidia parte multatis ^b. Causa belli videtur fuisse, quod *Genucium* tribunum plebis contumelia affecissent: ut hinc ortae videantur ingentes illae Romanorum in Faliscos irae ^c; qui severe in eos animadvertissent, nisi edocti fuissent, Faliscos se *non potestati, sed fidei* Romanorum commisisse: sed eo intellecto omnem iram placida mente deposuerunt ^d.

Hoc primum tempore si a primis plane

^a Vid. Pigh. ad A.U. 513. ^b Eutrop. L. II, c. 28. ^c Plut. Gracchisp. m. 836. ^d Val. Max. L. VI. c. 5. ex. I.

plane initiis incipimus, Romani, qui haecenus bellica solum laude floruis-
sent, etiam ingenii claris opibus fa-
mam perennem sibi asserere coepe-
runt. Nam anno 513. *L. Livius An-*
dronicus poëta primus Romae fabulam
docuit ^a; ita ut ultra annos quingen-
tos carminum & rei scenicae scientia
caruerint Romani. Et anno sequente
natus est *Ennius* pater poëseos Roma-
nae; quae prima incunabula humanio-
rum artium apud Romanos fuerunt.
Itaque non multum ^a veritate abfuit
Porsius Licinius poëta, cum cecinit ^b,

Poenico bello secundo Musa pin-
nato gradu
Intulit se bellicosam in Romuli gen-
tem feram.

Et Varro e carmine, quod de Puni-
co bello primo scripsit *C. Naevius*,
probat, eum hoc bello stipendia fe-
cisse ^c. Nec diu adeo post haec tem-
pora *Plautus* fabulas Romae docuit;
mortuus quippe anno Urbis quingen-
tesimo tertio ^d. Atque inde magis ma-
gisque

^a *Cic. Bruto c. 18.* ^b *Gell. L. XVII. c. 21.*

^c *apud Gell. d. l.* ^d *Euséb. in Chron. sed*
Cic. de Cl. Orator, c. 15. cum A. U. 569. mor-
uum dicit.

gisque apud Romanos literarum amor invalescere coepit: cum etiam Fabius Pictor & Cincius Alimentus historici ad hoc tempus sint referendi; & *Lucius* *Tegula*, an *Imbrex* poeta.

CAPUT SECUNDUM.

Alia bella, & maxime Gallica.

Ex bello Punico feliciter confecto ingens gloria Romanis accesserat; ita ut legatos quoque ad *Ptolemaeum Aegypti* Regem miserint; auxilium ei adversus *Antiochum* Syriae Regem; qui ditiones ejus bello invaserat, offerentes. Verum cum pugna inter Reges jam transactum esset negotium gratias egit Ptolemaeus; auxilia non accepit; periculi rem plenam esse sciens, quod in conductitiis suis experti sunt Poeni ^a.

§. I. Veruntamen alia rursus statim §. r. *Bell-*
bella exorta sunt. Nani ipso anno, *lum Galli-*
qui pacem cum Poenis factam exce- *cum & Li-*
pit, suspicio quidem erat, *Sardos & gusticam,*
Corfos a Poenis ad bellum contra Ro- *cum Sardis.*
manos incitari: sed Gallorum *Ligu-*
rumque

^a *Polyb*, I. 68, *Entrop*. L. III. c. 1.

rumque conatus tamen erant suspectiores; quippe qui anno sequente in apertum bellum eruperint cum Etruriam Romanae ditionis regionem hostiliter vexarent. Contra Gallos missus alter Consul *P. Valerius Falto* primo quidem praelio ab iis victus fuit: & postquam auxilia sibi mitti Roma intellexisset, denuo (priusquam illa venirent) Gallos aggressus est, ne socium victoriae haberet: & fortuna quidem superior fuit *a*. Triumphus tamen ipsi negatus est, quod priore praelio tria millia Romanorum perdidisset *b*. Alter Consul *Ti. Gracchus* Sardiniam Corsicamque subegit: nec praedae quicquam aliud, quam mancipia inde reportavit: quae cum essent vilissima, proverbium inde ortum volunt, *Sardi venales, alius alio nequior* *c*: quod alii ad posteriorem Gracchum huius nepotem referunt.

§. 2. Belli
Gallici
continuatio,
&
alia.

§. 2. Cum Gallis vero bellum continuatum est: & anno quingentesimo decimo sexto ambo Consules adversus eos missi, dum quidem una tenderent, *A. U. 516.* insuperabiles erant: sed dum maioris prae-

a Zonar. T. II. p. m. 51. f. *b* Oros. L.
c Fest. V, *Sardi venales.*

praedae cupiditate loca quaedam separati vastare coepissent a *Q. Fulvii Flacci* Consulis castris aegre repulsi sunt barbari a. Alterum vero Consulem *L. Cornelium Lentulum* de Liguribus triumphasse ex Tabulis Capitolinis & Zonara colligitur. Verum in quo codice Eutropii legerit Pighius, hos Consules primum exercitum trans *Padum* duxisse, & magnam vim Ligurum & *Insubrum* cecidisse nescio, cum in meis nihil tale inveniam b. Et sane ad annum sequentem etiam ex MS. *Santensi* codice Eutropii prodigia quaedam refert Pighius, quae in editis non habentur. Hoc anno Galli tantam belli molem conciverunt, ut ambobus Consulibus provincia Gallia decerneretur: a quibus per legatos agrum *Ariminensem* repetierunt; eosque urbe Arimino, quae sua esset, cedere jusserunt. A Consulibus ad Senatum missi re infecta redire coacti sunt; & ad suos reversi intesti-

nis

a Zonar. T. II. b Sed inspecta editione Colinaei Paris. 1539. id ibi legi video. Antea Cellarii tantum & Tan. Fabri filiaeque ejus editiones inspexeram; ubi non habetur; ut nec in Pacanii Metaphrasi.

nis dissensionibus eos invenerunt afflictos ^a : ita ut quiescentibus Romanis Gallicus ille tumultus per se conciderit. Boji tamen, quod rebellassent, magna agri parte mulctati sunt. Eodem anno cum alter Consul *C. Licinius Varus* Sardiniam obtinuisset, legatum suum Claudium Gliciam cum copiis in Corsicam praemisit, quando ipse cum toto exercitu ob penuriam navium eo trajicere non posset. At hic Glicia ante Consulis adventum pacem cum Corsis fecit: quam cum Senatus ratam habere nolleret Gliciam Corsis dedit: a quibus tamen receptus non est ^b ; quemadmodum olim a Samnitibus Consules, qui pacem Caudinam fecerant, cum dederentur, receptos non fuisse vidimus. Sed domum reversus in publica custodia necatus est Glicia; & in *scalas Gemonias* abjectus. Nescio autem, an hic idem sit Glicia; quem *capite praecedente* §. II. Dictatorem a Claudio per ludibrium dictum vidimus: nam fieri potest, ut ab eo tempore honores quosdam, licet indignus, gesserit:

Pighius

^a Polyb. L. II. c. 21. ^b Zonaras. *Amm. Marc.* L. XIV. f.

Pighius quidem eundem fuisse putat. Hoc eodem anno *ludos Seculares* tertios Romae actos fuisse ex fragmentis tabularum Capitolinarum apud Panvin. *fastis p. m. 27.* constat. Instituti fuerant anno Urbis ducen-tesimo nonagesimo septimo; ut singulis centenis & denis annis pro incolumitate Imperii celebrarentur a : ergo secundum celebrati fuerunt anno quadringentesimo septimo : tertium hoc anno quingentesimo decimo septimo : licet postea numerus ille annorum non omnino observatus fuerit.

Anno sequente pace undique terrarumque parva, Sardisque in potestatem redactis templum Jani clausum fuit; quod post Numae tempora non contigerat; nec deinceps ante rempublicam ab Augusto in monarchiam versam factum fuit. Sed eo ipso adhuc anno Sardi instigantibus Poenis rebellarunt : qui tamen Poeni, cum jam bellum iis indictum esset, crebra & sollicita legatione pacem obtinuerunt. Eodemque anno *Manlius Tor-*
V qua-

a Zosim. ab init. L. II. Censorin. de die nat.
c. 13.

quatus Consul de Sardis triumphavit ; ut etiam anno sequente *Sp. Carvilius Maximus* Consul : quo eodem anno alter *Sp. Carvilius* cognomento *Ruga primus* post Urbem conditam *divortium cum uxore fecit* ^a ; postquam apud Censores jurasset , *se liberorum quaerendorum causa uxorem duxisse ; suamque , quam jam haberet , sterilem fuisse inventam*. Insigne certe Romanorum in vita privata moderationis documentum ; praesertim cum legamus ^b , Carvilium ne ita quidem causam suam servioribus morum aestimatoribus probasse. Eam autem historiam hic referimus ; quia hic annus Censores habuit : licet forte ad sequens lustrum , sive ad annum quingentesimum vigesimum tertium referenda sit : nam Consules , quos nominat Gellius , cadunt in annum quingentesimum vicesimum sextum ; quo nulli Censores fuerunt. Dionysius ab Halicarnasso *L. I. c. 25.* hunc eundem casum narrans Consules anni quingentesimi vigesimi secundi profert.

§. III.

^a Gell. *L. IV. c. 3.* ^b Dion. Halic. *L. II. c. 25.* Val. Max. *L. II. c. 1. ex. 4.*

§. III. Continua porro his annis §. 3. *Bella*
 cum Liguribus Sardis & Corsis fue- *cum Ligu-*
 runt bella ^a ; cum instigare eos non *ribus ,*
 cessarent Carthaginienses : ita ut hi *Sardis*
 anno quingentesimo vigesimo hostes *Corsis, De*
 judicarentur; legatisque missis jube- *Centum-*
 rentur magnam pecuniae summam nu- *viris.*
 merare, & omnibus insulis inter Italiam
 & Africam, ut quae Romanorum es-
 sent, excedere; vel bellum suscipere;
 quarum rerum signa *hastam & caduceum*
 legatus ferebat. Carthaginienses nihil
 territi, *se neutrum velle* dixerunt; *sed*
illud alacriter accepturos, quod legati reli-
quissent. Et ita quidem acerbissimorum
 rursus odiorum semina sparsa sunt:
 neuter tamen populus bellum incepit.

Circa idem tempus, vel non diu
 certe ante illud *Judicium Centum vi-*
rale in Republica videtur fuisse insti-
 tutum; cum ante octo annos primum *A. U. 512.*
 triginta quinque tribuum numerus
 Romae expletus esset: nam licet *Cen-*
tumviri dicerentur, qui hoc judicio
 judicabant, revera tamen erant *cen-*
tum & quinque; tribus scilicet judi-
 cibus ex quaque tribu lectis. Hi ju-
 dicia faciebant in causis gravioribus;

V 2

&

& quae non facti, sed juris erant; ut, exempli gratia, in petitione haereditatis, causa inofficiosi testamenti, usucapionum, tutelarum, gentilitatum, agnationum, & similibus ^a. Et semper hi *Centumviri* sunt dicti: licet post Augustum *centum & octoginta* conscriberentur in quatuor consilia plerumque divisi ^b.

Eodem hoc anno de Liguribus triumphavit *Q. Fabius Maximus Verucossus*, ille qui postea, quod *cunctando* Hannibalem fregisset, *Cunctator* appellatus est: itemque alter Consul *M' Pomponius Matho* de Sardis: quos post biennium hujus Mathonis, ut videtur, frater *Marcus*, cum se saltuosos antris & aviis sylvis tutarentur, tanquam feras, canibus sagacibus ex Italia arcessitis, inde extraxit ^c. Hujus vero Mathonis collega *C. Papirius Maso* Corsos ad deditiorem compulit: atque ita hoc anno Sardinia & Corsica penitus subactae sunt; & in unius provinciae formam redactae. Ita ut non satis recte scribat

^a Cic. Orat. I. 38. ^b Plin. L. I. Epist. n. 18. E. IV. n. 24. L. VI. n. 33. Quintil. Instit. L. XII. c. 5. ^c Zonaras.

bat Vellejus Paterculus a T. Manlii Consulis ductu (vide ad annum 518.) *Sardiniam certum recepisse imperii jugum.* Observandum etiam est, Romanos occasione fuisse usos domesticarum turbarum, quibus agitabantur Poeni: qui absque eo fuisset non sivistent, puto, Romanos tam facile his insulis potiri: unde aegre ferebat. Hamilcar, Sardiniam inter motum Africae fraude Romanorum, stipendio etiam superimposito fuisse ^b interceptam. Tum quoque notandum est, hunc Papirium Mafonem, cum Senatus ipsi triumphum negasset, quod non sine magna clade, & multo cum civium sanguine victoriam obtinuisset, *primum in monte Albano triumphasse* ^c; quod deinde simili occasione saepius factum fuit.

§. IV. Anno 521. C. Flaminius Trib. §. 4. *Origo belli Galli;*
 bunus plebis legem tulerat *de agro Picenti Gallicoque plebi viritim dividundo:* & licet pater ejus pro sua potestate filium pro rostris legem ferentem *ci etiam graviors.*

V 3

inde

a L. II. c. 38. b Liv. L. XXI. c. 1. c Tabb. Capit. Val. Max. L. III. c. 6, ex. 5. Plin. H. N. xv, 29.

inde deduxisset a, perlatam nihilominus eam legem postea fuisse verosimile est, cum quiescere consultius duxisset. Sed Gallis ex hac rogatione justissima belli causa nata fuit b: quod diu ab illis coctum & paratum anno demum quingentesimo vigesimo octavo in apertum incendium exarsit. Tradit quidem Zonaras in historia anni quingentesimi vigesimi tertii Carthaginieneses, Romanorum in Ligures expeditione cognita, se ad Romam invadendam parasse; sed videtur errantis calami lapsus; & pro Poenis Galli forte sunt intelligendi.

§. 5. De
bello Illy-
rico.

A. U. 523.

§. V. Verum eodem anno novum bellum Romanis est exortum cum *Teuta Illyricorum* Regina: quod etiam in Graeciam aditum Romanis patefecit c. Ferox praecipue hoc tempore erat mulier, (penes quam post mortem mariti *Agronis* summa rerum apud Illyricos erat) quod mariti auspiciis *Aetolos* gentem ferocissimam

vi-

a Cic. de Invent. L. II. c. 17. Vid. eund. Lucull. c. 5. b Polyb. L. II. c. 21. Cic. de Senect. c. 4. qui eam refert ad II. Fabii consulatum, sive ad A. 525. Vid. eund. Bruto c. 14. c Polyb. L. II. c. 2.

vicisset a ; praesertim cum etiam Epirotae & *Acarnanes* societatem cum ea inivissent b. Igitur mercatores Italicos, alios despoliant, alios trucidant; nec paucos vivos captos secum abducunt. Romani mercatorum querimoniis excitati ligatos in Illyricum de mercatorum injuriis expostulatos mittunt: quorum unus intemptiva libertate usus Teutam adeo incendit, ut spreto gentium jure miserit, qui legatos abeuntes necarent c. Ergo merito indignati Romani anno Urbis quingentesimo vigesimo quarto alterum Consulem *Cn. Fulvium Centumalum* (male apud Polybium *Cajus* dicitur) cum ducentarum navium classe, alterum *L. Postumium Albinum* (etiam hic perperam *Aulus* praenome Polybio dicitur, quod mirum est editores Polybii non animadvertisse, cum in Tabulis Capitolinis horum Consulum nomina legantur) cum terrestribus copiis adversus Illyricos mittunt d. Fulvio *Coreyrenses*, qui *Demetrium Pharium* (eo duce Regina utebatur) cum praesidio Illyriorum

V 4

rece-

a *Ibid.* c. 4. b *Ibid.* c. 6. c *Ibid.* c. 8. Paulo aliter *Appian.* *Illyricis* n. 760. d *Ibid.* c. 11.

reccperant, sese laeti dedunt consentiente etiam Demetrio: quo duce ad reliqua peragenda deinde Romani sunt usi. Cumque etiam Postumius cum terrestri exercitu Brundusio trajecisset ab *Apolloniatis* in urbem recipitur: moxque simul cum collega *Dyrrhachium* obsidione Illyriorum liberat: & variis populorum vicinorum legationibus auditis in fidem & amicitiam eos recipit: interque eos *Issaeos*, a quorum obsidio etiam Illyrios fugaverat. *Nutriam* ambo Consules, sed multis, iisque ex praecipuis suorum amissis, expugnant: atque ita plerisque populis Illyrici Demetrio traditis exercitum Dyrrhachium reducant:

A.U. 525. Sub initium veris Teuta his cladibus fracta pacem his legibus cum Romanis sancit a: *Tributum certum imponendum Regina quotannis pendito: Illyrico toto, paucis locis exceptis, excedito: ne ultra Lissum pluribus quam duobus lembis, iisque inermibus navigato.* Atque ita Graeci magno metu, quem ex crescente Illyriorum potentia habebant, liberati sunt; justiore multo metus causam, ut eventus docuit, a Roma-

Romanis deinde habituri.

§. VI. Eodem tempore etiam Oc- §. 6. De
cidentem versus imperium propagare bello Galli-
desiderabant Romani; cum viderent^{co.}
Poenos, *Carthagine nova* in Hispania
condita (eadem est, quae hodie *Car-*
thagena dicitur) ingens momentum re-
bus suis augendis attulisse a : sed,
cum simul bellum Gallicum time-
rent b , contenti fuerunt foedus cum
Hasdrubale, qui *Hamilcari* focero in
imperiis exercituum successerat, sanciri,
quo ultra *Iberum* amnem se continere
Poeni tenebantur : ita ut *Saguntinus*
mediis inter fines duorum Popu-
lorum libertas servaretur : quae egregia
occasio Poenis potentiae suae fir-
mandae fuit c. Etiam Romani interea
Reipublicae suae firmandae inten- A. U. 526.
ti quatuor tum primum Praetores
creant : quorum duo quidem ordinariam
in Urbe jurisdictionem obirent,
duo Siciliam & Sardiniam provincias
regundas sortirentur d. Nec tamen
cessabat belli Gallici metus : qui tantus
erat, ut ad malum illud averten-
dum

V 5

a *Ibid.* c. 13. b *Vid. Plut. Marcell. p. m.*
299. B. c *Polyb. Ibid. c. 22.* d *l. 2. § 32. ff.*
de O. J.

dum ferali sacrificio sibi utendum putarint Romani, Gallo cum Galla, Graeco cum Graeca vivis in foro boario defossis ^a : quod Livius post cladem Cannensem factum refert ^b ; sed verosimile est talia sacrificia saepius iterata fuisse. Anno ergo quingentesimo vigesimo octavo Sardorum quidem rebellantium motus intra paucos dies *C. Atilius* Consul compescuit ^c. Contra Gallos vero missus est collega ejus *L. Aemilius Papus* cum majore quam unquam exercitu ; & cujus numerus fidem fere superat ^d. Dicunt enim multitudinis ad bellum aptae, quaeque nomen militiae dedisset, tam ex fociis, quam ex civibus Romanis hoc bello, uno quidem tempore, militasse peditum millia septingenta ; equitum septuaginta millia : quae tum in exercitu adversus Hannibalem, tum ad custodiam Urbis, tum ad varios in variis locis usus sub armis erat. Ita ut plane mirum videri debeat, Hannibalem, cum ipse vix viginti millia haberet, quos huic multitudini opposeret, Italiam invadere ausum fuisse.

Eutro-

^a *Plut. d. l.* ^b *L. XXII. c. 57.* ^c *Vid. Polyb. L. II. c. 27.* ^d *Polyb. Ibid. c. 24.*

Eutropius ^a etiam ex Fabio Historico, qui ei bello interfuit, tradit, octingenta millia hominum parata ad id bellum fuisse. Galli interea jam erant ad *Clusium* ^b, quae urbs tridui tantum itinere Roma distat, ipsam Urbem petentes; cum nunciatur, Romanorum exercitum ipsis a tergo imminere: igitur cupidine pugnandi flagrant esagmen convertunt, Romanos subito adoriuntur, & in collem quendam, sex millibus suorum amissis confugere cogunt: verum obsessis ibi a Gallis opportune advenit cum exercitu L. Aemilius Consul ^c: nam ejus adventu cognito Galli statim abire statuunt, ut praedam ingentem, qua potiti fuerant, incolumem sibi servarent. Aemilius praelio cum iis contendere non e re sua esse ratus occasiones tantum aut hostibus nocendi, aut aliquid de praeda avertendi captare statuit. At singulari quodam casu alter Consul C. Atilius, qui exercitum e Sardinia reportaverat, contrarium Gallis in eodem maris inferioris litore iter habens Romam cum copiis

^a L. III. c. 5. ^b Polyb. Ibid. c. 25. ^c Ibid. c. 26.

piis tenderent. Itz inter duos exercitus intercepti Galli, & a Romanis victi sunt ^a; nequaquam tamen incruenta pugna; & altero etiam Consule in praelio occiso ^b. Sed Gallorum quadraginta milia caesa; decem milia dicuntur capta: in quibus alter regum *Concolitanus*; alter vero *Aneroestus*, & necessarii ejus manus sibi intulerunt. Aemilius Consul splendidum de Gallis triumphum egit: cumque finem haec Gallorum in Italiam
A. U. 519. expeditio habuit. Ut tamen penitus Gallos e *Circumpadanis* regionibus expellerent Romani anni sequentis ambos Consules cum maximis copiis iterum in illos miserunt. Sed hi, juxta Polybium, imbris continuis & peste deteriti nihil memorabile gesserunt; nisi quod Bojorum gentem in deditionem receperint. Orosius vero primos hos trans Padum Romanas duxisse legiones tradit; feliciterque ibi cum Intubribus Gallis pugnasse. Sed
A. U. 520. majorem fidem meretur Polybius, qui anni demum sequentis Consules *C. Flaminius* & *P. Furius Philum* in regionem Intubrum trajecisse dicit ^c:
 sed

^a Ibid. c. 30. ^b Ibid. c. 3. ^c L. II. c. 32.

sed coesos fuisse, & ex pacto regionibus illis excessisse adjicit; ita ut in Gallorum Cenomannorum, qui societatem cum Romanis colebant, fines se receperint. Tum auxiliis ex ea gente adscitis, neglectisque pactio-
num legibus in Insubrum terras reversi sunt. Non multum tamen Gallis istis sociis fidentes Romani fluvium eos trajicere jubent: ipsi ad alteram ejus partem remanent: atque ita una opera & nocendi facultatem Gallis adimunt; & vincendi necessitatem imponunt. Edocuerant praeterea milites suos Tribuni Romanorum ^a, quod e superioribus bellis observaverant, Gallorum animos post primum impetum statim defervesce-
re ^b: & praeterea gladios eorum ita esse factos, ut post primum ictum facillime curvarentur, ita ut nisi, mucrone terrae imposito, pede iterum eos dirigerent, plane ad alterum ictum inepti forent. Ergo cum hastas Romanorum caedentes primo statim ictu gladios suos inutiles reddidissent, statim Romani strictis suis gladiis in eos irruerunt: ita ut victoriam adepti spo-
liisque

^a *Ibid.* c. 33. ^b *Flor. L. II. c. 4.*

liisque non paucis partis Romam redierint. Et ex tabulis Capitolinis utrumque Consulem triumphasse apparet; licet Zonaras contumaciae crimen ambobus a Senatu objectum scribat; quod, cum, vitio creatos eos esse, augures pronunciaissent, Senatusque propterea ab exercitu eos revocasset, nihilominus, collegae Flaminii dictis obsequente Furio, in provincia mansissent; praelioque cum hoste conflixissent: qui tamen etiam asserit, invito Senatu, decreto Populi eos triumphasse. Hic est Flaminius, qui circum a suo nomine dictum exstruxit, viamque stravit ^a.

§. VII. Consulatus tamen ex Senatusconsulto ipsis abrogatus fuit: ita ut, re ad interregnum delata ^b, anni sequentis Consules *idibus* demum *Martiis* Consulatum inierint: qui dies deinde per multos annos magistratui ineundo solemniter fuit. Itaque *M. Claudius Marcellus* Consul cum collega *Cn. Cornelio Scipione Calvo* urbem *Insubrum Acerras* obsident: contra Galli *Clastidium* sociorum Populi Romani

§. 7. Belli Gallici finis, & spolia optima a Marcello relata.

A. U. 531.

^a Ep. Liv. 20. Fest. ^b Plut. Marcell. p. m 300. C.

mani oppidum oppugnant: sed ad auxilium obleffis ferendum adventanti Marcello obviam profecti magna clade vincuntur: illisque se Mediolanum recipientibus Acerras occuparunt Romani. Hoc praelio Marcellus *Viridomarnum* Gallorum *Gefatarum* Regem conspicatus in eum impetum dedit, victum, spoliavit, & *tertia spolia optima Jovi Feretrio tulit* a. Interea Scipioni obsidio Mediolani minus ex voto cedebat: & Gallis fortiter pro hac sua praecipua urbe pugnantibus, non tam obsidebant, quam obsidebantur Romani: donec a caede hostium reverso Marcello utbs expugnata fuit: & principes Insubrum animis fracti Romanis se permiserunt. In agrum a Gallis captum mox *Placentia* & *Cremona* coloniae deductae sunt b. Marcellus Romam reversus splendidissimum egit triumphum: qui honos collegae ejus, quod minus bene rem gessisset, negatus est: qui tamen videtur more majorum ex decem legatorum consilio provinciam Galliam constituisse; licet anni sequentes Consul A.U. 533. reliquias adhuc quasdam belli per Gallias

a *Plut. Marcell. p. 301.* b *Liv. epit. 20.*

Gallias & Liguriam ad Alpes usque
 pervenisse ante a : quo anno etiam li-
 berum, qui in omnes triginta quin-
 que tribus dispersi fuerant, a Centuri-
 bus rursus in conatus urbanas redacti
 sunt.

§ 9. 325-
 um cap. 2.
 ist. com.

§ VIII. Eodem anno, quo victoriam
 illam obtinuerit Marcellus, secun-
 dum bellum *Istriae* in *Ilyrico* mo-
 tum est : quod *Istri* naves Romano-
 rum frumentum vehentes infestaf-
 sent b : & ambo Consules plures ejus
 regionis Populos non sine multo Ro-
 manorum sanguine subegerunt. Sed
 haec omnia bella cum Sardis, Cor-
 dis, Istriis & Ilyriis gesta gravia non
 fuerunt; ita ut laeessisse magis, quam
 exercuisse Romana arma videantur c.
 Et cum Gallis quoque tumultuatum
 verius quam bellatum fuisse loco in
 margine citato dicit Livius: hoc, pu-
 to, innuens, non ordinata ex arte
 bellica acie, nec ex migratorum gen-
 tium institutis, bella gerere Gallos id
 temporis fuisse solitos. Itaque ad bel-
 li Punici secundi, omnium, quotquot
 unquam gessere Romani, bellorum
 gra-

a Zonar. b Estr. L. III. c. 7. c Liv. L.
 XXI c. 16,

gravissimi, reique publicae eorum periculossimi enarrationem transceamus.

LIBER QUARTUS.

CAPUT PRIMUM.

De Bello Punico Secundo.

§. I. Cum circa annum Urbis quingentesimum decimum septimum Hamilcar Poenorum Dux in Hispaniam trajiceret, ut Carthaginiensium in ea regione Imperium restauraret, atque profecturus jam promore sacrificaret, dicitur filium Hannibalem novem annorum puerum, quem secum in eam expeditionem ducebat, ad aras Deorum admovisse, jureque jurando adegisse, *nunquam amicum Romanorum fore* a. Hamilcar ibi per novem annos strenue bellum administravit: tandemque cum hoste fortissimo potentissimoque signis collatis dimicans vitam finiit b. Imperium

a Polyb. L. III. c. 12. Liv. L. XXI, 1.

b Polyb. L. II. c. 1.

tatem assequi difficile esse summo cum iudicio observat; praesertim cum varios adeo casus, atque inopinos expertus sit, & amicorum prorsus contraria indole praedictorum consuetudine usus fuerit. Quibus addi potest in liberae civitatis, qualis erat Carthaginensium, regimine factionibus & contrariis studiis perpetuo contendendi: quemadmodum Carthagine etiam duas fuisse factiones videmus, quarum alterius princeps erat Hannibal, alterius *Hanno*; quem proinde Livius a acerbe in Hannibalem, & ejus bella ex bellis ferendi ambitionem invehentem inducit. Et haec de Hannibale dicenda videbantur; ne temere declamantium magistellorum erroribus juvenus se implicare patiatur.

§. II. Cum itaque in Hispania res §. 2. Res
summa ad Hannibalem delata foret, *Olcadum* primo valida gente sub- in Hispania ab
acta ^b, mox *Vaccæorum* unam & al- ^{Hannibale}
teram urbem occupat: & *Carpetanis* ^{gestae.} A. U. 533
quidem, aliisque populis finitimis in
itinere se ipsi objicientibus summum
ex inopinato periculum adiit c. Ve-
rum

a L. XXI. c. 3. & 10. L. XXIII. 12.

b Liv. L. XXI, c. 5. c Polyb. L. III. c. 14.

rum iis hostibus feliciter superatis nemo jam amplius erat intra Iberum fluvium, qui facile contra Carthaginienes oculos tollere auderet, unicos si exciperes Saguntinos; quorum urbs eo loco fuisse creditur, quo hodie est *Morvedro* in *Valentiae* regno oppidum. Sed sollicitè vafer Poenus Saguntinis Romanorum foederatis arma abstinebat, ut omnia circum loca sibi prius subjiceret, antequam ullum belli praetextum Romanis daret. Saguntini vero ^a, qui satis prospiciebant, fore, ut omnibus in Hispania a Carthaginensibus subactis, ipsi etiam denique victoriae accessio fierent, identidem nuncios Romam mittebant, qui conditionis incertissimae, quae res eorum erant, Romanos monerent. Romani, postquam saepe hos nuncios neglexissent, tandem legatos in Hispaniam miserunt, qui praesentes de omnibus rebus cognoscerent. Hi cum Hannibale collocuti eum monent, ut Saguntinis, qui in fide Populi Romani erant, parcere vellet; neve amnem Iberum contra foederis cum Hasdrubale iacti leges transiret.

Hanni-

Hannibal contra; quasi ipse Saguntinis faveret, questus est, paucis ante annis exorta Sagunti seditione, cum totius controversiae arbitrium Romanis fuisset permissum, ut cives ad concordiam perducerent, nonnullos principum iniqua morte affectos fuisse. Adjecitque Carthaginienses a patribus ita fuisse edoctos, ut neminem injuria paterentur affici. Simul misit Carthaginem, qui sciscitarentur, quid sibi faciendum foret, quando Saguntini amicitia Romanorum freti suae ditionis populos injuriis lacerassent. Testaturque Polybius ^a, falsam hanc causam ab Hannibale & Poenis fuisse confictam, qui longe honestius de Sardinia erepta, & stipendio sibi a Romanis imposito, dum mercenariorum bello implicarentur, queri potuissent. Legati etiam Romanorum Carthaginem, ut similia ibi in Senatu Poenorum testarentur, profecti sunt: sed ea quoque legatio irrita fuit; responsumque est, „ Bellum a „ Saguntinis, non ab Hannibale ortum „ esse; Populum Romanum injuste fa- „ cere, si Saguntinos vetustissimae

X 3

„ Car-

„ Carthaginienſium ſocietati præpo-
 „ nat a. ”

§. 3. Bel-
 lum etiam
 interea
 cum Iſtris.

§. III. Cum tamen interea Senatus
 reputaret, ſi bellum cum Poenis ge-
 rendum eſſet, diuturnum hoc, & ob
 diſtantiã locorum (quippe quod in
 Hiſpania gerendum foret) moleſtum
 futurum, primum res in Illyrico com-
 ponendas eſſe ſtatuit b. Demetrius
 enim Pharius beneficiorum a Roma-
 nis acceptorum immemor c, & ſpe
 auxilii a *Macedonibus* fretus, Roma-
 norum in Illyrico urbes vaſtabat; &
 contra pacis leges ultra Liſſum quin-
 quaginta lembis navigans *Cycladas* in-
 ſulas incurſabat. Ergo Romani *L. Ae-*
miliũ Paullũ Conſulem cum exer-
 citu in Illyricum mittunt; dum inte-
 rea Hannibal Saguntinos acerrima jam
 obſidione premeret. Aemilius ſtatim,
 ut in Illyricum venit, *Dimalũ* mu-
 nitiffimam urbem oppugnare ſtatuit;
 eamque die ſeptimo in poteſtatem re-
 degit d. Inde *Pharũ* acque muni-
 tam urbem adortus majorem exerci-
 tus partem noctu in terram exponit,
 antriſ-

a *Liv. XXI. II.* b *Polyb. L. III. c. 16.*

c *Vid. Libr. præc. c. ult. §. 5.* d *Polyb. Ibid. c. 18.*

antrisque & sylvis abscondit: ipse luce orta cum viginti tantum navibus portum petit: dumque contemptim iis obviam occurrunt Pharii, progressi, qui expositi fuerant Romani pugnantes Illyrios ab urbe excludunt. Et licet fortiter cum suis pugnaret Demetrius, tamen exercitu ejus in fugam acto, etiam ipse ad *Philippum Macedoniae* Regem confugit. Ita Romanus Consul Pharam captam idiruit: totoque Illyrico in potestatem redacto exercitum ad triumphum deportavit. Ex Zonara patet, etiam Livium alterum Consulem huic bello adfuisse: imo ex eo triumphasse tradit Aur. Victor. Frontinus autem *Stratag. L. IV. c. 1. f.* damnatum eum dicit ob praedam inaequaliter divisam; cui adsentitur Livius *L. XXII. c. 35. & L. XXVII. c. 34.*

§. IV. Sed dum haec in Illyrico §. 4. Redi-
geruntur, & de bello Poenis indicen-
do Romae deliberatur, legationibus-
que mittendis tempus teritur, in Hi-
spania Hannibal post octo mensium
obsidionem Saguntum ceperat: cum
omnia experti essent cives, quae lon-
ga obsidio fert incommoda, ita ut

fames Saguntina ^a in proverbium abi-
 rit. Imo cum ultra urbem suam sese
 tueri posse desperarent Saguntini ^b,
 collatis in forum, quae unicuique e-
 rant carissima, & circumdatis accen-
 sisque nutrimentis, publico & com-
 muni rogo semetipsos superjecerunt.
 Restauratam fuisse a Carthaginien-
 sibus urbem dicit Appianus ^c; suoque
 tempore vocatam *Carthaginem Sparta-*
genam: de quo posteriore nomine ali-
 bi legisse non memini. Et eodem no-
 mine Carthaginis retento fuisse repo-
 sitam patet ex *Inscriptione*, quam Im-
 peratore *Claudio* positam refert *Paulus*
Aterula Cosmogr. p. II. c. 21. & item ex
 alia, quae tempore Imperatoris *Ha-*
driani facta apud Gruterum ^d legitur:
 quod eruditissimi & accuratissimi *Cel-*
larii diligentiam fugisse miror. Ex hu-
 jus urbis interitu, & Romanorum in
 auxilio iis inferendo lentitudine alte-
 rum & vulgatum dictum est ortum,
dum deliberant Romani perit Saguntus.

§. 5. Rel-
 tum rite
 Pervenit in-
 ditum.

§. V. Itaque Romani, cum bellum
 necessario gerendum esse viderent,
 omnia

^a *Fraim. Adag. Ch. I. Cent. IX. n. 67.*

^b *Pal. Max. L. VI. c. 6. ext. ex. 1.* ^c *de*
bellis Hisp. n. 261. ^d *p. CCCLXXVIII. n. 4.*

omnia diligentissime comparant: exercitum tam sociorum, quam civium septuaginta duorum millium peditum; equitum quinque millium & octingentorum conscribunt; classemque instruunt: atque ita legatis Carthaginem missis bellum Poenis indicunt: a quibus alacriter id acceptum est a. Videtur autem in utramque partem posse disputari, utrum pium hoc bellum & justum Romani susceperint: nam licet foedere inter Romanos & Poenos facto cautum foret, *ut utriusque Populi socii ab utroque Populo ruti forent*; tamen cum ejus foederis tempore Saguntini nondum in societatem Romanorum essent adsciti, apud utrosque & Poenos & Romanos eodem esse loco debebant b, quasi de sociis nihil convenisset. Verum hoc non prohibuit, quominus licuerit Romanis Saguntinos & in societatem adsciscere, & adscitos defendere; non scilicet ex vi foederis; sed ex jure naturali, quod foedere non erat abolitum: praesertim cum jam olim Saguntini se in fidem Romanorum &

X 5

potē-

a Polyb. L. III. c. 33. Liv. L. XXI. c. 8. Flor. L. II. c. 6. b Polyb. L. III. c. 27.

potestatem dedissent. Et sane vera hujus belli causa fuit indignatio Carthaginienſium ob Sardiniam ademptam, & ob pactiones, quas Romani iniquis temporibus, cum mercenariorum ſeditione occupati eſſent Poeni, expreſſerant: & quod iisdem ex felici bellorum in Hispania ſucceſſu animi aucti fuerant ^a. Quibus rebus deinde, quod omnium maximum erat, internecinum Hamilcaris & filii ejus Hannibalis in Romanos odium accedebat ^b.

§. 6. Hannibalis in Italiam expeditio.

§. VI. Ergo bello utrimque decreto Hannibal, poſtquam ſecuritati Africae & Hispaniae proſpexiſſet, ad expeditionem in Italiam ſuſcipiendam ſe parabat ^c. Et gnarus imprimis, Gallos *Subalpinos* & Circumpadanos iniquiſſimo animo dominationem Romanorum ferre ^d nunciis miſſis & prolixis pollicitationibus eos in ſocietatem ſuam pertraxit: licet Romani quoque legatos in Gallias miſiſſent, qui peterent, *ne Poeno bellum Italiae inferen-*

^a *Vid. de tota re Grot. de jur. B. & P. P. II. c. 16. §. 13. & c. 17. §. 19. c. 22. §. 1.* ^b *Polyb. L. III. c. 9. -- 12.* ^c *Polyb. L. III. c. 33.*
^d *Ibid. c. 34.*

ferenti per agros urbesque suas transitum darent. Quibus dictis tantus cum fremitu risus Gallorum ortus dicitur, ut vix a magistratibus majoribusque natu juventus sedaretur ^a. *Responsumque legatis est, Neque Romanorum in se meritum esse, neque Carthaginensium injuriam, ob quae aut Romanis, aut adversus Poenos sumant arma. Contra ea audire sese, gentis suae homines agris finibusque Italiae pelli a Populo Romano, stipendiumque pendere; & cetera indignapari. Atque eadem ferme in ceteris Galliae conciliis audire.* Hannibal itaque omnibus necessariis ^{4. U. 535.} firmatus initio veris copias ex hibernis educit peditum millia nonaginta, equitum duodecim, elatior etiam animo postquam audivisset, quomodo legatio Romanorum Carthagine fuisset excepta. Sed iis, quae inter Iberum amnem, & montes erant *Pyrenaeos*, subactis Hannoni cum parte copiarum eas regiones custodiendas tradit: ipse cum exercitu quinquaginta milium peditum, equitibus vero novies mille, quae omnes copiae erant validae, & ex continuis, quae in Hispania

^a Liv. L. XXI, c. 20.

nía gesserant, bellis exercitatissimae, Pyrenaeum transit; & ad *Rhodanum* fluvium ducit ^a. Iter autem ^b, quod a Carthagine nova ad Italiam & campos Citeumpadanos ipsi conficiendum erat, fuit milliarium Romanorum mille centum & viginti quinque: quae sunt horae itineris trecentae septuaginta quinque. Ejus adventus opportunitate statim deficiunt in Gallia Cisalpina Boji ^c: quanquam Romani, ut eos in fide retinerent, paulo ante duas validissimas colonias, Placentiam & Cremonam in eorum agros deduxissent ^d. Eadem contagio etiam Insubres traxit; qui *Mutina* coloniam obsident: Triumviros ejus coloniae deducendae, quorum unus erat C. Lutatius Vir Consularis fide accepta ad colloquium egressos violata fide vinciunt, sperantes se ita obsides suos, quos sub exitum praecedentis belli dederant, recepturos esse. Perfidia Gallorum intellecta *L. Manlius*, qui regionibus illis praecerat, cum exercitu magno studio ad ferendam opem contendit. Eum Boji in

Litu

^a Polyb. L. III. c. 35. ^b Ibid. c. 39. ^c Liv. I. XL. c. 25. ^d Polyb. L. III. c. 40.

altu quodam ex insidiis circumvenientes plurimos caedunt; reliquos in vi-
co *Taneto* obsident: quibus confestim
C. *Atilius Praetor* ^a cum legione una
auxilio mittitur. Interim Hannibal
cum bona pace regulorum Gallo-
rum per fines eorum exercitum duce-
bat. Jamque ad Rhodanum fluvium
pervenerat, cum *P. Cornelius Scipio*
Consul, qui ad ostium Rhodani Massi-
liae proximum castra habebat, vix-
dum satis crederet, Pyrenaeos montes
ab eo esse superatos. Nam alter qui-
dem hujus anni Consul *Ti. Sempronius*
Gracchus cum classe bellum in Afri-
cam trajicere cogitaverat, tantis in
Sicilia factis apparatibus, quasi ipsam
Carthaginem primo appulsu fuisset ob-
sessurus ^b: sed Hannibalem in Ita-
liam adventare nunciato, confestim
ad patriae opem ferendam revoca-
tur ^c.

§. VII. Hannibal porro, cum ad §. 7. Quo-
Rhodanum fluvium accessisset, ita ut modo Rho-
quatuor dierum itinere ejus castra a danum
mari abessent ^d, statim copias traji- trajecerit
cere conabatur: atque in eum finem Hannibal.
magnam

^a Liv. L. XXI. c. 26. ^b Polyb. L. III. c. 41.
^c Ibid. c. 61. ^d Ibid. c. 42.

magnam vim lintrium ab accolis emit, magnam *pontonum* (*genus est navium Gallicarum* ^a ; quod etiam hodie eo nomine dicitur) multitudinem bidui spatio fabricari curat ^b. Cum vero ingentes copias barbarorum trans amnem conspexisset trajectionem impediturus Hannonem cum parte exercitus viginti quinque circiter milliaria supra castra sua flumen transire jubet, ut, cum opus facto esset, a tergo hostem adorirentur. Cumque ex signo, de quo convenerat, cognovisset Hannibal, eos transiisse, & haud procul jam abesse, etiam suos trajicere jubet, equis partim nando traductis ^c, elephantos vero ratibus transmittens. Ratem unam ^d ducentos longam pedes, quinquaginta latam a terra in amnem porrexerunt : quam, ne secunda aqua deferretur, pluribus validis retinaculis parte superiore ripae religatam pontis in modum humi injecta constraverunt, ut belluae audacter velut per solum ingrederentur : altera ratis, atque lata, longa pedes

cen-

^a *Caes. de B. C. III. 29.* ^b *Liv. L. XXI. c. 26.* ^c *Polyb. L. III. c. 43. sqq.* ^d *Liv. Ibid. c. 28.*

centum, ad trajiciendum apta huic copulata est: & quum elephanti per stabilem ratem tanquam viam praegredientibus feminis, acti, in minorem applicatam trangressi essent, ex templo, resolutis, quibus leviter annexa erat, vinculis, ab actuariis aliquot navibus ad alteram ripam pertrahebatur. Ita primis expositis alii deinceps repetiti ac trajecti sunt. Interim quingenti equites Numidae, quos castra Romanorum speculatum Hannibal miscrat, ab ala equitum Romanorum fugatur, ingenti utrimque, majore tamen Numidarum ^a, pro numero, caede: quod principium simul & omen belli, ut summae rerum prosperum eventum, ita haud sane incruentam victoriam Romanis portendit.

§. VIII. Trangresso Hannibali Bo- §. 8. *Iter*
ji se itineris duces obtulerunt. Ille, *Hannibalis*
qui cum Romanis, priusquam in Ita- *per Alpes.*
liam ventum foret, manus conferere nollet, mediterranea Galliarum petit; ut ea parte, qua oritur Rhodanus, Alpes transgressus Italiam intraret: quod tamen perficere non potuit; cum per
Cottias

^a Polyb. *Ibid.* c. 45.

Cottias potius & *Taurinas* Alpes in eam pervenerit. Plerique autem scriptores, qui monstrosum aliquid & inauditum proferre cupiunt, hoc iter Hannibalis ita describunt, ut nisi Deus, aut Heros aliquis e machina ipsi occurrisset, omnes incerti quo se verterent, fuissent perituri: cum certum sit & olim & hodie a magnis exercitibus Alpes saepe fuisse superatas. Quarto die postquam profectus erat Hannibal pervenit ad locum, ubi *Arar* Rhodanusque amnes diversi ex Alpibus decurrentes in unum confluent. Mediis campis *Insulae* nomen erat inditum ^a. Incolebant prope *Allobroges*: apud quos regni certamine ambigebant fratres: quae res Hannibali in commodum vertit. Nam cum ad ipsum disceptatio esset rejecta, imperium majori restituit, quod senatus principumque sententiam futurum praesentierat. Inde *Druentiam* flumen transgressus cum bona pace incolentium ad Alpes pervenit. Hic tamen altitudo montium, nivisque prope coelo immixtae ingentem fecere terrorem: & si Galli, noctu praecipue, valles

^a Liv. d. l. c. 31.

Valles occultiores infedissent, ingentem fugam stragemque facere potuissent. Sed cum ex speculatoribus didicisset Hannibal, noctu tantum saltus illos ab hostibus insideri, cum exercitu ad ipsas illas angustias accedit; ibique castra communit. At quamprimum tumulis digressos montanos sensit, ipse prima vigilia ignibus in castris accendi jussis cum selecta expeditorum manu angustias silentio noctis evadit: atque ipsis tumulis, quos hostes tenuerant, consedit. Itaque postridie quidem montani tumulos a Poenis occupatos vident^a: verum cum in angustias tumultuari eos conspiciunt, equis maxime con sternatis, multis ex locis simul in eos irruunt: quod videns Hannibal, & simul cogitans, nequicquam incolu mem futurum exercitum, si jumentis & impedimentis exueretur, cum ea manu, qua angustias noctu occupaverat, e superiore loco in hostem decurrit; iisque in fugam versis otio suos traducit. Quin oppidum, unde impressionem fecerant hostes, desertum prope cepit; multos homines,
Y
equos.

^a Polyb. L. III, c. 51. Liv. d. l. c. 33.

equosque, qui capti jam fuerant, recuperavit: ita ut per duos tresve dies pecoribus & frumento abundaret. Imo adeo perculit montanos, ut tri- duo aliquantum itineris conficere po- tuerit. Inde dolis etiam eum aggres- si sunt barbari, missis, qui commea- tum, amicitiam; duces itineris & ob- sides offerrent ^a. Accepit Hannibal, quae afferebantur, summa tamen cau- tione, ut inter fraudis suspectos. Nec multum processerat, cum in via insi- diis apta undique coorti barbari eum aggrediuntur: & nisi Hannibalis pro- videntia agminis extrema maxime fir- mata fuissent, ingens utique clades accepta foret. Sed etiam sic magna equorum jumentorumque multitudo periit. Atque ita nono tandem die in summa Alpium juga perventum est. Ibi biduo itativis habitis, jumenta multa equosque, qui aberraverant, recipit: eademque occasione usus est, cum jam in conspectu essent Circum- padani Italiae campi, ut praedam Ita- liae ipsiusque Romae quasi paratam ipsis ostenderet: eoque magis militi- bus firmatis opus erat, quod occi- dente

^a Polyb. L. III. c. 52. Liv. L. XXI. 34.

dente jam Vergiliarum fidere (Pli-
 nius *Historiae naturalis* L. II. c. 47.
 & L. XVIII. c. 31. occasum Vergilia-
 rum refert ad III. Idus Novembres)
 omnia nive opplerentur. Inde postri-
 die motis castris descendere coepit,
 sed difficiliore multo, quam in adscen-
 su fuerat, itinere; nive praesertim
 & glacie iter molestius facientibus.
 Tandem, si fides Livio, vel potius
 iis, ex quibus sua hausit, annalibus,
 arboribus immanibus dejectis, & strue
 ingenti lignorum facta, acetum in
 ardentia saxa infudit a; & in torrida
 incendio rupe anfractus modicis cli-
 vis mollivit, ut non jumenta solum,
 sed etiam elephanti deduci possent.
 Quod autem antea dixi per Taurinas
 Alpes in Italiam pervenisse Hanniba-
 lem, tum disertis verbis testatur Li-
 vius, tum etiam multis & erudite, ut
 solet, probat *Lipsius epistolarum ad*
Belgas centuria I. Ep. 93. vid. etiam
Theatrum statuum Ducis Sabaudiae
editum Hagae 1700. T. I.

§. IX. Ita quinque mensium iter §. 9. Han-
 a Carthagine Nova emensus, quin- nibalis in
 Y 2 to Italiam
 adventus:

a *Juvén. x. v. 153.*

to decimo die Alpibus superatis a Circumpadanos Italiae campos & Insubrum fines ingressus est Hannibal. Copiae, quae tum ipsi restabant incolumes, fuere ex Africanis peditum millia duodecim: ex Hispanis ad octo millia: equitum duntaxat sex mille; ut quidem eas numerat Polybius; nam alii aliter & majores faciunt. Hic rursus, ut paulo ante apud Allobroges fecerat, occasione discordiarum inter *Taurinos* & Insubres uti potuisset, nisi ex nimia fatigatione ad subitum otium transgressi ejus milites ea ipsa mutatione ad res gerendas minus idonei fuissent. Hic porro Scipio Consul, qui discessu Hannibalis ex castris ad Rhodanum audito navibus in Italiam contenderat, se ipsi ab Alpibus digressio objicit: suoque adventu Gallorum, qui Padum accolebant, defectionem ad Hannibalem prohibuit: (frater autem Consulis, ut hoc obiter addamus, ab eo cum legionibus relictus fuerat, ut Hasdrubali sese fortiter opponeret b) qui tamen Taurinorum urbem amicitiam
recu-

a Polyb. L. III. c. 56. Liv. L. XXI. c. 38,

b Polyb. d. I,

recusantem vi expugnavit ^a. Mox Pado trajecto Consul castra ad *Ticinum* amnem admovit. Quae res utrumque ducem alterius admiratione imbuit: quod nempe Scipio in Gallia relictus jam obviam fieret descendentem ex Alpibus Hannibali; quodque Hannibal audacter adeo & feliciter Alpes trajecisset. Inde cum & Romanorum & Poenorum animi ab Imperatoribus suis egregiis adhortationibus ad certamen essent accensi ^b, Romani Ticinum ponte jungunt, exercitumque traducunt ^c: Hannibal vero nova etiam oratione suis animum addit, necessitate maxime vincendi aut moriendi proposita. Praeterea ingentia praemia strenuissimo cuique proponit, fide sua solemni jurejurando interposita; & praeda praeterea locupletissima ex subacta Italia ostensa. Ac praelio commisso victi sunt Romani, Consule etiam vulnerato; cujus periculum intercursum primum pubescentis filii propulsatum est ^d. Hic erit *Scipio*, penes quem perfecti

Y 3 hujus-

^a *Liv. Ibid. c. 39. Polyb. L. III. c. 60.*

^b *Liv. Ibid. c. 40. sqq. c Polyb. d. l. c. 64.*

^d *Liv. d. l. c. 46.*

huiusce belli laus futura est; quique postea ex victoria *Africani* nomen meruit. Facile autem ex hoc primo praelio apparuit, equitatu meliorem esse Poenum; & ob id campos patentes, quales sunt inter Padum Alpesque, bello gerendo Romanis aptos non esse. Hi ergo proxima nocte silentio profecti ^a ad Placentiam Padum rursus transeunt ponte post rescisso. Sexcentos tamen moratorum in ulteriore ripa Hannibal cepit: trajectoque Pado Romanis pugnae potestatem fecit. Sed nemine adversus eum prodeunte sex millia a Placentia castra communivit. Insequente nocte auxiliares Galli, qui in castris Romanorum erant ^b, ad duo millia pedum & ducentos equites ad Hannibalem transfugiunt, vigilibus ad portas trucidatis: quos in civitatisque suas ad sollicitandos popularium animos dimisit. Boji etiam Tresviros coloniae deducendae initio belli a se interceptos ad Hannibalem misere. Scipio omnium Gallorum defectionem metuens (praesertim cum etiam Clastidium vicum, quo, magnam frummenti

^a Polyb. *Ibid.* c. 66. ^b Liv. L. XXI. c. 48.

menti vim comportaverant Romani praefectus ejus *Dafius* Brundusinus precio corruptus Hannibali tradidisset) silentio noctis ad *Trebiā* flumen in loca impeditiora castra movit collegam Sempronium ibi expectaturus: qui paulo post cum exercitu adveniens, ut ex Sicilia accitus erat, collegae conjungitur ^a. Hic interim dum Scipio Hannibali oppositus est, ad Siciliam mari feliciter satis rem gesserat; Melita etiam insula, quae Carthaginiensium erat, capta.

§. X. Eo successu ferocior cum §. 10. *Pu-*
Hannibale configere cupiebat; cum ^{gna ad}
Consul alter equestri praelio uno & *Trebiā*.
vulnere suo minutus rem trahi maluisset. Et opportune cupiditati Sempronii eveniebat, quod Galli ^b inter Trebiā & Padum incolentes adversus Numidas populabundos auxilium Romanorum implorassent. Ergo cunctante collega equitum partem maximam, cum peditibus aliquot & jaculatoribus mittit, qui Numidas in castra repellunt. Ipsi vicissim repulsi, cum omnes equites jaculatoresque iis
Y 4 auxili-

^a *Liv. Ibid. c. 51. Polyb. L. III. c. 61. & 68.*

^b *Ibid. c. 69. Liv. Ibid. c. 52.*

auxilio misisset Sempronius Poenos iterum recedere cogunt: ita ut victoria penes Romanos esse videretur. Inde jam exsultans Sempronius ad certamen milites parari jubet, ne quicquam dissentiente Cornelio ^a. Cornelius enim prudenter reputabat, & militem tironem exercendo per hyemem meliorem futurum; & Gallos pro insita genti levitate rursus a Poenis defecturos: & denique se, ubi ex vulnere convaluisset, utilem patriae operam navare posse sperabat: eademque causae faciebant, ut etiam Hannibal quamprimum acie decertare optaret. Cum ergo speculatores Galli, qui tutiores erant, quod in utrisque castris ex ea gente militabant, paratos pugnae esse Romanos nunciassent, locum insidiis circumspectare Poenus coepit, ubi fratrem suum *Magonem* cum mille equitibus, totidemque peditibus confidere jubet ^b. Inde ad corporis curam & prandium jussu Hannibalis conversi sunt: qui oleum etiam per manipulos misit, ut ignibus ante tentoria factis artus molirent

^a Liv. *Ibid.* c. 53. Polyb. *Ibid.* c. 70.

^b Liv. *Ibid.* c. 54. *sqq.*

lirent milites. Nam erat brumæ tempus, & forte nivalis dies in locis Alpibus *Apenninoque* interjectis, propinquitate etiam fluminum ac paludum prægclidis. Interea, ut jejuni frigidique pugnarent Romani Numidis, ut castris eorum obequitarent, mandat: quos mox refugientes insecti Romani fluvium etiam ingrediuntur; unde frigore simul & fame cito defecerunt ^a. Tum demum suos animis corporibusque alacres arma sumere jubet Poenus: atque ita fessi, jejuni & gelu torpentes a saturis & corpore curato alacribus superati sunt; licet non sine Poenorum caede ^b. Et vi frigoris etiam ex Poenis & homines multi & jumenta & elephantiprope omnes absumpti sunt. Ita quietis Poenis Scipio exercitum Placentiam perduxit. Alter Consul Sempronius per effusos ad prandandum hostes Romanam elabatur; & creatis in annum sequentem Consulibus in hiberna redit: ubi continuis etiam expeditionibus Romanos exercebat Hannibal: quarum una ipse saucius pugna excessit.

Y 5

§. XI. In-

^a Polyb. *Ibid.* c. 72. ^b *Ibid.* c. 74. Liv. *Ibid.* c. 56.

§. 11. *Res
in Hispania
gestae.*

§. XI. Interea Cn. Cornelius Scipio in Hispania Publii fratris legatus plurimos tam maritimos, quam mediterraneos cis Iberum Populos Romanae ditionis fecit clementiae potissimum fama: Hannonemque ei regioni praefectum coeso ejus exercitu capit, magna praesertim praeda potitus a, quod Hannibalis miles in iis castris omnes res sibi caras deposuisset. Sed vixdum eo digressio Hasdrubal *Illergetes* ad defectionem impulit b; quos paulo post ab auctore defectionis suae relictos Scipio rursus in jus ditionemque recepit; at pecunia ante multatos. *Ausetanos* praeterea & *Lacetanos* socios Poenorum vicit.

§. 12.
*Praelium
ad Trasimenum
lacum.*

§. XII. In Italia Consulum designatorum alter C. Flaminius (de cujus contentione cum Senatu jam aliquid vidimus *Libr. praec. c. ult. §. 5.*) metuens, ne auspiciis ementiendis, Latinarumque feriarum mora, & consularibus aliis impedimentis in Urbe retineretur, clam simulato itinere privatus in provinciam abiit d: & circa

a *Liv. Ibid. c. 60. Polyb. Ibid. c. 76.* b *Liv. Ibid. c. 61.* c *Liv. L. XXII. c. 2. & 3.*

ca moenia Aretii in Etruria confedit. Nam forte ipsi bellum cum Hannibale & legiones, quae Placentiae hyemaverant, obvenerant. Hannibal vero, cum metueret, ne Galli, quos praedae populationumque spes conciverat, aegre ferrent, suas terras sedem belli esse, maturius ex hibernis moveri coactus est. Cumque duo essent itinera, quibus ad Consulem pergere posset, longius aliud & commodius, aliud propius, sed per paludes & propinquas lacuum voragines, breviorē viam infistit. Sed maximis difficultatibus itineris conflictatus, & non tantum multis hominibus jumentisque, verum etiam altero oculo vigiliis & nocturno humore privatus tandem emerfit. Inde vastatis agris ^a, quo magis iram Flaminio ad vindicandas sociorum injurias acueret, ipsum in locum lacu (*Trafimeno* ei nomen erat) ac montibus clausum illicit; atque ibi undique insurgentibus hostibus in medio caesi sunt Romani ^b. Ipse Consul fortiter pugnans lancea transfixus fuit. Cecidere in acie Romanorum quin.

^a Polyb. *Ibid.* c. 82. ^b Liv. L. XXII. c. 5.

quindecim millia. Sex millia ferme, qui strenue facta eruptione per adversos hostes evaserant, postridie se dediderunt incolumem abitum pacti: sed Punica religione ab Hannibale in vincula coniecta sunt: qui vero Latini nominis essent captivi sine precio dimissi sunt; cum Hannibal se pro Latinorum libertate adversus Romanos pugnaturum in Italiam venisse diceret ^a. Romae hoc nuncio accepto terrore cuncta repleta sunt: praesertim postquam *M. Pomponius Praetor* in concione fuisset factus ^b, *Magna praelio victos fuisse Romanos. Atque alia clades tertio post priorem die nunciata animos aegros majore adhuc sollicitudine perculit. Quatuor millia equitum cum C. Centenio Penula Propraetore a Servilio Consule ad collegam missa in Umbria ab Hannibale circumventa fuerant.*

§. 13. *Factum est, cum Dictatorem dici placuisset; nec ad Consulem, a quo solo rite dici poterat, facile literae, aut nuncius mitti posset, Prodictator a Populo.*

^a Polyb. L. III. c. 85. ^b Lib. Ibid. c. 7.

^c Liv. Ibid. c. 8, Nepos Hann. c. 4.

Populo dictus est Q. Fabius Maximus Verrucosus, addito Magistro Equitum *M. Minucio Raso*, qui anno Urbis 532. Consul fuerat. Hannibal interim per Umbriam *Spoletum* usque profectus ab ejus coloniae oppugnatione magna suorum caede repulsus est. Sed in Piceno praeda & populationibus milite recreato circa Luceriam & *Arpos* in Apulia consedit. Fabius a Diis Dictaturam orsus ex inspectione librorum Sibyllinorum sacra quaedam curari jubet. Rei maritimae curam Consuli Servilio mandat ^a. Inde ejusdem Servilii exercitu accepto ^b, duabusque legionibus aucto recta ad hostem ducit: nullo tamen loco, nisi quantum necessitas cogeret, fortunae se commissurus. Hannibal, qui palam quidem, *victos tandem Martios animos Romanorum debellatumque*, increpabat, sed tacita cura incendebatur, quod cum prudentissimo duce sibi rem fore videret, omni ratione eum in aciem elicere, sed frustra, conatus est: quanquam ad irritandum eum etiam Beneventanum agrum depopulare.

^a *Polyb. L. III. c. 88.*

^b *Liv. d. l. c. II.*

laretur, *Telefiamque* urbem caperet a: Deinde cum tres equites Campani, quos ad *Trasimenum* lacum ceperat Hannibal, spem ei *Capuae* potiundi fecissent, exercitum in agrum *Casinate*, qui est in Latii & *Campaniae* limite, ducere statuit, ut exitum Romanis ad opem sociis ferendam intercluderet. At cum homo *Poenus* minus recte nomen Latinum itineris duci edidisset, hic pro *Casino* *Casilinum* duxit: quae urbs erat ad *Vulturnum* supra *Capuam*; nec prohibere poterat, quo minus *Capuae* auxilium ferrent *Romani*. Ergo spe sua frustratus Hannibal ad agrorum exustiones se convertit, *Fabio* per juga montis *Massici* exercitum ducente. Bellum enim trahere conveniebat Romanis; quod ingens commeatum copia, & numerus hominum ad delectus ipsis adessent; a quibus minus paratus erat Hannibal b. Verum cum ibi sub oculis essent populationes, nec ulla mentio pugnae, *Minucius* Magister Equitum continuas apud milites ducesque habebat conciones, quibus cunctationem *Fabii* insectabatur. Hic, licet & *Romae* &

a *Ibid.* c. 13. b *Polyb.* L. III. c. 90.

& in castris cunctationem suam infamem esse sciret, obstinatus tamen eodem consiliorum tenore aestatis reliquum extraxit : ita ut Hannibal jam hiberna circumspectaret, quibus eo loco incommodis erat usus. Ergo fallaci consilio (praesertim cum per angustas valles iter faciendum esset) utendum ratus boum cornibus, quos ad duo ferme millia inter ceteram praedam agebat, faces undique ex agris collectas, fascesque atque arida sarmenta praeligat ^a ; iisque ante signa actis cum miraculo primum attoniti, deinde insidias rati vel fugerent, vel castris se continerent Romani exercitum traduxit. Elapsum in Apuliam Hannibalem sequebatur Dictator Fabius : sed sacrorum causa Romam revocatus Magistro equitum exercitum tradit praemonito, & precibus quidem, ne acie cum Hannibale decertaret ^b. Verum occasionem praebente Hannibale monitorum Fabii oblitus confligit, eo successu, ut pari fere clade utrimque discederet ^c : castra tamen Poenorum capta

^a *Ibid.* c. 93. *Liv.* L. XXII, c. 16. ^b *Liv.* *Ibid.* c. 18. ^c *Ibid.* c., 24.

pta sunt ; sed vacua, cum cuncta in altera castra amoveri jam curasset Hannibal ^a. Adeo tamen laeta hoc nuncio civitas fuit, ut legem ferente *M. Metilio* Tribuno plebis Dictatoris & Magistri equitum, quod nunquam antea, jus sit aequatum. Suavor ejus legis praecipuus erat *C. Terentius Varro*, qui anno priore Praetor fuerat, vir sordido genere, patre quippe lanio ortus ; sed ad Consulatus spem auram favoris popularis ex Dictatoris invidia petens. Dictator, postquam in castra advenit, obtinuit, ut legiones sicut Consulum mos esset, inter se dividerent, locum nempe remedio quaerens, si quid Minucii temeritate turbatum foret. Hannibal statim eandem temeritatem captans misit, qui tumulum inter duo castra medium occuparent, quinque millibus peditum, equitumque latebris opportune abditis ^b. Ita pugna orta primum satis bene res Romanis procedebat : sed exortis repente insidiatoribus animi Romanis collapsi sunt. Tum demum Fabius cum suis legionibus accurrens victoriam Hannibali de

^a Polyb. L. III. c. 103. ^b Liv. Ibid. c. 28.

de manibus extorquet. Minucius statim ut in castra reditum est convocatis militibus ad castra Fabii contendit, & culpam fassus eum militesque ejus patronos salutat: & deposito imperio, ut magisterium equitum rursus sibi concedat, supplex petit; Hannibale quoque tum demum sentiente, cum Romanis sibi, atque in Italia bellum esse. Atque ita vere rem Romanam *cunctando restituit* Fabius ^a; qui *scutum* inde *Populi* est dictus ^b; ut postea *Marcellus* ejusdem *Populi gladius* ^c. Hannibal vero Fabium *Paedagogum suum* ^d vocabat; quod se, ut *paedagogus discipulum* ubique sequeretur.

§. XIV. In Hispania Cn. Scipio Hasdrubalem secure agentem maritimo praelio vicit ^e: & , quod pulcherrimum ejus victoriae fuit, una levi pugna toto ejus orae mari potitur: ipsiusque Novae Carthaginis tecta injuncta muro portisque incendit.

§. 14. Res Hispaniae.

Z

^a Cic. Cat. Maj. c. 4. & Virg. Aen. VI. v. 847. uterque ex Ennio. ^b Flor. II. 6. ^c Plut. Fabio Max. p. m. 185. ^d Id. Apophth. p. m. 195. ^e Polyb. L. III. c. 95. sqq. Liv. L. XXII. c. 20. sqq.

dit. *Ebusum* inde insulam diripit; *Balearium* insularum legatos pacem petentes audit; populos Hispaniae amplius centum viginti obsidibus acceptis ditionis Romanae facit: cum interim etiam Servilius Consul mari bene rem gereret a: qui tamen in Siciliam reversus & in hostium insidias illapsus idoneam satis cladem passus est b. *Celtiberi* inde nobilissima Hispaniae gens, qui principes regionis suae legatos miserant, obsidesque dederant, Hasdrubalem duobus praeliis egregie vincunt c. Hoc statu rerum etiam P. Scipio Cnei frater Proconsul cum triginta longis navibus, & octo millibus militum magnoque commeatu in Hispaniam venit: cui *Abelox* nobilis Saguntinus, fidus antea Poenis, sed prosperis Romanorum in Hispania rebus mutatus obsides Hispanorum, qui Sagunti servabantur, per prodicionem tradit.

Servilius in Italiam reversus cum collega *M. Atilio* Fabianis artibus ita Hannibalem exercuit, ut Galliam repetiturus fuisset, si insequentis anni

Con-

a *Polyb. Ibid. c. 96.* b *Liv. d. l. c. 31.*

c *Ibid. c. 21.*

Consules iisdem artibus bellum gessissent ^a.

§. XV. Sequitur annus Urbis quingentesimus trigessimus septimus majore clade, quam unquam Romani acceperunt, funestus. Consules erant L. Aemilius Paullus & C. Terentius Varro; de cujus sordida origine jam diximus. Hi cum Dictator anno praecedente spem praebuisset, posse vinci Hannibalem ^b, majores quam unquam copias conscribunt ^c: nam octo legionibus rem geri placuit, attributis cuique legioni quinque hominum milibus, praeter sociorum auxilia. Horum multitudo, peditum quidem, numerum Romanarum legionum aequabat; equitum, ut plurimum, triplo major erat. Hiero quoque Syracusarum dominus, praeter mille sagittarios & funditores, ingentem etiam tritici hordeique vim miserat ^d. Utque majore religione militum animi tenerentur, quod nunquam antea factum erat, jurejurando a Tribunis militum adacti, *jussu Consulum conventuros, neque injussu abituros*. Interim

§. 15. Clades Cannensis.
A.U. 537.

^a Liv. Ibid. c. 32. ^b Liv. Ibid. c. 36.
^c Polyb. L. III, c. 107. ^d Liv. d. l. c. 37.

rimo Vero multis atrocibus concioni-
bus optimates exagitabat; *aversumque*
bellum in Italiam a viribus, mansu-
rumque in civibus Republicae, si
plures Fabios imperatores haberet: se,
qui die hostem vidisset, perfecturum.
Aemilius in concione modeste nihil
aliud, quam „ mirari se dicebat;
„ quomodo quis dux priusquam aut
„ suum, aut hostium exercitum, lo-
„ corum situm, naturam regionis
„ nosset, jam nunc locatus in Urbe
„ sciret, quae sibi agenda forent: se
„ ex rebus consilia capturum.^a Fir-
mavit eum proficiscentem^a; ut con-
stanter in proposito perseveraret, Q.
Fabius Maximus, *nullam Hannibali*
occasionem praebendam dicens; *colle-*
gaeque temeritati, cum qua non minus
ipsi certaminis, quam cum Hannibale
futurum esset, summa prudentia obviam
enndum. Consul, *vera quidem quae*
diceret fateri; sed haud facilia factu
esse respondit. Maxime porro laeta-
tus est Hannibal, Consules in castra
venisse; cum vix decem dierum tru-
mentum ipsi superesset. Temerita-
ti Consulis materiam etiam fortuna de-

^a Liv. *Ibid.* c. 39.

dedit a : cum tumultuario in prohibendis praedatoribus praelio longe superiores fuissent Romani b ; Paulo tamen Consule metu insidiarum ab ulteriore prosecutione victores prohibente. Postridie Hannibal inescatum jam alterum Consulem non dubitans castra plena praedae relinquit, militibus trans proximos montes absconditis. Et statim Varro ad castra hostium diripienda duxisset, nisi & Aemilius praefectum ex sociis exploratum misisset; qui *profecto insidias esse* renunciavit; & ne sic quidem coeptis abstinenti Varroni obnunciare iussisset, *quod pulli auspicio non addixissent*. Hannibal detecta etiam a transfugis fraude in castra rediit. Cumque ob inopiam frumenti seditionem metueret, castra in calidiora Apuliae loca movere inde statuit. Secuti eum sunt, invito Paulo, Romani: &, ut ventum ad *Cannas* est, (ignobilis Apuliae vicus fuit c, sed clade Romana nobilitatus) in conspectu Poeni bina castra communiunt. Ibi Varro die, quo fors imperii penes

Z 3

ipsum

a *Ibid.* c. 41. b *Polyb.* L. III. c. 110.

c *Liv.* d. l. c. 43. *Flor.* L. II, c. 6.

artum erat, nihil consulto collega, & vixitum orto sole a signum pugnae propoluit; inquit Paulus b, licet non probaret, tamen adjuvare consilium eius cogeretur. Erant autem copiae utrinque c, Romanorum quidem pedum octoginta millia, equites supra sexies mille: Carthaginiensium vero pedes tantum quadragies mille, eorum decem millia. Romanis maxime incommodum evenit, quod ventus ipse adversus multo pulvere in ipso ora volvendo prospectum adimeret. Equites Romani d, postquam acriter quam citius esset pugnatum, terga venterunt. At pedes diu ac tunc cuncti per mediam Afrorum aciem ad ipsa eorum subsidia pervenire. Sed cum ita incauti in medium irruerent, Poeni cornua extendendo eos a tergo clauferunt: ut ita scilicet cum recentibus pugnare cogerentur; nec diu impetum hostium sustinere potuerunt. Haec in dextro cornu. Ad laevum vero quingenti viri Numidae, praeter iusta arma gladios occultos habentes, transfugarum

a Plin. l. 2. c. 113. b Liv. Ibid. c. 45.

c Polyb. l. 9. d Liv. d. l. c. 47.

rum specie adequitaverant; qui armis traditis a tergo Romanorum, confidere jubentur: verum hi, dum omnes certamini intenti sunt, averfam adoriuntur Romanorum aciem. Atque ita undique fugam fecere Romani; nisi quod parte alia pugnae Paullus Consul ^a, licet graviter vulneratus, diu rem sustinuit, multis etiam hostium manu sua caesis ^b. Postquam vero Romani fuga dilapsi essent, ab hostibus quis foret ignorantibus caesus est. Alter Consul cum septuaginta fere equitibus *Venusiam* est elapsus. Ad septuaginta millia, vel etiam ultra Romanorum sociorumque fortiter pugnantium hoc praelio caesa dicuntur. Qui vero in binis Romanorum castris erant strenue facta eruptione *Canusium* incolumes pervenerunt: quos postridie etiam ex iisdem castris quatuor millia peditum, & ducenti equites secuti sunt. Pervenere tamen, qui in praelio aut castris capti sunt, in Hannibalis potestatem tredecim fere millia. Ducum & procerum caesi dicuntur ambo Quaestores, unus & viginti Tribuni militum,

Z 4

octo-

^a Liv. *Ibid.* c. 49. ^b Polyb. L. III. c. 16.

octoginta praeterea Senatorii ordinis viri, in quibus Consulares quidam, Praetoriique, & Aedilicii. Hannibali victori cum ceteri gratulantes suaderent ^a, ut tanto perfunctus bello quietem caperet, *Maharbal*, cum die quinto in *Capitolio* epulaturum dixit, si se cum equite praegressum confestim sequeretur ^b. At cum Hannibal, temporis opus esse ad consilium pensandum respondisset, *Non omnia nimirum eidem Dis dederunt*, Maharbal inquit: vincere scis, Hannibal, victoria uti nescis. Crediturque ea mora Urbi atque Imperio saluti fuisse.

§. 16. Ea, quae Can-
non, cum
eadem
proxime se-
cuta sunt.

§. XVI. Tota inde Italiae pars, quae *Magna Graecia* dicitur, *Capuani* praeterea aliique Hannibali se tradiderunt: quod tamen non ita intelligendum est, ut omnes statim defecerint; sed sequentibus deinceps annis, ut cuique populo facultas oblata est, ut sequentia docebunt ^c. Et cumulus afflictis Romanorum rebus accessit, quod *L. Postumius*, qui in Galliam Cisalpinam missus fuerat, cum universo exercitu occi-

^a Liv. *Ibid.* c. 51. ^b Cato & Caelius ap. Gell. *Nat. Ast.* 5. 23. ^c Polyb. *L. III.* c. 118. Liv. *d. l.* c. 61.

cidione occisus fuisse nunciaretur ^a. Cum vero post tantam cladem de *deserenda Italia*, & ad Regum aliquem *transfugiendo* consilia nobiles quidam juvenes agitent, P. Scipio juvenis *fatalis Dux hujuscebelli* statim ad eos contendit, strictoque super capita eorum gladio jurare coëgit, *Rempublicam Populi Romani non deserturos*. Reliquiae caesi exercitus Venusiam ad Consulem convenerunt: qui se inde ad copias, quae cum Scipione Canusii erant, contulit; ita ut jam species aliqua Consularis exercitus esset. Romae clade audita summus, ut par est, luctus & consternatio fuit: & prima cura Deorum placandorum habita est. Inter alia sacrificia Gallus & Galla, Graecus & Graeca in foro boario sub terram vivi demissi sunt ^b, ut antea bello Gallico factum fuerat. Placatisque satis, ut rebantur, Diis ad humanas etiam res curandas conversi sunt. Romam praesidii causa ab Ostia mille & quingentos classarios miserat Marcellus: qui ipse paucos post dies cum legione classis Canusium contendit. Dictator inde dictus *M. Junius*

Z 5

Pera

^a Liv. XXII. 24. ^b Liv. Ibid. c. 75.

Pars exercitum ex civibus sociisque contulit, junioribus etiam ab annis septemdecim, & praetextatis quibusdam ad militiam assumptis. Octo milia praeterea iervorum, cum antea rogassent, *velintne militare?* (unde *volentes* sunt dicti) empti publice armaverunt; cum captivos redimere non placuisset. Nam miserat Hannibal decem ex captis Romanis, qui de redemptione agerent: & cum iis *Carthalo* Carthaginensem, qui, si forte ad pacem inclinarent animos, condiciones ferret. Carthalonem ante noctem finibus Romanis excedere iusserunt. Legatis captivorum Senatus datus est *a*. Sed postquam illi auditi sunt, licet etiam clamor flebilis a turba, quae ante curiam erat, audiretur, in sententiam *L. Manlii* Senatusconsultum tactum est, *captivos non esse redimendos* *b*: cum nec antiquitas indulgens in captivos civitas fuisset: nec aerarium exhaurire ad Hannibalem locupletandum vellent: nec de ceteris civibus opus habere Respublica videretur, qui, cum armati essent,

a *Ibid.* c. 30. *b* *Ibid.* c. 61. *Polyb.* L. VI. c. 31. *Caes. de Off.* L. III. c. 32.

essent, capi potuissent. Itaque eorum plurimi ab Hannibale interfecti ^a; quidam ex praecipuis Carthaginem missi sunt. Eodem fratrem suum Magonem, cum aliquot dies in recipiendis civitatibus Bruttiorum retentus fuisset misit Hannibal ^b: qui, ut fidem tam laetarum rerum faceret, dimidium supra tres modios aureorum annulorum in vestibulo curiae effudit; (alii haud plus fuisse modio dicunt) adjiciens, *neminem, nisi Equitem, atque eorum ipsorum primores, id gerere insigne.* Hac occasione usus Himilco, vir factionis *Barcinae*, Hannonem increpans rogavit, *num etiam nunc belli adversus Romanos suscepti poeniteret?* Hanno ex Magone sciscitatus, *an Latini nominis populus aliquis ad Poenos defecisset? an homo aliquis ex quinque & triginta tribubus ad Hannibalem transfugisset? an denique mentionem aliquam pacis fecissent Romani?* omnia negante Magone, *Bellum igitur, inquit tam integrum habemus quam habuimus, quo die Hannibal in Italiam est transgressus.* Ac propterea jam statim de

^a Eutrop. L. III. c. II. Zonar. T. II.

^b Liv. L. XXIII. c. II.

de pace cum Romanis agendum esse censuit. At cum nota similtas eius cum familia Barcina esset auditus nequaquam fuit: sed necessaria ad bellum porro gerendum expediri iussa sunt; quod tamen, ut in rebus lacticis, segniter & otiose factum est.

§. 17.

*Campani
ad Hanni-
balem de-
ficiunt.*

§. XVII. Hannibal demum ad victoriam persequendam conversus Neapolitanos quidem frustra tentavit. ^a Capuani vero artibus *Pacuvii Calavi*, nobilis & popularis hominis ad defectionem a Romanis inclinati sunt: nec aliud, ne extemplo deficerent, in mora fuit, quam quod connubium vetustum multas claras ac potentes familias Romanis miscuerat: quodque trecenti Equites, nobilissimus quisque Campanorum, Romanis militantes ad praesidia Sicularum urbium erant missi ^b. Ergo eorum parentes cognatique aegre pervicerunt, ut legati ad Consulem Romanum mitterentur. Hic summam Romanorum necessitatem falsus documentum fidei Campanorum petiit, ut triginta millia peditum, quatuor equitum ex Campana conscriberentur; pecunia insuper

^a Liv. L. XXXIII. c. 1. ^b Ibid. c. 4.

per & frumentum praeberetur. Sed hac confessione Consulis, qua magnitudo cladis ostendebatur, usi qui Capuae Hannibali studebant, effecerunt; ut foedus cum Poeno pangeretur ^a. Praefectos etiam sociorum, civesque Romanos alios comprehensos plebes Campana balneis includi iussit; ubi fervore atque aestu interclusa anima foedum in modum exspirarent. Ita nequicquam summa ope resistente *Decimo Magio*, primario apud Capuanos viro, recipitur Hannibal ^b. Narratu dignum est, ipsius Calavii filium *Perollam* patri aperuisse consilium; Hannibalem inter epulas interficiendi, ut eo sanguine foedus cum Romanis iterum sanciretur; nec nisi lacrymis & enixissimis patris precibus ab eo consilio abduci potuisse ^c. At Hannibal curiam ingressus Decimum Magium sibi dedi postulat: statimque egressus eum comprehendi & capite obvoluto in castra perducere iussit; indeque extemplo Carthaginem avehi. Sed tempestate delatus *Cyrenas*, & a custodibus Alexandriam ad *Ptolemaeum* Regem deportatus est; ab
 eo

^a *Ibid.* c. 7. ^b *Ibid.* c. 10. ^c *Ibid.* c. 8. § 1.

coque vinculis liberatus.

§. 18. *Bel-
lum a Ro-
manis re-
paratum.*

§. XVIII. Romae interea summo animi ardore bellum reparabatur: nam praeter servos, de quibus diximus, etiam obaerati sceleratique armati sunt a: & cum vigintiquinque millibus armatorum ab Urbe Flaminius profectus est. Hannibal vero, Nola absque successu tentata; Nuceriam in deditionem acceptam diripit & incendit b. Nola Marcellus Claudius, cum plebs Hannibalis tota esset, a Senatu Nolanorum accitus in fide retinuit, *L. Bantio* praesertim sibi conciliato. Erat hic sociorum ea tempestate nobilissimus eques, quem Cannensi praelio seminecem repertum Hannibal curatum cum donis domum remiserat. Hic Marcelli artibus adeo mollitus est, ut nemo deinde sociorum rem Romanam enixius juverit. Cumque etiam favori plebis Nolanae fideret Hannibal, Marcellus a Senatoribus Nolanis monitus aciem ita intra urbem instruxit, ut patefactis repente portis erumpens idoneam cladem Hannibali intulerit, atque ita docuerit, *vinci eum posse*. His factis
Mar-

a *Liv. L. XXIII. c. 4.* b *Ibid. c. 15.*

Marcellus extemplo clausis portis, & quaestione de noxiis habita supra septuaginta damnatos prodicionis securi percussit ^a. Motis ergo inde castris Hannibal *Acerras* (Campaniae oppidum erat ad *Clanum* fluvium) capit, direptamque incendit. Casilinum inde, parvam urbem, summa vi oppugnat: sed ipso pudore ab incepto desistere cogitur, castris tamen modicis communitis, ne omissa res videretur. Hinc Capuam in hiberna regressus est; ubi mollissimae urbis deliciis enervatus majorem otio & luxu exercitui suo cladem, quam antea ad Cannas ferro Romano acceperat, intulit: ita ut vere dixerit Marcellus, *Capuam Hannibali Cannas fuisse* ^b. Mitescente tamen hyeme ad oppugnationem Casilini rediit ^c: cum ejus incolae jam extremam famem paterentur. *Gracchus* quidem Magister Equitum, qui Romam profecto Dictatore Casilino affidebat, cum edicto Dictatoris per absentiam ejus aliquid gerere prohiberetur, complura tamen dolia frumento plena secundo amne Casilinum misit.

^a *Ibid.* c. 17. ^b *Ibid.* c. 45. *Flor. L. II. c. 6.*

^c *Liv. lb. c. 19.*

misit. Sed etiam eo absumpto insolitis quibusvis alimentis usi tandem Hannibali se dedere coacti sunt: qui oppidum Campanis reddidit, praesidio tamen suo firmatum. Sicilia etiam & Sardinia hoc tempore vix retentae sunt, pecunia & frumento ab Hierone Rege, & sociis in Sardinia civitatibus benigne collato ^a. Inde ad curam Senatus supplendi conversi Patres *N. Fabium Buteonem Senatus supplendi causa* faciunt Dictatorem *sive Magistro Equitum*, quod singulare in historia Romana exemplum est: quemadmodum etiam nunquam duo simul Dictatores in Republica fuerunt: eo enim magistratu Junius Pera adhuc fungebatur. Fabius primum legit eos qui post proximos Censores curulem magistratum cepissent: tum qui Aediles, Tribuni plebis, Quaestoresve fuerant: denique qui spolia ex Romano hoste fixa domi haberent, aut civicam coronam accepissent. Ita centum septuaginta septem cum ingenti approbatione omnium in Senatum lectis, extemplo se magistratu abdicavit.

§. XIX.

^a *Ibid. cap. 21.* ^b *Ibid. c. 23.*

§. XIX. In Hispania interim nihilo §. 19. *Res*
 segnius a duobus Scipionibus res sunt *Hispaniae.*
 gestae a. Hasdrubal vero in Italiam
 exercitum ducere iussus est; Himil-
 cone Carthagine cum iusto exercitu
 ad tuendam Hispaniam missō b. Has-
 drubal pecuniis a suae ditionis populis
 raptim exactis, iter statim in Italiam
 suscipit. Verum Scipiones reputan-
 tes, actum fore de Italia, quae vix
 Hannibalem sustineret; si etiam Has-
 drubal cum novo exercitu eo venis-
 set, se ei objiciunt; copias ejus su-
 perant; castra capiunt; atque inde
 diripiunt; ita ut vix satis tuto ma-
 nendi in Hispania spes Hasdrubali su-
 peresset. Quae victoria summo gau-
 dio Romae accepta fuit.

§. XX. Dum haec in Hispania ge- §. 20. *Ad*
 runtur, *Petellia* in Bruttis, quae so- *res Italiae*
 la in amicitia Romanorum perman- *reditum.*
 ferat c, a Poenis expugnatur d: sed
 non antequam fame vires ad standum
 in muris, ferendaque larva deessent.
 Ita; ut soli ex ea regione *Rhegini* in
 fide erga Romanos, & potestatis suae
 ad ultimum manserint.

A a

§. XXI. An-

a *Ibid.* c. 26. b *Ibid.* c. 28. c *Ibid.* c. 20.
 d *Ibid.* c. 30.

§. 21. *Ge-* §. XXI. Anno Urbis quingentesimo
sta a. 538. trigesimo octavo, ut majore vi bel-
 lum geri posset, Senatus decrevit,
 ut eo anno duplex tributum impera-
 retur: & comitia dilata sunt, donec
 Marcellus, qui ad exercitum missus
 fuerat, reversus foret: nam eum ma-
 xime Consulem in eum annum ob e-
 gregie in Praetura res gestas creari
 volebant: sed cum ingenti consen-
 su creatus esset, augures, *vitio crea-*
tum videri pronunciarunt; quod ineun-
 ti Consulatum tonuisset. Suffectus
 est ei Fabius Maximus tertium jam
 Consul: vulgoque Patres ita fama fe-
 rebant, *quod tum primum duo plebeji*
Consules (Sempronius enim plebejus
 erat, aequae ac Marcellus) *facti essent,*
id Diis cordi non esse. Carthaginien-
 ses etiam, ut res in Hispania lapsas
 restituerent, Magonem eo cum clas-
 se copiisque miserunt a: in Sardiniam
 vero, cum Sardi clam legationem
 Carthaginem misissent, *Hasdrubalem*
 cognomento *Calvum* deligunt ducem:
 qui tempestate vexatus ad Baleares In-
 sulas ejicitur; sed interim *Titus Man-*
lius Sardiniae Praetor tanta clade Sar-
 dos

a *Ibid.* c. 32.

dos affecit, ut debellatum eo praelio in Sardinia fuisset, nisi Hasdrubal, qui jam classem refecerat, ad spem rebellandi advenisset a. Verumtamen etiam Hasdrubal, licet copias cum Sardis junxisset, clara & memorabili pugna victus est captusque: atque ita Sardinia est perdomita, ut exercitum inde deducere potuerit Manlius.

§. XXII. Ab altera parte Philippus Macedonum Rex occasionibus intentus legatos ad Hannibalem miserat b. Hi per Apuliam Capuam petentes media in praesidia Romanorum illati sunt. Ibi Xenophanes legationis princeps intrepide mentiens a Philippo Rege se missum, ait, ad amicitiam societatemque jungendam cum populo Romano; mandata habere ad Consules & Senatum Populumque Romanum. Valerius, qui Praetor iis castris praeerat, nova societate tam clari Regis laetus hostem pro hospite comiter accipit. Ac Xenophanes ab eo digressus, qua proximum fuit, in castra Hannibalis pervenit, foedusque his legibus cum eo facit. Ut Philippus bellum pro sua parte terra marique gereret; ubi debel-

§. 22. Philippi Macedonis cum Hannibale foedus.

latum esset, Italia omnis cum ipsa Urbe Roma Carthaginensium esset: perdomita Italia navigarent in Græciam; bellamque cum quibus Regibus placeret gererent: quæ civitates continerent, quæ insulae ad Macedoniam vergunt, eas Philippi regnique ejus essent. Sed dum cum legatis Hannibalis revertitur Xenophanes a classe Romanorum interceptur, ^a & cum comitibus Romam perducitur. Et licet vix tolerarent Punicum bellum Romani, extemplo tamen agitaverunt, quemadmodum ultro bellum inferendo averterent ab Italia hostem ^b. Philippus vero omnium ignarus legationem alteram mittit ad Hannibalem; quæ quidem prospere mandata tulit ac retulit: sed prius se aestas circumegit, quam movere ac moliri quicquam Rex posset. Tantum navis una cum legatis capta momenti fecit ad dilationem imminentis Romanis belli.

§. 23. Res
Italicae.

§. XXIII. In Italia post Cannensem pugnam fractis partis alterius viribus, alterius mollitis animis segnius jam bellum erat, ^c cum Campani
" per

^a Liv. L. XXIII. c. 34. ^b Ib. c. 38. ^c Ib. c. 35.

per se adorti sunt rem Cumanam suae
 conditionis facere, invitatis Cumanis, ut
 ad statum Campanis omnibus sacrifici-
 cium venirent. Cumani rem Consu-
 li Graccho nunciant : qui Campanos
 nocturnis sacris operantes invadit ; &
 levissima sua jactura ingenti strage cae-
 dit : confestimque se providus vir in
 castra recepit ; ita ut Hannibal fru-
 stra Campanis opem laturus accede-
 ret. Ut tamen precibus Campano-
 rum satisfaceret Cumas oppugnat : sed
 fortiter se defendentibus Cumanis tan-
 dem in castra sua se recipere cogitur.
 a Et in Lucanis etiam Hanno Poenus
 a Proconsule *Ti. Sempronio Longo* vi-
 ctus in Bruttios recessit. Fabius quo-
 que Consul , qui ad variorum prodi-
 giorum procurationem Romam abie-
 rat, b tandem reversus cum collega
 Sempronio Graccho varias urbes
 Campaniae , quae defecerant , reci-
 pit : & Marcellum Proconsulem No-
 lam , ubi plebs , ut priore anno,
 adhuc consilia de caede principum &
 urbe Hannibali tradenda agitabat, in
 praesidium misit (Invaserat enim u-
 nus velut morbus omnes Italiae civi-
 tates,

Aa 3

tates, ut plebes ab optimatibus dissentiret : Senatus Romanis faveret : plebs ad Poenos rem traheret. ^a) Hic, cum inde agrum Samnitium ferro & igne vastaret, ^b Samnites legatos ad Hannibalem miserunt : qui se procul ab iis summoturum hostem pollicitus continuo Nolam oppugnaturus abscessit : & victus a Marcello Apuliae hiberna petiit ^c : cum etiam equites ejus mille ducenti septuaginta duo misti Numidae Hispanique ad Romanos transfugissent ; quorum forti fidelique opera in eo bello saepe usi sunt Romani. Apud Romanos etiam quieta inde stativa fuerunt ^d ; & nuntii Romam allati de gemina Scipionum in Hispania victoria, qua adversus tres exercitus hostium prospere pugnaverant, Urbem exhilararunt : praesertim cum ita omnes fere Hispaniae populi ad Romanos defece-
rint.

§. 24. *Res
Sicilia.*

§. XXIV. In Sicilia, quae hoc tempore inter Romanos fere & Syracusanos divisa erat, obierat interim Hiero, fidelis Romanorum amicus ^e,
re-

^a Id. XXIV. c. 2. ^b Id. XXIII. c. 41. ^c Ib. c. 46. ^d Ib. c. 48. ^e Id. L. XXIV. s. 4.

relictō nepote impubere *Hieronymo*. Ejus ingenium ad cuncta vitia facile praecipitandum prospiciens avus voluisse dicitur *liberas Syracusas relinque-
re*. Sed precibus filiarum motus senex nonagenarius (illae enim nomen quidem regium penes puerum futurum rebantur, regimen omnium rerum penes se, virosque suos *Andronodorum & Zoilum*) tutores numero quindecim puero reliquit, fidem erga Populum Romanum ipsis commendans. Mortuo Hierone Andronodorus tutelam se deponere simulans, & *regni jam potentem esse* dictitans Hieronymum, in se unum omnium vires convertit. Nam reliquerat quidem, ut diximus, quindecim puero tutores Hiero, sed ex tribus inter eos praecipuis Andronodorus & Zoilus ad Poenos, tertius *Thraso* ad Romanos tendebant. Verum indicatur eodem tempore in tyrannum conjuratio, & inter confcios nominatus Thraso extemplo supplicio traditur ^a. Itaque mox a Romanis ad Hannibalem deficit Hieronymus ^b : sed paulo post a conjuratis occisus est, &

Aa 4

Syrac-

^a Polyb. exc. legat. n. 1. ^b Ibid. c. 6.

Straculæ in libertatem revocantur; *Demetria* Hieronis filia Andronodori uxore frustra maritum, ut tyrannidem retineret, adhortante ^a; quippe qui in præsentia potius temporis cedendum esse arbitraretur, inter Praetores etiam istius anni cum reliquis plerisque tyranni intersectoribus adscitus. Sed hæc jam in historiam anni sequentis excurrunt.

§ XXV. Romæ Anno Urbis quingentesimo trigesimo nono creati Consules fuerunt Q. Fabius Maximus quartum, M. Marcellus tertium: quanquam prærogativa tribus *T. Otacilus*, *M. Aemilius Regilius* Consules jam dixisset. Sed ipse Fabius, qui comitia habebat, oratione habita docuerat, Aemilium quidem, quod Flamen Quirinalis esset, ab sacris mitteri non posse: Otacilium vero, licet sororis suæ filiam uxorem haberet, atque ex ea liberos, tanto oneri esse imparem; præsertim cum hoc eodem anno classi præfectus negligenter admodum rem gessisset ^b. Praetor tamen idem creatus Otacilius eandem rursus provinciam, classem

scili-

^a *Id.* c. 22. ^b *Liv. L. XXV. c. 8.*

scilicet Siciliensem & oram maritimam obtinuit ^a ; ut consulatus negati, sicut puto, solatium haberet. Et habemus in hoc Fabii factoque *egregium invidiae ob Reipublicae utilitatem contemptae exemplum*; quod cum se haud dubie summum Imperatorem esse sciret, operam Reipublicae negare noluerit. Consulibus ambobus bellum cum Hannibale decretum est, & duodeviginti legionibus id geri placuit. Fit, si quatuor millia tantum & ducentos in legione scribamus, numerus septuaginta millium & sexcentorum: quibus, si alterum tantum sociorum, millia scilicet centum quinquaginta & unum, & praeterea ducentos addamus cum legitimo suo equitatu (qui in universum fuerit sexdecim millium & ducentorum) *summa summarum* ^b erit ducentorum & quadraginta trium millium. Classis autem sociis navalibus privata impensa paratis completa est. Hannibal interim Nolam iterum frustra tentat ^c praeventus a Marcello Consule, qui milites eo, praesidium Senatui, miserat.

A a 5

ferat.

^a Ibid. c. 10. ^b Ita loquitur Sen. epist. 40. f. ne quis barbarum putet. ^c Liv. lb. c. 13.

tem repulit ^a ; putavitque cladem ad Cannas acceptam hosti reddi potuisse, si Claudius Nero noctu circumire hostium agmen iussus mandata exsequi potuisset.

Romae interea Censores ad mores civium regendos, castigandaque vitia erant intenti ^b : & nota gravissima, relatione nempe inter aerarios, affecerunt Metellum quaestorem cum ceteris, qui post pugnam Cannensem deferendae Italiae consilium sumpsis-
sent: eademque animadversione in eos sunt usi, qui captivorum ex itinere regressi clam in castra Hannibalis, solum quod juraverant redituros, rebantur. Nec mitiores fuerunt adversus eos, qui absque justa vacatione quadriennio non militassent: cui militum generi non, priusquam Italia pulsus hostis esset, finitum stipendiorum tempus erat. Cumque Censores ob inopiam aerarii locationes consuetas non facerent, qui similia redimere solebant, *paratos se redemptionibus dixerunt; neminemque pecuniam, nisi bello confecto ab aerario esse repetiturum.* Ita etiam domini volon-
num,

erāt *Themistio* necarunt. Sed miseranda magis mors fuit *Heracleae* alterius Hieronis filiae, & duarum filiarum ejus virginum a : illam post irritas preces a penetralibus abstractam jugulant: has per aedes fugientes non nisi multis vulneribus, & cum omnia jam sanguine repleissent confecerunt. Comitibus inde habitis, factione populari, inter Praetores creati sunt *Hippocrates* & *Epicides* Carthagine nati; sed oriundi ab Syracusis, exule avo, Poeni ipsi materno genere b. Hi, postquam Punicam classem *Pachynum* accessisse allatum est, omni ratione ab Romanis avertere Syracusas conati sunt: imo Hippocrates, qui transfugis mercenariisque erat praepositus c, primo furtivas incursiones in provinciam Romanam instituens, inde in praesidium ab *Appio* missum cum caede multorum impetum fecit. *Epicides* vero *Leontinos* etiam a Syracusanis Romanisque abalienavit: quos tamen statim recepit Marcellus. Sed ipsae Syracusae mox eorundem dolo in antiquam servitutem reciderunt, cum fictis literis,

a *Ibid.* c. 26. b *Ibid.* c. 6. c *Ibid.* c. 29.

ris, nulli *Leontinorum* pepercisse *Romani* nos mentiti fuissent ^a. Et praeterea literas veluti interceptas recitaverant, quibus Praetores *Syracusani* *Marcellum* monebant scilicet, *ne ulli mercenariorum*; aut *externorum auxiliorum* parceret; sed *eorum supplicio tandem Syracusas liberaret*. Ergo *Romani* *Syracas* terra marique oppugnare coeperunt ^b: quae armis minus, quam unius hominis solertia per longum tempus defensae sunt ^c. *Archimedes* is fuit, unicus spectator coeli siderumque, mirabilior tamen inventor ac machinator bellicorum tormentorum operumque. Fabula vero est inepta, quam primo *Galenus* ^d, mox alii tradiderunt, eum ope speculorum ustiorum classem *Romanam* ante urbem in anchoris stantem incendiisse ^e. Tantum tamen effecit industria sua *Archimedes*, ut *Marcellus* oppugnationem in obsidionem vertere cogeretur: sed qui interim cum parte exercitus *Pelorum*, *Herbesum*, *Megarum*,

^a *Ibid.* c. 31. ^b *Ibid.* c. 33. ^c *Plut. Marcellus* p. m. 305. sqq. ^d *Vid. Voss. de natura artium* L. III. c. 24. §. 7. ^e *Vid. viri Rev. Jo. Alb. Fabricii Proleg. in Marinum de vita Procli.*

ram, Siciliae urbes recepit^a. Quae tamen brevi tempore rursus amissae fuissent, aeque ac Agrigentum amissum fuerat ab Himilcone, qui cum classe in Siciliam appulerat, captum; nisi Marcellus Hippocratem cum magna parte praesidii Syracusis egressum improvise adortus circumvenisset. Cumque & Carthaginienses & Romani continuo classes & copias in Siciliam mitterent, magna pars belli ab Italia eo conversa fuit. Himilco, cum nulla ratione cum Marcello manus conferere posset; ad alias occasiones intentus *Murgantium* primum, prodito a civibus praesidio, recepit. Ad cuius defectionis famam erecti etiam aliarum civitatum animi praesidia Romanorum aut pellebant arcibus, aut prodita per fraudem opprimebant. Ennae (mediam Siciliam hoc oppidum occupat) in praesidio erat *L. Pinarius*, qui *Ennenses* palam claves arcis repetentes immixtis subito militibus caedit, arcemque retinuit^b. Adeo tamen metus reliquos Siculos non deterruit, ut etiam, qui antea dubii fuerant, ad Poenos defecerint.

Eadem

^a Liv. d. l. c. 35. ^b Liv. *Ibid.* c. 39.

Eadem aestate bellum cum Philippo Rege jam ante suspectum motum est. Ad *Marcum* enim *Valerium* Praetorem classi Calabriae litoribus praesidentem legati a sociis civitatibus *Orico* & *Apollonia* venerunt, a *Philippo* se oppugnari querentes, quod a societate Romanorum desciscere noluissent. Vera autem ratio suberat, quod facilis inde in Italiam esset trajectus. *Oricum*, quod jam ceperat *Philippus*, statim receptum est: ab *Apollonia* vero magno suo damno repulsus regnum repetiit.

In Hispania hoc anno varie bellatum est ^a: & a neutra parte multum ad summam rei profectum; nisi quod Romanis tamen magis favisse belli aleam dicant eorum scriptores. *Saguntum* certe oppidum, quod causa belli esset, octavum jam annum sub hostium potestate esse, verecundia tandem cepit Romanos. Itaque vi pulso *Poenorum* praesidio id oppidum receptum est.

§. 27. *Ge-*
sta A. 540.

§. XXVII. Annus Urbis quingentesimus quadagesimus Consules habuit *Q. Fabium Maximum* magni istius *Fabii*

^a *Liv. lib. 6. 4.*

Fabii Cunctatoris filium, & Ti. Sempronium Gracchum iterum: eoque anno primum ludos scenicos Romae esse actos memoriae produnt ^a. Memorandum etiam hic est, antequam ad res gestas hujus anni accedamus, Fabium patrem legatum a Senatu ad filium Consulem in castra venisse: cumque ex duodecim lictoribus, qui Consulem praecedebant, undecim verecundia majestatis patris Fabii silentes eum praetervehi fuissent passi, plenus irae sedere perseveravit ^b: donec Consul *animadvertere proximum lictorem* jussit: tum demum desiliens, *Experiri, inquit, volui, Fili, satin' scires, Consulem te esse.* Profectus hinc Consul Arpos oppugnare instituit ^c; eamque urbem nocturna invasione cepit; civibus colloquio magis quam armis, *ut Punicum praesidium emitteretur*, persuasis. Aeternum etiam Lucaniae oppidum (ita saltem videtur: nam fuit aliud ejusdem nominis in Piceno) a Sempronio Tuditano Praetore est expugnatum: dum in Brutiis etiam *Consentini & Thurini* in fi-

B b dem

^a Liv. Ibid. c. 43. ^b Ibid. c. 44. Val. Max. L. II. c. 2. ex. 4. ^c Liv. Ibid. c. 46.

dem Populi Romani redirent. Et plures rediissent, nisi *L. Pomponius Vejentanus* sociorum praefectus temere cum Hannone congressus & victus fuisset ^a.

In Hispania Scipiones, cum & multos veteres reciperent socios, & novos adjicerent, in Africam quoque spem extenderunt. Cum *Syphace* ergo Nunidarum Rege, qui Carthaginiensibus hostis factus fuerat, foedus fecerunt ^b: & ex tribus Romanorum legatis unus apud Syphacem permansit, qui Romano more militare pedites Numidas doceret. Contra *Gala Massylorum* in eadem Numidia Rex Carthaginiensibus se statim junxit: filiusque ejus *Masanissa* Syphacem magno praelio vicit. Sed (quod in transcurso notandum est) Syphax paulo post ex amico hostis Romanorum factus est: Masanissa vero constantissime deinceps eorum amicitiam coluit.

§. 28. *Gesta A.*
541.

§. XXVIII. Anno Urbis quingentesimo quadagesimo primo, quo Consules fuerunt Q. Fulvius Flaccus tertium, & *Ap. Claudius Pulcher* fraus scele-

^a *Liv. L. XXV. c. 1.* ^b *Id. L. XXIV. c. 48.*

scelerata *M. Postumii Pyrgensis*, qui cum Pomponio illo Vejentano, quem modo ab Hannibale captum diximus, publicum conduxerat, *Sp. & L. Carviliis* Tribunis plebis innotuit a. Hi, cum res necessarias mari ad exercitus portandas redemissent, & ementiti erant falsa naufragia; &, si quae facta erant fraude eorum facta erant, non casu: nam in veteres naves paucis & parvi pretii rebus impositis, cum merfissent eas in alto, *multiplices fuisse merces* ementiebantur. Carvili ergo ducentum millium aeris mulctam *M. Postumio* dixerunt; diemque ejus mulctae certandae. Sed publicani consilium plebis vi turbarunt: de quo cum Consules ad Senatum retulissent, *vimque eam contra Rempublicam factam esse* Senatus decrevisset, Carvili, omitta mulctae certatione, rei capitalis diem *Postumio* dixerunt: cumque non adfuisset, exilium ei, bonis publicatis, confirmatum est. Qui tumultum excitaverant, quidam in carcerem conjecti sunt; plerique in exilium abierunt.

Eodem anno *P. Cornelius Rufinus*

Bb 2

Prae-

a *Id. L. XXV. c. 3.*

Praetor ex *Marcii* carminibus, librorumque Sibyllinorum responso, *Iudos Apollinares peregrini hostis ex Italia pellendi causa* primus fecit a. Hinc *Sibulla* cognominatus dicitur; idemque postea corrupto vocabulo *Sulla* b; qui *Sullae Felicis* Dictatoris proavus fuit.

Effulgere quoque hoc anno in Republica coepit P. Cornelius Scipio, ille qui postea *Africauus* est dictus, Aedilis Curulis a Populo factus; licet ei legitima ad petendum aetas nondum esset c.

Sed, ut tandem ad administrationem bellicam hujus anni accedamus, cum Consules aegre delectum conficerent d, Senatus Triumviros binos creari iussit; *qui undique ingenuos, si qui roboris satis ad ferenda arma habere viderentur, milites facerent, etiamsi non militari aetate essent.* Nec tamen, licet inopia militum Respublica laboraret, Cannensis cladis, quae in Siciliam relegatae erant, reliquiis enixe, *ut pugnandi saltem cum hostibus copia ipsis fieret,* flagitantibus Senatus
Rem-

a Liv. lb. c. 12. b Maer. Sat. L. I. c. 17.

c Liv. d. l. c. 2. d Liv. lb. c. 5.

Rempubicam committendam censuit. Marcello tamen Proconsuli permisit, *faceret, quod e Republica fideque sua duceret : dum ne quis eorum munere vacaret : neu dono militari virtutis ergo donaretur : neu in Italiam reportaretur, donec hostis in Italia esset* ^a.

Hoc anno Tarentus urbs opulentissima ab Hannibale ex insidiis capta fuit. *Phileas* erat Tarentinus vir inquieti animi. Hic obsides Tarentinos, qui Romae in laxiore custodia habebantur, inde eduxit. Verum ex itinere retracti, & virgis caesi, de saxo dejecti sunt. Hujus atrocitas poenae praeter alios *Philemenum* quendam, nobilem Tarentinum, permovit, ut cum Hannibale consilia de prodenda ipsi urbe iniret patriae suae libertatem pactus, & Romani praesidii traditionem pollicitus ^b. Specie autem venandi, cujus rei cupidus jam olim noscebatur, cum saepe egregia captura, tam ferarum, quam praedae hostilis rediret, assueverat portarum custodes, ut quocunque noctis tempore sibilo signum dedisset, porta aperiretur. Rebus ita praepara-

Bb 3

tis

^a *Ibid.* c. 7. ^b *Liv. Ibid.* c. 8.

tis Hannibal castra propius Tarento admovit: Philemenu^aque portula asueta venationem interens armatos secum induxit; quorum ope effracta porta maxima agmen sub signis irrupit. Postridie Romana hospitia direpta sunt ^a; cum Tarentinis iussisset Hannibal, ut foribus nomen suum inscriberent. Inde arcem obsedit: sed cum in obsidione parum spei esse videretur, quamdiu mari potirentur Romani, Hannibal Tarentinorum naves, quae clausae portu a Romanis tenebantur, machinis admotis per terram in mare deduxit; & ante ipsum portum anchoras jecit. Nec tamen arcem expugnare potuit: quae retenta est, donec post tres annos Tarentum a Fabio reciperetur.

Interea, cum ambo Consules in Samnio essent, & circumfessuri Capuam viderentur ^b, Campanis de inopia frumenti quaerentibus diem, quo illud peterent, prodixit Hanno. Hec Beneventani, cum comperissent, Consulibus, enunciant. Ergo Fulvius Consul expedito agmine profectus castra Hannonis prima luce oppugnat: sed for-

^a Ibid. c. 10. ^b Ibid. c. 13.

fortius resistentibus Poenis absistendum esse; & jam revocabat copias, cum primus *Vibius* praefectus cohortis Pelignae; inde etiam *Valerius Flaccus* Tribunus militum signa signiferis adempta trans vallum hostium trahunt: (erat apud Romanas mortis poena constituta in milites, qui signa amisissent a) atque ita undique con-
nisi hostium castra irrumpunt, multisque caesis & captis ingenti etiam praeda potiuntur. Haec tamen victoria non fuit impedimento, quin *Thurini* & *Metapontini* ad Hannibalem defecerint, moti ira in Romanos ob obsides nuper interfectos b. *Flavius* quoque partis Lucanorum, quae adhuc cum Romanis stabat, Praetor non satis habens ipse transire, neque trahere ad defectionem Lucanos, Graccho Proconsuli persuadet, suo consilio omnium Populorum, qui ad Hannibalem defecerant, Praetores statuisse, in amicitiam Populi Romani redire; modo veniae impetrandae certos eos redderet. Ergo cum ipso Proconsule eos colloqui malle. Gracchum inde fraudem abesse ratum cum lictoribus atque una

Bb 4

modo

a Vid. Liv. L. II. c. 59. b Id. L. XXV. c. 15.

modo turma equitum in le-
 quio destinatum praegressus
 dias praecipitat: ubi undi
 hostibus circumfusus, pu-
 egregia edita, cum suis
 cujus morte tanquam exat-
 lones, qui vivo Graccho
 stipendia fecerant ab signi-
 runt ^a. Imo plura ad he-
 res Romana hoc eodem
 pit. *M. Centenius Pennula*
 centurio, modico exercitu
 impetrato, quo se & hosti-
 num peritum brevi opere
 facturum jactaverat ^b, (stolide
 magis promissum, lide
 creditum fuerit, incertum)
 Hannibalem aggressi fere
 sua multitudine perierunt
 vius denique Praetor in-
 tum impetu & sua stultitia
 cum Hannibale imprudenter
 conseruit ita ut ex duode-
 libus hominum, duo milia
 plus evaserint. Unde an-
 a Tribuno plebis *Sempronius*
 lionis accusatus Tarquin

^a Liv. *Ibid.* c. 20. ^b *Ibid.* c. 21.
^c *Ibid.* c. 21.

tum abiit a. Nec fracti tamen his cladibus Romanorum animi ; praefertim , quia Consules , ubi summa rerum esset , ad id locorum prospere gererent b. Imo Capuam, *Clandio Nerone* Praetore etiam accito, arctissima obsidione clausam oppugnarunt, Hannibale interim spe solvendae obsidionis Campanos lactante.

§. XXIX. At in Sicilia praeter §. 29. Sy- cetera egregie res gesta est, Syracu- *racusae* sis denique expugnatis c. Et primo *captas.* quidem Marcellus, cum nec vi posse capi videret urbem terrestri ac maritimo situ inexpugnabilem ; nec fame , quam prope liberi ab Carthagine commectus alerent , per transfugas proditionem composuit : sed , re ad Epicydem delata, conscii omnes cum cruciatu necati sunt.. Inde alia spes urbis potiundae excepit. *Damasippus* quidam Lacedaemonius, missus ab Syracusis ad Philippum Regem, captus a Romanis erat. De hujus redemptione cum ageretur (& jam tum *Aetolorum* , cujus gentis socii erant Lacedaemonii, amicitiam affectabant

Bb 5 Roma-

a *Id. L. XXVI. c. 3.* b *Id. L. XXV. c. 22.*

c *Ibid. c. 23.*

Romani, probe intelligentes bello
 avertius Philippum eam magno sibi
 muni fore) loco inter castra & urbem
 medio Romanus quidam numerando
 lapides muri altitudinem conjectura
 propemodum assecutus fuerat. Et op-
 portune transfuga nunciavit diem fe-
 stum Dianae per triduum agi, vi-
 numque largiter plebi divisum esse.
 Ergo moenia nocte scalis admotis in-
 gressi sunt Romani, portisque sub lu-
 cem contractis Marcellum cum omni-
 bus copiis immiserunt: qui ubi ex
 superioribus locis urbem omnium fe-
 re ea tempestate pulcherrimam consi-
 derasset, partim gaudio, partim co-
 gitatione, *momentis horae ea omnia ad*
cunctas rediens, illacrymasse dicitur.
 Sed ex pluribus quasi urbibus, portis
 etiam & maris distinctis, Syracusae
 contabant; *Acra* nempe, *Naso*,
 sive *Ἰνδία*, (*Dares* *Ἰνδον* pro *Ἰνδῶν* di-
 cunt) *Tyche* & *Neapoli*; unde *Tetra-*
polis, sive *quadruplex urbs*, quando-
 que veteribus dicitur ^a. Primo autem
 illo nocturno impetu Tychem tantum
 & Neapolim Marcellus ceperat ^b;
 mili-

^a Cic. in Verr. L. IV. c. 53. ^b Liv. Ibid.

militibusque diripienda dederat; quorum rapinis nullus ante modus fuit, quam omnia diuturna felicitate cumulatam bona egerere. Inde *Euryalus* arx est dedita; ad quam occupandam cum omnes averſi eſſent, claſſiſque Romana propter vim tempeſtatis ſtare ad anchoras non poſſet, *Bomilcar* noctu cum magna parte claſſis auſugit: partem majorem Epicydi & Syracuſanis reliquit: ſed cum centum navibus poſt paucos dies rediit. Marcellus vero Acradinam, ſpe ad inopiam omnium rerum incluſos redacturum, circumſedit. Et licet Himilco & Hippocrates cum Bomilcare & novis copiis reverſi eſſent, tamen ſatis contra omnia providit Marcellus. Acceſſit & peſtilentia: quae tamen magis Poenos, quam Romanos affecit; quod hi diu circumſedendo Syracuſas coelo aquisque aſſuerant magis. Ita ut Carthaginienſes cum ipſis Ducibus Hippocrate & Himilcone ad interneccionem omnes perierint ^a. Sed Bomilcar Carthaginem profeſtus cum maxima inde claſſe rediit: verum, poſtquam tendere ad ſe Romanas navas

^a *Ibid.* c. 27.

res vidit, Sicilia relicta Tarentum petiit. Epicydes, qui ad eum venerat, ut ad fortunam praelii navalis tentandam eum permoveret, tanta repente spe destitutus Agrigentum navigat. Tum demum legati ad Marcellum missi sunt, qui de pace agerent. Verum, cum illi impetrabilem satis Imperatorem Romanum invenissent, mercenarii ab Hispania milites pacem rursus turbaverunt; quod, ne Romanis traderent, metuerent: igitur arreptis cum transfugis simul, qui merito etiam sibi metuebant, armis Praetores multosque Syracusanorum, omnia, quae in promptu erant diripientes, obtruncant. Sed legati a Marcello reversi mercenariis, *nihil esse, quod sibi a Romanis metnerent* nunciarunt: imo unus ex eorum Praefectis *Mericus* stationem suam Romanis prodidit. Marcellus capta Naso & parte Acradinae receptui cecinit, ne regiae opes, quarum fama major, quam res erat, diriperentur. Mox transfugis spatio fugae dato, urbs ditissima Marcello tradita, & ab eo militi diripienda data est, tertio anno post-

postquam obsideri coepisset: in qua praedae tantum fuit, quantum vix capta Carthagine fuisset: illudque primum initium mirandi Graecarum artium opera Romanis fuit ^a. Archimedes dicitur in ipso tumultu captae urbis formis, quas in pulvere descripserat, intentus ab ignaro milite quis esset, interfectus fuisse; aegre ferente Marcello & memoriam ejus propinquosque honorante: quippe qui jam antea edixerat, ut capiti ejus parceretur ^b. Syracusis captis legati ex omni ferme Sicilia missi ad Marcellum venerunt. Civitates, quae, aut non desciverant, aut ante captas Syracusas in amicitiam redierant, ut focii fideles accepti: quos metus post captas Syracusas dediderat, ut victi a victore leges acceperunt. Inde etiam Hannonem & Epicydem bellum reparantes fundit; & victor Syracusas revertitur.

§. XXX. In Hispania, ubi per ^{§. 30. Res} biennium nihil admodum memoria ^{Hispanias.} dignum erat gestum ^c, Scipiones, cum triginta millia Celtiberorum sibi jun-

^a *Ibid.* c. 3. ^b *Val. Max.* L. VIII. c. 7. ex 7. *Plut. Marcell.* p. 308. ^c *Liv.* L. XXV. c. 32.

junxissent, debellari posse credebant. Ergo vires ita dividunt, ut P. Cornelius duas partes copiarum, Cneus tertiam haberet, cum auxiliis Celtiberorum. Cum his Hasdrubal magna mercede paciscitur, ut copias abducerent, & domestico bello se avocari ad sua defendenda praetexerent. Egregium omnibus documentum, *ne ita externis credant auxiliis, ut non plus sui roboris, suarumque proprie virium in castris habeant* a. Sed sustentare nihilominus hostes potuisse videtur, nisi interim etiam frater Scipionis Publius in praelio adversus *Indibilem Suesetanorum* regulum, quem prohibere voluerat, ne se Poenis jungeret, cum maxima exercitus parte cecidisset. Verum jam duplicato Carthaginienſium exercitui impar etiam ipse victus & occisus est: licet de genere mortis ejus non satis constet, cum quidam primo hostium impetu eum caesum dixerint: alii, perfuisse in turrim, ibique cum fores exuſſissent Poeni fuisse interfectum b. Periisse jam Romanis videbantur Hispaniae, cum L. Marcins eques Romanus

a Ibid. c. 33. b Ibid. c. 36.

manus fortiter provincias eas conservavit ; collectisque ex fuga militibus , quibusdam de praesidiis deductis , & junctis copiis antea divisis , haud contemnendum exercitum fecit : suffragiisque militaribus summa imperii ad eum delata fuit. Et tantum animorum hoc militibus addidit , ut non tantum Hasdrubalem reliquias exercitus Scipionum aggredientem repulerint ; sed ut etiam bina hostium castra nocte ac die expugnaverint , hostibus ubique , velut omni metu abjecto securius agentibus ^a. Quibus cladibus invicem illatis quietae aliquamdiu res in Hispania fuere. Senatui tamen non placuit , quod Marcius imperio , non Populi jussu , non ex auctoritate Patrum dato , *Propraetor Senatui* , scripserat : nec , *Propraetori L. Marcio* , rescribi placuit ^b.

§. XXXI. Anno Urbis quingentesimo quadragesimo secundo omnis vis ^{§. 31. Gesta A. 542.} belli in Capuam vertebatur ^c : ubi , cum Campani equestribus praeliis saepe victores essent , cum pedestribus vince-

^a *Ibid.* c. 39. ^b *Id.* L. XXVI. c. 2. ^c *Ibid.* c. 4.

THE UNITED STATES OF AMERICA
 DO hereby certify that
 the within and foregoing is a true and correct
 copy of the original as the same appears
 in the records of the Department of the Interior
 at Washington, D. C.
 IN WITNESS WHEREOF, the Secretary of the Interior
 has hereunto set his hand and the seal of the
 Department of the Interior at Washington, D. C.
 this 1st day of January, 1901.
 SECRETARY OF THE INTERIOR

certas facit ^a. Hoc nuncio Romam
 ellato Q. Fulvius Proconsul literis
 Senatus monitus, relicto ad Capuam
 collega Ap. Claudio, cum parte exer-
 citus Romam contendit, ubique cir-
 ca viam expositis benigne commeati-
 bus exceptus, cum milites interea
 alius alium, *ut adderet gradum, me-
 mor ad defendendam ire patriam horta-
 rentur*. Romae interea matronae un-
 dique in publicum effusae, crinibus
 passis saras verrentes, Deorum opem
 implorabant. Senatus in foro magi-
 stratibus praesto est, si quid consule-
 re velint; ac praesidia undique locis
 opportunis ponuntur. Inter haec Han-
 nibal ad Anienem fluvium tribus mil-
 libus passuum ab Urbe castra admo-
 vit ^b: cumque pugna commissa Con-
 sules etiam transfugas Numidarum,
 qui tum in Aventino ad mille & du-
 centi erant, eo ire iussissent, atque
 illi per mediam urbem decurrentes
 visi essent, tantum terrorem prae-
 buerunt, ut, nisi castra Punica ex-
 tra Urbem fuissent, effusura se omnis
 pavida multitudo fuerit. Sed secundo
 equestri praelio summoti sunt hostes.

C c

Postri-

^a *Ibid.* c. 8. ^b *Ibid.* c. 10.

Postridie & item tertio die, cum accies instructae starent, foedissima tempestate diremptae sunt: ita ut in religionem ea res apud Poenos verteretur, diceretque Hannibal, *peritundae Urbis Romae modo mentem sibi non dari, modo fortunam.* Aliis etiam rebus spes ipsius minuta est: ut cum audivit, *milites sub vexillis in supplementum Hispaniae profectos dum ipse Urbi assideret: quodque per eos dies ageretur, in quo castra habebat, venerit, nihil ab id diminutio pretio.* Ergo castra non tantum ab Urbe (intra cuius muros jam hastam emiserat. Plin. *H. N.* XXXIV. 6.) sed ad ipsum fretum Siculum retulit. Inde Campanis animus fractus est ^a; & Capua Romanis data; postquam Vibius Virius, qui defectionis ab Romanis auctor fuerat, cum viginti septem Senatoribus venenum sumpisset. Senatores reliqui, quidam *Teanum*, plures *Cales* in custodiam missi sunt. Cumque facilis impetrandae veniae Claudius, durioris sententiae Fulvius auctor esset, Appiusque rem ad Senatum rejiciendam censeret, Fulvius cum duobus millibus

^a *Ibid. c. 12.*

bus equitum noctu Teanum profectus Campanorum captivos securi percussit: idemque mox supplicium de iis, qui Calibus erant, sumpturus proficiscitur. Hic, cum producti Campani deligarentur ad palum, comes citus ab Roma veniens literas a Praetore ipsi tradidit: quas cum non resolutas in gremio reposuisset *lectorem lege agere*, jubet; peractoque demum supplicio Senatusconsultum, quo illud prohibebatur, inspexit. Inde octuaginta adhuc Campani Senatores interfecti a: trecenti ferme nobiles Campani in carcerem conditi: alii per sociorum Latini nominis urbes in custodias dati variis casibus interierunt. Multitudo alia civium Campanorum venundata. Urbs tectis servatis aratorum opificiumque sedes facta: & ager omnis tectaue publica Populo R. addicta. Corpus autem nullum civitatis incolis permissum: nec Senatus, nec plebis consilium, nec magistratus. Praefectus tantum juri reddendo quotannis Capuam missus fuit. Cumque de hac severitate Romae questi essent Campani, addi-

C c 2 tum

tum potius aliquid ei, quam demptum fuit ^a.

§. 32. *Res
Hispaniae.*

§. XXXII. Hinc Claudius Proconsul cum exercitu in Hispaniam profectus est ^b : & fauces saltus in quo castra habebat Hasdrubal occupavit. Hasdrubal caduceatore misso pollicitus est, *si inde mitteretur, se omnem exercitum ex Hispania abducturum* : quod laeti acceperunt Romani. Sed, dum aliquot dies de legibus palam disceptando absomit, interea noctu per partes exercitum ex saltu emit- tit : & demum nubiloso die observa- to, feriatum Carthaginensibus esse caussatus, colloquium differt ; & sine ullo tumultu cum equitibus & ele- phantis in tūtum evadit, nequicquam eum insequente Nerone. Hispaniae tamen populi, qui defecerant, ad Romanos redibant : nec ulli novi de- ficiebant. Romae, cum Proconsulem creari placuisset, qui in Hispaniam mitteretur, nec quisquam nomen suum profiteretur, progressus subito P. Cornelius illius, qui in Hispania ce- ciderat, filius, quatuor & viginti ferme annos natus, se petere professus est,


^a Liv. lib. c. 34. ^b Ibid. c. 17.

est, summoque consensu, *imperium ei esse in Hispaniam* Populus iussit. Cujus Scipionis tanta fuit virtus, ut, *divinae stirpis virum esse* vulgo crederetur: quam suspicionem arte quadam etiam augebat. Nec minorem famam apud hostes in Hispaniam intulit.

§. XXXIII. In Graecia *M. Valerius Laevinus* cum Aetolis, qui spe *§. 33. Res Graeciae.* *Acarnaniae* potiundae ducebantur, adversus Philippum Regem faedus pangit a; quod *offensivum & defensivum* dicerent hodie Latinoglossomastiges. Eoque foedere Romanis promissum fuit, *daturus operam, ut urbes Corcyra tenus ab Aetolia incipienti, & Acarnaniam Aetoli haberent: praeda omnis Romanorum esset.* Praeterea *Zacynthum, Oeniadas, Nasumque Acarnanum* captas Aetolis contribuit: dum Philippus ab altera parte, ut fines, dum in Graeciam proficiscitur, quietos haberet, vicinos comprimere studet. Sed legationibus Acarnanum, quos premebant Aetoli, bellum id omittere coactus est: & rursus reditu Aetolorum ex Acarnania audito &

Cc 3

ipse



[The page contains extremely faint, illegible markings and bleed-through from the reverse side.]

natus legatis auditis, *rata habenda esse, quae egisset Marcellus* decrevit: *mandaturum tamen Senatum Laevino Consuli, quod sine jactura Reipublicae fieri posset, fortunae ejus civitatis consuleret.* Legati porro perbenigne appellati suppliciter veniam a Marcello petierunt, *utque urbem Syracusas in fidem clientelamque reciperet.* Hinc Marcelli postea *Patroni Siciliae* appellati sunt; & festum *Marcelléa* in eorum honorem est celebratum ^a. Inde, cum stipendium militi, homines supplemento remigum deessent, plebsque exhausta aperte utrumque onus recusaret ^b, ex sententia Laevini Consulis Senatores voluntaria collatione ex templo omne aurum, argentum, aësignatum ad *Triumviros mensarios* in usum Reipublicae summo studio contulerunt: consensum eum Senatus equester ordo est secutus, equestris ordinis plebs.

Hoc anno Hannibal, cum videret Capuae expugnatae exemplum multorum Italiae populorum animos a se avertisse ^c: nec praesidiis omnes te-

C c 4

nere

^a Cic. L. II. in Verr. c. 21. ^b Liv. d. l. c. 35.
^c Ibid. c. 38.

nere posset, ad spolianda, quae tueri nequibat, inclinavit: quo facto non tantum eorum, qui indigna patiebantur, alienabantur animi; sed etiam aliorum, ad quos illud exemplum pertinebat, Sed praeter omnes alios meretur notari casus urbis Salapinae (*Apuliae oppidum Hannibalis meretricio amore inclitum* vocat Plinius *Hist. Nat. L. III c. 11.*) cum praesidio Punico Marcello traditae. Principes ejus urbis, *Dasius* Hannibalis, *Blasius* Romanis amicus erat. Hic urbem Marcello prodere cupiens sine Dasio tamen adju tore transigere rem non poterat. Ergo, cum eum de prodicione appellasset, hic Hannibali rem aperit. Cum vero Hannibal utrumque arcessivisset, dum aliud quid pro tribunali agit, Blasius iterum ad prodicionem Dasium sollicitat ^a. Hic autem, velut in re manifesta, exclamans nemini tamen fidem fecit: sed quo audacior res erat, minus similis veri visa est; *aemulationemque profecto atque odium esse*, judicabant. Ita deinde dimissi sunt: nec Blasius abstinit tam audaci incepto, donec pervicit, ut
urbs

^a Vid. simile quid ap. Tac. *Anu. XV. 58. f.*

urbs traderetur. Quod tamen sine certamine fieri non potuit: cum longe fortissimi equitum toto Punico exercitu ibi in praesidio essent. Nec deinde unquam Poenus, quo longe plurimum valuerat, equitatu superior fuit. Inde Marcellus *Maroneam* & *Meles* de Samnitibus vi cepit ^a. Verum post paucos dies Cn. Fulvius Proconsul ad *Herdoneam*, Hirpinorum prope fines Apuliae oppidum, incautius agens ab Hannibale, qui magnis itineribus ex Brutiis eo contenderat, cum exercitu fusus fuit: ipse Fulvius cum duodecim tribunis militum cecidit. Herdoneam, quod defecturam eam fuisse ad Romanos sciret, incendit occiditque principes, qui cum Fulvio occulta colloquia habuisse comperti sunt. Qua clade nihil territus Marcellus Hannibalem ad *Numistronem* in Lucanis superatum recedere coëgit: atque inde per Apuliam exercitum ducentem persecutus levibus aliquot praeliis, quae ferme omnia Romanis secunda fuerunt, vexavit: dum Flaccus Proconsul, Campanorum conjuratione

Cc 5

com.

^a Liv. L. XXVII. c. 1.

comperta, omnes, qui in noxa erant, necari curat: amicitia etiam eo anno cum Syphace Rege firmata a : & legati Alexandriam ad renovandam cum *Ptolemaeo Cleopatraque* regibus amicitiam missi. Sub finem anni, cum Consul Laevinus ex Sicilia ad comitia habenda revocatus esset, literae a *M. Valerio Messala* praefecto classis, quem speculatum praedatumque in Africam Laevinus miserat, de ingenti, Poenorum ad bellum apparatu allatae sunt; ita, ut Dictatore comitiorum habendorum causa dicto extemplo in provinciam redire Laevinus juberetur. Cumque Consul, se *M. Valerium Messalam* in Sicilia dicturum affirmasset, plebiscito jussus est, *Q. Fulvium*, qui tum ad Capuam erat, Dictatorem dicere. Sed Valerio clam in Siciliam profecto a collega ejus Marcello dictus est: qui *Q. Fabium Maximum quintum*, *Q. Fulvium Flaccum quartum* Consules creavit: Tribunis plebis nequicquam magistratus continuationem prohibentibus.

§. 35. Res
Siciliae.

§. XXXV. In Sicilia Laevinus
Con-

a Ibid. c. 4.

Consul, postquam res Syracusanas nova pace inconditas composuisset a; Agrigentum *Mutinae* Numidarum Praefecti proditione cepit; cui *Mutinae* ex invidia imperium eripuerat Hanno. Sed hic jam cum Epicyde relicta Romanis Sicilia in Africam trajicit; quae mox universa in Romanorum ditionem concessit: & in provinciae formam redacta *horreum Populi Romani* dici coepit b. Cato *cellam penariam reipublicae Romanae*, & *nutricem plebis* vocavit c: Cicero denique *Siciliam, Sardiniam, Africam tria frumentaria subsidia Reipublicae* d. Quod autem hoc tempore Siciliam provinciam factam dicimus, de universa Sicilia est intelligendum, Hieronis etiam regno comprehenso: nam post primum bellum Punicum pars Siciliae, quae Poenis erepta erat, jam in provinciae formam erat redacta e. Quod ergo quidam Sardiniam primam Populi Romani provinciam factam fuisse dixerunt patet intelligendum

a Liv. L. XXVI. c. 40. b Strabo L. VI. n. 273. c Cic. Verr. L. II. c. 2. d pro L. Manil. c. 12. e Vid. S. L. II. c. 2. §. 3. & 6. Vell. Paterc. L. II. c. 38.

peruenit ad urbem in habitu adulescentis
Siciliam. non ut eius partem a.

1. 1. 1.

1. 1. 1.

1. 1. 1.

XXV. In Hispania Scipio i
nam Carthaginem Novam, Pae
nam in ea provincia caput, oppugna
re incipit: et ibidem cum oppugnantem,
consequente oritur totius Hispaniae
irruentia. Tum, quae Scipioni qui
dem maxime erat, opportune ti
tum ut militem in Africam transien
tum. Ceteris autem urbem in laebris
per magnam ducis: unde aqua re
m et ad remotionem erat abstraxi
similique praedia magni & maximo illo
apparatu bellico potius est d. Obli
ces denique allocutus fuit quoque re
ferentibus civibus. Mulieres interea,
cum ad urbem, spectatae integri
tate viri praedicti: quaeque haud le
cis verecundiae ac modestiae, quam ho
spanum coniuges ac matres habent. E
rat inter eas virgo egregia for
ma a multis ad Scipionem, ut de
praedia cum eximiam haberet ducem e.
At Scipio statim ut audivit Aliae
principi Carthagerum adulescenti de
pon-

a Vid. Gr. Pannin. de Imp. R. c. 14. b Liv.
Ibid. c. 42. c Ibid. c. 45. d Ibid. c. 47. 49.
e Ibid. c. 53.

sponsatam parentibus sponsaque ab domo accitis eam reddidit: addiditque sponso dotalia dona, satis magnum auri pondus, quod ad redimendam virginem parentes ejus domo attulerant ^a. His laetus donis adolescens brevi cum delectis M & CCCC equitibus ad Scipionem rediit: qui amicum *C. Laelium* cum Magone Poenorum duce, & quindecim Senatoribus, qui simul cum eo capti erant, nuncium victoriae Romam misit. Et cum aliquot dies exercendis navalibus pedestribusque copiis absumpsisset, *Tarraconem*, quo conventum sociis edixerat, profectus est.

§. XXXVII. Anno Urbis quingen- §. 27. *Ge-*
tesimo quadagesimo quarto Latini ^a *As A. 544.*
liique socii fremere in conciliis coeperunt ^b, „ se jam decimum annum
„ stipendiis & delectibus exhauriri;
„ multos in acie, multos morbo absumi;
„ octavum jam annum in Sicilia
„ senescere Cannensem militem; si
„ quotannis novi legantur, veteres
„ non redeant, brevi neminem super-
„ futurum. Itaque, antequam ad
„ ul-
ti-

^a *Polyb. L. X. c. 19.* ^b *Liv. L. XXVII c. 9.*

„ ultimam solitudinem perveniant;
 „ delectum esse negandum. De pace
 „ profecto cogitaturos esse Roma.
 „ nos, si consentientes in hoc socios
 „ viderint. ” Ita duodecim ex tri-
 ginta coloniis Populi Romani nega-
 verunt, *esse unde milites pecuniamque*
darent. Reliquiae duodeviginti, *quis-*
quid imperaretur, emixe facturos, lar-
 giter promiserunt, iisque solemni maxi-
 me modo & in Senatu, & apud Po-
 pulum gratiae actae: reliquarum ul-
 lam mentionem, ita ut nec dimitte-
 rentur, nec retinerentur, fieri Patres
 vetuerunt. Ea tacita castigatio maxi-
 me ex dignitate Populi Romani visa
 est. Consulibus aurum vicefimarium,
 quatuor millia pondo auri, quod in
 sanctiore aerario ad ultimos usus ser-
 vabatur, promptum est. Inde ad bel-
 lum profectus Fabius (quem Sempro-
 nius Censor ejus anni modo Principem
 Senatus legerat, *vel Hannibale iudice se*
hoc facturum professus) scribit ad Mar-
 cellum, *detineret Hannibalem, dum*
ipse Tarentum oppugnaret; qua urbe ho-
sti adempta, nihil habiturum, ubi in I-
talia consisteret a. Iis literis excitatus
 Mar-

a Liv. *Ibid.*, c. 12.

Marcellus , qui jam sponte sua avidissimus pugnandi erat , & in animum induxerat , *neminem ducem Romanum tam parem Hannibali , quam se , esse* , castra contra Hannibalem movet ; totisque copiis cum eo pugnat ; sed ita , ut aequo Marte discederetur. Postridie vero ab Hannibale vincitur. At militibus gravissima oratione castigatis tertium eos in aciem educit , ita ut mirabundus Hannibal , *cum eo sibi hoste rem esse* , diceret , *qui nec bonam , nec malam ferre fortunam posset* ^b. Ea-que pugna Hannibalem multis caesis in castra compellit ; cujus aciem etiam elephanti maxime turbaverant , cum pilis in eos confertim coniectis in fugam versi essent. Nocte proxima Hannibal Bruttios petiit : sed undique ejus res in Italia jam retro cedebant. Fulvius enim alter Consul Hirpinos , Lucanos , Volscientes praesidiis Hannibalis traditis in deditionem recipit. Fabius vero *Manduria* in Salentinis vi capta Tarentum obsidet. Forte autem praefectus praesidii Bruttiorum , quod Hannibal Tarentinis dederat , captus erat amore mulierculae ,

a *Ibid.* c. 14, *Plut. Marc.* p. 313.

lae, cujus frater in exercitu Fabii militabat: hic blanditiis muliebribus permotus locum, cujus custodiae erat praepositus, Romanis prodit; qui ita ingenti praeda & Syracusanam fere aequante potiti sunt. Sed generoso animo ea abstinuit Fabius, interrogantique scribae, *quid fieri signis vellet?* (ingentis magnitudinis Dii erant, suo quisque habitu in modum pugnantium formati) *Deos iratos Tarentinis relinqui* jussit. Murum inde, qui urbem ab arce dirimebat, disjicit. A Metapontinis mox arcessitus fuit, tanquam se ipsi tradituri essent: sed fraus Hannibalis suberat; quae irrita fuit; quod auspicanti Fabio auspex, ut insidias caveret praedixerat.

§. 38. *Res Hispaniae.*

§. XXXVIII. Hasdrubal in Hispania cernens, quotidie res Romanorum tacitis incrementis augescere, dum multi Hispanorum ad eos transeunt ^a, dimicare quamprimum statuit: nec recusavit Scipio. Ergo ad *Baeculam* urbem ad manus ventum est; & victus Hasdrubal praemissis elephantis ad Pyrenaeum tendit ^b.

Scipio,

^a Liv. lb. c. 17. ^b lb. c. 19. Polyb. L. X. c. 36.

Scipio , ut solebat , Afris captivis venditis Hispanos sine pretio omnes domum dimisit : quo facto tantum sibi amorem conciliavit , ut a circumfusa Hispanorum multitudine *Rex* appellaretur ^a. At averſatus eſt Scipio regium nomen alibi magnum , Romae intolerabile ; *nomenque Imperatoris , quo ſe milites ſui appellaffent , maximum ſibi eſſe* , dixit. Inter captivos Afros vero puerum adultum invenit *Maſſivam* nomine Maſiniſſae ſororis filium : quem donis ornatum & laetum ad ſuos dimiſit ^b. Reliquum aetatis recipiendis in fidem Hispaniae populis abſumpſit. Hoc circiter tempore etiam videtur eveniſſe egregium exemplum fiduciae Scipionis : cum nempe oppidum *Badium* nomine obſideret , & juſ quodam die in caſtris ſedens diceret , litigantibus *vadimonium in diem perendinum in arcem iſtius oppidi promittere* juſſit : & die tertio , in quem *vadari* juſſerat , in arce ejuſdem oppidi juſ dixit ^c. Poenorum interim duces *Hasdrubal Giſgonis* filius

D d

^a Polyb. *Ibid.* c. 35. ^b Polyb. *Ibid.* c. 18. & 37. ^c Val. Max. L. III. c. 7. n. 1. Plut. *A. pophth.* p. m. 196. Gelh. L. VII. c. 1.

lius & Mago ad Hasdrubalem Hannibalis fratrem de bello consulturi cum venissent, placuit, ut dum Hasdrubal Gisgonis cum exercitu penitus in *Lusitaniam* abiret, Mago in *Baleares* ad conducenda mercede auxilia trajiceret. Haec eo anno in Hispania acta a.

§. 39. *Ros*
A. U. 545.

§. XXXIX. Sub finem ejusdem anni Marcellus a *Bibulo* Tribuno plebis accusatus est ducti data opera cum Hannibale belli, quippe qui exercitu suo his caeso aestiva *Venusiae* sub tectis ageret. Hic vero commemoratione rerum suarum Tribunum ita obruit, ut non rogatio solum de imperio ei abrogando antiquaretur; sed postero die cum ingenti consensu Consul crearetur, addito collega *T. Quinctio Crispino*, qui tum Praetor erat. Marcellus, antequam etiam Consulatum iniret, exercitu ex *Apulia* accito *Hetruscos* bellum cogitantes oppressit: & anno sequente *C. Hostilius Tubulus* obsidibus ab *Aretinis* captis quiescere eos coëgit b.

Ergo Anno quingentesimo quadragésimo quinto ambo Consules ad bellum

a Liv. L. XXVII. c. 20. b Liv. Ib. c. 24.

lum cum Hannibale! profecti sunt : quibus cum sese haud parem futurum crederet Hannibal ad suas artes conversus insidiis locum quaerebat. Et primo quidem partem Tarentini praefidii a , quae *Locros* oppugnatum ducebatur, in itinere locatis insidiis intercipit. Inde tumulum sylvestrem, qui inter sua & Consulum castra erat, clam noctu occupat. Consules vero ejus rei ignari cum equitibus haud amplius ducentis & viginti ad eundem collem (nam castello eum firmandum esse plerique censuerant) exploratum proficiscuntur : cumque in insidias devenissent , Marcellus quidem cum plerisque suorum caesus est; Crispinus vero duobus jaculis ictus aufugit; & paucos post dies ex vulnere mortuus est b. Hannibal autem Marcelli annulo simul cum corpore potitus, fuerat c : eoque literas Marcelli nomine compositas obsignaverat : quibus *Salapitanis* mandabat, se nocte proxima *Salapiam* venturum. At jam Crispinus proximas civitates monuerat, ne quibus literis Marcelli

D d 2

nomi-

a *Ibid.* c. 26. b *Ibid.* c. 33. *Plut. Marc.* p. m. 315. c *Liv.* d. l. c. 28.

nomine compositis crederent. Salapitani itaque sexcentis ferme intromissis cataractas dejecerunt; atque inde reliquos absterruerunt a muris. Re igitur infecta discedens Hannibal *Cincium* Propractorem, qui Locrorum urbem summa vi oppugnabat, obsidionem solvere coëgit.

Hac aestate etiam M Valerius Proconsul in Africam trajiciens agros vastavit: & dum revertitur bene cum classe Punica pugnavit ^a.

§. 40. Res
Graeciae.

§. XL. In Graecia Philippus Achaëis adversus *Machanidam* Lacedaemoniorum tyrannum & Aetolos opem ferens bis prospero eventu pugnavit ^b. Venerunt quidem legati ab Rege Aegypti *Ptolemaeo Philopatore*, *Rhodiis*que & Atheniensibus & *Chiis* ad dirimendum inter Philippum & Aetolos bellum: sed Aetoli adventu *Attali* Asiae Regis & classis Romanae ferociores facti victori Philippo conditiones pacis ultro tulerunt: quod indigne ferens Rex dimisso concilio ad *Nemaeos* ludos celebrandos discessit. Et obiter repulsis Romanis, qui inter *Corinthus* & *Sicyonem*

^a Liv. *Ibid.* c. 29. ^b Liv. *Ibid.* sqq.

cyonem agros vastabant, ad ludos reversus per flagitia Regio more eos celebravit. Inde Achaeorum auxiliis instructus ad *Elim* (*Elei* a ceteris Acheis hoc bello seorsim sentiebant) cum Eleis, Aetolis, Romanisque, quos iis accessisse ignorabat, pugnavit: nec nisi fuga summum periculum evasit; & paulo post nuncio de irruptione barbarorum in Macedoniam accepto hoc bellum omittere coactus est.

§. XLI. Anno Urbis quingentesimo §. 4 L. *Res*
 mo quadragesimo sexto T. Manlius A. 546.
 Torquatus, quem paucis ante obitum diebus Crispinus Consul Dictatorem dixerat, Consules creavit C. Claudium Neronem ^a, & M. Livium, qui postea *Salinator* dictus est; quod vectigal novum *ex sataria annona* in Censura statuisset ^b. Hic ante duodecim annos damnatus fuerat, quod praedam Illyricam inique divisisse diceretur; ut notatum est *supra ad finem* §. 3. atque inde omni coetu hominum caruerat. Itaque etiam nunc non nisi omnibus adnixis Consulem se creari passus est: & auctore Senatu cum col-

D d 3 lega

^a Liv. Ib. c. 34. ^b Vid. Ib. c. 29. & 37.

lega Nerone, cum quo capitales inimicitias exercuerat, in gratiam rediit. Inde terrore belli duplicato (nam jam descendisse in Italiam Hasdrubal nunciabatur) delectus acrius, quam unquam habitus fuit ^a; plerumque etiam coloniarum vacationibus neglectis. Ordinandi exercitus potestatem liberam Senatus Consilibus fecit: quo facto statim in provincias exierunt ea mente, ut hostes in unum vires conferre non paterentur, & Claudius quidem Hannibali, Livius Hasdrubali oppositus fuit. Opportunum autem evenit, ut tardius ex hibernis moveret Hannibal, qui haud quaquam tam maturum fratris transitum expectaverat recordando, quae ipse in transitu Alpium per quinque menses exhausisset. Transiit tamen omni spe celerius & expeditius Hasdrubal; sed obsidendo verius, quam oppugnando Placentiam tempus trivit. Ipsius Hannibalis porro exercitui C. Hostilius Tubulus terribilem tumultum intulit, quatuor millibus ex eo occisis: sed maiore mox clade ab ipso Claudio ad *Grumentum* Lucaniae urbem

a *Ibid.* c. 38.

urbem afficitur a ; ubi supra octo hostium millia occisa dicuntur. Hannibal inde castris praedae relictis noctu in Apuliam contendit, nusquam vestigiis ejus absistente Nerone.

§. XLII. Verum inter haec literae §.42. *Egregia Neronis adversus Hasdrubalem expeditio.*
 ab Hasdrubale ad Hannibalem missae a Claudio Consule intercipiuntur; quibus in Umbria se fratri occursum significabat c. Hic Nero audax consilium cepit cum sex millibus pedum & mille equitibus de toto exercitu delectis citatissimo itinere ad collegam tendendi; literis ad Senatum scriptis, ut interim tutelae Urbis provideret: nec ante consilium militi suo aperuit, quam jam satis longum intervallum ab hoste fecisset c. Praemiserat autem, qui nunciarent, ut ex agris urbibusque commeatus paratos militi ad vescendum in viam deferrent; equos jumentaue alia producerent, ut vehiculorum fessis copia esset. Cuncta ea summa alacritate curata sunt: & agmen etiam in ipso itinere voluntariis auctum. Nocte clam castra collegae, quae ad *Senam* erant, ingressus Claudius ita excipitur, ut

Dd 4 castra

a *Ib. c. 41. fq.* b *Ib. c. 43.* c *Ib. c. 45.*

castra dilatari nihilopus foret. Postridie Nero summa ope orare institit, *ut confestim signum pugnae proponeretur, ne consilium suum, quod tutum celeritas fecisset, temerarium morando facerent.* Hasdrubal anxius, *quod putaret, non nisi profligato Hannibale Consulem provincia sua excedere fuisse ausum, statim vigilia prima inde discedere coepit: sed desertus ab itineris ducibus haud multum processit.* Ergo, postquam pugnandum vidit, acie ad *Metauri* fluminis ripam instructa, Romanos excepit: sed toto fere exercitu amisso, (quoniam nihil spei restare cerneret) ne cladi superesset, in cohortem Romanam se immisit: & ibi, ut tantis ducibus patre fratreque dignum erat, fortiter pugnans cecidit: quinquaginta sex millia hostium hoc praelio occisa; octo ferme Romanorum sociorumque interfectis. Ita ut tanta satias caedis atque sanguinis victores ceperit, ut postero die Gallos Liguresque, quos temere abeuntes una equitum ala immissa delere potuisset, *supereffe nuncios & hostium cladis & Romanae virtutis siverint.*

Majus

Majus quam unquam gaudium hujus victoriae nuncius Romae fecit ^a: atque ita statum civitatis movit, ut jam inde haud secus, quam in pace, civilia quaevis inter se negotia gerere, & contractus celebrare auderent. Nero ea nocte, quae pugnam secuta est, citatiore quam venerat, agmine reversus die sexto ad stativa sua pervenit, caputque statim Hasdrubalis ante hostium stationes projici jussit. Hannibal tanto ictus luctu, *agnoscere se fortunam Carthaginiis* fertur dixisse: atque ita, contractis omnibus, quae poterat, copiis, in Bruttium agrum, extremum Italiae angulum, concessit. Sub finem aestatis Consuli utrique ex provincia evocato Senatus frequens triumphum decrevit ^b: sed inter eos ita convenit, *ut quoniam in provincia M. Livii, & ejus auspiciis res gesta foret; quodque Livius cum exercitu Romam venisset, Claudius exercitum de provincia deducere non potuisset, M. Livium quadrigis Urbem ineuntem milites sequerentur, C. Claudius equo sine militibus inveheretur* ^c. Livius pecuniae

Dd 5

^a Ibid. c. 51. ^b Liv. L. XXVIII. c. 9.

^c Val. Max. L. IV. c. 1. ex. 9.

niae in aerarium tulisse Consules dicit, *sestertium tricies: octoginta millia aeris*. Sunt Philippaeorum 75800. Polybius vero *L. XI. trecenta talenta*, Philippaeorum 180000., & amplius.

§. 43. Res
Hispaniae.

§. XLIII. In Hispaniam Hanno novo cum exercitu transgressus, & Magoni junctus par priori bellum renasci fecit. Sed a *Silano* Scipionis legato victus est peropportuna victoria: cum ingens bellum excitare potuisset, si Celtiberorum gentem excire & ad arma sollicitare populos Poenorum ducibus licuisset. Ita Scipio spem debellandi nactus adversus Hasdrubalem Gisgonis pergit: qui statim exercitum omnem passim in civitates dimittit. Ita dissipato bello Scipio per fratrem *Lucium Oringiu* urbem iis partibus opulentissimam expugnat: &, fratre cum Hannone ceterisque nobilibus captivis Romam missis, in hiberna concessit. Et mari etiam Laevinus Proconsul classem Punicam fudit fugavitque ^a.

§. 44. Res
Graeciae.

§. XLIV. Philippum Regem *Demetriade* adierunt legati Acarnanum, Achaeorum, Boetorum, aliorumque
Grac-

Graeciae Populorum , querentes de injuria animisque Aetolorum Romana Attalique Regis societate fidentium ^a. *Thraces* simul Illyriique imminere Macedoniae nunciabantur. Philippus, quantum quidem fieri potuit , statim omnibus rebus locisque providit : nec prohibere tamen potuit , quin *Orenm* munitam *Euboeae* urbem *Platoris* , qui a Philippo illi urbi praepositus fuerat , proditione caperent Romani & Attalus : qui mox etiam *Chalcidem* ejusdem Insulae urbem , sed frustra , tentarunt. *Opuntiorum* vero urbem cepit ^b : quam accurrens celeriter Philippus recepit , dum Attalus vix fuga elaberetur : qui mox , audito , *Prusiam Bithyniae* Regem in fines suos transgressum , in Asiam trajecit. Mox Philippus *Thronio* Locrorum *Epicnemidiorum* urbe , aliisque ignobilioribus potitus Eleis , quos minabatur Machanidas , auxilio profectus est : inde varia itinera ad firmandos in fide Graecorum animos suscipit , frustra classem Poenorum expectans.

§. XLV. Anno Urbis conditae §.45. Res
quin- A.U. 547.

^a *Ibid.* c. 5. ^b *Liv. Ibid.* c. 7.

quingentesimo quadragésimo septimo Consules fuerunt *Q. Caecilius Metellus*, *L. Veturius Philo*, creati maxime hortatu Livii, qui ad comitia habenda Dictator factus egregiis eos laudibus ob res in legatione se Consule bene gestas extulerat ^a. Hi Senatu jubente, cum jam sine metu rursus in agris, qui cultoribus erant destituti, habitari posset, plebem eo remigrare compulerunt: cujus rei mentio primum a legatis *Placentinorum* & *Cremunensium* facta fuerat; qui se res suas ob infrequentiam colonorum adversus Gallos tutari non posse fuerant questii. Itaque etiam horum civibus, ut in colonias suas reverterentur, editum fuit ^b. Cum Hannibale hoc anno nihil gestum fuit; qui exercitum suum in agro Bruttio mira industria, cum ab domo nihil mitteretur, sustinebat: nec minore diligentia in omnium saepe rerum inopia seditiones in exercitu ex omnium gentium colluvione mixto prohibebat ^c.

§. 46. Hispaniae res.

§. XLVI. In Hispania Scipio Hasdrubalem & Magonem cum Masinissa Numi-

^a Liv. L. XXVIII. c. 9. ^b Liv. Ibid. c. 19.

^c Ibid. c. 12. Polyb. L. XI. c. 17.

Numidarum Regē, qui Romanos castra ponentes invaserant, in fugam egit ^a. Et licet ita audentiores Romani, timidiores Poeni facti essent, hi tamen ab excursionibus equitum levisque armaturae non cessabant. Sed mox utrique omnes copias, idque, cum a neutris pugna inciperetur, per aliquot dies in aciem educebant: ita ut Poenus semper prior copias castris educeret, prior fessis stando signum receptui daret. Jamque hoc in utrisque castris sermonis erat, obstinateque credebatur, ita ut instructi stetissent pugnatuos. Scipio vero, ubi pugnare visum fuit, omnia de industria mutavit: & vixdum certa luce viros equosque bene curatos & prae-fos in aciem eduxit. Sedulo tamen diem extraxit, ut sera pugna esset ^b: ita ut aestu simul & labore, tum etiam fame ac siti confecti Poeni tandem in fugam se undique effunderent. Castris tamen se defensuri fuerant, nisi transitio sociorum fuga ut tutior videretur, fecisset. In ipsa fuga etiam plurimi trucidati sunt: & ipse tandem Hasdrubal relicto exercitu nocte

Gades

^a Polyb. *Ibid.* c. 19. ^b Liv. d. l. c. 15.

Gades perfugit. Masinissa hac clade permotus Carthaginensium partes deseruit: atque ita tandem tertio decimo post bellum initum anno, quinto autem postquam Scipio in provinciam venerat, in Hispania debellatum est. Inde Scipio ad pacem cum Syphace *Masæsylium* Rege firmandam in Africam duabus quinquereimis trajecit. Forte eodem tempore, & in eundem portum cum septem triremibus Hasdrubal invehctus est: sed tumultum in regio portu ciere non ausus ad Regem pergit. Ibique (quia ita cordi erat Regi) in eodem lecto Scipio atque Hasdrubal accubuerunt ^a. Scipio foedere cum Syphace iuncto die quarto Carthaginem Novam reversus est: atque *Illiturgin* urbem, quae post caesos Scipiones, interfectis etiam perfugis, ad Poenos defecerat, licet fortiter se defendentem, cepit, feminisque etiam & infantibus caesis diruit ^b. *Castulone* vero proditione potitus mitius victoria usus est. Alias inde urbes per legatos in deditionem accipit. Sed *Astapae* cives, praecipuo in Romanos odio cla-

^a Liv. *Ibid.* c. 18. ^b *Ibid.* c. 20.

clari ^a, eruptione facta dimicantes ceciderunt: dum interim conjuges ac liberi eorum a quinquaginta juvenibus, quibus id mandatum erat, occiderentur; qui deinde urbe etiam incensa medio incendio se iniecerunt. Marcium inde postquam Gades misisset, cum spe ejus urbis per proditionem potiundae (quae tamen spes eum refellit ^b) ipse in gravem morbum incidit ^c: cujus rei fama, tantum in uno viro momenti erat, non tantum Hispanorum multos ad defectionem compulit; sed gravissimam etiam in exercitu Romanorum, qui ad *Sucronem*, praesidium cis Iberum gentibus, erat, seditionem concitavit: praesertim cum etiam morte Scipionis falso credita animi militum coecarentur. Verum postquam vivere eum nunciatum est, stupenti jam seditioni Tribuni militum septem ab ipso Scipione missi supervenerunt. Hi placido sermone animos permulserunt, stipendium non ad diem datum, fraudatosque se praeda *Illiturgitanorum* querentium. Tranquillio rem etiam seditio.

^a Ibid. c. 20. ^b Ibid. c. 30. sq. ^c Ibid. c. 24.

ditionem fecit, quod Hispani postquam vivere Scipionem allatum est, ab rebel-
lando destiterunt. Tum edixit Scipio,
ut ad stipendium petendum conveni-
rent Carthaginem. Illi, cum seditionem
nec atrocem, nec atroci poena dignam
putarent, eo, sed universi, quo tutio-
res essent, iverunt. Curaverat interea
Scipio, ut exercitus, qui Carthagi-
ne erat, summo mane, tanquam in
expeditionem iturus, proficisceretur:
sed non ultra portas processit; & mox,
qui pridie venerant, in concionem ad
Imperatorem vocati sunt. Ibi armati
a portis reducti inermem concionem
circumfuderunt: mox Scipio severa
oratione eos allocutus quinque homi-
num, qui principes seditionis fuerant,
supplicio omnem tumultum compo-
suit; renovato inde jurejurando in ver-
ba P. Scipionis, stipendioque ad no-
men singulis persoluto ^a. *Mandonius*
interea & Indibilis Hispanorum regu-
li defectionem a Romanis agitantes
suspensi quieverant, dum, quid de se-
ditione statueretur, scirent. At audi-
to noxiorum supplicio populares rur-
sus ad arma vocarunt. Scipio, alacri
oratio-

^a Ibid. c. 29.

oratione excitatis suis militibus, ad eos contendit: eosque vi armorum pacem petere coëgit ^a. Inde Oceanum versus proficiscitur, ut cum Masinissa, qui Gadibuserat, colloqueretur. Masinissa & ipse ejus colloquii cupidus permittente Magone tanquam ad depopulandos proximos Hispanorum agros in continentem trajicit; amicitiamque & foedus cum Scipione firmat: atque ita, populatus tamen proximos agros, ne sine causa trajecisse in continentem videretur, Gades rediit. Mago, desperatis in Hispania rebus, jussu Senatus Carthaginensium in Italiam cum classe navigare contendit ^b: sed quum Carthaginem Novam praeterveheretur, ejus urbis tentandae libido eum cepit. Verum magna inde clade repulsus, & Gadibus exclusus minorem Balearium sine certamine in potestatem redigit, ibique hibernavit.

§. XLVII. Scipio autem provincia ^{§. 47. Historia A.U. 548. Res Italiae.} legatis tradita Romam abiit: triumphique spem tentavit magis, quam pertinaciter petiit ^c. Mox frequentissim-

E c

tissi-

^a Ibid. c. 34. ^b Ibid. c. 36. ^c Liv. Ibid. c. 38.

liam venit, ex principibus Siculorum trecentos juvenes, qui secum in Africam trajicerent, legit a : cumque gravem eam militiam ipsis fore sciret, *renunciari sibi*, dixit, *quosdam eam militiam horrere* : & jussit, *ut libere sibi faterentur*. Hoc postquam unus facere est ausus, jussit Scipio, ut arma equumque, & cetera militiae instrumenta uni ex trecentis juvenibus (quos florentes aetate & virium robore inermes circa se habebat ex voluntariis militibus lectos) traderet. Atque ita sine publica impensa praestantissimam alam equitum formavit. Inde, ut Siculos paratiores ad bellum adjuvandum faceret, etiam Syracusanis res suas restituit. C. vero *Laelium* in Africam praedatum mittit. Sed interim occasio oblata est Locros urbem recipiendi b ope fabrorum quorundam, qui assueti erant mercede apud Poenos opus in arce Locrorum facere. Hi a Romanis capti, *arcem se tradituros* promiserant. Sed, cum unam jam arcem cepissent Romani, supererat etiam altera. Ergo suis Hannibal, Romanis etiam Scipio auxilio venit.

Ee 2

Taq-

à *Id. L. XXIX. c. 1.* b *Ibid. c. 6.*

Tandem vero cessit Hannibal: ejusque mandato Poeni, qui in arce erant, ad eum confugerunt.

§. 48. *Pleminii Locrensum praefecti facinus.*

§. XLVIII. Scipio rerum Locrensum ordinatione ad Senatum Romam remissa *Q. Pleminium* legatum suum urbi praetecit ^a. At hic absque ullo divinarum humanarumve rerum respectu rapinis, crudelitate, libidine omnia complet; eadem etiam militibus suis licentia concessa: imo Tribunos rapinas prohibere volentes virgis caedi jubet. Hoc vero ipsi jam milites indigne tulerunt; & impetu in legatum facto toto corpore hostiliter lacerant; & naso quoque auribusque decisis exsanguem relinquunt. Interim tamen Scipio Locros advenctus Pleminium noxa liberat; Tribunos, ut Romam mitterentur, in vincula conjicit. Sed simul ac abiisset Scipio, Pleminius Tribunos crudelissima morte interficit: ut etiam *Locrensum* principes, quos ad conqueras injurias ad Scipionem profectos audiverat. Tandem Locrenses ad ipsum Senatum Romam legatos mittunt acerbe de injuriis Pleminii conquestu-

^a *Ibid.* c. 8.

questuros. Eos Q. Fabius rogavit, *detulissent ne eas querelas ad P. Scipionem a ? & cum, detulisse, sed frustra*, respondissent, *Pleminium victum Romam deportandum; ac Scipioni imperium abrogandum* censuit: qui praeterea accusabatur, *quod molliter & licenter vivendo omnem militarem disciplinam corrumperet*. Ergo ex Q. Metelli sententia Tribuni plebis duo cum M. Pomponio Praetore, cui Sicilia provincia sorte evenerat, & decem legati missi sunt, qui praesentes de omnibus rebus judicarent. Ab his, sive, ut alii tradunt, ab ipso Scipione Pleminius & seditionis principes in catenas conjecti sunt b. Sacra pecunia a Pleminio militibusque ejus rapta in thesauris reposita, & sacrum piaculare factum: leges denique, & Senatus Locrensibus redditus: iisque permissum, ut de Scipione publice quererentur. Reliqua a Locrensibus grato animo accepta. Scipionem excusarunt, ut lenitate magis, quam malitia in hac re usum. Venientibus Syracusas legatis non verbis, sed factis Scipio se purgavit; cum cuncta

Ec 3

sum.

a *Ibid.* c. 19. b *Ibid.* c. 21.

summa disciplina & ordine in Sicilia fieri comperissent. Pleminium Livius *L. XXIX. c. 22.* prius in vinculis mortuum dicit, quam iudicium Populi de eo perficeretur: & *L. XXXI. c. 12.* tanquam clarum poenae exemplum cum proponit: at idem *L. XXXIV. c. 44.* narrat, Pleminium comparasse homines, qui pluribus simul locis Urbis nocte incendia facerent, cumque tum demum in inferiorem demissum carcerem, necatumque: quae indigna sane tanti nominis Historico est oscitantia; ut egregie olim observavit vir summi iudicii, nec minoris doctrinae Jacobus Perizonius ^a: cuius semper gratissimo animo recordor. Legatorum de Scipione relatio adeo animos mutavit, ut Senatus primo quoque tempore in Africam ei trajiciendum esse censeret.

§ 49. *Res Hispaniae.*

§. XLIX. In Hispania hoc anno absentia Scipionis Indibilem & Mandonium ad bellum conciendum perpulit ^b. Sed ab Romanis Imperatoribus *L. Lentulo* & *L. Manlio Acidino* victi sunt, Indibili in acie caeso

^a *Animadv. Hist. c. 8.* ^b *Liv. L. XXIX. c. 1.*

fo a. Mandonius ejus frater aliique principes a suis comprehensi, & Romanis ad supplicium sunt traditi: atque ita pax Hispaniae populis est redita; quae tamen diuturna non fuit b.

§. L. Res Graeciae biennio jam neglexerant Romani; ita ut Philippus §. 50. Res Graeciae. Aetolos a Romanis desertos, quibus voluit conditionibus ad petendam pacem subegerit. Unde liquet, inique questos fuisse Romanos, quod sine eorum auctoritate, adversus foedus, pacem cum Rege fecissent c; ut pluribus docet Celeberr. Perizonius *Animadv. Hist. cap 9.* Hoc autem anno, P. Sempronius Proconsul, successor imperii missus Sulpicio, Epirotarum & Acarnanum legatis & magistratibus intercedentibus, pacem cum Philippo sanxit; quam Populus Romanus eo libentius jussit, quia, verso in Africam bello, omnibus aliis in praesentia bellis levare volebant. Hac pace Romani pedem in Graecia fixerunt, Illyrici loca quaedam sibi pacti. *Atintania* vero (etiam haec

Ee 4

gens

a *Ibid. c. 3.* b *Vid. Appian. de bell. Hist. n. 266. & Infr. ad A.U. 556.* c *Liv. L. XXIX. c. 12.*

gens (Illyrica est) Philippo concessa.

Etiam hoc porro ad historiam huius anni addendum, in libris Sibyllonis inventum fuisse carmen ^a, *hostem alienigenam pelli Italia posse, si Mater Idaea a Pessinunte Romam adven-
ta foret*. Ergo legatis ad Regem *Attalum* missis sacer lapis, quem *matrem Deum* incolae esse dicebant, traditus est: isque Romae a *P. Scipione Cnei F.*, ejus qui in Hispania ceciderat ^b, hospitio exceptus est. Oraculum enim Delphicum ad Attalum proficiscentibus responderat, „ Quum Romam-
„ Deam devexissent, tum curarent,
„ ut eam, qui vir optimus Romae
„ esset, hospitio exciperet. ” Isque Senatus iudicio *P. ille Scipio* iudicatus fuerat. In ejus Deae honorem ludi, *Megalesia*, instituti ^c.

§. 51. Hi-
storia
A. U. 549.

§. LI. Hoc anno dempto jam graviore a bello metu duodecim coloniis, quae auxilia negaverant ^d, indictum est, ut, quantum quaeque militum plurimum dedisset, duplicatum ejus summae numerum peditum daret, & equites centenos vicanos. Tum jussum,
ut

^a *Ibid.* c. 10. ^b *Ibid.* c. 14. ^c *Juven.* S. XI. v. 191. ^d *Vid. Supr.* §. 36.

ut in iis coloniis census ex eadem formula, qua Romae, ageretur a. Pecuniae quoque a privatis in Rempublicam collatae quod fuerat, tribus pensionibus persolvi placuit b. Eodem anno Censura acta est. Censorum alter Nero collegam M. Livium, *quia Populijudicio esset damnatus, equum vendere jussit* c : eademque nota Livius Claudium notavit, *quod falsum adversus se testimonium dixisset; quodque non sincere fide secum in gratiam rediisset*. Haec fere domi eo anno acta sunt.

§. LII. Porro Carthaginienses tra- §. 52. Tra-
jecturum jam in Africam Scipionem *jectus Sci-*
exspectantes Syphacem Regem a so- *pionis in*
cietate Romana abducunt d : qui nu- *Africam.*
ptiis cum Hasdrubalis filia celebratis
per legatos Scipionem hortatus est,
„ ut procul ab Africa bellum cum
„ Carthaginiensibus Romani gere-
„ rent : si non abstineat terra Africa
„ Scipio, sibi necessarium fore pro
„ patria dimicare. “ Scipio propere
legatos remittit, monetque Syphacem,
ne Deos conventorum testes fallat. Si-
mul, quae prima dies cursum navi-
bus

Ec 5

a Liv. *Ibid.* c. 15. & 37. b *Ibid.* c. 16.

c *Ibid.* c. 37. d Liv. d. l. c. 23.

bus daret in Africam trajicere parat: tertioque postquam e Sicilia solverat, die Africam tenuit ^a. Magnum terrorem adventus Scipionis Carthaginensibus attulit: praesertim cum nec exercitum, nec ducem, quem ipsi opponerent, haberent. Romanis statim ac appulerunt laetissimus Masinissae adventus accidit ^b. Hujus autem viri singulare erga Romanos studium meretur, ut ejus historiam paulo latius hic explicemus. Et vidimus jam cum in Hispania pro Poenis militasse: dum autem in eo est, pater ejus Gala mortem obiit: cujus regnum ad fratrem Regis *Oesalcem* nomine pervenit; eoque non diu post mortuo ad hujus filium majorem *Capsam*: qui in praelio adversus *Maeztulum* quendam, tutorem *Lacumacis* minoris Oesalcis filii se dicentem, cecidit. Masinissa interea reversus cum quingentis Numidis *Thapsum* urbem imperu capit: Lacumaces ad Syphacem aufugit. Inde Masinissa, cum plurimi Numidae ad eum confluxissent, Lacumacem cum tutore & Syphacis auxiliis vincit: & regno recuperato

^a *Ibid.* c. 27. ^b *Ibid.* c. 29.

perato Lacumacem & Mezetulum promissis ad se allicit. Sed Syphax instigantibus Poenis bellum ei infert; eumque acie vincit: qui cum haud multis elapsus montem praedis agendis opportunum occupat. Inde a *Bocchare* Praefecto regio pulsus in valle arcta includitur ^a: unde cum quinquaginta haud amplius equitibus se eripuit. Verum mox iterum circumventus cum quatuor tantum equitibus, ipse quoque saucius, evasit. Sed ex his ipsis duo, dum amnem transeunt, gurgite rapiuntur: ipse periisse creditus cum duobus reliquis inter virgulta emerfit. At stupenda hinc audacia, cum in spelunca vulnera curasset, regnum repetiit: atque in ipso itinere, haud plus quadraginta equitibus collectis, tanto favore excipitur, ut intra paucos dies ad decem millia militum colligeret, & regnum reciperet. Sed iterum a Syphace filioque ejus *Vermina* victus cum sexaginta equitibus ad minorem Syrtim pervenit: & ad Romanorum adventum vagando inter vicinas gentes tempus consumpsit; quo adventu intellecto

^a *Ibid.* c. 32.

Et mox se, ut dictum est, Scipioni adjunxit. Hujus equites jam aliam equitum Carthaginiensium cum praefecto suo ceciderant ^a: & mox rursus Scipio cum Masinissa simul *Hannone* *Hamilcaris* filium, quem iterum equitatu per novum delectum comparato praefecerant, segniter agentem ingenti clade afficit, ipso quoque duce caeso. Ita laetis initiis Scipio sedem opportunam belli querebat: & ad oppugnandam *Uticam* omnes belli vires convertit. Sed adventantibus cum magnis copiis Hasdrubale & Syphace post quadraginta ferme dierum obsidionem irritum incepto inde abscedere coactus est. Ita in hyberna concessit.

§. 53. *Res Italiae.*

§. LIII. In Bruttiiis P. Sempronius Consul tumultu verius, quam pugna victus *P. Licinium* Proconsulem cum exercitu accivit; & ferocem recenti victoria Hannibalem fudit ^b. Dum interea alter Consul *M. Cornelius* in Etruria ex Senatusconsulto quaestiones de iis, qui res novare studuerant, severiter habet: urbesque varias, qua vi, qua voluntate in deditionem recipit. - §. LIV.

^a *Ibid.* c. 29. & 34. ^b *Ibid.* c. 36.

§. LIV. Anno Urbis quingentesimo quinquagesimo, qui belli Punici erat decimus sextus, in Italia quidem nihil memoria dignum est gestum; praesertim cum Hannibal hoc anno domum revocaretur. Ergo omnis civitas in Africam & Scipionem erat versa ^a. Ad eum undique summa copia necessaria quaevis comportabatur. Scipio autem, dum in hybernis, est, cum Syphace de reconciliatione egit: &, licet primo conditiones, quas ferebat Syphax, (ut nempe, Romani Africa, Poeni Italia exirent) vix auribus admitteret; mox tamen, hanc causam probabilem suis commeandi in hostium castra libenter amplexus est: eaque ratione lignea ferme & straminea tota eorum castra esse accepit. Cum vero jam omnia probe nota sibi habere videretur, renunciato, *nullam aliam, quam relictis Carthaginienfibus, Syphaci pacis spem esse*, inducias tollit. Inde media nocte hostium castra invadit; & tam ea, in quibus Rex, quam altera, in quibus Poeni tendebant, ignibus coniectis incendit: atque ita tum igne, tum ferro,

^a Liv. L. XXX. c. 3.

ferro, bina castra una clade delet:
 ita ut quadraginta millia hominum aut
 caesa, aut flammis hausta dicantur ^a.
 Oppida tria in deditiōem accepta pa-
 ratum hujus victoriæ præmiū fue-
 re. Nec segniter tamen Syphax Poe-
 nique reparant bellum. Sed a Scipio-
 ne, qui simul Uticae obsidionem non
 negligebat, facilius etiam quam prius
 sunt victi, cum maxima pars novus
 miles esset. Celtiberi tamen, qui mer-
 cede conducti Scipionem bene de se
 & de gente sua meritum ultro oppu-
 gnatum venerant, obstinate pugnan-
 tes moriebantur ^b. Inde Scipio *Ta-
 netem* (quindecim millia ferme pas-
 suum Carthagine is locus aberat) re-
 lictum fuga custodum occupat, in i-
 psam jam Carthaginem intentus. Clas-
 sis vero Poenorum interea Uticam
 petiit, ut eam obsidione liberaret ^c :
 sed industria potissimum Scipionis fa-
 ciente ita accepti sunt, ut nihil aliud
 quam sex onerarias abstraherent. Ma-
 jor tamen quam pro re laetitia Poe-
 nis fuit : maxime cum apparuisset,
 haud procul exitio fuisse Romanam
 classem, ni cessatum a praefectis fo-
 ret.

^a Liv. *Ibid.* c. 6. ^b *Ibid.* c. 8. ^c *Ibid.* c. 10.

ret. Syphax interea exercitu ingenti quidem , sed prope incondito parato Laelio & Masinissae obviam venit a : at praelio equestri commisso, cum fugam suorum sistere conaretur, capitur. Mox Masinissa ad *Ciribam* caput regni Syphacis missus Regem victum civibus suis ostendit: quo spectaculo partim pavore moenia sunt deserta, partim repentino consensu gratiam apud victorem quaerentium patefactae portae. Intranti vestibulum victori *Sophonisba* uxor Syphacis Hasdrubalis Poeni filia occurrit, precibusque ita delinivit, ut non tantum, *Romanis se eam non traditurum esse*, promitteret; sed etiam, ut promissi fidem facilius praestare posset, eam eodem die nuptiis sibi junxerit, quo integrum non foret Laelio, aut Scipioni durius, velut in captivam, consulere. Syphax ad Scipionem perductus, *insensisse quidam se, cum armis adversus Populum Romanum cepisset*, fatebatur: sed initium furoris fuisse, addebat, *cum Carthaginiensem matronam domum accepisset: Nec cautiorem esse Masinissam, qui etiam stultius, at-*
que

que intemperantius eam quam se, duxerunt. Scipioni magna super haec cura incenso Masinissa supervenit: quem egregiis laudibus frequenti Praetorio celebratum, mox in secretum abductum, admonet „ de omnibus, quae „ Syphacis fuissent Senatus Populi- „ que Romani iudicium esse debere; „ proinde etiam conjugem ejus Romanam oportere mitti. „ Masinissa lacrymis obortis Scipionem oravit, „ ut, quantum res sineret, fidei suae „ temere obstrictae consuleret, promississe enim, sese in nullius potestatem eam traditurum. “ Et ab colloquio digressus venenum mox Sophonisbae mittit; quod illa impavide hausit ^a. At Scipio, ut a praesenti motu animum Masinissae averteret, prostridie pro concione *Regem* eum appellat, eximiisque laudibus & donis ornat: cum praeterea Rex in spem propinquam erigeretur, sublato Syphace, omnis Numidiae potiundae. Carthaginienes jam improspere rebus perculsi solemnem de pace legationem ad Scipionem mittunt. His leges pacis Scipio dixit: *Captivos,*

^a Ibid. c. 15.

& perfugas , & fugitivos restituant :
 exercitus ex Italia & Gallia deducant :
 Hispania abstineant : insulis omnibus ,
 quae inter Italiam atque Africam sunt ,
 decedant : naves longas , praeter vigin-
 ti , omnes tradant : tritici quingenta ,
 hordei trecenta millia modium . Pecuniam
 praeterea alii magnam , alii duplex sti-
 pendium imperatum tradunt . Ad pa-
 cem his conditionibus petendam lega-
 ti Romam sunt missi . Eo multis an-
 te diebus advenerat cum Syphace ,
 aliisque captivis Laelius ^a ; legatos-
 que Masinissae in Senatum introdu-
 xit . His responsum est , „ regium no-
 „ men a Scipione Masinissae datum
 „ a Senatu ipsi confirmari : “ dona-
 que , quae Regi ferrent , decreta .
 Poenorum vero legati nihil aliud pe-
 tierunt ^b , quam , „ ut in ea pace ,
 „ quae postremo Consule Lutacio fa-
 „ cta esset , manere liceret . “ Sed
 cum a senioribus , qui foederibus in-
 terfuerant , alia alii interrogarentur ,
 nec meminisse per aetatem dicerent
 legati , in Laevini sententiam , qui ,
 speculatores , non legatos venisse , argue-
 bat , discessum ; legatique prope sine
 F f respon-

reiponſio dimiſſi. Per induciarum autem tempus *Cn. Octavius* a Proprietar cum claſſe in Africam navigans tempeſtate in conſpectum Carthaginis delatus eſt: & navium, nautarum fuga deſertarum, magna pars Carthaginem puppibus tracta eſt. At Scipio legatos de violatis induciis queſturos ad Pœnos mittit: qui & in urbe concurſu Populi prope violati: &, dum redeunt, a claſſe Haſdrubalis quinquerecem, ut incolumes evaderent, in terram immittere compulſi ſunt. Legatos tamen Carthaginienſium, qui cum *Laelio* & *Fulvio* Roma ſupervenerant, illaefos dimiſit Scipio. Haec eo anno in Africa geſta.

§. 55. *Res
Italicae.*

§. LV. In agro Inſubrium Gallorum *Mago Poenus* a *P. Quintilio Varo* Praetore, & *M. Cornelio* Proconſule praelio, quod anceps elephanti fecerant, victus eſt b: & mox, cum legati a Carthagine primo quoque tempore in Africam trajicere juſſiſſent, navibus conſcenſis, ſuperata vixdum Sardinia ex vulnere moritur. In Bruttiis multi populi, ſenſcere Punicum bellum cernentes, ad Romanos deſerere:

a Ibid. c. 24. b Liv. Ibid. c. 18.

cere : & Consul Servilius quinque millia ex exercitu Hannibalis cecidit, si Valerio Antiati, ambiguae fidei scriptori, creditur. Ipse denique Hannibal a Senatu suo revocatus, Deos hominesque accusans, *quod obtreptione & invidia Senatus Carthaginien- sis, non a Populo Romano victus esset*, ex diutina possessione Italiae vix de- stractus est. Ob vacuum demum sex- to decimo anno hostibus Italiam sup- plicationes decretae.

§. LVI. Anno Urbis quingentesi- §. 56. An-
mo quinquagesimo primo crexerant *ni 551. res*
omnium animos Scipio & Hannibal *gestae &*
velut ad supremum certamen compa- *belli Pu-*
rati duces. Et Poenus quidem, tum *nici II. fi-*
aliis rebus, tum fiducia maxime Sci- *nis.*
pionis percellebatur ^a. Hic enim spe-
culatores Hannibalis a custodibus ex-
ceptos per castra, qua vellent, cir-
cumduci, atque ita ad Hannibalem
retro dimitti iussit. Ergo aequiora
impetrari posse ratus, si integer, quam
si victus peteret pacem, colloquium
Scipionis expetiit. Ubi congressi sunt
omnis ante se memoriae, omnium gen-
tium maximi duces, paulisper alter

Ff 2

alte-

alterius conspectu, admiratione mutua prope attoniti contiguere. Inde pacis condiciones tulit Hannibal, Siciliam, Sardiniam, Hispaniam, quicquid insularum toto inter Africam Italiamque continetur mari, Romanis cedens. Sed cum Scipio etiam aliquid ad ea, in quae antea conventura pax videbatur, adjiciendum censuisset, infecta pace ad suos se recipiunt. Postero die acie concurritur: & post satis pertinax praelium superati sunt Carthaginienſes ^a. Hannibal, quum *Adrumetum* confugisset, inde Carthaginem accitus rediit sexto ac trigesimo post anno, quam puer iude profectus erat: & fassus est in curia, *non praelio modo se, sed bello cecidisse: nec spem salutis alibi, quam in pace impetranda esse*. Scipio terrorem indique perculsae Carthagini admovendum ratus Cn. Octavium terreturum itinere eo legiones ducere jubet: ipse classe ab Utica profectus portum Carthaginis petit: quod tamen deprimendi magis hostis causa, quam noſcendi in praesentia faciebat: atque adeo mox Uticam rediit; cum
jam

jam legati cum infulis ramisque oleae auctore Hannibale pacis petendae causa ad eum venissent; quos Tunc-tem ad responsum accipiendum venire iussit. Ibi, licet iusta ira obrecentem perfidiam ad delendam Carthaginem omnes stimularet, tamen, cum reputarent, quanta res obsidio tam validae urbis foret; cumque ipse Scipio vereretur, ne, si sibi successor mitteretur, penes eum finiti belli fama foret, ad pacem omnium animi sunt versi. Ergo conditiones pacis dictae, quarum praecipuae fuerunt, „ ut „ liberi suis legibus viverent Poeni; „ finesque, quos ante bellum, tene- „ rent; perfugas fugitivos, capti- „ vos redderent; naves rostratas, „ praeter decem triremes, elephan- „ tosque traderent; bellum injussu „ Populi Romani ne gererent; Ma- „ sinissae res redderent, foedusque „ cum eo facerent; decem millia ta- „ lentum argenti: descripta pensio- „ nibus aequis, in annos quinquagin- „ ta persolverent. “ Has conditio- nes quum in concione edidissent le- gati, *Gisgo* quidem pacem dissuasit;

Ff 3

Hanni-

Hannibal vero indigne intempestivam
 adeo orationem ferens, Gisgenem
 manu sua ex superiore loco detraxit a.
 Eremitu inde populi orto, factum
 excusavit, quod per diuturnam abien-
 tiam morum urbanorum imprudens
 esset. Ita rursus legati Romam missi
 sunt: ubi jam ad nuncium primum
 rebellionis Carthaginensium trepida-
 tum fuerat: sed horum adventu finem
 tandem lugubri bello impositum con-
 stitit b. Hasdrubal princeps legatio-
 nis Punicæ, qui pacis semper auctor
 fuerat, cum reliquis legatis in Sena-
 tum introductus modesta oratione,
 collegæ ejus etiam miserabili Sena-
 tum flexere c: licet unus Senato-
 rum infectus perfidiae Carthagi-
 nensium succlamasse feratur, per quos
Deos facinus curi essent, quum eos,
per quos ante idtum esset, fefellissent? cui
 responderit Hasdrubal, *per eosdem,*
qui tam infesti essent foedere violanti-
bus. Ita inclinatis ad pacem animis,
 cum etiam Populus eam jussisset, Se-
 natus decrevit, ut P. Scipio ex de-
 cem legatorum sententia pacem cum
 Popu-

a Polyb. l. XV. c. 17. b Liv. d, l. c. 40.

c Ibid. c. 42.

Populo Carthaginiensi, quibus legibus ei videretur, faceret. Atque ita, quibus ante dictum est, legibus pax est facta septimo decimo anno, quam initum bellum esset ^a. Scipio triumpho omnium clarissimo Urbem inventus est ^b : & *Africani* cognomine, *A.U.* 552. sive militari favore, sive populari auro, primus Imperator nomine victae a se gentis nobilitatus. *Magnum* etiam proprio cognomine fuisse probat Doctiss. Perizon. Animadv. Hist. c. 1. Syphacem cum aliis captivis antecursum triumphantis ductum, Polybius ^c auctor est, eumque post aliquod tempus in custodia obiisse; Livius Tibure haud multo ante mortuum dicit; & publico funere fuisse elatum. Secutus est Scipionis currum pileo capiti imposito *Q. Terentius Culleo* Senator, quem captivitate liberaverat ^d. Hic male ab Orosio cum *Terentio* comoediarum scriptore confunditur: cum hic anno demum Urbis quingentesimo sexagesimo natus

Ff 4

sic

^a Ibid. c. 44. ^b Vid. Vaillant. de fam. R. gente *Cornelia* n. 12. ^c L. XVI. c. 12. ^d Liv. d. l. c. 43. & L. XXVIII. c. 55. sq.

fit a. Inusitados pro hac victoria honores Populus Scipioni decernere voluit: perpetuum Consulatum & Dictaturam: statuas iu comitio, in rostris, in curia, in Capitolio, in cella Jovis: utque imago ejus triumphali ornatu e templo Jovis Optimi Maximi exiret. Sed omnes prohibuit Scipio b, modestiae exemplo memorando in tanta felicitate. Quam tamen felicitatem ipsi perpetuam non fuisse in sequentibus videbimus.

CAPUT SECUNDUM.

Bellum Macedonicum primum cum Philippo Rege.

§. 1. Origo
belli Ma-
cedonici.

§. 1. Vidimus jam capite praecedente §. 22. Philippum Macedoniae Regem (qui *Demetrii* filius, *Antigoni Gonatae* Nepos, *Demetrii Poliorcetae* Pronepos, *Antigoni Asiae*, post *Alexandrum magnum*, Regis Anepos fuit) cum *Hannibale* foedus aduersus Romanos fecisse; & §. 26. bellum jam ab eo contra Romanos fuisse

a Vid. Tanaq. Fxbri epist. II. n. 10. b Vid. Max. L. IV. c. 1. ex. 6.

fuisse motum. Et §. 33. diximus, Romanos etiam cum Aetolis foedus adversus Regem pepigisse: imo §. 40. & 44, narravimus. bellum jam cum eo fuisse gestum; sed pacem cum eo fuisse factam §. 50. adjunximus. At cum jam bellum cum Carthaginensibus esset confectum, legati Philippi Romam venerunt ^a, partim purgantes, quae Romani de populatione sociorum questi fuerant ^b; partim ultro accusantes, & socios Populi Romani, & multo infestius *M. Aurelium*, qui cum duobus aliis legatis ad Regem missus fuerat ^c, ut qui bello Regem lacessivisset; partim denique postulantes, ut Macedones & Dux eorum *Sopater*, qui apud Hannibalem mercede militassent, captique in vinculis essent, sibi restituerentur. Sed, cum *M. Furius* ex Macedonia ad id ipsum missus, „ nihil aliud egisse Aurelium, quam ne impune in sociorum agros transcenderent populatores; & Sopatrum mandatu regio Hannibali auxilio missum fuisse, “ retulisset, responsum est legatis, *Bel-*

Ff 5

lum

^a Liv. L. XXX, c. 40. ^b Ibid. c. 43.

^c Ibid. c. 26.

lum quaerere Regem ; & , si porgat propediem inventurum ; & , quod socii Populi Romani injurias faserit ; & , quod hostes auxilio & pecunia juverit ; gratumque facere M. Aurelium , quod socios Populi Romani armistuerat. Sub idem fere tempus , & ab Attalo Rege a , & Rhodiis legati venerunt nunciantes , Asiae quoque civitates sollicitari. Athenienses praeterea etiam auxilium contra Philippum petierunt b. Sed vera belli causa Romanis fuit , quod metuerent , ne Graecis subactis bellum , Pyrrhi exemplo , Philippus in Italiam transferret c : quae an justa causa belli suscipiendi sit , aliorum esto iudicium d. Cum ergo Patres bellum cum Philippo gerendum esse decreuissent , P. Sulpicius Consul ex Senatusconsulto legem ad Populum tulit e , *Vellent , juberent , Philippo Regi ob injurias illatas sociis Populi Romani bellum indici*. Sed ab omnibus ferme centuriis ea rogatio antiquata est ; tum quod bello fessi essent homines , tum , quod Q. Baebius

a Liv. L. XXXI. c. 2. b Ibid. c. 14. c Vid. Zonar. T. II. d Vid. Grot. de J. B. P. L. II. c. 22. e Liv. Ibid. c. 6.

bius Tribunus plebis, *bella ex bellis a* Patribus *seri* criminaretur, *ne pace unquam frui plebs posset*. Ergo Consul comitia de integro habuit; & cum *luculenta* prius oratione bellum suafisset, omnes centuriae, *Uti rogat*, bellum jusserunt *a*. Ut vero querelae privatorum, qui pecuniam Reipublicae ante annos quindecim *b*, & iterum ante annos decem *c* Reipublicae mutuum dederant, tollerentur, Senatus decrevit *d*, *ut agri publici, qui intra quinquagesimum lapidem esset, copia iis fieret*. Inde Sulpicius, cui bellum cum Philippo evenerat, in Macedoniam trajecit: & statim *C. Claudium Centonem* Atheniensibus auxilio misit. Hi a Philippi ducibus obsidebantur, quod duos juvenes Acarnanes, qui imprudentes, cum non essent initiati, sacris *Cereris* interfuerant, occidissent. Attalus contra, immodicis honoribus ab Atheniensibus exceptus *e* amicitiam cum iis firmavit: & foederi isti etiam Rhodii accesserunt; ita ut hi belli confecti gloriam habere potuissent,

a Liv. L. XXXI c. 8. b Vid. Liv. L. XXIII. c. 49. c Id. L. XVI. c. 36. d Id. L. XXXI. c. 13. e Ibid. c. 15.

rem. i. hinc inde Philippo per
 eunt. hinc inde vices colligunt.
 Verum hic regentes cum gloria
 Romani imperii. At Philippus
 ex hinc inde muneribus nihil tem-
 ere tunc Thracie loca occupat.
 Atque vero cum, cum nullas aquas
 conueniens i. Philippo impetrare po-
 tuerit. cum Saguntinorum finem
 terra fecerit. Sed, cum post
 hinc inde pugnam paucos ei
 muneribus impetrasset, *Abde-*
ronus Principes, muneribus cum in-
 suis atque hinc inde Philippo
 muneribus: hinc inde muneribus *M.*
Perseus hinc inde Romanorum frustra
 hinc inde muneribus. Verum,
 cum hinc inde hinc. hinc inde *Ab-*
deron hinc inde muneribus, ut hinc
 inde hinc inde hinc, con-
 iuges. hinc, hinc hinc inde muneribus.
 Romanus hinc inde *Chario*
Chario hinc inde hinc, hinc inde
 hinc inde hinc inde hinc inde negli-
 g hinc inde. hinc, hinc
 hinc inde hinc inde. Et, hinc inde
 hinc inde Romanus hinc, et hinc
 Chal.

Chalcis teneri, & non deseri praesidium *Athenarum* potuisset, magna res principio statim belli, Chalcis & *Euripus* adempta Regi forent: qui *Athenas* inde & *Eleusinem* frustra tentavit; *Achaeos* etiam incassum ad integrandum bellum hortatus a. Ergo ira incensus, cum etiam nequicquam iterato *Athenas* oppugnasset, in Boeotiam recessit. Consul Sulpicius interea per *L. Apustium* legatum *Antipatriam* Macedoniae urbem, & alia in potestatem redigit: & cum *Pleurato* Illyrico, *Amyinandro Athamanum* Rege, *Dardanisque* foedus jungit. Nec Philippus segnius, tum ipse, tum per filium *Persea* bellum apparabat: sed ab Consule non parabatur, sed gerebatur jam in ipsa Macedonia bellum b: & multi vici, oppidaque, partim voluntate, partim metu in potestatem redigebantur. Ac velitationibus etiam plerumque superior Romanus erat: imo tandem, cum paulo majoribus copiis concurrissent, fugientibus Macedonibus parum abfuit, quin ipse Rex equo delapsus opprimeretur c. Saluti fuit eques, qui equum suum

Regi

a *Ibid.* c. 25. b *Ibid.* c. 33. c *Ibid.* c. 37.

Regi tradidit ; ipse ab hostibus urgentibus confossus periit. Cum vero fama esset Pleuratum Dardanumque jam in Macedoniam transcendisse, misso ad Consulem caduceatore, qui inducias ad sepeliendos caesos peteret, noctu, silente agmine abiit. Consul confestim cum est insecutus, multisque locis vastatis & captis Apolloniam Illyrici urbem, unde orsus bellum erat, copias reduxit ^a. His successibus Aetoli, qui paulo ante Macedonum, Romanorumque legatos dubio responso dimiserant ^b, Romanis restituti sunt ^c : sed cum opimos Thessaliae campos effusi popularentur, a Philippo caesi, & in Aetoliam refugere sunt coacti : atque ita, cum Dardanos quoque repressisset Philippus, damna a Romanis accepta restituit ^d. Classis Romana & Attali interea varias urbes & insulas diripuit : Oreum vero validam Euboeae urbem, multis operibus oppugnatam Romani simul & Attalus cepere : atque ita finita aestate utrimque in hyberna concessum est ^e.

§. II. Eo-

^a Ibid. c. 40. ^b Ibid. c. 32. ^c Ibid. c. 41.
^d Ibid. c. 43. ^e Ibid. c. 47.

§. II. Eodem anno varii Gallorum *§. Bellum Gallicum.*
 Populi Placentia direpta Gremonam
 obsidebant duce Hamilcare, qui de
 Hasdrubalis exercitu in iis locis sub-
 stiterat ^a. Super qua re cum legati
 Romanorum ad Carthaginiensium Se-
 natum querelas detulissent, respon-
 sum est, „ Nihil ultra facere posse
 „ Carthaginienses, quam ut exilio
 „ mulctarent Hamilcarem bonaque
 „ ejus publicarent. “ ^b At L. Furius
 Purpureo Praeter ingenti Gallos stra-
 ge caecidit; ipso etiam Hamilcare
 in praelio interfecto ^c. Et licet Consul
C. Aurelius ad confectum bellum inpro-
 vinciam cum venisset, iram adversus
 Praetorem haud clam tulerat, huic
 tamen Romam reverso triumphus a
 frequenti Senatu decretus est: cujus
 gloriae ambitione perlectus, ut vide-
 tur, *Cn. Baebius Tamphilus* ^d, qui Prae-
 tor anno sequente Galliam provin-
 ciam acceperat; temere ingressus Gal-
 lorum Insubrium fines prope cum to-
 to exercitu est circumventus. L. Len-
 tulus ejus anni Consul eum multis
 probris increpitum Romam abire jus-
 sit:

^a *Liv. L. XXXI. c. 10.* ^b *Ibid. c. 47.*

^c *Ibid. c. 21.* ^d *Id. L. XXXII. v. 7.*

lit : neque ipse tamen memorabile quicquam gessit.

§. 3. *Res Hispaniae.*

§. III. Etiam in Hispania a Proconsule *C. Cornelio Cethego* magnus Hispanorum hostium exercitus fusus est ^a.

§. 4. *Belli cum Philippo continuatio.*

A.U. 554.

§. IV. Anno Urbis quingentesimo quinquagesimo quarto *P. Villius Tappulus* Consul in Macedoniam profectus seditionem militum veteranorum composuit, qui finem tandem militandi sibi fieri petebant, quando labore ac vulneribus jam essent confecti ^b, de missione eorum ad Senatum scripturum se esse pollicitus. Sed antequam ipse Consul aliquid memoria dignum efficere potuerat, successor ejus jam in Corcyram insulam advenisse nunciabatur ^c.

A.U. 555.

Erat hic *T. Quinctius Flamininus*, qui ex quaestura Consulatum petens obtinuerat, ne quicquam impedire conatis Tribunis plebis. Et nondum triginta annos natum Consulem fuisse factum dicit Plutarchus ^d : nec dissentit Livius ^e, cum triginta ferme & trium annorum fuisse scribit, quando tertio post anno Philippo Rege debellato

^a *Id. L. XXXI. c. 49.* ^c *Liv. L. XXXII. c. 3.* ^c *Ibid. c. 6.* ^d *in ejus vitae init.* ^e *L. XXXIII. c. 33.*

bellato libertatem Gracciae promulga-
ret. Huic maturius ^a, quam priores
soliti erant Consules, quum in Mace-
doniam transmisisset ^b, placuit quam-
primum Regem aggredi, ne, ut an-
tea, dum Rex se difficultate loco-
rum tueretur, sine ullo effectu aestas
extraheretur. Sed quadraginta dies
abiire, dum quomodo id fieret non
satis expediebat. Interea Epirotae
frustra, rogante Philippo, pacem
componere tentarunt; cum durae ni-
mis Philippo conditiones a Consule
propositae viderentur. Itaque abru-
pto colloquio ductu pastoris quatuor
millia peditum, & trecentos equites
mittit ^c, qui supra caput hostium
montium anfractus occuparent: cum-
que tertio die verticem, quem petie-
rant, tenere se fumo significassent,
ipse castra regia adoritur; & suis e
summis jugis decurrentibus Regem
castris, quae ad *Aoum* fluvium erant
exiit. Rex, cum Thessaliam se diu-
tius tenere non posse sensisset, variis
ejus oppidis evastatis in Macedoniam
transcendit: reliqua fere Thessaliae a

G g

Roma-

^a *Plut. Ibid. p. m. 370.* ^b *Liv. L, XXXII.*
^c *9.* ^c *Ibid. c. 11. Plut. d. l.*

Romanis, Actolis & Acarnanibus expugnantur, diripiunturque, ut Livius narrat ^a. Plutarchus vero a direptione prohibuisse suos Consulem dicit; eaque moderatione motas Thessaliae urbes ad eum defecisse. Mari quoque *L. Quintius* frater Consulis cum Attalo Rege & Rhodiis simul junctis copiis ^b *Eretriam*, vetustam, amplam & probe munitam Euboeae urbem summa vi oppugnatam, dum cum Attalo Rege de pace agentes segnius munia belli obeunt incolae, expugnat: ut & *Carystum* aliam ex validis Euboeae urbibus. Sed *Atracem* urbem (nam, *longiorem Atracem oppugnationem habuit* cum Jo. Fr. Gronovio apud Liv. L. XXXII. c. 17. ex c. 15. praecedenti legendum videtur pro, *longe atrocior* o. h.) post longam oppugnationem Consul relinquere coactus est c: & in *Phocidem* conversus ejus regionis loca quaedam cepit; ac in iis praecipuam Anticyram ad commodum hybernandi usum Hinc Consul, ut Achaeos sibi foedere adjungeret; legatis missis pollicitus est, „ si ab Rege „ ad

^a *Ibid.* c. 13. *sqq.* ^b *Liv. Ibid.* c. 16.

^c *Ibid.* c. 17. & *sq.*

„ ad Romanos defecissent , Corinthum iis in antiquum gentis concilium contributurum. “ Idque post multas in concilio Achaeorum altercationes obtinuit a , Dymaeis tamen , *Megalopolitanis & Argivis* privatis ex causis societatem Romanam aspernantibus. Et L. quidem Quintus cum Attalo Achaeorumque auxiliis Corinthum magno opere oppugnavit : sed , cum praesidium a Philippo accepissent Corinthii , oppugnationem omisit. Et Argivorum civitas per quosdam principes regio praefecto prodita : ubi , qui Achaeorum urbi nuper imposito praesidio praecerat , *Aenesidemus* , cum incolumitatem Achaeis suis pactus esset , cum paucis clientibus interfici voluit b . At Consul interim *Elatiam* in Phocide capit : nec ultra memorabile quid in Graecia hoc anno gestum est.

§. V. In Italia magna vis servorum , §. 5. *Res Italiae.*
 quae cum obsidibus Carthaginiensium ,
 ut principum liberis , erat , simul cum
 aliis mancipiis Afris diuturno hoc
 bello captis conjurationem fecit c ,
 G g 2 missis

a *Ib. c. 23.* b *Ib. c. 25.* c *Liv. L. XXXII. c. 26.*

missis etiam qui aliis locis servitia concitarent. Sed, cum duo servi eam conjurationem *L. Cornelio Merula* Praetori Urbano aperuissent, hic iussu Senatus ad eam conjurationem quaerendam atque opprimendam profectus *Setius* de plurimis supplicium sumpsit.

§. 6. Res
Graecias
A.U. 556.

§. VI. Anno Urbis quingentesimo quinquagesimo sexto cum Consules Italiam Macedoniamque sortiri pararent, intercedentibus Tribunis plebis, quia *Quinctium* a bello, quod proxima aestate perfecturus videbatur ^a, avocari e Republica non esse censebant, Senatus *T. Quinctio* imperium prorogavit, donec successor ei venisset: quod jam antea a Senatu per literas petiisse *Quinctium* dicit *Plutarchus* ^b, quas cum legatis *Philippi* in Senatu de pace coram acturis miserat ^c: illudque amicis propinquitque summa vi ut tenderent mandasse addit *Livius* ^d. *Quinctio* certe liberum arbitrium pacis ac belli permissum; cum legati regii, quod de *Demetriade*, *Chalcide*, *Corinθο* (quae

^a *Ibid.* c. 28. ^b *vita Quinctii* p. m. 372. C.
^c *Ibid.* c. 36. sq. ^d *Ibid.* c. 32.

(quae loca si Rex teneret libera Graecia esse non poterat ^a) nominatim quicquam sibi mandatum negassent, infecta pace essent dimissi. Nam petierat Philippus, ut cum T. Quinctio colloqui liceret: idque praelentibus Romanorum fociis factum erat ^b: sed cum fociis praesertim conditiones a Philippo latae minus placuissent, hoc tamen impetraverat, ut legatos, quos diximus, ad Romanos mittere liceret: sed ea lege, ut Phocide ac *Locride* continuo praesidia deduceret ^c. Itaque Philippus ex responso legatis dato cum acie decernendum videret ^d, Argos *Nabidi* Lacedaemoniorum tyranno, ut ejus amicitiam sibi conciliaret, per *Philoclem*, qui Argis & Corintho praeerat, tradi ipsis Argivis invitis fecit. Sed ejus beneficii immemor tyrannus mittit ad Quinctium & Attalum, qui nunciarent, „ Argos in sua potestate esse; eo „ si veniret Quinctius ad colloquium „ non diffidere sibi omnia cum eo „ conventura. “ Et sane Quinctius cum Attalo eo profectus persuasit tyranno,

G g 3

^a *Polyb. L. XVII. c. 11.* ^b *Polyb. L. XVII. c. 1.* ^c *Ibid. c. 10.* ^d *Liv. d. l. c. 38.*

ranno, ut auxilia adversus Philippum mitteret, & cum Achaeis inducias faceret ^a: ut Argis praesidium deduceret persuaderi non potuit: sed potius, cum ipse viros spoliasset, uxorem ad feminas spoliandas Argos remisit. At Quinctius cum Attalo Rege, quum *Thebas*, *Boeotiae* caput, incautis & nihil tale expectantibus civibus intrasset ^b, societatem Romanam amplecti Thebanos coëgit. Sed Attalus, cum primus in Boeotorum concilio verba faceret, parte membrorum captus subito obmutuit ^c, & concidit: & aeger inde *Pergamum* advectus haud multo post mortem obiit ^d. Quinctius porro omnibus jam a tergo tutis pacatisque omnes cogitationes in Philippum; &, quod reliquum belli erat convertit: nec minus Philippus, suppleto jam exercitu, defungi quamprimum certamine cupiebat. Itaque relictis locis impeditis in Thessaliae patentes campos contendunt ^e: atque ibi ad tumulos, qui *Cynoscephalae* (*canis capita*) a figurae quadam similitudine vocantur, praelio

^a *Ibid.* c. 39. ^b *Plut. loco prox. d.* ^c *Id.* L. XXXIII. c. 2. ^d *Ibid.* c. 21. *Ibid.* c. 6.

lio concurrerunt. Eo praelio victus Rex effuso cursu *Tempe* petiit a : & mox missis *Larissam* ad commentarios regios comburendos in Macedoniam cessit.

§. VII. Inde porro statim misso ca- §. 7. De
duceatore veniam legatis mittendis a *pace cum*
Quinctio petiit. Nec difficulter im- *Philippo*
petravit; cum etiam Romanus, *bono*
animo esse Regem, juberet. Aegre hoc
ferebant Actoli; & querebantur,
„ Imperatorem victoria mutatum suo
„ arbitrio cuncta agere: & solis Ro-
„ manis pacis gratiam & fructum
„ quaerere. “ Et faciebat multa se-
dulo Quinctius, ut leviores viliores-
que apud omnes essent & viderentur;
quod insatiabili aviditate praedae, ar-
rogantia & vanitate laborantes cerne-
ret; sublatoque Philippo dominos
Graeciae esse habendos. Ergo ad col-
loquium admissus Rex ^b imperata
priori colloquio a Romanis, aut po-
stulata a sociis concessit: de ceteris
Senatui permisit: & convenit prae-
terea cum eo, ut *Demetrium* fi-
lium, & quosdam ex amicorum
numero obsides & ducenta talenta

Floren-
rum
da- 360000.

G g 4

a *Ibid.* c. 10. b *Ibid.* c. 13.

daret. Easque conditiones facilius concessit Quinctius ^a, quod *Antiochum* Syriae Regem bellum transi-
tumque in Europam moliri constabat ^b. In Senatu haud multa verba facta sunt ^c, quum Macedones, *quae-
cunque Senatus censuisset, id Regem fa-
cturum esse* dicerent. Igitur reversis in Graeciam legatis pax ex decem legatorum sententia Philippo data; cujus praecipuae leges fuerunt ^d, *ut omnes Graecorum in Europa & Asia civitates libertatem & suas leges haberent; captivos, transfugasque redderet Philippus; naves omnes rectas traderet; ne plus quingentis armatorum haberet, neve elephantum ullum; bellum extra Macedoniae fines injussu Senatus ne gereret; mille talentum Populo Romano daret.* In *Acrocorintho* tantum, Chalcide & Demetriade praesidium Romanum esse placuit, donec cura de Antiocho decessisset. Sed cum Aetoli ita catena-
tam restare Graeciam criminarentur, pervicit apud Concilium ut praesidia ex his quoque urbibus deducerentur

^a Ibid. c. 24. Polyb. excerpt. legat. p. 1101. edit. Jac. Gronov. ^b Liv. d. l. c. 31. sq.

^c Ibid. c. 30. Polyb. p. 1105.

tu a. Agebantur forte eo tempore *Isthmia* celeberrimo omnium undique Graecorum conventu : in eo conventu, cum praeco „ libertatem omnibus gen- „ tibus, quae sub Philippo fuerant, a „ Senatu Populoque Romano dari “ pronunciaffet, majus gaudium quam quod universum homines caperent b. Itaque praecone saepius revocato, cum vix auribus, vix oculis suis crederent homines, tantum cum clamore plausus est ortus, ut facile appareret, *nil omnium bonorum multitudini gratius quam libertatem esse.* Addit Plutarchus c, & idem fere tradit Valerius Maximus d, (atque ille quidem causas naturales ejus rei reddere conatur) corvos forte supervolantes vi istius clamoris in terram decidisse; cujus rei fides sit penes auctores. At minime Aetoli his pacis conditionibus erant contenti e : licet Quinctius ostenderet, „ eos jam societatem foederis solvisse, quo tempore relictis

G g 5 „ Ro.

a *Plut. vita Quinctii p. m. 374.* b *Polyb. exc. leg. p. m. 1109.* c *vita Quinctii p. 375.*

d *L. IV. c. 8. ex. 5.* e *Polyb. exc. legat. p. m. 1101. Liv. L. XXXIII. c. 31. & L. XXXIV. c. 23.*

„ Romanis cum Philippo pacem fe-
 „ cerant. “ Et porro monuit eos,
 „ ut fideliter in amicitia Populi Ro-
 „ mani permanerent; legatos tamen
 „ si vellent Romam mittere, omnia
 „ aequa impetraturos eos esse asse-
 „ rens. b.

§. 8. Boeo-
 torum res.

§. VIII. Boeotis etiam a Quinctio
 pax data fuerat c ; licet aperte Phi-
 lippi partes fovissent. Cum enim pe-
 tentibus Boeotis eos, qui suae gentis
 apud Philippum militaverant, resti-
 tuisset „ ut „ suspecto jam Antiocho
 corum favorem Romanis conciliaret,
 non Consuli, sed Regi pro redditis
 hominibus gratias egerunt: & comi-
 tiis proximis *Brachyllam* quendam
Boeotarchem fecerunt, (summus, ut
 nomen indicat, hic erat gentis Ma-
 gistratus, sicut *Magnetum Magnetar-*
chem videmus apud Livium L. XXXV.
 c. 31. & Aetolorum *Aetolarchem* apud
Phlegontem Trallianum de rebus mira-
bilibus c. 2.) nullam aliam ob causam,
 quam quod Praefectus Boeotorum a-
 pud Regem militantium fuisset, prae-
 teritis iis, qui Romanae societatis au-
 ctores fuerant. Ex his unus *Zenxippus*
 cum

a Ibid. c. 35. b Ibid. c. 39.

cum *Pisistrato* aliisque Brachyllam obtruncat, conscio, imo hortatore facinoris Proconsule Romano ^a : unde ad execrabile odium Romanorum efferrati Boeoti multos eorum per insidias interficiunt; cum etiam praedae aviditate allicerentur. Cum ergo justo pioque bello eos jam persequeretur *Quinctius*, deprecantibus tamen pacem concessit, ea lege, ut noxios traderent; & mulctae nomine triginta talenta conferrent.

§. IX. Antequam autem Graeciam §. 9. *Bel-*
relinquamus, adjungendum est bel-
lum, quod cum Nabide Lacedae-
moniorum tyranno gestum est. *Nabide*
Lacedae-
moniorum
Hic antea quidem socius Romanorum tyranno,
fuerat ^b; sed cum occupatis Argis & Grae-
ferocius ageret ^c, Senatus bellum *ciae res*
adversus eum decrevit ^d, cum etiam *compositae*
libertatem, quam Senatus Graeciae
decreverat, turbaturus videretur ^e.
Ergo etiam omnes fociae in Graecia
civitates exceptis Aetolis bellum ad-
versus Nabidem decernunt: & statim
Quin-

^a *Polyb. d. l. p. 1104.* ^b *Liv. L. XXIX. c. 12. Vid. eund. L. XXXI. c. 25. Plut. Quinct. p. 376.* ^c *Liv. Liv. L. XXXIII. c. 44.* ^d *V. eund. L. XXXIV. c. 22.* ^e *Plut. d. l.*

Quinctius Lacedaemonem exercitum duxit; licet omnes fere Graeciae principes ab Argis, quae causa belli esset, illud potissimum ordiendum censerent ^a. A Philippo etiam auxilia Quinctio venerunt: & naves a Rhodiis & *Eumene* Rege, qui Artalo patri successerat ^b; praeter classem Romanam, cui frater Quinctii Lucius praecerat; permulti denique exsules, ex quo tyranni tenebant Lacedaemonem, pulsi. Nec tamen Tyrannus bellum omisit, licet tot hostibus premeretur: &, ut etiam domi tutus esset, eis, quos suspectos habebat, edicit, „ se eos in custodia habiturum, „ donec ea, quae instaret tempestas, „ praeteriisset. “ Illi in custodiam se tradi patiuntur. Sed nocte insequente Tyrannus eos (octoginta ferme erant) interficit. *Ilotas* quoque, agreste genus, transfugii insimulatos necat. Ita paratus eruptione in hostes suos pugnat ^c: sed intra urbem compulsus, cum etiam *Gyrhium* navale Lacedaemoniorum, & validam eo tempore urbem, traditum Romanis
audi-

^a *Ibid.* c. 26. ^b *Id.* L. XXXIII. c. 30.

^c *Ibid.* c. 28.

audivisset, impetrato colloquio ad
 Quinctium venit: verum contra ten-
 dentibus sociis nihil ulterius impetrat.
 Quinctius vero, cui tacita cura sube-
 rat, ne successor inchoati belli vi-
 ctoria tradenda esset a, ostendendo,
 quam lenta & difficilis res obsidio La-
 cedaemonis futura esset, pervicit, ut
 pax tyranno daretur b: cuius praeci-
 puae leges fuerunt, „ ut Argis Ar-
 „ givorumque oppidis praefidia dedu-
 „ cerentur: navem nullam, praeter
 „ duos lembos, qui non plus quam
 „ sexdecim remis agerentur, habe-
 „ ret: perfugas, captivos redderet:
 „ Messeniis, quae erepta erant, ex-
 „ sulibus liberi & conjuges restitue-
 „ rentur: in Creta Insula ne quam
 „ urbem haberet: societatem cum ne-
 „ mine institueret, aut bellum gere-
 „ ret: oppidum nullum, castellum-
 „ ve conderet: talenta centum ar-
 „ genti in praesenti, quinquaginta
 „ in singulos annos per annos octo
 „ daret “ Sed nequaquam hae con-
 ditiones Nabidi iisque, qui cum eo
 erant, placuerunt: imo mox Roma-
 nos, cum urbem jam fere cepissent,
 aedi-

a Ibid. c. 33. b Ibid. c. 35.

aedificiis, quae muro proxima erant, incensis recedere coëgerunt. Tamen, cum rei exitum tyrannus nullum videret, legatos misit; & pacem conditionibus, quae paucis ante diebus editae erant, impetravit ^a. Argivi tamen, dum Tyrannus oppugnatur, praesidium ejus expulerunt; & in commune Achajae concilium restituti sunt. Anno etiam sequente Quintius multa Philippi, aut legatorum ejus licentia corrupta restituit ^b: atque ita tota Graecia liberata, (nam Nabidi vires ad nocendum ademptae erant) captivisque plurimis, quos Hannibal in Graeciam missos venderat, receptis Romam reversus splendidissimum triumphum egit ^c.

§. 10. *Bel-*
lum cum
Gallis &
Hispanis.

§. X. Dum haec in Graecia geruntur in Gallia etiam & Hispania bellatum fuit: & anno quidem quingentesimo quinquagesimo sexto utrique Consuli Italia provincia decreta est ^d. Eo anno ergo *Minucius* Consul Ligurum civitates plerasque in deditio- nem accepit: *Ti. Sempronius Longus* vero, cum *Cenomanos* non publi-
co

^a *Ibid.* c. 40. ^b *Ibid.* c. 48. ^c *Ibid.* c. 52.

^d *Ibid.* L. XXXII. c. 28.

to consilio se Insubribus junxisse intellexisset, impetravit, ut in acie aut quiescerent; aut etiam, si qua occasio fuisset, Romanos adjuverent: atque ita facile Insubres in medio sunt caesi; capto etiam Hamilcare Poenorum Imperatore, qui belli causa fuerat. *Ligustini Iluates* his rebus auditis Minucio se tradiderunt ^a. Anno sequente *Marcellus* ^b Consul factis magna clade a Bojis Gallis affectus est. Sed cum gens taedii impatiens in vicos suos dilapsa esset, trajecto Pado ingenti strage Gallos perculit, *Como* etiam oppido intra paucos dies capto: & paulo post cum collega L. Furio Purpureone copiis junctis ita pugnavit, ut vix nuncius cladis hosti relinqueretur: licet etiam *Valerius Flaccus* Consul anno sequente cum Bojis feliciter pugnasse dicatur ^c.

In Hispania ulteriore A. U. 556. ingens bellum coortum fuerat ^d, cum Hispani tum primum suo nomine, nullo Punico exercitu, aut duce ad arma ivissent ^e: & exitu anni C.

Sem-

^a *Ibid.* c. 31. ^b *Id.* L. XXXIII. c. 36.

^c *Liv.* L. XXXIV, c. 22. ^d *Liv.* *Ibid.* c. 21.

^e *Ibid.* c. 26.

Sempronius Tuditanus Proconsul ex vulnere ibi obiit ^a ; quod in praelio, quo exercitus ejus fusus erat, acceperat. *A.U. 558.* Igitur Anno Urbis quingentesimo quinquagesimo octavo *M. Porcius Cato* Consul cum classe & exercitu in Hispaniam profectus (cum prius oratione habita esse suavisset ^b, ne lex *Oppia*, qua mulierum luxus reprimebatur, abrogaretur: quod tamen contra tendentibus duobus *Tribunis plebis* obtinere non potuit ^c) in Hispaniam igitur profectus, urendo vastandoque agros hostium, omnia fuga & terrore complet ^d. Interim etiam omne, quod supererat tempus, exercendis militibus consumit. Dum in eo est Consul legati *Illergetum* ad eum venerunt opem adversus hostes suos orantes. At, cum ob imminentes ex propinquo hostes dividere exercitum non auderet Cato, spem pro re sociis ostentat ^e; praesentibusque legis tertiam partem militum, tanquam statim profecturam, in naves imponit; ita ut auxilii adventantis fama & suos & hostes legati implerent. Sed

iis

^a c. 25. ^b *Id.* L. XXXIV. c. 1. ^c *Ibid.* c. 8. ^d *Ibid.* c. 9. f. ^e *Ibid.* c. 12.

iis profectis milites ex navibus revocant: cumque jam satis & corpora & animos suorum firmasse videretur, circumducto exercitu procul navibus suis castrisque, ubi spem nisi in victoria non haberent, pugna, sed difficili, hostes vicit ^a. Eaque res, & simul populatio agrorum *Emporitanos*, multosque alios, ut civitates suas Romanis dederent, compulit. *Bergistanos* iteratae defectionis reos sub corona vendidit. Inde auctis adjunctione veterum exercituum copiis Turdetanos vicit quidem, sed non subegit: omnibus tamen cis Iberum Hispanis, ut occasionem rebellandi adimeret, arma abstulit; plurimarumque urbium muros diruit, summa vi animi & ingenii, (quae sane maxima in hoc viro fuit) parsimonia praeterea, vigiliis, labore omnia exsequens. Turdetanos tamen, ut dictum, Celtiberosque perdomare non potuit ^b. Et horum quidem auxilia evocaverat, cum paulo post quam provinciam esset ingressus ingruentibus barbaris periculum esset, ne opprimeretur ^c. Cum

H h hi

^a *Ibid.* c. 16. ^b *Ibid.* c. 19. ^c *Plut. Cat. maj.* p. m. 341.

hi vero ducenta talenta mercedis loco poscerent, & indignum hoc alis videretur, *nihil grave esse*, dixit Cato: quippe, *se vicisset, solentem ab hostibus, non a se: se victus foret, nullos fore, qui exigerent, nullos, a quibus exigeretur.* Ea pugna ergo fugatis hostibus plurimas urbes (quadringentas dicit Plutarchus) cepit; summa abstinentia praedam ex iis redactam tractans. Sed mox provinciam Scipioni, cum quo similitates exercebat, tradere coactus cum parvis copiis, a quibus deducebatur, partem Lacetanorum subegit; oppidumque eorum stratagemate cepit ^a. Ab una enim parte auxilia Sueffetanorum oppugnare moenia jubet: & cum in eos, quos saepe vicissent, contemptim erumperent Lacetani, ipse cum delectis cohortibus urbem fere vacuum occupavit. Pacata provincia vectigalia magna ex ferrariis argentariisque instituit; quibus locupletior indies provincia fuit. Atque inde ad triumphum Romam digressus est ^b. Quod autem de provincia Scipioni

^a Liv. L. XXXIV. c. 21. Frontin. *Strat.* L. III. c. 10, n. 1. ^b Liv. *Ibid.* c. 46.

pioni a Catone tradita diximus Plutarchi fide nititur: sed qui, cum attentius rem consideramus, humani aliquid hic passus fuisse videtur: nam apud Livium de ea re silentium est: & *Cornelius Nepos* ^a, conatum quidem fuisse Scipionem depellere provincia Porcium; sed per Senatum efficere non potuisse dicit. Hoc porro tempore duae Hispaniae terminatae fuisse videntur: atque in eas ab hoc tempore duo novi Praetores, qui ad quatuor fuerant additi ^b, sunt missi. Licet sequentibus annis pluribus continua etiam bella cum Hispanis fuerint: quae omnia, nisi si eximium plane aliquid acciderit, non memorabimus.

Alter Consul L. Valerius Flaccus cum Bojorum manu in Gallia signis collatis secundo praelio confligit ^c: & anno sequente iterum Gallorum Insubrium & Bojorum decem millia ab eodem sunt caesa ^d. Orosius ^e alterum praeterea grave praelium cum Gallis commissum memorat. Et eo-

H h 2

dem

^a *Vita Catonis.* ^b *Liv. L. XXXII. c. 27.*

^c *Liv. L. XXXIV. c. 22.* ^d *Ibid. c. 46.*

^e *L. IV. c. 20.*

dem anno Consul *Ti. Sempronius Longus* ancipiti praelio cum Gallis decertasse dicitur; ita tamen, ut plures e Gallis ceciderint ^a. Sed anno sequen-
A. U. 560. te Gallico bello etiam Ligusticum accessit: adeo ut Senatus *tumultum esse* decerneret ^b; & summa cura delectus ageretur. Consul *L. Cornelius Merula* exercitu in agrum Bojorum ducto, nihil se opponentibus hostibus eum vastavit: sed dum regreditur insidiis Gallorum exceptus cruento praelio cum iis configere coactus est; quo tamen superior fuit. Verum, quod legatus ejus *M. Claudius* culpa Consulis tot milites fuisse amissos, victosque jam hostes, cum deberi potuissent, e manibus emissos scripsisset, triumphus ipsi negatus fuit.

§. II. De
institutiis
quibusdam
domesticis
horum
temporum.

§. XI. Hinc porro arma Romana in Asiam jam translata, majoraque indies Imperii incrementa enarranda habebimus, si prius pauca quaedam etiam domi gesta, quae notari merentur, indicaverimus. Et primum quidem Anno Urbis 556. lata fuit *Lex*
 Por-

^a Liv. *Ibid.* c. 46. sq. ^b *Ibid.* c. 56.

Porcia ^a a *P. Porcio Laeca* Tribuno plebis de provocatione & libertate civium; ne cui civem Romanum verberare necareve liceret: quam quidem legem multi auctores sunt M. Porcium Catonem in Consulatu tulisse. Sed ad hunc quem diximus, Porcium Laecam referendum esse, tum alia docent, tum etiam denarius, quem post alios refert Cl. *Vaillantius* ^b ubi ab una parte conspicitur caput *Deae Romanae* galeatum cum nota denarii, & nomine *P. Laecae*; in averfa parte Praetor stans manu versus civem togatum extensa, licto remque, ut videtur, pone se habens; ubi in inferiore nummi parte legitur vox *Provo-*
voco.

Annus sequens insignis fuit novo sacerdotio, *Triumviris Epulorum* institutis, qui *ludorum epulare sacrificium* facerent ^c; qui postea *Septemviri* facti sunt.

Anno Urbis 559. Scipio in secundo suo consulatu primum dicitur, *subsellia Senatorum a populari confesso*

Hh 3 in

^a Liv. L. X. c. 9. Cic. pro C. Rabir. c. 4. Sall. Catil. c. 51. ^b de fam. Rom. G. Porcia n. 10. ^c Liv. L. XXXIII. c. 42.

in ludis scenicis separasse ^a ; cuius rei postea poenituisse fertur. Alii, Censores Africani consilio id fecisse afferunt ^b.

Anno 560. frater foeneratorum plebiscito coercita est ^c. Hi enim, cum foenebribus legibus multis avaritia eorum constricta esset, pecuniam quam civibus Romanis credidissent, in focios, qui iisdem legibus non tenerentur, transcribebant. Itaque plebs scivit; ut cum fociiis ac nomine Latino pecuniae creditae ius idem, quod cum civibus Romanis esset.


^a *Id. L. sq. c. 54. Cic. fragm. Orat. I. pro C. Corn. & ibi Ascen.* ^b *Liv. l. d. c. 44.* ^c *Id. L. XXXV. c. 7.*

Finis Libri Quarti.

LIBER QUINTUS.

CAPUT PRIMUM

*De bello Antiochino, sive Asiatico,
aut denique Syriaco.*

§. I. ntiochus cognomento §. r. Origo
Magnas Seleuci Calli- hujus belli.
nici filius, Antiochi Dei
nepos, Antiochi Soteris
pronepos, Seleuci Nicatoris, qui pri-
mus post Alexandrum Magnum Sur-
riam imperio tenuit a, abnepos an-
no perodi Julianae 4490. mundi 3760.
Olymp. CXXXIX. i. Urbis condi-
tae 530. admodum puer jam impera-
re Suriae ceperat: nam, quod apud
Livium L. XXXIV. c. 58. Seleucus
Nicator ejus *proavus* dicitur, minus
proprie est accipiendum. Hic jam
anno Urbis quingentesimo quinqu- A. U. 555.
agesimo quinto Attali Asiae Regis re-
gnum invadere coeperat b: sed Ro-
manorum legatorum auctoritate mo-
tus exercitum finibus ejus deduxerat c:

Hh 4

verum

a Vid. App. Alex. Syriac. init. b Liv. L.
XXXII. c, 8. c Ibid. c. 27.

verum non eo minus bellum meditabatur ^a ; & ingentes copias terrestres maritimasque comparabat. Maxime autem animum ejus bellandi cupidum adventus Hannibalis incendit : qui jam anno Urbis 558. Carthagine ad Antiochum Regem profugerat ^b. Fugendi habuerat causam odium factionis in republica Carthaginiensium sibi adversae : quod sibi contraxerat, dum in Praetura iniquitatem judicum castigare conatur : & vectigalia ; quae per peculatum avertebantur, in usum Reipublicae convertit. Hoc odium praeterea instigabant Romani ; licet diu repugnaret Scipio Africanus , qui indignum censebat, Populum Romanum subscribere odiis accusationibusque Hannibalis ; & factionibus Carthaginiensium inferere publicam auctoritatem. At Hannibal cedendum tempori ratus clam *Tyrum*, ex qua urbe propagati fuerant Carthaginienses, profugit : atque inde ad Regem *Ephesum* proficiscitur. Nam Rex jam anno 557. omnes Asiae civitates in antiquam imperii formulam

^a *Id. L. XXXII. c. 19.* ^b *Ibid. c. 45. sqq.*

lam redigere conatus fuerat a ; & *Ly-*
simachiam Chersonesi Thraciae urbem a
 Thracibus paucis ante annis incensam
 restituere coeperat b. Ibi cum con-
 venerunt legati Romanorum referen-
 tes, *aequum censere Romanorum Sena-*
tum, ut quas civitates Ptolemaeo forte
ademerat, ipsi restituerentur: nec ferrè
posse, eum civitates quasdam possidere,
quas, Philippo in Romanum bellum a-
verso, interceptisset c. Respondit An-
 tiochus, Mirari se, quo jure Roma-
 ni se rebus Asiae immiscerent; quae
 non magis ad eos pertineant, quam
 ad se quid rerum in Italia geratur d ;
 Thraciae urbes optimo jure suas esse
 debere, cum universum *Lyfimachi*
 regnum jure belli quondam Seleuci
 abavi fuerit factum. Cum *Ptolemaeo*
 amicitiam sibi esse. Sed ideo *Lyfima-*
chiam restaurabat Antiochus, quod
 commoda belli in Europam transfe-
 rendi sedes futura esset e. Ergo re-
 nunciarunt Romam legati, ingentem
 belli molem ab Antiocho restare; &
 Aetolos etiam, Nabidemque tyran-
 num

a *Ibid.* c. 38. b *App. Alex. Syriac.* c *Liv.*
Ibid. c. 39. *Polyb. L. XVII. c. 31.* d *App. Al.*
l. d. n. 88. e *App. Al. Syr.*

num infensos erga Romanos animos gerere. Legati tamen Antiochi, ut iusserat Quinctius ^a, Romam profecti, *ad amicitiam aequis legibus petendam se venire*, dixerunt ^b. Sed nihil impetrare potuerunt, nisi & Europa Antiochus decederet; & Asiae urbes, quae Graeci nominis erant, liberare vellet ^c. Hoc tamen concessum est, ut re integra dilata legati, qui Lyfimachiae apud Regem fuerant, rursus ad eum mitterentur ^d. P. Villius ergo legatus, cum antea Eumenem Pergami convenisset, & ibi P. Sulpicium collegam aegrum reliquisset ^e, Ephesum profectus Regem *Pisidiae* bello occupatum illico operitur. Forte tum ibi erat Hannibal; cum quo saepius congressus Villius, & tentandi animi ejus, & metus demendi causa, vilio rem eum & suspectiorem Antiocho Regi fecit. Quidam ^f P. Africanum in illa legatione fuisse, & cum Hannibale collocutum dicunt: & quaerenti in fami-
liari

^a Liv. L. XXXIV. c. 25. ^b Ibid. c. 57.

^c App. Alex. Sur. n. 89. ^d Ibid. c. 59.

^e Id. L. XXXV. c. 13. sq. ^f App. Alex. d. l. p. 91.

liari sermone Africano , *quem fuisse maximum Imperatorem Hannibal crederet?* dixisse, *Alexandrum Macedonem* ; *secundo loco, Pyrrhum* ; *tertio loco, haud dubie se ipsam dixisse* : cumque Scipio ridens subiecisset, *Quidnam tu diceres, si me vicisses?* respondisse fertur, *Tum me & ante Alexandrum, & ante Pyrrhum, & ante omnes alios Imperatores esse.* Improvisum sane, assentationis genus! Villius *Apameam* profectus eandem fere cum Rege disceptationem habuit, quae Romae cum ministris ejus fuerat; colloquiumque illud morte filii Regis diremptum est ^a. Et cum *Minione* quidem amico regio aliquot etiam sermones habiti: sed tandem, aequae ac venerant, omnium incerti legati Romam redierunt ^b. In consilio regio mox statutum est, ut bellum gereretur ^c.

§. II. Commodum autem Antiocho eveniebat, quod & Nabis & Aetoli inimico in Romanos animo essent. Nam & ille contra foedus maritimam oram Laconum oppugnabat ^d : & Aetoli legatis circa Reges missis,

§. 2. Nabis & Aetolorum molitiones.

^a Liv. d. l. c. 15. ^b Ibid. c. 17. ^c Ibid. c. 19. ^d Ibid. c. 22. 25. Vid. Ibid. c. 12. sq.

missis, suis quemque stimulis ad Romanum bellum movere tentabant; adventumque Antiochi in Graeciam expectantes arma parabant ^a. Achaeci, cum de Nabide Romanum nunciassent, ingenti consensu bellum adversus eum decernunt, Praetorem tum habentes prudentissimum simul fortissimumque virum *Philopoemenem* ^b; qui duobus aliis ejus aetatis summis Imperatoribus Scipioni & Hannibali tertius annumerari meretur ^c. Hic victum praelio Tyrannum urbi Spartae inclusit ^d; & populationibus etiam agrorum fractis ejus viribus domum rediit: dum Aetoli interea Demetriadem specie reducendi exules occupant ^e; Chalcidem vero frustra tentant ^f. Nabide praeterea per insidias caeso etiam Lacedaemonem invadunt; sed a Lacedaemoniis obtruncato *Alexameno* Aetolorum duce, ejiciuntur; & Lacedaemonii a Philopoemene Achaeorum foederi junguntur. Sed interim cum ipso Antiocho foedere juncto

^a *Ibid.* c. 23. ^b *Plut. ejus vita* p. m. 364.

^c *Liv. L. XXXIX. c. 50.* ^d *Id. L. XXXIV. c. 30.* ^e *Ibid. c. 34.* ^f *Ibid. c. 38.*

Sto Aetoli a jam magis indies defe-
 ctionem nudabant: ita ut Antiocho
 proclive iter non tantum in Grae-
 ciam, sed etiam in Italiam sternere
 viderentur. Et hic quidem bello prae-
 cebebat, tum alia quaedam b, tum
 praecipue c necem Brachyllae Boeo-
 tarchae; quem hortatoribus Romanis
 a Zeuxippo occisum vidimus d. At
 vera causa fuit, quod egregiam quon-
 dam gentis Romanae disciplinam per
 multa jam secula publice privatim-
 que labantem cerneret: Ita jam anno
 quingentesimo sexagesimo primo om-
 nia ad bellum cum Antiocho specta-
 bant.

§. III. Ergo initio hyemis anni §. 3. An-
 quingentesimi sexagesimi secundi De- tiuchi in
 metriadis maxime ad Aetolos defe- Europam
 ctione elatus Rex in Graeciam traji- transitus.
 cit. Cogitaverat autem Hannibalem A. U. 562.
 cum classe in Africam mittere, ut
 ad bellum populares suos excitaret e :
 sed Thoantis Aetoli mendaciis suspi-
 cionibusque, quibus Hannibalem ille
 onerabat, motus consilium mutavit :
 Thoas

a Liv. Ibid. c. 32. b Id. L. XXXIII. c. 38.

c Id. L. XXXVI. c. 6. d Libr. praec. c. ult.

§. 8. e Liv. L. XXXV. c. 42.

Theas enim, cum primum in Graecia bellum facillimum Regi fore probare conatus esset, invidiam movit Hannibali, quod forte traditione clafsis regiae amicitiam Romanam empturus esset. Statim ac in Graeciam venit Antiochus, licet paucissimis copiis instructus, ab Aetolis ingenti plausu excipitur propedem Graeciam se exercitibus impleturum promittens ^a, ut Graeciae libertatem, Aetolis Graeciae principatum assereret. Chalcidem inde ex consilio Aetolorum, sed non meliore, quam paulo ante ipsi Aetoli, eventu, tentavit ^b; (quae urbs tamen paulo post portas Regi aperuit ^c, simulque tota ipsi Euboea accessit) ab Achaeis triste, a Boeotis dubium responsum accepit ^d. Eodemque tempore Eleorum legati auxilium adversus Achacos petebant: Epirotae vero, primum Romanorum excepturi impetum, & proinde dubie cum Rege agentes ^e, dubium acceperunt responsum ^f. At Romanis juris aliquantulum inferendi

^a Ibid. c. 44. ^b Ibid. c. 46. ^c Ibid. c. 51.

^d Ibid. c. 50. ^e Polyb. ex. legat. n. 12.

^f Id. L. XXXVI. c. 5.

di Antiocho belli accessit ^a; quod Romanos quosdam milites in templo Apollinis *Delio*, ut in loco sancto, nondum etiam aut indicto bello, aut strictis gladiis commisso, secure agentes ceciderat plerosque, aut ceperat ^b. Itaque Senatus decreto, Populi jussu, bellum Antiocho indictum est ^c: cujus tanta cura fuit, ut *P. Cornelius* Consul ediceret, ne quis Senator, minorve magistratus ab Urbe Roma longius abiret, quam unde eo die redire posset; neve uno tempore quinque Senatores ab Urbe abessent. Socii etiam Reges Ptolemaeus, Philippus, Masinissa, & etiam Carthaginienses auxilia ad bellum, pecuniam, frumentum obtulerunt; quae parce omnia accepta.

§. IV. Interim Antiochus ad Boeotos ob necem Brachyllae Romanis succensentes profectus eos sibi adiunxit ^e. Inde Chalcidem regressus, cum alii alia in consilio de belli gerendi ratione differerent, Hannibal, Philippum Macedonem praecipue ad socie-

§. 4. Res ab Antiocho in Graecia gestae.

^a *Id.* L. XXXVI. c. 51. ^b *App. Alex. n.* 94. ^c *Id.* L. XXXVI. c. 1. & 3. ^d *Liv. Ibid.* c. 6.

societatem belli adhaerentem esse, censuit; vel initum, propter belli diffinitum. Tum praeterea omnibus virtutibus contractis speciem imperandi non in Italiam bella Romanis esse praebendam. Verum initum consilium fuit; nisi quod ad classem et Asia accessitum Antiochus missus a Ipse confestim in Thessaliam progressus oppida plura Thesalorum cepit: Larissae vero oppugnationem adveniente cum auxiliis Ap. Claudio reliquit, hyemem instare apud suos confatus b: & ita Demetriadem reversus reliquam hyemis ibi mollemente egit, nuptias etiam cum virgine Chalcidensi celebrans: ita ut ea, quae jam narravimus, brevissimo tempore gesta esse debuerint: nec meliori disciplina praefecti regii militesque sunt usi. At *M' Acilius Glabrio* Consul principio veris in Graeciam transgressus Larissam ducere delectos militum Tribunos jussit c: dum interea *M. Baebius* Propraetor & *Philippus* Rex varia oppida in potestatem redigunt d. Consul vero *Limnaeam* & *Pellinaeum* Thessa-

a Ibid. c. 8. b Ibid. c. 10. c Ibid. c. 14.
d Ibid. c. 13.

Thessaliae oppida capit; aliaque in fidem recipit: ita ut omnibus, quae invaserat Antiochus, jam rursus exueretur. Philippi indulgentia Athamania omnis in jus ejus ditionemque concessit; dum Amynander Praetor gentis, veritus, ne Philippo traderetur, Ambraciam se cum suis contulit a; cum Consul interea plurima etiam oppida caperet. Excitatus tandem Antiochus Aetolos advocat: qui venerunt, sed exiguo numero, militiam vulgo a suis detrectari caussati. Ergo intra saltum Thermopylarum (ab *angustiis* & *calidis*, qui ibi sunt, *fontibus* locus nomen accepit; Graecis enim *Θερμὸς*, *calidum*, *πύλη*, *portam* designat) sese recepit: quod jugum mediam Graeciam dirimit; ubi quondam trecenti Spartani duce Leonida impetum immensi exercitus Persarum sustinentes pro Graeciae salute caesi fuerant b.

§. V. Hujus saltus vertices rogatu §. 5. *Antiochus*
Regis pars Aetolorum infederat; pars *He. Graecia*
li *exactus.*

a Appian. Alex. Suriac. n. 96. b App. Al. Ibid. n. 97. Herodot. L. VII. c. 223. Cic. Tuscul. Quaest. L. I. c. 42. Supr. L. III. c. 1. §. 5.

Heracleae substiterat ^a : quo intellecto Consul Porcium Catonem , & Valerium legatos suos † , viros consulares , & olim in consulatu collegas , ut postea in censura fuerunt , ad castella Aetolorum occupanda mittit : quod feliciter a Catone praestitum (nam Flacco non eadem fortuna fuit ^b) praecipuam victoriae occasionem dedit. Nam Macedones , qui inter auxilia Antiochi militabant , cum signa Romana ex propinquo conspexissent ^c , in fugam se coniecerunt. Antiochus quamprimum suorum aciem inclinatam vidit , effuso cursu Elatiam , & inde Chalcidem contendit , quingentis tantum ex toto ejus exercitu cum Rege fuga elapsis. Romanorum prope ducenti interfecti. Appropinquante Chalcidem Consule Rex cum nova nupta (cui *Eubiae* nomen fuit) Ephesum fugit. *Chalcidenses* Consuli portas aperuerunt ^d ; secutaeque sunt omnes Euboeae urbes , cum summa modestia

Acilius

^a Liv. d. l. c. 22. † Cic. de Sen. c. 10. Plut. Cat. Maj. p. 342. Tribunum militum fuisse dicunt. ^b Ibid. c. 19. . ^c App. Alb. Ibid. n. 98. ^d Liv. d. l. c. 21.

Acilius victoriam exerceret.

§. VI. Hinc ad Aetolos praemisit §.6. *Quas*
 Acilius, ut tunc saltem experti re-^{porro cum}
 giam vanitatem resipiscere, & cle-^{Aetolis}
 mentiam Romanorum expetere vel-^{gesta sint.}
 lent. Sed, cum nihil pacati respon-
 deretur, Heracleam aggreditur; &
 post aciem multorum dierum oppu-
 gnationem stratagemate urbem, &
 postea etiam arcem deditioe capit a;
 & simul *Damocritum* Aetolorum
 Praetorem; qui olim *Quinctio* fero-
 cissimum responsum dederat b. He-
 raclea capta durus a Romanis ad Phi-
 lippum nuncius venit, qui *Lamiam*
 septem ferme millibus passuum inde
 distantem urbem oppugnabat, „ ut
 „ oppugnatione absisteret; aequius
 „ esse, Romanos milites, qui acie
 „ cum Aetolis dimicassent, praemia
 „ victoriae habere. “ Paucis ante
 quam Heraclea caperetur diebus Ae-
 toli ab Antiocho pecunias & auxilia
 petierant, Regis referre dicentes, ne
 Romani omni cura vacui in Asiam
 trajicerent c. Pecunia in praesentia
 legatis data; auxilia promissa: nam
 I i 2 vera

a *Ibid.* c. 24. b *App. Al.* *Ibid.* n. 99. *Liv.*
Ibid. c *Liv.* *Ibid.* c. 26.

vera dicere Aetolos Rex sciebat. Sed capta jam Heraclea animi Aetolorum fracti sunt; legatosque ad Consulem miserunt ^a : a quo datis induciis L. Valerio Flacco exponere, quae secum acturi fuissent, sunt iussi; nam sibi otium esse negaverat. Cum autem longam defensionem inciperent, Flaccus auctor illis fuit, ut confessione culpaе utentes *in fidem se Romanorum permitterent*. Postquam id *Phaeneas* legationis Aetolorum Princeps apud Consulem dixisset, & ille postulasset ^b, (non enim intelligebant Graeci apud Romanos idem esse, *fidei se victoris*, an, *arbitrio eius permittere* ^c) ut duo capita seditionis, praeter Amynandrum Athamanum principem, sibi dederentur, *non in servitutem, sed in fidem Consulis se tradere sese*, dixerunt; *credereque se imprudentia labi Consulem, qui ipsis imperet, quae moris Graecorum non sint*. At, cum se plane, non curare, quid moris Graecorum Aetoli esse censerent, Consul respondisset, & praesentia vincula in modo deditos expediri iussisset, fracta Acto-

^a Polyb. exc. leg. n. 13. ^b Liv. Ibid. c. 28

^c Polyb. Ibid. p. m. 1115. f.

Aetolis ferocia est ; induciasque decem dierum impetrarunt. Sed, cum imperata a Quinctio in consilio Aetolorum retulissent, ira & difficultate praestandi, quae imperarentur (nam quonam modo utique Regem Amyndrum se tradere posse ?) ad bellum redeunt; cum praesertim *Nicanter*, unus ex eorum principibus ab Antiocho veniens vana expectatione multitudinem impleisset ^a. Igitur *Acilius Naupactum*, (hodie *Lepanto* dicitur) quo concurrisse Aetolos audiverat, contendit, eamque urbem obsedit ^b : sed cum ea obsidio in longum duceretur T. Quinctius ^c, qui interim res Peloponnesi ordinaverat, & Zacynthum insulam, quae Philippi Regis fuerat, quamque interceperant Achaei, Romanis restitui fecerat, Naupactum trajecit ^d, persuasitque Consuli, ut Aetolis legatos Romam mittere concederet, qui Senatui *quicquid placuisset, se facturos*, dicerent. Ita obsidio soluta est ^e. Sed cum duae conditiones iis ferrentur,

I i 3 vel,

^a Polyb. exc. leg. p. m. 1117. ^b Liv. Ibid. c. 30. ^c Ibid. c. 34. ^d Ibid. c. 31. sq. ^e Ib. c. 35.

vel, „ ut Senatui liberum de se ar-
 „ bitrium permitterent; vel mille ta-
 „ lentum darent, eisdemque amicos,
 „ atque inimicos haberent a, “ in-
 fecta pace dimissi sunt, cum scire vel-
 lent, quarum rerum arbitrium in se
 Senatui permitterent b. At paulo
 post Principes Aetolorum tres & qua-
 draginta c, inter quos Damocritus &
 frater ejus erant, jussu Acilii Romam
 deducti; & in lautumias coniecti sunt.
 Acilius interim Lamiam a Philippo
 jam prope ad excidium adductam ce-
 perat: & *Amphissam* oppugnabat,
 cum *L. Scipio* Consul advenit; a quo
 Aetoli inducias impetrarunt d. Sed
 cum legati eorum in Senatu minus
 humiliter verba fecissent; sine respon-
 so Urbe & Italia excedere coacti sunt.
 Verum in sequentibus videbimus,
 quem finem haec res habuerit. Epiro-
 tae etiam ab Acilio ad Senatum re-
 jecti (nam non sincera fide in amici-
 tiu fuisse satis constabat) veniam im-
 petrarunt. Hunc finem habuit bellum
 cum Antiocho Rege in Graecia ge-
 llum. Acilius anno sequente de An-
 tiocho,

a Polyb. p. m. 1121. & 1123. b *Id.* L.
 XXXVII. c. 1. c *Ibid.* c. 3. d *Ibid.* c. 7.

tiocho , quem Graecias expulerat, & Aetolistrion triumphavit ^a. Eodem fere tempore , quo Naupactus oppugnabatur , classis Antiochi ab Eumene & C. Livio Romanae classis praefecto in fugam acta fuit ^b.

§. VII. Sed fuga Antiochi Romanis occasionem transferendi in Asiam belli pulcherrimam praebuit. Vidi-
 mus jam L. Cornelium Scipionem Consulem ad bellum cum Antiocho gerendum in Graeciam trajecisse. §. 7. Bellum in Asia cum Antiocho gestum. A.U. 563.
 Nam orta fuerat contentio inter Consules L. Scipionem & C. Laelium , utri Graecia provincia & bellum cum Antiocho Rege decerneretur ^c. Verum statim ac P. Scipio Africanus dixit, *Si fratri suo provinciam Graeciam decrevissent , se Legatum iturum* , ceramen sublatum est : & absque eo fuisset , non videtur provinciam eam fuisse habiturus , cum & parum in eo esse putaretur animi & roboris ^d , & rerum militarium fere imprudens esset ^e. Permissumque est Scipioni,
 I i 4 Uti,

^a Ibid. c. 16. ^b Liv. Ibid. c. 43. sqq.

^c Liv. d. l. XXXVII. c. 1. ^d Cic. Philipp. XI. c. 7. ^e Val. Max. L.V. c. 5. n. 1. Appian. Syriac. n. 99.

Uti, si e Republica esse videretur, exercitum in Asiam trajiceret ^a. Antequam vero ulteriora narremus, obiter observandum est, hunc Lucium Scipionem majorem natu fuisse Publio, quod ex Polybio colligitur ^b. Ergo Consul per Graeciam in Macedoniam pervenit; ubi omnia praeparata invenit; & regio apparatu excipitur: quae humanitas Africano praecipue placuit, viro sicut ad cetera egregio, ita a comitate, quae sine luxuria esset, non averso ^c. Ita per Macedoniam & Thraciam prosequente & praeparante omnia Philippo ad *Hellespontum* perventum est. Antiochus interim, tum terrestribus, tum maritimis praesertim apparatibus intentus fuerat: Gallograecorum etiam auxilia arcefferat: maritimas Aeolidis urbes per filium *Seleucum* cum exercitu continebat: isque *Phocaeam* proditione recepit ^d; & *Cyme*, aliaeque ejusdem orae urbes ad eum metu defecerunt. Nec omittere hic possumus classis *Rhodiae*, quae Romanis mili-

^a Liv. d. l. c. 2. ^b Vid. Polybii fragm. L. X. n. 4. p. 805. edit. Gronov. ^c Liv, Ibid. 6.7. ^d Liv. Ibid. c. 11.

militabat, cladem ^a. Regiae classi
 praeerat *Polyxenidas* exul Rhodius.
 Hic *Pausistratum* (*Pausimachum* vocat
 Appianus voce ejusdem potestatis)
 classis Rhodiae praefectum superbe
 quaedam de se concionatum per lite-
 ras appellat, & classem regiam tradi-
 turum esse pollicetur; nullum aliud
 pretium tanti meriti, quam reditum
 in patriam pactus; fidemque tabellis
 signo suo impressis munit. Ea fide
 accepta negligenter omnia agere Pau-
 sistratus: & licet a transfuga monitus
 esset, omnia simulate agere Polyxe-
 nidam, in insidias delapsus interfici-
 tur, maxima parte navium amissa.
 Eaque clades etiam Livium, qui jam
 fere cum Abydenis de urbe eorum si-
 bi tradenda convenerat, obsidionem
 eam relinquere coëgit ^b: & mox suc-
 cessori suo *L. Aemilio Regillo* navale
 imperium tradit ^c: & cum paucis na-
 vibus in *Lyciam* missus *Patara*, caput
 gentis, frustra tentavit ^d: quod etiam
 ipsi Aemilio contigit. Aderat hisce
 expeditionibus etiam Rex Eume-
 nes ^e: eaque occasione usus Seleucus

li 5

An-

^a *Ibid.* c. 10. ^b *Ibid.* c. 12. ^c *Ibid.* c. 14.
^d *Ibid.* c. 16. ^e *Ibid.* c. 18.

Antiochi filius caput arcemque regni ejus Pergamum oppugnare statuit, & haud procul a Seleucicastris etiam ipse Antiochus stativa collocat. Eo nuncio accepto Pergamum Eumenes contendit: & Romana, Rhodiaque classis, ut Regi opem ferret, *Elaeam* accessit. Ita Antiochus veritus, ne mox etiam Consule cum exercitu adventante undique premeretur, misso ad Aemilium Regillum Praetorem caduceatore, *de pace se agere velle*, professus est: sed de Eumenis sententia, quem Pergamo acciverat Romanus, responsum est, *ante Consulis adventum de pace agi non posse* ^a. At Seleucum ex agro *Pergameno* movere castra coëgit intrepida praesertim Achaeorum fortitudo; qui auxilio missi Romanis una & altera eruptione trepidos hostes in castra compulerant ^b. Phocaeam etiam classis Romana cum Eumene Rhodiisque oppugnavit: sed cum missum ab Antiocho praesidium urbem intrasset, destiterunt. At navali praelio feliciores fuerunt Rhodii,

^a Polyb. exc. leg. n. 21. p. 1126. ^b Liv. L. XXXVII. c. 20. sq. Appian. Alex. Syriac. n. 102. sq.

dii, quod cum Hannibale & *Appolionio* uno ex regiis purpuratis inierunt ^a : eos enim in fugam egerunt; & , nisi cessassent, omnem hostilem classem aut capere, aut submergere potuissent. Hannibal eo praelio ictus praetervehi Lyciam, ut veteri regiae classi conjungeretur, non audebat: verum Antiochus, (qui Prusiam etiam Bithyniae Regem in partes suas pertrahere conatus fuerat; sed frustra, cum audita Romanorum legatione, cujus princeps erat C. Livius, spes & consilia sua ab Antiocho penitus separaverit ^b) Antiochus itaque, cum & magnam partem classis Romanae circa Patara esse sciret, & Eumenem cum omnibus navibus suis Consuli obviam in Hellespontum esse profectum; tum praeterea multas Rhodiorum naves a Polyxenida, ut diximus, esse interceptas, *Colophonem*, vicinam Epheso urbem oppugnare institit; ut itaq; reliquam Romanorum Rhodiorumque classem, quae ad *Samum* stabat, ad pugnam provocaret. At ea classis jam *Chium*, ubi horreum Romanorum erat trajecerat; cum certior factus

^a *Ibid.* c. 23. sq. ^b *Polyb. d. l. p. 1128.*

factus esset Praetor Aemilius eo frumenti magnam vim ex Italia venisse ^a. Simul autem audiverat, naves vinum portantes tempestatibus retentas esse; & *Tejos* (urbem *Temus* hi incolebant sitam in australi latere Peninsulae, in cuius faucibus sunt *Smyrna* & *Lebedus*) regiae classi benigne commeatus praeuisse; quinque etiam millia vasorum vini esse pollicitos. Ergo agrorum populationibus *Tejos* adegit, ut tantumdem vini & commeatum etiam sibi praeberent: & commodum ad accipiendos commeatus classem in portum, qui ante *Tejorum* urbem est, transire fecerat: nam in portu ad *Myonnesum*, ubi cum classe steterat, facile a *Polyxenida* interclusis angustis portus faucibus oppressus fuisset. Jam vero nautis militibusque, qui ad dividendum vinum & commeatus egressi fuerant, non sine trepidatione naves ut conscenderent coactis, post acrem satis pugnam classem hostilem in fugam vertit, tredecim ex ea navibus captis, novem & viginti incensis, aut demersis ^b. Hac clade

^a Liv. d.l. c.27. ^b Ibid. c.30. App. Alex. Ibid. n. 104.

clade territus Antiochus pravo consilio praesidium, ne a Romanis opprimeretur, ab Lyfimachia deducit: quam urbem facile per totam hyemem adversus Romanos defendendo tempus extrahere ad occasiones pacis tentandae poterat. Sed, ut observat Appianus, Deus ipsi jam mentem adimebat, ut imminentibus calamitatibus fieri solet ^a. Imo etiam Colophonis obsidionem reliquit, & *Sardes* se recipit copias undique (nam acie dimicare cupiebat) contracturus. Praetor vero Aemilius Phocaeam acriter adortus ad deditionem incolas perpulit; sed prohibere non potuit ^b, quin milites ad diripiendam urbem passim discurrerent: ipsi tamen in omnibus, quae ipsius potestatis fuerunt, fides constitit, ita ut urbem, agros & leges suas victis restitueret.

§. VIII. Interea Scipio Consul ad Hellepontum pervenerat: &, omnibus cura Eumenis ad trajiciendum paratis, velut in pacata litora trajecit. Dum autem ibi ob religionem, quia dies forte, quibus ancilia moventur, religiosi ad iter inciderant, (& ipse

§. 8. Scipionum in Asiam adventus.

P. Sci-

^a *Ibid.* c. 32.

P. Scipio Salius erat) moram neccit, legatus ab Antiocho venit a cum Publio potissimum Scipione de pace acturus ; tum , quod majoris animi, quam frater, esse crederetur ; tum, quod filius ejus initio belli casu quodam Chalcide Demetriadem petens a regiis erat captus. Et luculentas sane , ut ipse quidem censebat, pacis conditiones tulit. Respondit Scipio b , *privatam quidem gratiam pro privato beneficio referre paratum esse: publice nec habiurum quicquam a Rege, nec daturum.* Fidele tamen consilium Regi suis verbis ut nunciarent jubet: *bello abstineret ; pacis conditionem nullam recusaret,* Sed Rex indignum ratus perinde ac victo jam sibi leges dici c , totam curam in belli apparatus intendit. Filium tamen ad Scipionem Elaeae tum ex morbo decumbentem misit : qui pro eo beneficio Regi consilium dedit , *ne ante in aciem descenderet , quam in castra rediisse P. Scipionem audisset.* Nec neglexit consilium Antiochus : sed circa *Magnesium* castra multis operibus munit. Consul castris

a Ibid. c. 34. b Ibid. c. 36. Appian. Alex. n. 105. c Appian. Alex. Syriac. n. 106.

castris prope castra régia positis a ,
 posteaquam a Rege detrectari certamen videret, de praelio committendo ad consilium retulit: ubi undique conclamatum est , *exemplo in hostem duceret*. Et tertio die pugnandi copia utrimque facta est: verum initium cladis Antiocho fuit, quod quadrigae ejus falcibus armatae in fugam versaerunt b. Eo pavore turbata auxilia totum laevum cornu inclinare fecerunt: illudque mox media acies secuta est. A dextro vero cornu equites Romani fugati, & ad castra usque compulsi sunt: sed *M Aemilius* Tribunus militum, qui castris praecerat, minis & mox vulneribus suorum fugam sistit; & Attalus Eumenis frater a dextro Romanorum cornu in tempore cum ducentis equitibus advenit. Ergo Antiochus equo converso in Syriam usque fuga contendit c. Multi inde fugientium caesi: multi in ipsis castris; quae simul capta & direpta sunt, Romanis cum magna praeda in sua castra revertentibus. Cecidisse ex regiis dicuntur peditum millia ad quinqua-

a Liv. d. l. c. 38. b Ibid. c. 41. f. Appian. n. 108. c Appian. n. 110.

quaginta, equitum millia quatuor : ex Romanis trecenti pedites , quatuor & viginti equites; ex Eumenis exercitu quinque & viginti , aut, juxta Appianum , quindecim amissi; evasitque Rex per medium Eumenis exercitum , non magno incommodo ab illius copiis accepto. Victoriae autem hujus laus potissima fuit penes *Cn. Domitium* ^a , quem Africanus fratri pro se adjunxerat. Refert hujus elegans dictum Plutarchus ^b : cum duces, quos circum se habebat, confestim adoriri hostes juberent, *tempus diei non sufficere ad tot millia hostium concidenda*, dixit, *ita ut direptis impedimentis in castra reverti possent; se crastino die tempestive hoc facturum*. Et porro in caesorum numero cum Livio & Appiano convenit. Hac clade audita legati statim ab *Thyatira*, a *Magnesia* ad *Sipylum*, ab altera *Magnesia*, quae super *Maeandrum* est, a *Trallibus*, imo ab ipsa Epheso venerunt, qui urbes illas dederent ^c.

§. 8. *Antiochus pacem petit & impetrat.*

§. IX. Et jam Sardibus erant Scipiones , cum legati a Rege pacem peten-

^a *Ibid. n. 106. sqq.* ^b *Apophthegm. p. m. 197.* ^c *Liv. d. l. c. 45.*

petentes venerunt a : iisque Africanus de consilii sententia easdem fere, quas ante praelium, conditiones tulit b ; *abstineret Rex Europa, & Asia omnicis Taurum montem decederet; pro impensis belli certis pensionibus quindecim millia talentum Euboicorum daret;* (Talentum hoc fuit quatuor millium denariorum, sive, Romano more, sexdecim millium nummorum sester-tiorum, nostra moneta mille & du-centorum florenorum *Carolinorum*; ita ut haec multa Antiocho imposi-ta fuerit florenorum *Car.* 18000000.) *Eumeni quadringenta talenta † adhuc debita redderet; auctores belli, & prae-cipue Hannibalem, dederet; elephantos omnes & naves ad certum numerum tra-deret c.* In has conditiones paulo post obsides viginti, qui imperati erant, interque eos Antiochi filius, a Rege dati sunt; & legati Romam missi. Eumenes quoque eodem tempore profectus est Romam, quo legati Regis. Secutae eos sunt legationes omnium Asiae populorum. Eume-
K k nem,

a Polyb. exc. legat. n. 23. b Ibid. X. n. 24.
Liv. Ibid. c. 46. † Philipp. 3 6000. c App.
Alex. d. l. n. 112.

nem, quum merita sua in S. P. Q. R. exposuisset, jussit Senatus a, ut libere diceret, *quid sibi tribui aequum censeret*. Ille vero, *omnia Senatorum arbitrii esse debere*, respondit. Sed sapius dicere jussus tandem longa oratione patris sui, & sua etiam erga Populum Romanum merita commemoravit. Adjecitque, *si terras cis Taurum montem Antiocho ereptas ipsi Romani tenere vellet, se nullos accolat, quam Romanos, malle*. Si vero inde exercitus deducere in animo haberent, *aequum censere, ut sibi tribuantur*. Rhodii vero, multum contratendente Eumene, *civitatibus Asiae, quae ante, quam ab Antiocho occuparentur, liberae fuissent, libertatem reddendam putabant*. Senatus, *pacem, quibus eam L. Scipio dedisset, legibus confirmandam* censuit: idem Populus paucos post dies jussit b;
 „ ita ut Rhodiis Lycia fere tota &
 „ pars Cariae daretur; reliqua Asiae
 „ cis Taurum montem, quae intra fines regni Antiochi fuissent, Eumeni
 „ attribuerentur; civitates Asiae,
 „ quae Attali stipendiariae fuissent,
 „ eadem

a Liv. L. XXXVII. c. 52. Polyb. exc. log. n. 25. b Liv. Ibid. c. 55.

„ eadem Eumeni vectigal pende-
 „ rent ; quae vectigales Antiochi
 „ fuissent , eae liberae atque immunes
 „ essent. “ L. Scipio , cum ad Ur-
 bem venisset , ne cognomine fratri ce-
 deret , *Asiaticum* se appellari voluit ^a ;
 splendidissimumque triumphum egit
 anno fere , postquam consulatu abiit.
 Legitur aliquando etiam , *Asiagenem*
 Graeca forma vocis dictum fuisse ^b.
 In aes incisum foedus in Capitolio de-
 dicatum est ; ut omnia foedera ibi de-
 dicari solebant : & exemplar ejus *Cn.*
Manlio Vulsoni , qui Scipioni succef-
 serat , missum : qui pluscula in foe-
 deris legibus addidit ^c , aut mutavit ;
 praesertim , „ ne Rex Antiochus exer-
 „ citum , qui cum Populo R. sociisque
 „ bellum gesturus esset , per suos fines
 „ transire pateretur neve ulla ratione
 „ juvaret ; nec bellum cum iis , qui
 „ insulas colebant , gereret , neve in
 „ Europam transiret ; neve ultra cer-
 „ tum Asiae terminum navigare li-
 „ ceret ; argenti probi , duodecim
 K k 2 „ millia

^a *Ibid.* c. 58. ^b *Id.* L. XXXIX. c. 44. V.
Spanh. de Pr. & Us. Numism. Diss. X. p. 64. ed.
ult. ^c *Polyb. Exc. legat. n. 35.*

„ millia Atticorum talentorum † in-
 „ tra duodecim annos daret; & tri-
 „ tici 54000. modium. Si quis so-
 „ ciorum Populi R. ultro bellum An-
 „ tiocho inferret, vim vi arcendi jus
 „ esset. “

§. 10. Han-
 nibalis exi-
 tus.

§. X. De auctoribus belli, & prae-
 cipue Hannibale, dedendis etiam cau-
 tum est. At Hannibal verens, ne de-
 deretur, in *Cretam* ad *Gortynios* navi-
 gat, magnam pecuniam secum por-
 tans a. Verum ibi quoque ob ava-
 ritiam *Cretensium* magno in periculo
 se fore videns amphoras complures
 complet plumbo: summas operit auro
 & argento: easque publice in templo
 Dianae deponit. Sed statuas aeneas,
 quas secum portabat, omnes sua pe-
 cunia complet, atque ita *Cretensibus*
 illufis ad *Prusiam Bithyniae* & *Ponti*
Regem pervenit: eumque statim ad-
 versus Romanos incitavit. Cumque
 eo tempore inter *Prusiani* & *Eume-*
nem bellum & terra & mari gerere-
 tur classem *Eumenis* vicit Hannibal;
 & dolo quidem, quando armis par
 non esset. Imperavit enim quamplu-
 rimas venenatas serpentes vivas colli-
 gi,

† Philipp. 7200000. a *Nepos vita Hann.*

gi, easque in vasa fictilia conjici. Haec vasa, cum acrius premerentur in naves adversariorum trajici jussit: quae jacta initio risum pugnantibus excitarunt: postquam naves completas conspexerunt serpentibus, cum quid potissimum vitarent non viderent, puppes avertere coacti sunt ^a. Dum haec in Asia geruntur, accidit casu, ut legati Prusiae Romae apud L. Quinctium *Flaminium consularem* ^b coenarent; & ex his unus diceret, *Hannibalem in Prusiae regno esse*. Ergo Senatus statim legatos in Bithyniam misit, qui a Rege peterent, ut Hannibal sibi dederetur. His Prusias negare ausus non est: verum, ne quid faceret, quod adversum jus hospitii esset, ipsos, si possent, comprehendere eum jussit. Semper talem exitum vitae suae Hannibal prospexerat animo ^c: itaque, ut iter semper aliquod praeparatum fugae haberet, septem exitus e domo secerat; & ex iis quosdam occultos. Sed totius domus circuitus ita custodiis cinctus

K k 3 fuit;

^a Justin. L. XXXII. c. 4. Front. Strat. L. IV. c. 7. n. 10. 11. ^b ita legendum est ap. Nepot. non *Flaminium Consulem*. ^c Liv. L. XXXIX. c. 51.

fuit; ut nemo inde elabi posset: quo intellecto Hannibal venenum hausit, (quod multo ante praeparatum ad tales habebat casus) execratus in caput Prusiae, & hospitales Deos violatae ab eo fidei testes invocans. Alii eum, exemplo *Themistoclis*, taurinum sanguinem hausisse dicunt ^a. Plurimi T. Quinctium Flamininum legatum ad Prusiam de morte Hannibalis ivisse dicunt ^b. Mortuus dicitur anno Urbis 570. vel, juxta alios, anno, aut biennio serius ^c. Eodemque anno in carcere veneno interfectus esse fertur, qui ab hostibus suis Messeniis bello captus erat, Philopoemen fortissimus Achaeorum Imperator ^d.

§. II. *Fim-
is P. Sci-
pionis A-
fricani.*

A.U. 566.

§. XI. Tertius additur, qui eodem anno decesserit P. Cornelius Scipio Africanus † ipse quoque humanarum rerum vices in provectiore aetate expertus. Anno enim quingentesimo sexagesimo sexto duo *Quinti Petillii*, Tribuni plebis (alii *M. Naevium* dicunt ^e; alii *Petilliis Naevium* jungunt

^a *Plut. vita Quinctii* p. 380. *D.* ^b *Ibid. Liv. d. l.* ^c *Nepos.* ^d *Liv. Ibid. c. 50. Plut. d. l.* † *Justin. l. d.* ^e *Liv. L. XXXVIII. c. 56. Val. M. III. 7. 1. Gell. IV. 18.*

gunt a) diem ipsi dixerunt, comparati, ut ferebatur, & immissi in eum a M. Catone b, cum quo nobiles inimicitias exercuerat. Objiciebant autem c, quod pecuniam a Rege Antiocho pro pace facienda accepisset; alia etiam, & tali viro indigna crimini dantes: vetera praeterea luxuriae crimina Syracusanorum hybernorum, & Locris Plemirii tumultum. Scipio, ubi dies ei prodicta venisset, magno agmine amicorum clientiumque ad Rostra subiit, & prolatum librum, quo acceptae & expensae summae continebantur, discerpfit, indignatus d, *H S. quadrages* † *rationem a se repeti, alieni imperii ministro, quod suo ductu, suisque auspiciis bis millies H S * uberius fecisset*; silentioque facto, *Memoria*, inquit, *Quirites*, *repeto, diem esse hodiernum, quod Hannibalem Poenum magno praelio vici in terra Africa; pacemque & victoriam vobis peperit insperabilem. Ergo censeo relinquamus nebulonem hunc: eamus hinc protinus Jovi Opt. Max. gratulatum.*

K k 4

Id

a Sex. Aur. Victor. b Vid. Liv. d. l. c. 54. c Ibid. c. 51. d Ibid. c. 55. † 100000. Philipp. * 5000000. Philipp.

Id cum dixit in Capitolium ire coepit; simulque se universa concio avertit; ita ut postremo scribae viatoresque Tribunos relinquerent: nec cum iis, praeter servilem comitatum & praekonem, qui reum ex rostris citabat, quisquam esset. Scipio per totam Urbem omnia templa Deum cum Populo Romano circumiit; isque speciosus ultimus dies ipsi illuxit ^a. Inde, die longiore prodicta, in *Liter- num* concessit; certo consilio, ne ad causam dicendam adesset. Major animus erat, & majori fortunae adsuetus, quam ut reus esse sciret. Ubi dies venit, L. Scipio, *morbum causam esse, cur abesse frater*, excusabat: cumque eam excusationem Petillii non acciperent; tum alii Tribuni, tum praecipue *Ti. Sempronius Gracchus*, cui inimicitiae acerrimae cum P. Scipione intercesserant, decrevit, „ se P. Scipionem, prius quam Romanam redisset, accusari non passurum: tum quoque, si se appellet, „ auxilio ei futurum, ne causam dicat: “ alia etiam in honorem Scipionis adjiciens. Ita silentium deinde

de

^a Ibid. c. 25.

de Africano fuit. Vitam Literni egit: atque eo ipso loco, *sepeliri se*, iussisse ferunt ^a; *ne funus sibi in ingrata patria fieret*. Sed haec omnia *magni* quidem *animi* (ne dicam *superbi*) esse videntur; at *nequaquam civilis*: verum *perniciosis* in Republica *exempli*: in qua nemo tantus jure esse potest, qui non legibus & ordinariis judiciorum formulis subiectus esse debeat. L. tamen Scipio cum *A. Hostilio* legato, & *C. Furio* quaestore suo damnatus est. Scipioni quadragies lis aestimata fuit: (Liv. d. l. e. 55.) ac *Terentius Praetor* (*Ib. c.*) prehendi damnatum, & in vincula duci iussit. At vetuit intercessione sua *Ti. Gracchus* non passurum dicens, *L. Scipionem*, qui *Regem opulentissimum orbis terrarum devicerit*, *imperium P. R. in ultimos terrarum fines propagaverit*, plurimos *duges hostium in triumpho ductos carceri incluserit*, *inter hostes Pop. R. in carcere, & in vinculis esse*. In bona tamen ejus possessum publice Quaestores Praetor misit: sed nequaquam *tantum* reda-

K k 5

ctum

^a Vid. Strabon. L.V. n. 243. Acron. ad Hor. Epod. IX. cineres ejus in pyramide in Vaticano collocat.

Etum est, quantae summae damnatus fuerat, Collata pecunia a cognatis amicisque & clientibus est L. L. Scipioni; ut, si acciperet eam, locupletior aliquanto esset, quam ante damnationem fuerat. Nihil accepit: quae necessaria ad cultum erant, redempta ei a proximis cognatis sunt.

CAPUT SECUNDUM.

Bellum Aetolicum.

§. I. Quae
ipsum bel-
lum prae-
cesserint.

§. I. **V**idimus Capitis praecedentis paragrapho quinto, Legatos Aetolorum, quod non satis humiliter in Senatu se habuissent, Urbe & Italia excedere fuisse iussos ^a. Eo facto, Anno Urbis quingentesimo sexagesimo quarto *M. Fulvio Nobiliori* Consuli Aetolia provincia sorte obvenit; cum Asiam *Cn. Manlius* (nondum enim debellatum esse cum Antiocho Romae noscebatur) obtinuisset ^b. Et principium novi belli in Aetolia a gente *Athamanum* ortum erat ^c, quam, pulso

^a *Liv. L. XXXIX. c. 49.* ^b *Ibid. c. 50.*

^c *Id. L. XXXVIII. c. 1.*

pulso Amynandro Praetore, Philippi Regis factam esse vidimus ^a. At praefectorum regionum superbum imperium desiderium Amynandri fecerat : & consilio cum eo composito, adjuvantibus Aetolis, praesidia Macedonum expulerant Athamanes : ac Regem cum exercitu Athamaniam ingressum excedere inde coegerunt, multis etiam suorum amissis. Amynander recuperato regno ad Romanos legatos mittit, pacem petens ^b ; & sese excusans, quod per Aetolos paternum regnum recuperasset. Interea Aetoli *Amphilochorum* gentem, quae quondam eorum fuerat, recipiunt : ut etiam magnam *Aperantiae* partem : & *Dolopes* quoque a Philippo ad Aetolos deficiunt.

§. II. Sed dum haec geruntur, cum §. 2. *Am-*
 & legati Aetolorum re infecta Roma ^{bracia ca-}
 rediissent, (qui in itinere ab Epiro-^{pta.}
 tis capti & libertatem redimere fuerant coacti ^c) & Antiochus victus nunciaretur ; & praecipue Fulvius Consul jam cum exercitu trajecisset non tantum, verum etiam *Ambraciam*,
 quae

^a Cap. praec. §. 3. ^b Liv. d. l. c. 3. ^c Polyb. ex. leg. n. 27.

quae se Aetolis contribueraat, acerrime oppugnaret, iterum legatos ad Consulem miserunt a; Rhodiorum etiam & Atheniensium intercessione implorata b. Quin etiam Amynder pro *Ambraciensibus* apud quos exsulaverat, deprecaturus in castra Romanorum venit; monuitque Ambracienses, ut se matura deditione servarent, urbem etiam Consulis permissu ingressus. Cumque his omnibus accessisset etiam C. Valerius Consulis frater uterinus, M. Laevini, qui primus societatem cum Aetolis pepigerat, filius, urbs tandem ab Ambraciotis fuit tradita. Aetoli, ut sine fraude abire liceret, pacti sunt. Quingenta talenta Euboica † poenae nomine ipsis imperata sunt c. Ex hac urbe, quae Pyrrhi quondam regia fuerat, signa acnea marmoreaeque plurima & tabulae pictae avectae: nihil praetereactum, violatumve.

§. 3. Pax
cum Ae-
tolis.

§. III. Pax inde Romae cum Aetolis firmata his maxime legibus d:
„ Ut

a Liv. d. l. c. 3. & 8. b Ibid. c. 9. Polyb. Ibid. n. 28. † 600000. Flor. nostratum, S. Carolinor. c Vid. Cl. Jac. Perizon. ad Liv. L. XXXVIII. c. 9. d Liv. L. XXXVIII. c. 11.

„ Ut imperium, majestatemque Po-
 „ puli Romani gens Aetolorum con-
 „ servaret sine dolo malo. Eisdem
 „ cum Romanis hostes haberet. Per-
 „ fugas, fugitivos, captivos Roma-
 „ nis, sociisque redderet. Obsides
 „ quadraginta Consulis arbitrato da-
 „ ret. *Cephallenia* Insula extra leges
 „ pacis esset. Ducenta talenta argen-
 „ ti Euboica † praesentia; & quin-
 „ quaginta * annua in proximos sex
 „ annos darent: agri, urbes, homi-
 „ nes, qui Aetolorum juris aliquan-
 „ do fuissent, qui eorum T. Quin-
 „ ctio Cn. Domitio Consulibus, post-
 „ ve eos Consules, armis subacti,
 „ aut voluntate in ditionem Populi
 „ Romani venissent, ne quem eorum
 „ Aetoli reciperent. *Oeniadae* cum
 „ urbe agrisque Aetolorum forent. “

§. IV. Aetolis perdomitis M. Ful- §. 4. *Ce-*
 vius Consul in *Cephalleniam* trajecit; *phallenia*
 eamque statim in deditionem rece- *perdomita*
 pit. At *Samaei*, quanquam obsides *etc.*
 dederant, incertum qua de causa de-
 sciverunt a. Urbs eorum post qua-
 tuor demum mensium obsidionem ca-
 pta

† 240000. *Flor. Carolinor.* * 60000. *Flor.*
Car. a Liv. d. l. s. 28.

pta & direpta est: cives cum conjugibus & liberis sub corona venditi. Inde in Peloponnesum reversus Consul a Lacedaemoniorum & Achaeorum (Achaei Lacedaemonios contra foedus cum T. Quinctio factum fecisse arguebant) disceptationes audivit ^b: belloque abstinere iussit, donec legati ad Senatum missi essent. Iis ambiguum adeo responsum datum fuit, ut Achaei sibi permissum esse de Lacedaemone acciperent; & plurimos Lacedaemoniorum correptos supplicio traderent. Tum etiam Lycurgi legibus abrogatis Achaeorum corpori ^a.U. 566. eam urbem junxerunt. Anno demum quingentesimo sexagesimo sexto Fulvius Romam reversus splendidissimum triumphum egit ^c; licet M. Aemilius Consul ad invidiam Ambracien- sium legatos in Senatum introduxisset querentes, *injuria sibi bellum illatum; urbem suam direptam; quodque se ante omnia moveat, templa tota urbe spoliata ornamentis: simulachra Deum, Deus imo ipsos ablatos esse.* Et, cum alter Consul Flaminius per morbum abesset,

^a Ibid. c. 30. ^b Ibid. c. 32. ^c Id. L. XXXIX. c. 4. & 5.

et, referente Aemilio Senatus-Con-
sultum factum est, ut *Ambraciensibus*
bonae suae res redderentur; utque ipsi
rebus suis uterentur. Sed profecto ad
bellum Gallicum Aemilio (qui tamen
ad impediendum triumphum Fulvii
Romam redire paraverat, verum in
via aeger substitit) triumphavit; &
magnas opes aerario intulit.

CAPUT TERTIUM.

De bello cum Gallograecis.

§. I. **A**ntequam ad ipsam hujus belli §. I. *De*
historiam veniamus paucissi- *Origine*
nis de origine horum *Gallograeco-*
rum, sive *Galatarum* (quod nomen *Gallograe-*
Christianis hominibus notissimum est *corum.*
ex epistola, quam D. *Paulus* ad eam
gentem scripsit) praemittendum.
Quemadmodum enim jam antea Gal-
los Italiam invasisse vidimus, sic cir-
ca idem tempus, cum terrae, quae
penuerant, multitudinem eorum jam
sustinere non caperent; magna vis ho-
minum ad alias sibi sedes quaerendas
in aliam partem profecta est, & *Pan-*
noniam occupavit; atque ibi plurimos
annos

annos cum finitimis varia bella gessit ^a. Tandem circa annum Urbis 473. duce *Belgis* in *Macedoniam* irumpunt; *Ptolemæus Cerasimus* Regem, *Ptolemæi Soteris*, sive *Lagi* filium, *Ptolemæi Philadelphii* fratrem, acie victum & captum interficiunt. Belgium secutus *Brennus Sophænes*, quem sibi præfecerant *Macedones*, vincit; & mox dum templum *Delphicum* spoliare conatur, perit ^b. Sed alii Galli, qui, dum *Brennus* in *Graeciam* proficisceretur, ad terminos gentis tuendos relictii fuerant ^c; & simul etiam multi, qui secessionem a *Brenno* fecerant sive in *Asiam* evocati, sive audientes ex proximo, quanta ubertas terrae ejus esset, per *Hellespontum* partim, partim a *Byzantio* eo transmiserunt ^d. Et, licet decem tantum millia armatorum hominum haberent, (inermium enim plures erant) tantum tamen terroris omnibus *Asiae* gentibus injecerunt, ut non tantum stipendium tota *cis Taurum Asia* exigèrent; sed, ut *Syriae* quoque

^a Vid. *Justin.* L. XXIV. c. 4. ^b *Pausan.* *Phocidis* c. 23. ^c *Justin.* L. XXV. c. 1. ^d *Liv.* L. XXXVIII. c. 16.

quoque ad postremum. Reges stipendium dare non abnuerent. In Asiam transiisse videntur circa annum Urbis conditae 474. Et, cum diu vagati fuissent Attallicorum Regum & Bithynorum ditiones vastantes, tandem regionem ^a, quae *Galatia* ab illis & *Gallograecia* est dicta, concedentibus iisdem Regibus occuparunt, in tres potissimum gentes, *Trocmorum*, *Tolistobojorum* & *Tectosagum* divisi.

§. II. Adversus has ergo gentes Cn. ^{§. 2. Man-} Manlius Vulso, quem successorem L. ^{lii Vulsonis} Scipioni in Asiam fuisse missum vidimus, exercitum a decessore suo acceptum duxit, auxiliis eos Antiochum ^{cum Tolistobojis} juvisse insimulans: malo sane exemplo: nam, sicut ad eam rem ex jure gentium belli indictio, ita ex jure Romano novus Populi jussus desiderabatur ^{praelium.} b. Sed spreto jure Manlius in Gallorum terras duxit c: licet etiam *Epissognatus* regulus, qui & in Eumenis amicitia manserat, & auxilia Antiocho adversus Romanos negaverat, legatis missis oraret, *ne Tectosagis bellum inferret; ipsum persuasurum illi*
Ll genti,

^a Strabo L. XII. n. 566. ^b Grot. de jur. B. P. L. III. c. 3. §. 10. ^c Liv. d. l. c. 18.

genti, ut imperata facerent. Verum, cum jam ad Gordinum castra haberet, & Epolfognatus & alii nunciant, Gallos nihil aequi concedere; sed montes petere, ut inde se armis locorumque situ tueantur; ita fatigaturos se Romanos esse credentes. Ergo Consul primum ad Olympum montem ducit a; quem Tolistobojorum civitas occupaverat: & quatuor millia Gallorum, qui iter impedituri ex monte digressi fuerant, & tumultum quendam insederant, aut caedit, aut in fugam convertit: & mox etiam eos, qui montem tenebant, gravissima strage superat; facili satis victoria, cum nec armorum genere, nec ratione pugnandi Romanis pares essent. Numerus captivorum millia quadraginta explevit b; quia omnis generis aetatibusque turbam secum traxerant, demigrantium magis, quam in bellum euntium specie. Memorandum hic venit Chiomarae, quae Ortiagontis Gallorum reguli uxor erat, facinus c: huic centurio, qui eam captivam ducebat,

a Liv. Ibid. c. 20. b Ibid. c. 23. c Ibid. c. 24. Plut. de virt. mul. p. m. 258. Flor. L. II. l. II.

cebat, vim intulit: mox, cum mulieri libertatem promississet, certum auri pondus pactus, ad locum constitutum eam adduxit, aurum accepturus: at illa sua lingua centurionem aurum pensantem, ut occiderent, imperavit; caputque occisi ad maritum detulit. Plutarchus dicit scripsisse Polybium, se cum ea muliere Sardibus collocutum fuisse; quod hodie quidem apud eum non legitur; licet maritum ejus a liberalitate, magnitudine animi, venustate morum, prudentia & fortitudine commendat a.

§. III. Posthaec, cum ad *Ancyram* in stativis Consul esset, petentibus Gallis locus ad colloquendum de conditionibus pacis constituitur b. Eo cum Consul venisset nullo Gallorum viso in castra revertitur. Mox autem adfuerunt oratores Gallorum excusantes, „ religione objecta Reges „ venire non posse; sed eorum nomine Principes gentis adfuturos. “ Ergo Consul, *se quoque Attalum missurum*, dixit. (Observe obiter fastum Romani Consulis, qui, quae suo fastigio

§. 3. Ejusdem res gestae cum Teftogafis.

Ll 2

stigio

a Excerpt. de virt. & vit. p. m. 1434. b Polyb. exc. leg. n. 34. p. 1162. Liv. d. l. c. 25

stigio indigna esse putaret, opulentissimi Populoque Romano amicissimi Regis fratri non indecora crederet.) Jactae quidem ibi sunt conditiones pacis; sed, cum absentibus ducibus finis rei imponi non potuisset, convenit, ut postridie Consul Regesque congregerentur. Frustratio Gallorum eo spectabat, ut res suas cum conjugibus & liberis trans *Halyn* trajicerent: Consulemque Romanum, aut capere, aut occidere possent. Cum itaque non multum a constituto loco Consul abesset, Galli, mille equites expertae audaciae, & ad id facinus delecti, hostili impetu in eum irruunt; & plurimos ex Romanis oppressissent, ni statio pabulatores praesidii causa consequi solita, sexcenti equites, forte eo occurrisset. Tum versa extemplo fortuna; paucique Galli aufugerunt: captus est nemo: major multo pars per fidem violati colloquii poenas morte luerunt. Postriduum inde Romanus ardentibus ira animis cum Tectosagis & Trocmis, qui iis auxilio venerant, acie decernit, pari fere modo, & pari eventu, quo cum Tolistobojs pugnatum fue-

at. Itaque statim Galli oratores de pace ad Consulem miserunt : quos Manlius Ephesum, ubi hybernare stauerat, ad se venire iussit ^a.

§. IV. Verum cum decem legatis ^{§. 4. Res} omni- ^{Asiae or-} que exercitu ad Hellespontum ^{dinatae.} profectus ^b, evocatis eo regulis Gal-
lorum leges, quibus pacem cum Eumene servarent, dixit : denunciatque, „ ut morem vagandi cum armis finirent, agrorumque suorum terminis se continerent; “ cum Apameae reliquas etiam Asiae res ordinasset ^c. *Ariarathi Cappadocum* Regi, qui Antiochum auxiliis juverat, pars dimidia pecuniae imperatae Eumenis beneficio, cui per eos dies fiam desponderat, remissa : ipse in amicitiam est acceptus. Urbium, quae stipendiariae Antiocho fuerant, & cum Romanis senserant, immunitas, data : quae partium Antiochi fuerant, aut stipendiariae Attali Regis, vectigal pendere Eumeni iussae. Aliis pro meritis immunitas : aliis dona ex devictis urbibus data. Eumeni Chersosus & Lyfimachia, quaeque alia in
L1 3 Euro-

^a Liv. d. l. c. 27. ^b Ibid. c. 40. ^c Ibid. p. 39.

Europa tenuerat Antiochus, concessa; in Asia item Phrygia, *Lycaonia*, Ephesus, aliaque.

lan- §. V. Inde copiis in Europam tra-
jectis agmen praeda grave trahens per
re- Thraciam iter faciebat a : sed Thra-
s phat. ces praeda & via sylvestri impeditos
semel iterumque invadunt: nec abs-
que ingenti damno transiere Roma-
ni. Atque ita tandem, cum ob me-
tum hyberni maris Apolloniae hyber-
nasset, Romam rediit: & 111. No-
nas Martias A. U. 566. de Gallis A-
siaticis triumphavit b : nequicquam
contratendente majore parte decem
legatorum, qui cum eo fuerant. Hi
enim accusabant Manlium, „ quod
„ summa ope tetendisset, ut pacem a
„ L. Scipione inchoatam turbaret, &
„ Antiochum insidiis exciperet; quod
„ aegre legatorum precibus fuisset
„ prohibitus, quo minus Taurum,
„ fatalem juxta Sibyllina carmina ter-
„ minum, transfiret; quod, cum nul-
„ lam causam belli inveniret, sine
„ Senatus auctoritate, injussu Popu-
„ li, bellum Gallis intulisset; quod
„ cum exercitu Romano, Consul
„ merce-

a Liv. Ibid. c. 40. b Id. L. XXXIX. c. 7.

mercenarius, Attalum secutus stipem a tyrannis castellanisque de viis collegisset; quod ipse bellum imprudenter gessisset, fortuna tantum & hostium ignavia superior factus; quod in ipso reditu a latronibus Thracibus, caesus, fugatus, impedimentis exutus fuerit. " Ac licet infensissimos semper Gallorum adversus Romanos annos, eorumque legiones in exercitu Antiochi fuisse allegaret, non tamen triumphum obtinuisset, nisi & amici ejus summis opibus fuissent annexi, & seniores negassent, exemplum prolitum memoriae esse, ut Imperator, qui perduellibus devictis, confecta provincia exercitum reportasset, privatus inhonoratusque Urbem iniret.

CAPUT QUARTUM.

Bellum cum Gallis Liguribus, Hispanis, Istris.

§. I. Cum Gallis, Liguribus, Cermanis, aliisque continua §. I. Bellum cum Bojis.
ere bella vidimus: & postremo quidem

oco *L. IV. c. 11. §. 10.* atque ex fide

L1 4

Roma.

Antiquorum Imperiorum multas & graves res tales memoravimus: necesse estque cum narrationem ad h. l. c. 56. Sed nequaquam his tantis tantum fuerunt Gallorum animis: sed etiam anno sequente Titus Sextus Longus Consulis castra Boji struxerunt: & per portam quae dicitur septentrionalis non sine magna strage inde expulsi fuerunt. Tunc etiam anno etiam Proculus L. Valerius Flaccus bene cum suis internis & Boiis Padum transiit: & regnum dicitur.

Etiam Ligures anno sequente sexagesimo tertio a Romanis, ut, *verum esse*, & *non esse*, & *non esse*, & *non esse* La- tines, ut *non esse* iterum convenire *non* Sed Marcus Consul, ita- que *non* provinciam venit, Pisas a Liguribus circumdatis obsidione li- beravit. Et iter Consul L. Corne- lius Lentulus Severum agros nemine resistente vallavit: sed suos jam si- ne agros acerrime invadunt Gal- li, cum iudiciis, quas struxerant, aper-

a *l. c.* LXXV. c. 26. §. b *ibid.* c. 56.
c *ibid.* LXXV. c. 3.

inde castella eorum vicisq[ue] igne ferroq[ue] pervastavit: idemq[ue] cursu inno-
 sequente eosdem hostes castra sua
 oppugnantes egregie repulit.

§. 3. *Eni
 magis
 clade vi-
 lli*

§. III. Sed demum annis Urbis 542
 P. Cornelius Scipio Nasica Cornélii Bo-
 jia clarissima pragna vixit 2; ita ut se
 exemplo post eam pugnam dederent
 quia agri parte fere dimidia muira-
 vit; quo, si veller, Populus Roma-
 nus colonias mittere posset; quatuor-
 dinta A. U. 564. Bonaia Latinorum
 colonia in eam agrum deducta est 1.
 Tamen, cum triumphante periret, in-
 tercessit P. Sempronius Blaesus Tri-
 buns plebis: qui censebat, Senti-
 tu, ante quam triumpharet, statu-
 dum esse in provinciam, ut Minucia
 auxilio esset: verum post annum cum
 Liguribus dubio bello cisteret: 2, ita
 2 denique Liguribus pacem postulat
 3 les Praedilectum Scipionem trium-
 phantem esse. 4 Sed consensu
 Senatus ad reverentiam intransito-
 rem compulsus est: & de P. 5
 Cornelius Consul triumphavit 6, i
 Livii celebravit creatura. Item a-
 nni

a M. L. XXXVI. c. 12. b M. L. XXXVII.

57. c M. L. XXXVIII. c. 4.

nisi anno sequenti Proconsul Gal-
 liae obtinuit: cum Q Minucius (qui
 provinciam confectam, & Ligurum
 omne nomen in deditionem venisse
 scripserat; exercitum ei trahere ius-
 sus fuerit a. Nisi forte Livius in hac
 narratione su. obitus cepitaverit:
 quod etiam ante e. evenisse lucien-
 ter docet Celsus. Jacobus Perizo-
 mus *Annalibus Romanis* lib. 1. c. 4. Minu-
 cio vero triumphus negatus fuit b.
 Lucullusque est: Catone, quasi fal-
 sas pugnas & victorias pectaverit: &
 imprimis, quod decemvires, homi-
 nes dono genere gratos, ob parum
 bene curata sibi cibaria, indicta caus-
 la, flagro caedi & interfici iussisset.
 Unde Gellius erat *omnes Catonis in*
Turris; ut *L. 2. natus Ann* c.
 3. ut *id. p. 11.*; & *L. XIII. c. 23.*
ut. ut. ut. ut. ut.

§ IV. Inde paulisper in hi. oris a
 velis cessatum. Sed anno rursus quin-
 gentesimo sexagesimo sexto uterque
 Consul ad velum Ligusticum est pro-
 lectus c. Nam erat is hostis veiu. na-
 tus

a. d. L. XXXII. c. 2. 7. & *Id.* 3. 1. V.
 b. § 4. 1. *Id.* 1. 4. 1. *Id.* 1. XXXIX.
 c. 2.

inde castella eorum vicosque igne ferroque pervastavit: idemque rursus anno sequente eosdem hostes castra sua oppugnantes egregie repulit.

§. 3. Boji
magna
clade vi-
cti.

§. III. Sed demum anno Urbis 562.

P. Cornelius Scipio Nasica Consul Bojos clarissima pugna vicit ^a; ita ut se extemplo post eam pugnam dederent: quos agri parte fere dimidia multavit; quo, si vellet, *Populus Romanus* colonias mittere posset; quemadmodum A. U. 564. *Bononia* Latinorum colonia in eum agrum deducta est ^b. Tamen, cum triumphum peteret, intercessit *P. Sempronius Blaesus* Tribunus plebis: qui censebat, *Scipioni*, ante quam triumpharet, redeundum esse in provinciam, ut *Minucio* auxilio esset tertium jam annum cum *Liguribus* dubio bello distento: „ ita „ devictis *Liguribus* paucos post menses Proconsulem *Scipionem* triumphaturum esse. “ Sed consensu Senatus ad remittendam intercessionem compulsus est: & de Bojis *P. Cornelius* Consul triumphavit ^c, si *Livii* testimonio credimus. Idem tamen

^a Id. L. XXXVI. c. 38. ^b Id. L. XXXVII. c. 57. ^c Id. L. XXXVI. c. 40.

men anno sequente Proconsul Galliam obtinuit: cum Q. Minucius (qui provinciam confectam, & Ligurum omne nomen in deditionem venisse scripserat) exercitum ei tradere iussus fuerit ^{a.} Nisi forte Livius in hac naratione sui oblitus cespitaverit: quod etiam alibi ei evenisse luculenter docet Celeberr. Jacobus Perizonius *Animadversionum Hist. c. 4.* † Minucio vero triumphus negatus fuit ^{b.} Imo accusatus est a Catone, quasi falsas pugnas & victorias jactaverit: & imprimis, quod decemviros, homines bono genere gnatos, ob parum bene curata sibi cibaria, indicta causa, flagro caedi & interfici jussisset. Unde Gellius citat *orationes Catonis in Thermum*; ut *L. X. notitium Attic c. 3. de falsis pugnis*; & *L. XIII. c. 23. eam de decem hominibus.*

§. IV. Inde paulisper in his oris a bellis cessatum. Sed anno rursus quingentesimo sexagesimo sexto uterque Consul ad bellum Ligusticum est profectus ^{c.} Nam erat is hostis velut natus

§. 4. *Idem cum Liguribus bellum.*

^a *Id. L. XXXVII. c. 2.* † *Vid. S. L. IV. c. 1. §. 48.* ^b *Ibid. c. 46.* ^c *Liv. L. XXXIX.*

tus ad continendam Romanis militarem disciplinam : & asperitas locorum, hostis assidue laceffens, oppugnationo necessaria munitorum castellorum, laboriosa simul, periculosaque; inops praeterea regio virtutem & disciplinam conservabat : cum amoenitas Asiae, mollitia hostium, regiaeque opes, ditiores quam fortiores exercitus facerent ^a. C. ergo *Flaminius* Consul *Friniates* Ligures victos in deditionem accepit ; iisque arma adimit. Verum, cum non sincera fide ea tradidissent, pars magna trans *Appenninum* abierunt : ibi rursus victi sunt ; & arma iis intentiore cura adempta. *Apuanis* quoque *Liguribus* perdomitis pacem Consul finitimis dedit. Atque inde, ne militem in otio haberet, viam ab Urbe per *Tusciam* & *Umbriam* *Ariminum* usque stravit ^b : licet in *epitome Livii* XX. legatur, hoc a patre hujus *Flamini* in censura A. U. 533. factum esse ; cui adsentitur *Cassiodorus in Chronico* Haec postea *Aquilejam* usque producta fuit. *Aemilius* etiam viam a *Placentia* *Ariminum* usque fecit, ut cum via *Flaminia*

^a Vid. Ibid. c.6. ^b Strabo L.V. n. 217.

minia committeretur a : five, ut melius Strabo dicere videtur, viam Flaminiam continuavit Bononiam usque, & inde Aquilejam. Cenomannorum vero tanta hoc tempore fides apud Romanos fuit; ut, cum arma sibi a Praetore *M. Furio* adempta fuisse quaererentur, a Consule permittente Senatu ea receperint: & Praetor provincia decedere iussus fuerit. Anno *A.U. 567.* rursus 567. *Q. Marcius Philippus* Consul a Liguribus Apuanis loco iniquo circumventus & ingenti clade affectus, quamprimum in loca pacata pervenit, exercitum dimisit, ne quantum diminutae copiae forent, appareret b. Saltus tamen, unde cum Ligures fugaverant, *Marcius* ab eo est dictus. Sed felicius anno sequente uterque Consul res adversus eos gessit b. Et anno 570. *M. Claudius Marcellus* Consul Gallos quosdam Transalpinos inopia agri in Italiam transgressos c & oppidum condere incipientes in eo agro, qui postea *Aquilejensis* fuit, quod nempe agri inopia & egestate coacti superante multitudine patriam reliquissent, Italia excedere

a *Ibid.* c. 20. b *Ibid.* c. 32. c *Ibid.* c. 45.

dere coëgerunt ^a, redditis tamen omnibus, quae sine cujusquam injuria habebant. Verum ita vacuus cura Istriticum bellum moliri coepit; de quo paulo post videbimus: jam enim melius videtur, ut uno contextu bellum cum Liguribus persequamur, donec rerum series & temporis nos ad alius libri initium perduxerit.

§. 5. *Eiusdem belli continuatio.*

§. V. Nam anno rursus Urbis quingentesimo septuagesimo primo provincia Consulibus nulla, praeter Ligures, quae decerneretur, erat ^b, cum *Q. Fabius*, qui Proconsul Liguriam obtinebat, *Apuanos ad rebellionem spectare*, scripsisset. Consules prospere res gessissent ^c. Sed anno sequente *L. Aemilius Paullus*, cui ex Consulatu prorogatum imperium erat ^d, in Ligures *Ingaunos* (habitarunt hi loca maritima, ubi hodie *Albenga* urbs veteris *Albingauni* vestigia servat) exercitum introduxit. Ibi legati pacem petentes ad eum venerunt: &, cum tempore opus esse dicerent, ut suis deditio- nem, quam petebat Paullus, persuaderent, inducias decem dierum im-
petra-

^a Ibid. c. 54. ^b Liv. L. XL. c. 1. ^c Ibid. 6, 6. ^d Ibid. c. 25.

strarunt; & simul, ne interea trans
 ontes proximos castris pabulatum
 gnatumve iretur. Sed statim post
 is ipsos montes exercitu omni coa-
 o summa vi castra Romanorum op-
 gnarunt. Et iprocul erant auxilia;
 im & *Baebius* Proconsul jam exer-
 tum *M. Pinario* Praetori in Sardi-
 am eunti tradidisset: & *Fabius* Prae-
 r cum exercitu, qui *Marcelli* fue-
 t, adversus Istros profectus esset.
 ergo literis *Baebii* motus Senatus de-
 ctum omnibus modis accelerari ju-
 t: sed, praeter alia, impedimento
 at pestilens morbus. *Aemilius* vero,
 m literas, quas ad *Baebium* subsi-
 im petens miserat, interceptas cre-
 ret ^a, cum suis fortissima eruptio-
 in *Ligures* pugnavit. Imo castris
 s exiit: & triduo omne *Ligurum*
 gaunorum nomen in deditionem
 cepit: ac provincia ex sententia
 nfecta de *Liguribus* *Ingaunis* trium-
 avit ^b. Triumphum ejus secuti
 it *Ligurum* legati pacem perpe-
 im humillime quidem orantes: sed
 m exprobratione inconstantiae ad-
 nsules a Senatu rejecti sunt. Ita
 pax

pax in Liguribus fuit. Sed diuturnam esse non siverunt *P. Cornelius* & *M. Baebius*, qui prorogato imperio Ligures obtinebant: verum, licet nullum bellum esset, improvise eos oppresserunt; hominumque ad duodecim millia ex montibus in agros campestres procul ab domo deduxerunt, consulto tamen prius Senatu: iisque sedes, ager publicus in Samnitibus Populi Romani, datae sunt: quibus anno sequente alii etiam ex popularibus additi a. Et saepe hoc apud veteres factum est, ut gentibus victis aliae sedes assignarentur: quemadmodum vel ex S. Scripturae literis docemur, ubi videmus decem tribus Israëlitarum a *Salmanasare* victos in Assyriam deportatos fuisse; & inde alias partes habitatum missos b: & diu antea *Iosephus Patriarcha*, vel ejus consilio Aegypti Rex *Pharao*, Aegyptios ab una extremitate regni ad aliam transtulit c. Imo *Rabsake Assyriorum* Regis nomine *Hierosolymam* obsidens d *Judaeis*, si sese dedere vel-

lent,

a *Ibid.* c. 38. b *II Reg.* XVII. 6. c *Genes.* XLVII. 21. d *II Reg.* XVIII. 32. *Jesai* XXXVI. 17.

lent, promittit, *Dominum suum eos deducturum esse in terram optimam; & illi, quam colebant, similem*: ut itaque deportationem tanquam rem necessariam, & usu receptam consideret. Similiterque *Pompejus* cum bellum confecisset *Piraticum Cilices* illos praedones longe a mari removit; ut suo loco videbimus. Quin etiam praeterito hoc seculo *Rex Persiae Georgianorum* a se victorum magnam multitudinem locum a patria sua remotum habitandum dedit; ut narrat scriptor fide dignissimus, & fere ἀντίοπτης, *Petrus della Valle*. Sed rever-
tamur Romam; ubi Proconsules *Cornelius & Baebius* omnium primi nullo bello gesto triumpharunt.

§. VI. Anno quingentesimo septua- §. 6. *Bel-
gesimo quarto* Consules fuerunt *L. Manlius Acidinus* cum *Q. Fulvio Flac-* *hujus con-
tinuatio.*
co: quorum hic nomina refero, quod *A. U. 574.*
singulari casu fratres germani in con-
sulatu collegae fuerunt ^a: nam prior
adoptione ex *Fulvia* in *Manliam* gen-
tem transierat ^b. *Fulvius* exemplum
modo laudatum secutus victos & de-
ditos

^a *Fasti Capitolini.* ^b *Vell. Paterc. L. II. c. 8.*

ditos Ligures ex montibus in campestres agros deduxit ; praesidiaque montibus imposuit ^a. Eodem anno rursus, ut ante quadriennium factum fuerat, Gallos Transalpinos agrum in Italia petentes, ut pacati sub imperio Populi Romani essent, Italia excedere Senatus iussit. Et jam insuper voluit, ut Consul Q. Fulvius quaereret, & animadverteret in eos, qui principes & auctores transcendendi Alpes fuissent: eidemque Senatus gratia, nulla re memorabili gesta, datum ut triumpharet ^b. Anno sequen-

A.U. 575. te *M. Junium Brutum* Consulem in Liguria res gessisse constat: sed earum narrationem tempus edax rerum nobis eripuit: cum pars libri quadragiesimi primi ex historia Liviana hodie desideretur.

A.U. 576. Verum anno rursus quingentesimo septuagesimo sexto ^c *C. Claudius* Consul, qui in eo magistratu jam Istros pacaverat, Ligures ad *Scutiennam* fluvium (hodie *Panarium*, terminus *Romandiolae* occidentalis) magna clade afficit ; & in ipso magistratu de duobus simul populis triumph-

^a Liv. XL. c. 53. ^b *Ibid.* c. 59. ^c *Id.* L. XLI. c. 12.

triumphavit. Ligures vero, cum consulare exercitum Romam abductum ^a, legionem etiam ab *Ti. Claudio* Proconsule dimissam vidissent (hic Praetor praecedente anno cum Proconsulari imperio Pisas profectus fuerat) metu soluti Mutinam coloniam repente impetu ceperunt: sed anno ^{A. U. 577.} statim sequente *C. Claudius Pulcher* Proconsul eam ab hoste recepit; octo etiam millibus Ligurum ibi intra muros caesis ^b. At Ligures praefidio magis se, quam armis, adversus infeliciter expertam vim defensuri duos montes ^c *Letum & Balistam* ceperunt, munieruntque. Ibi *Q. Petillius Spurrinus* Consul, dum milites pro concione adhortatur, immemor ambiguitatis verbi ominatus fertur, *se eodie Letum capturum esse* ^d: ac inconsideratius praeliando fortuitum iactum vocis *leto* suo confirmavit. Senatus tamen, neque stipendium anni procedere, neque aera dari voluit; quia pro salute Imperatoris hostium telis se non obtulerant ^e. Videtur tamen col-

M m a lega

^a *Ibid.* c. 14. ^b *Ibid.* c. 16. ^c *Ibid.* c. 18.

^d *Val. Max.* L. 1. c. 5. n. 9. ^e *L. II.* c. 7. n. 15. *Frontin. Strat.* L. IV. c. 1. f.

lega Petillii *C. Valerius Laevinus*, qui Consuli *Cn. Cornelio Scipioni Hispalle* in magistratu mortuo successus fuerat, eodem anno de Liguribus triumphasse: cum denarii essent ejus nomen inscriptum habentes; in quibus Jupiter quadrigis triumphalibus insistsens conspicitur ^a. Sed Livius tristi fato & barbarorum temporum pernicie mutilus hic est, & lacunis plenus: ita ut etiam de historia anni sequentis nihil aliud constet, sive ex Livio, sive ex fragmentis fastorum triumphalium, quam utrumque Consulem contra Ligures res bene gessisse; & propterea triumphantes Urbem intrasse: quorum alter fuit *M. Aemilius Lepidus*, quem quosdam Ligurum populos in plana deduxisse ex fragmentis historiae Livianae deprehenditur. Alter *P. Mucius Scaevola* cum iis, qui *Lunam* Pisasque depopulati fuerant, bellum gessit: omnibusque in ditionem redactis arma ademit ^b. *Vaillantius* ^c etiam maritimo bello ab eo superatos Ligures putat ex denario, qui caput •Neptuni laureatum,

&

^a Pigh. Ann. ad h. ann. Vaillant. G. Valeria n. 18. ^b Liv. L. XLI. c. 19. ^c G. Marcia n. 1.

et ex altera parte eundem Neptunum
 quadrigis decurrentibus insistentem,
 et in imo proram navis refert cum in-
 scriptione *P. Scaevola Q. F.* Sed idem
 vaillantius eodem opere de familiis Rom.
 i *Gente Cornelia num. 7.* & alibi me-
 ocuerat, quadrigas tum tantum
 triumphum denotare, si lento passu
 raderentur: quae vix concilio. Pi-
 hius etiam quadrigas triumphales,
 et ab altera parte Neptunum, in
 ummo hujus Scaevolae conspici di-
 citur; atque inde similiter conjicit, ma-
 timo bello etiam Ligures domuisse:
 im quoque superioris anni Consul
 alerius Duumviros navales cum clas-
 sibus Ligurum oram circumvectare ius-
 sit ^a. Anno quingentesimo octo- A.U. 580
 gesimo rursus utrique Consuli Ligu-
 res decretos invenio ^b; & a *M. Po-
 llio Laenate* Consule arduo praelio,
 nec incruento superatos *Statiellates*
 Ligurum populos ^c. Atque ille ar-
 ma omnibus ademit; oppidum di-
 citur; ipsos, bonaque eorum vendi-
 dit. Atrox haec res Senatui visa est;
 Statiellates, qui uni ex Ligurum
 Min 3 „ gente

^a Liv. d. l. c. 17. ^b Id. L. XLII. c. 1.

^c Ibid. c. 7.

„ gente non tulissent arma adversus
 „ Romanos, deditos in fidem Popu-
 „ li R. omni ultimae crudelitatis
 „ exemplo laceratos ac deletos esse.
 Ergo decreverunt, „ ut Popillius
 „ Consul Ligures, pretio emptori-
 „ bus reddito, restitueret in liberta-
 „ tem; bona, armaque ut iis, quic-
 „ quid ejus recuperari possit, redde-
 „ rentur, curaret a. “ Verum tan-
 tum abfuit, ut Senatui paruerit Con-
 sul, ut Romam reversus Senatuscon-
 sultum tolli, & supplicationem sibi
 decerni petierit; & neutra re impe-
 trata in provinciam redierit. Urgen-
 te tamen Senatu principio anni se-
 quentis (quo anno primum ambo
 Consules de plebe facti sunt b) Con-
 sul *P. Aelius Ligus* de Senatusconsul-
 to illo renovando referebat: sed cum
 collega ejus *C. Popillius* & collegam
 & Senatum pro fratre deprecaretur,
 pra se ferens, „ si quid decerneret,
 „ intercessurum, “ collegam deter-
 ruit. Aucta etiam est invidia c *M.*
Popillii literis, quibus iterum cum
Statiellatibus Liguribus Proconsul pu-
 gnasse

a *Ibid.* c. 9. b *Fasti Capitol.* c *Ibid.* c.
 21.

gnasse se scripsit; ac *sedecim a millia* orum occidisse. Ergo *M. & Q. Mar-*
ius Tribunis rogantibus Senatu ju-
 ente, *C. Licinius* Praetor Urbanus
 iuacere & animadvertere iussus est,
ui ex Statiellatibus deditis in liberta-
em restitutus ante Kal. Sextileis pri-
us non esset, cujus dolo malo is in ser-
uitutem venisset. Cumque Popillius
 Romam reverti non auderet, plebi-
 cito iussus est Praetor de absente eo
 latuere & iudicare. Hoc tractus vin-
 culo cum rediisset, multa millia ho-
 minum in libertatem restituta sunt;
 raductisque Padum ager est assigna-
 us. Gratia tamen Popilliae gentis ro-
 gatio de Liguribus arte fallaci discus-
 a est. Ita aliquanto tempore a bello
 cessatum; vel nihil certe memoria di-
 gnum cum Liguribus gestum est.

§. VII. Vidimus supra hujus cap. §. 7. *De*
 . 5. Fabium Praetorem jam anno *bello Istri-*
 Urbis 572. adversus Istros profectum
 uisse. Causa proficiscendi fuit, quod
 coloniam Aquilejam deduci Istri pro-
 biberent b : eodemque anno *L. Du-*
onio, qui Praetor Apuliam obtine-
 bat,

M m 4

a ita lego cum Cl. Perizonio. b Liv. L. XL.
 . 26.

bat, Istri adjecti sunt ^a ; quod agros maritimos infestos transmarimarum navium latrociniiis Tarentini Brundisique nunciabant. Duronius vero ex Illyrico reversus latrocinii omnis maritimi causam in Regem Illyriorum Gentium avertit ^b. Verum anno quingentesimo septuagesimo quinto Istris, five Histris (extremam partem Italiae Illyricum versus incolebant) bellum intulit *A. Manlius Vulso* inconsulto Senatu; illudque summa temeritate gerens castris ab Istris exiit ^c. At cum Istri omnium rerum paratam expositamque copiam & stratos in castris lectos invenissent, (nam temere Romani fuga deseruerant castra) accubantes epulari coeperunt. Interea vero collectis animis Romani ad castra revertuntur: Istrorum plurimos vino somnoque merfos opprimunt ^d : Rex eorum temulentus, & raptim vix equis impositus fuga evasit. Majorem etiam, quam pro periculo terrorem Romae fecerunt *Gavillii* fratres, qui ab Aquileja cum commeatu venientes, & prope in Istros illapsi omnia terrore impleverunt;

^a Ibid. c. 18. ^b Ibid. c. 42. ^c Id. L. XLI. c. 2. ^d Ibid. c. 4.

runt; ita ut statim dilectus extra ordinem ubique indiceretur: sed audita Istrorum strage statim, qui conscripti erant, dimissi sunt. Et anno sequente M. Junius & Q. Manlius, qui jam Proconsules Aquilejam Istrosque obtinebant ^a, armis eos ad pacem petendam adegerunt. At C. Claudius Consul veritus, ne ita provincia exercitusque sibi adimerentur, praeceptis in provinciam abiit, nulla re servata earum, quae more majorum servari solebant. Verum a militibus spretus Romam rediit, legitimisque peractis aequae ac prius praecipiti celeritate profectus est. Ibi *Nesartium* oppidum, quo se principes Istrorum & regulus ipse receperant, summa vi Junius Manliusque oppugnabant. Adveniens Claudius amnem moenia praeterfluentem avertendo oppidum cepit. Rex trajecit ferro pectus: reliqui aut capti, aut occisi sunt. Duo inde oppida *Mutila* & *Faveria* vi capta & deleta. Itaque Istria tota pacata est: sed an tum provincia facta sit, an demum A. 625. dubitatur. V. Sigon. *de ant. jure Ital.* L. III. c. 51.

Mm 5

§. VIII.

^a Liv. L. XLI. c. 10.

§. 8. *Bella cum Sardinia & Corsis.*
A. U. 571. §. VIII. Anno Urbis quingentesimo septuagesimo primo *Ilienses*, Sardiniae populus, bellum concitare coeperunt ^a, gens pertinacissima, quippe quam ne suo quidem tempore satis pacatam dicat Livius. Simule etiam defecerant Corsi. Sed in utraque tamen Insula feliciter a *M. Pinario* Praetore anno sequente pugnatum est.

A. U. 575. Sed anno rursus quingentesimo septuagesimo quinto *T. Aebutius* Praetor magnum tumultum esse in Sardinia ad Senatum scripsit; nec eis invalido exercitu, & magna parte pestilentia absumpto resisti posse ^b. Itaque anno sequente propter magnitudinem belli consularis provincia facta Sardinia *Ti. Sempronio Graccho* obvenit ^c, adiutorem tamen Aebutium habenti ^d. Gracchus & Consul, & anno quingentesimo septuagesimo septimo Proconsul multis secundis praeliis

A. U. 578. Sardos perdomuit: & anno sequente illustrem de iis triumphum egit: tantumque captivorum secum abduxit, ut juxta quosdam, nam alii, ut dictum est, ad hujus avum referunt, inde

^a Liv. L. XL. c. 19. & 34. ^b *Id.* L. XLI. c. 6. ^c *Ibid.* c. 9. ^d *Ibid.* c. 15.

inde *Sardi venales, alius alio nequior*, proverbium de re vilissima dici coeperit ^a. Ipse Gracchus in tabula, quam cum indice rerum a se gestarum in aede Matris *Matutae* posuit, dicit, *a se in ea provincia hostium caesa, aut capta supra octoginta millia*. In Corsica *M. Atilium* Praetorem res gessisse anno quingentesimo septuagesimo nono videmus ex Livii *L. XLI. c. 21*. Atque anno sequente septem ^{A.U. 580.} millibus Corforum caesis eam insulam pacavit ^b; postulatoque frustra triumpho in monte Albano triumphavit ^c.

§. IX. Diximus *L. IV. c. 2. §. 10. §. 9. De* post *A. U. 558.* plurimis annis ^{bello Hispanico.} continua fere bella in Hispania fuisse; quae, tamen omnia non memoranda forent. Praecipua tamen narranda sunt. Vidimus ergo eo loco *M. Porcium Catonem* bellis in Hispania confectis triumphasse; quod factum est *A. U. 559*. At non ita pacata erat provincia,

^a Vid. Cic. Fam. L. VII. n. 24. Sex. Aur. Vict. & omn. Gron. de pec. vet. L. IV. c. 10. qui neque Plut. Romulo p. m. 33. neque Erasmi. ad Ch. I. Cent. VI. n. 5. satis bene hoc adagium cepisse docet. ^b Liv. L. XLII. c. 7. ^c Ibid. c. 21.

vincia, quin confestim eodem anno *Sex. Digitius* Praetor praeliis quidem non magnis, sed creberrimis adeo afflictus fuerit, ut vix dimidium militum successori traderet ^a: imo poene omnem exercitum amisisse scribit *Orosius L. IV. c. 20.* omnisque Hispania animos sustulisset, ni alter Praetor *P. Cornelius Cnei F. Scipio Nasica* multa trans Iberum secunda praelia fecisset. Idem caesis magno praelio Lusitanis opulentum praeda exercitum reduxit. (Hic ille est Scipio, qui anno Urbis quingentesimo quadregesimo nono adolescens nondum quaestorius in tota civitate *vir bonorum optimus* iudicatus fuerat ^b: atque ita ex responso Delphici oraculi dignus habitus, qui Matrem Deorum hospitio exciperet; ut jam *Supr. L. IV. c. 1. §. 50.* dictum fuit.) Anno Urbis 560 a *C. Flaminius* Praetore in citeriore Hispania praelia aliquot, nec sine militum iactura, sunt facta; oppidumque *Ilucia* in *Oretanis* captum ^c. Majores res gessit *M. Fulvius*, qui Praetor ulteriorem Hispaniam fortitus

^a Liv. L. XXXV. c. 1. ^b Id. L. XXXIX. c. 11. & 14. ^c Id. L. XXXV. c. 7.

us fuerat, fuso Hispanorum exercitu; & capto Rege eorum *Hilermo*. A.U. 561.
 Sed anno sequente, cum ob bellum cum Antiocho Rege exortum imperium ipsis prorogatum esset a, maiore prosperitate res gesserunt, caesis aliquoties hostibus, pluribusque uribus captis. Verum anno quingentesimo sexagesimo tertio laetitiam Romanorum ob victum in Graecia Antiochum minuit nuncius ex Hispania de adversa pugna pugnata ductu *L. Aemilii Pauli*, (idem est, qui postea Regem Persea magna gloria vicit b) qui anno praecedente Praetor cum Proconsulari imperio in provinciam protectus fuerat c: idem tamen anno sequente victoria de Lusitanis A.U. 564. parta tranquilliores res in Hispania fecit d: opportune quidem, cum per eos dies *L. Baebius* Praetor in provinciam Hispaniam proficiscens ab Liguribus circumventus, magna parte comitum caesa, vulneratus ipse Massiliae intra triduum exspirasset. Lusitanos iterum A. U. 567. a *C. Atinio* A.U. 567. Praetore victos & *Astam* urbem captam

a *Ibid.* c. 22. b *Id.* L. XXXVII. c. 57.

c *Ibid.* c. 46. d *Ibid.* c. 57.

haud cum fide factam; magno statim
 rursus praelio & dubio eventu cum
 Celtiberis pugnatum: sed tertio inde
 die haud dubie victos Celtiberos; in-
 de debellatum, veramque pacem Cel-
 tiberos fecisse. Videmus tamen ex e-
pitome Liviana quadragesima prima,
 etiam postea Gracchum Celtiberos
 victos in deditionem accepisse; &
Gracchurim oppidum in Hispania con-
 stituisse, operum suorum monimen-
 tum. Tum etiam *Postumium Albinum*
 Proconsulem Vaccaeos & Lusitanos

A.U. 577. sublegisse: utrumque etiam triumphas-
 se narrat Livius *L. XLI. c. 7.* Et ali-
 quandiu quietae videntur fuisse *Hispa-*
niae, donec sub adventum *Ap. Clau-*

A.U. 578. *diis Centhonis* Praetoris anno Urbis 578.
 rebellarunt: sed uno praelio cum iis
 debellatum fuit; iterumque a bello
 cessatum a.

§. 10. Do-
 mestica
 quaedam.

Censura
Catonis &
Valerii
Flacci.

§. X. Quod horum temporum res
 domesticas attinet, duo maxime me-
 moranda veniunt: quorum primum
 est Censura anno Urbis quingentesi-
 mo sexagesimo nono a L. Valerio
 Flacco, & M. Porcio Catone, qui
 etiam in consulatu collegae fuerant,
 gesta:

a Liv. L. XLI. c. 26.

gesta: a qua hic apud posteros *Censorii* cognomen meruit; quod illa potestate severissime usus fuit: ita ut similitates inde contractae per omnem vitam eum exercuerint a: ob quam severitatem *apud inferos etiam jura piis dare* a Virgilio fingitur b. Et *Catonis* appellatio postea pro *severo morum censore & rigido virtutis cultore*, summi coepit c; praesertim cum etiam pronepos ejus *Cato minor*, vel *Uticensis* distinguendi causa dictus, similibus fere moribus fuerit d. Et fuit praeterea multis & egregiis animi dotibus praeditus, *idemque historiae conditor, idem juris, idem rerum rusticarum peritissimus* e. Plurimae ejus exstiterunt orationes: nam, ut de co Plin. Hist. Nat. L. VII. c. 27. existimatus est *optimus Orator, optimus Imperator, optimus Senator*. Reliquit etiam *septem libros Originum*, in quibus res gestas Romanorum & Italiae origines prosecutus est f; quos uti-

N n nam

a Liv. L. XXXIX. c. 44. b Aen. L. VIII. v. 670. c Horat. Epist. L. I. n. 19. v. 13. Martial. L. XI. n. 2. Juven. S. XI. v. 90. d Id. S. III. v. 40. e Quintil. Inst. L. XII. c. ult. f Nepos ejus vita.

nam jactura lascivorum aliquot poetarum, nugaciumque scriptorum redimere possemus. Virtutes tamen ejus nequaquam ad normam rectae rationis, multo minus Christianae perfectionis fuerint exigendae: quod vel sola ejus duritia probet, qua erga servos suos usum esse testatur Plutarchus ^a: quos, ubi consenuissent, venundandos putabat, neque alendos inutiles: ita ut merito *Augustinus adv. Julianum L. IV. c. 3.* gentilium virtutes vocet, *virtutes civiles non veras; sed verisimiles* ^b. Memorandum tamen etiam est, quod *Plinius locoprox. cit.* refert, *Catonem quater & quadragies caussum dixisse: nec quemquam saepius postulatum, & semper absolutum.*

Conjurationes occasione Bacchanalium.

A.U. 567. Alterum, quod hic referendum erat, fuit horrenda conjuratio eorum, qui sacris *Bacchi* initiati erant, quae aperta est ^c anno Urbis quingentesimo sexagesimo septimo. Occasio ejus rei detegendae haec fuit. *Publius* fuit *Aebu-*

^a ejus vita p. m. 338. ^b Vid. Jo. Ger. Vossii *Disput. Theol. XXVI. quae est de virt. & vitiis gentilium: & ejusd. Hist. Pelag. L. III. P. II. antirohi 10. & tota parte III. c* *Liv. L. XXXIX. c. 8.*

Aebutius equitis Romani filius, qui sub tutela *Duroniae* matris & vitrici *T. Sempronii Rutili* educatus fuerat. Hunc vitricus, quia tutelam ita gesserat, ut rationem reddere non posset, aut tolli, aut obnoxium sibi vinculo aliquo fieri cupiebat. Ergo specie voti pro aegro filio suscepti persuadent, ut *Bacchis* initiari se pateretur. Consilium parentum adolescens *Hispalae Feceniae* libertinae, cum qua consueverat, indicat: illa rem detestata, se ancillam dominiae comitem id sacrum intrasse refert, horrenda simul addens facinora, quae ibi commitebantur: neque ante dimisit adolescentem, quam fidem dedit, ab his sacris se temperaturum. Sed hanc ob causam a matre & vitrico domo exactus rem ad amitam *Aebutiam*, & ex ejus auctoritate ad Consulem *Postumium* defert ^a. Hic, cum etiam ex *Hispala* totius rei ordinem, scelusque & multitudinem ingentem, quae horum sacrorum conscia esset, intellexisset totam rem in Senatu explicat. Ibi Patres ingens terror cepit ^b, quum publico nomine, ne quid eae

N n 2

con-

^a *Ibid.* c. 11. *Ibid.* c. 14.

conjuraciones coetusque nocturni fraudis occultae, aut periculi importarent: tum privatim suorum quisque vicem, ne quis affinis ei noxae esset. Cum vero Consuli gratias agendas censuisset, Senatus decrevit, *ut Consules quaestionem de his haberent, qui coissent conjurassentve, quo stuprum, flagitiumve inferretur.* Neque enim supra solum promiscua ingenuorum, foeminarumque erant: sed falsi testes, falsa signa testimoniaque & indicia ex eadem officina exhibant. Venena indidem, intestinaeque caedes. Igitur Consules per Aediles curules sacerdotes ejus sacri omnes conqueri, comprehendique imperarunt. Aediles plebis, *videre, ne qua sacra in aperto fierent.* Inde, cum securitati Urbis, quantum fieri poterat, providissent, concione advocata etiam Populo rem notam fecerunt. Hinc magna, Urbe tota non tantum, sed passim per totam Italiam trepidatio & fuga ^a. Multi fugientes reducti sunt: multorum nomina delata: quidam ex iis viri feminaeque mortem sibi consciverunt. Qui conjuratorum earum re-

rum

^a Ibid. c. 17.

rum nullam, in quas jurejurando obligati erant, in se aut alios admiserant, eos in vinculis relinquebant: qui stupris aut caedibus violati erant, qui falsis testimoniis, signis adulterinis, subjectione testamentorum, fraudibus aliis contaminati, eos capitali poena afficiebant. Plures necati, quam in vincula coniecti sunt. Inde Romae primum, deinde per totam Italiam Bacchanalia diruta: & sacrificium illud abolitum; nisi si quis sine piaculo se id omittere non posse (nam talia sacra privata veteres habebant, quae etiam haeredes sequebantur a) apud Praetorem Urbanum profiteretur; id sacrum fieri posse, dum ne plus quinque sacrificio interessent. Impunitas denique & praemia indicibus sunt constituta b.


a Cic. de LL. L. II. c. 9. b Liv. d. l. c. 19

LIBER QUINTUS

CAPUT QUINTUM.

*Bellum Persicum, sive cum Perseo
Macedonum Rege.*

§. 1. Semi. §. I.
na hujus
belli sub
Philippo.



Hujus belli initia jam a Philippo Persei patre inchoata fuerunt, licet post Antiochinum Romani magna indulgentia erga eum usi fuissent remittendo filium Demetrium, qui Romae obses fuerat ^a. Cum vero ex universa Graecia, & ab Eumene Rege legati Romam venissent de variis rebus Philippum accusaturi ^b, ipse Demetrium filium, qui ad omnes criminationes responderet, Romam misit ^c, tempus praeterea ea ratione lucrari studens. Senatus respondit, „ de omnibus, quae „ vel dixisset, vel legisset “ (commentarium a patre sibi traditum in Senatu legerat ^d) „ ad patris excusa-
„ tio.

^a Polyb. exc. leg. n. 15. Liv. L. XXXIX. c. 46. ^b Polyb. d. l. n. 46. Liv. Ibid. c. 24. ^c Ibid. c. 35. ^d Ibid. c. 47.

tionem Demetrius, Senatum ipsi credere ^a; & confidere patrem ejus omnia ut æquum justumque esset, fecisse & facturum esse: missuros esse Patres legatos ad visendum an ex voluntate Senatus cuncta administrarentur: simul ut Regi significant, propter Demetrium hanc ipsi veniam esse indultam. ^a Ad hic favor Romanorum & adolescentis animum inani spe sustulit ^b; fratrem ejus Persea, patremque Philippum graviter offendit ^c. Mame etiam Philippum angebat; quod, cum victo leges imponerentur, qui Macedonum ab se defecerant in bellum, in eos jus faciendi ademptum ei Senatus erat ^d. Tum, quod ab oppugnatione Lamiae abscedere iussus erat, Romanis id oppidum in deditionem accipientibus ^e: quodque ex Messaliæ, Athamaniæ, Thraciæ quidam locis præsidia deducere cogebatur ^f. Huic fini, dum a bellis quies est ^g, opus regni omnibus modis

N n 4 auge-

^a Polyb. l. d. p. m. 1196. ^b Liv. d. l. o.

^c Polyb. d. l. n. 50. ^d Ibid. c. 39. ^e Ibid. L. XXXVI. c. 25. ^f Ibid. L. XXXIX. c. 25.

34. ^g Ibid. c. 24.

augere studuerat; vectigalia auxerat; metalla & vetera incoluerat, & nova instituerat, subditos educare liberos coëgerat; Thracum in Macedoniam magnam multitudinem traduxerat. Eaque fiducia jam audacius agere coepit; & omnibus civitatibus, quibus Praefidia deducere debebat infensus in *Macedoniam* iram effundit; magnamque per praefectos suos eorum caedem fecit. *Isti* quoque fluvii accolae barbaros sollicitavit; ut in Italiam irrumperent ^a. Interea legati cum Demetrio in Macedoniam advenerant; ei que, ut pacis auctori, a vulgo Macedonum, spe haud dubia, regnum post mortem patris destinabatur ^b: qui eo praeterea grator erat, quod iusta matrefamilias ortus insignem Philippi similitudinem ipse se ferret; cum Perseus publice ortus nullam certi patris notam haberet. Cum eo accederet favor Romanorum, non in fratris; sed etiam patris, ut dictum est, invidiam incurrit: qui tamen omnia obedienter erga Romanos faciebat, nequam movendi extemplo belli causam praeberet: &, ut etiam magis animos

^a *Ibid.* c. 35. ^b *Ibid.* c. 53.

mos a suspitione talium consiliorum abduceret, mediam in Thraciam exercitum duxit. Sed Marcius ^a, qui ad res Graeciae Macedoniaeque visendas missus fuerat, scripserat, „ ita „ fecisse eum, quae Senatui placuissent, ut facile appareret, non diutius, quam necesse esset, facturum, „ omniaque, quae tunc ageret, diceretque ad rebellionem spectare. “ Quin Demetrius Philippi filius ^b, quod in Romanos propensior videretur, accusante etiam fratre Perseo, quasi sibi insidiae a Demetrio essent structae, & falsas literas tanquam a T. Quinctio ad Demetrium datas fingente ^c, patris jussu interfectus creditur. Sed veritatem haud ita multo A.U. 572. post edoctus est ab *Antigono Echekratidis* filio, cujus patruus *Antigonus* tutor Philippi fuerat ^d: itaque Perseus incertior factus, omnia detecta esse ^e, licet potentior esset, quam ut fugam necessariam duceret, tamen ut procul abesset, curabat. Philippus omni veritate intellecta regnum

N n 5

An-

^a *Id. L. XL. c. 2. & 3.* ^b *Ibid. c. 5. Polyb. exc. leg. n. 51.* ^c *Liv. d. l. c. 23. & 54.* ^d *Liv. c. 54.* ^e *Ibid. c. 56.*

Antigono relinquere conatus est: sed prius aegritudine animi decessit: cum jam *Bastarnas*, *Germanicam* dubium an *Sarmaticam* gentem, excitasset, quos per *Scordiscos* ad Italiam populandam mittere posset. Sed hoc paulo ante jam tetigimus.

§. 2. Praeparatio
belli a
Perseofa-
cta.
A.U. 575.

§. II. Perseus regno potitus, dum res firmaret, legatos Romam ad amicitiam paternam renovandam petendumque, ut Rex ab Senatu appellaretur, misit. Idque anno sequente factum est ^a. Non cessavit tamen *Bastarnas* etiam in Romanos sollicitare ^b: & legatos Carthaginem ad foedus cum Poenis clam faciendum misit; quibus noctu a Carthaginensibus Senatus datus est ^c. Graecarum quoque civitatum animos sibi conciliare statuit ^d, & maxime Acheos Macedonibus infensissimos. Apud Boeotos etiam plurimi ipsi faverant: sed praevaluerunt tamen Romani, & ipsa *Boeoticarum* gentium societas dissoluta est ^e; licet etiam sic civitates quaedam

^a Liv. L. XLV. c. 9. ^b Vid. eund. L. XLI. c. 19. Polyb. exc. leg. n. 62. ^c Liv. d. l. c. 22. ^d Id. L. XLII. c. 5. ^e Polyb. Ibid. n. 63. Liv. d. l. c. 38. & 43. 47.

dam in amicitia Persei perstiterint ^a. Adhaec Rhodiorum civitatem a Romanis abducere, sed eo quidem tempore frustra, conatus est ^b. Quaecum Romani intellexissent rursus quinque legati ad Regem sunt missi, qui res in Macedonia adspicerent ^c. Interea Eumenes Asiae Rex (alii *Attalum* Regis Eumenis fratrem Romam legatum venisse dicunt) Romam proctus ^d Persei apparatus bellicos Senatus indicavit: injuriasque ab eodem sociis Romanorum illatas addidit ^e. Atque ita aures animosque praecoccupavit, ut deprecatio legatorum Persei a Senatu respueretur: cum praesertim etiam *Harpalus* legationis princeps paulo audacius in Senatu dixisset, *Regem, si pervicacius causam belli quaeri vident, forti animo defensurum se. Martem communem esse, & incertum eventum belli.* Eumeni contra omnes honores habiti, donaque etiam amplissima data. Ergo merito ante omnes Eumeni infestus erat Perseus ^f: eumque, ut sacrificaret Apollini Delphos

^a *Ibid.* n. 66. *Liv.* L. XLII. c. 5. & 46. ^b *Polyb.* *Ibid.* n. 67. ^c *Liv.* *Ibid.* c. 6. ^d *Ibid.* c. 11. ^e *Ibid.* c. 13. ^f *Ibid.* c. 15.

phos ascendentem parum abfuit, quin ex insidiis interfecerit. Denique, cum etiam *C. Valerius*, qui ad speculanda consilia Persei inter quinque istos, de quibus diximus, legatos fuerat, congruentia omnia criminibus ab Eumene allatis retulisset a, & *L. Rammius* Brundisinus, qui duces & legatos Romanorum hospitio excipere consueverat, sollicitatum se esse a Rege, ut quibusdam ex iis venenum dari curaret, dixisset; & legati circa socios Reges missi, etiam eos sollicitatos esse, affirmarent b, hostis esse Persens judicatus est c: statimque conscripti milites, qui maritimas Epiri urbes occuparent, ubi Consul, cui Macedonia provincia evenisset, classem tuto appellere posset d.

§. 3. Consilia tamen de pace utrimque inita, &c.
A. U. 582.

§. III. Ergo anno Urbis quingentesimo octogesimo primo *C. Licinio Crasso* Praetori Urbano negotium datum est e ut classem, socios navales, & alia ad bellum necessaria pararet: & anno sequente *P. Licinio Crasso* Consuli Macedonia provincia sorte obtigit f. Sed etiam interea legati a Rege Perseo

a Ibid. c. 17. b Ibid. c. 26. c Ibid. c. 18.

d Vid. Ibid. c. 36. e Ibid. c. 27. f Ibid. c. 32.

seo venerunt, *Mirari Persea Regem*, dicentes, *quod in Macedoniam exercitus transportati essent* a. Si impetrari a Senatu posset, ut ii revocentur, Regem de injuriis, si quas socii factas quererentur, arbitratus Senatus satisfacturum esse. Verum cum eodem tempore Sp. Carvilius ex Graecia redux legatos coram argueret, „ multa a Perseo contra foedus facta esse, “ neque legati ad ea respondere possent, Italia excedere iussi sunt b. Romanorum vero legati in Graecia civitates circumeundo eas in societate Romanorum firmaverunt; &, ut omnia decernerent, quae Romani vellent, fecerunt c: idque eodem tempore ab altera legatione in Asia praestitum est d. Inde legati a Perseo ad legatos Romanorum venerunt petentes, ut Marcius (hic legationis Romanae princeps erat, idemque privato jure paternus Regis hospes) in colloquium veniendi potestatem faceret. Post dies paucos ad constitutum locum congressi sunt, plurimaque contra foedus facta objecit Marcius: sed quae satis bene

a *Ibid.* c. 36. b *Polyi. exc. legat.* n. 68.

c *Liv. d. l. c.* 38. d *Ibid.* c. 45.

bene diluisse Rex est visus ^a. Ergo
 Marcius auctor fuit mittendi Roman
 legati; cum nullam spem pacis præ-
 termittendam Regi esse censuisset. I-
 dem, licet in speciem gravate & in
 magnam gratiam petentis, inducias
 concessit; cum Romani nihil satis pa-
 ratum ad bellum in praesentia habe-
 rent; Perseo vero (ni spes vana pacis
 occoecasset consilia) omnia præpara-
 ta, atque instructa essent: & suo ma-
 xime tempore, atque alieno hostibus
 incipere bellum posset. Nihilominus,
 quamprimum in Macedoniam sese re-
 cepisset Rex legatos Roman de in-
 choatis cum Marcio conditionibus pa-
 cis misit: verum eodem simul tem-
 pore & Byzantium & Rhodum lite-
 ras legatis ferendas dedit ^b; quorum
 tamen opera irrita fere fuit. Legati
 Romam reversi *nulla re magis gloriati*
sunt, quam Rege per inducias & spem
pacis decepto: &, licet senioribus no-
 va haec minus placeret sapientia, vi-
 cit tamen ea pars Senatus, cui potior
 utilis, quam honesti cura erat, ut
 comprobaretur prior legatio Marcii:
 isque eodem rursus in Graeciam re-
 missus

^a Ibid. c. 41. ^b Liv. Ibid. c. 46.

missus est, cetera, uti e Republica maxime visum esset, agere iussus. *Q.* quoque *Atilius* missus, qui *Larissam* in *Theffalia* occuparet: & *P. Lentulus*, qui operam daret, ut in potestate esset *Bocotia*. Legati interim *Persei* in Senatu auditi sunt ^a: sed nec defensio eorum, nec deprecatio acquis animis audita est. Et *P. Licinius* Consul, votis in Capitolio nuncupatis paludatus Urbe profectus est. *Perseus* quoque spe pacis praecisa, bellum omni ratione paravit ^b: quod satis erat expeditum; cum & sextus supra vicesimum annus ageretur, ex quo petenti *Philippo* data pax erat; & per omne id tempus quies *Macedonia* fuisset.

§. IV. Ergo egregiis copiis paratis §. 4. *Privaria* *Theffaliae* *Perrhoebiae*que oppi-^{mus belli}da in deditionem recepit: & si, & ^{annus.} loco suo, & tempore obstitisset *Rex*, ingenti sua cum clade pugnaturi fuissent *Romani* ^c; qui jam *Gomphos* *Theffaliae* urbem pervenerant, magno cum contemptu hostium adeo ignorantium opportunitates suas. A *Gomphis* Consul *Lacrisam* duxit; & super

^a *Ibid.* c. 48. ^b *Ibid.* c. 51. ^c *Ibid.* c. 55.

super *Peneus* fluvium castra posuit. Eumenes ibi cum fratribus Attalo atque *Arbenaeo* peditum equitumque auxilia ducens se Consuli jungit: quem admodum etiam ex omnibus undique Graeciae populis auxilia, sed pleraque parva, convenerunt. Rex, ut Romanos castris eliceret, ad vastandum agrum *Pheraeorum* (Pelasgorum in Thessalia oppidum fuit *Pherae*) mittit: &, cum illud non prohibuissent Romani, eundem sibi ad eorum castra Rex censebat. Ibi levibus primo aliquot pugnis eos laceffit ^a; & tandem equestri praelio victor ^b debellare potuisset, nisi *Evandri* Cretenensis consilio paruisset, qui monebat, *Ne elatus felicitate summam rerum temere in non necessariam aleam daret. Si contentus bene re gesta quiesceret eo die, vel pacis honestae conditionem habiturum; vel plurimos belli socios, qui fortunam sequerentur; si bellare mallet.* Sed postridie peccasse se sensit Perseus; cum Romanos trans *Peneum* in tuto posuisse castra animadverteret. Quanquam autem magnos animos haec victo-

^a *Ibid.* c. 57. ^b *Ibid.* c. 59.

ful locis etiam quibusdam, in Thessalia maxime, captis in hyberna, in Bocotiam, duxit: ubi *C. Lucretius* Praetor *Haliartum* urbem vi ceperat ^a, & a fundamentis diruerat, civibus, qui caedi superfueraut, sub corona venditis. Idem Thebas sine certamine receptas iis, qui Romanorum partis erant, tradidit; fautorum Regis familias sub corona vendidit. Sane & ab Consule *Licinio* & ab *Lucretio* Praetore crudeliter & avare in Graecia bellatum fuit ^b: & tanta hoc tempore procerum Romae erat iniquitas simul & securitas, ut, cum *Lucretius* a Tribunis plebis concionibus assiduus laceraretur, *Reipublicae causa abesse*, excusaretur, qui eo tempore in agro suo Antiati (diei itinere ab Urbe distabat Antium Volscorum urbs; cuius nomen etiamnum durat in promuntorio, quod vulgo *Cabo d' Anzo* dicitur) aquaeductum operosum ex manubiis faciebat; & tanum Aesculapii tabulis pictis ex praeda exornabat.

§. 5. Secundus belli annus.
A.U. 583.

§. V, Nec minore invidia infamiaque flagravat *L. Hortensius* successor *Lucre-*

^a *Ibid. c. 63. Polyb. ex. legat. n. 98.* ^b *Liv. d. L. XLIII. c. 4.*

Lucretii, querentibus *Abderitarum* ex Thracia legatis a, *Oppidum suum ab Hortensio direptum esse*, principes securi percussos, ceteros sub corona venditos, dum legatos ad Consulem Hostilium mitterent conquesturos, quod centum millia denarium, & tritici modium quinquaginta millia sibi ab Hortensio imperata essent. Senatus Abderitas in libertatem restitui iussit. Etiam Chalcidenses Praectorem Hortensium Lucretiumque accusarunt, quod socii Populi Romani hostilia omnia ab ipsis passi forent b. Lucretio, qui praesens erat, Tribunis plebis accusantibus, multa decem centum millium aeris dicta: Hortensio jussu Senatus scriptum, ut *Chalcidenses in integrum restitueret*. Eodem anno Hostilius Consul Ap. *Claudium* cum copiis quibusdam ad tutelam Illyrici miserat: ad hunc venerunt, qui nunciarent, *Ustana* finium Persei oppido proditione potiri posse. His imprudenter credens Hostilius, & summa negligentia ad Urbem accedens oppidanorum eruptione maximam partem militum amisit, ipse vix fuga elapsus c. (Haec quidem Li-

O o 2

vius

a Liv. Ibid. b Ibid. c. 7. c Ibid. c. 10.

vius loco cit. refert: sed Idem c. 18: aliud agens, *Uscanam a Perseo vi captam*, narrat, quemadmodum c. 21. L. Caelium *legatum ab oppugnatione Uscanae cum multis vulneribus esse repulsum*: quod ceteris praestantissimi Historici hallucinationibus addere potuisset praeclarus ejus Censor Jacobus Perizonius *Animad. Hist. c. 4.*) Perseus certe socordia ducum Romanorum usus multa Illyrici, qua Romanorum erat, loca in ditionem redegit ^a; sed Aetoliam frustra tentavit ^b. *Gentium* etiam Illyriorum Regem sollicitavit; verum intempestive pecuniae parcens ad bellum eum impellere non potuit ^c: quod tamen anno sequente, cum adesse discrimen ultimum belli animadverteret, ab animo suo impetravit trecentis argenti talentis ejus societatem pactus ^d. Sed cum Gentius ea pecuniae spe legatos jam Romanos violavisset, nihil pecunia opus ad concitandum in Romanos Gentium ratus, cum ille se in belli necessitatem

^a Ibid. c. 18. ^b Ibid. c. 21. ^c Ibid. c. 20. 23. Polyb. exc. leg. n. 76. sq. ^d Ibid. n. 85. Liv. L. XLIX. c. 23. App. Alex. in excerpt. L. IX.

tatem coniecisset, miserum trecentis illis talentis defraudavit ^a. Atque ita, tum Romani, tum Perseus partes suas firmare conabantur. Achaei ad Consulem anni sequentis *Marcium* legatos, & inter eos ipsum Polybium, miserunt ^b sciscitatu-
 „ quando, &
 „ ubi Achaeorum auxilia suis copiis
 „ commiscere vellet: “ quo labore & sumptu eos Consul levavit; quod perculso jam Perseo nihil amplius auxiliis sociorum opus foret. Rhodii vero, & ad Consulem ^c, & ad *C. Marcium Figulum* classis Praetectum, & denique Romam legatos miserunt, qui & amicitiam cum Populo Romano renovarent, & accusationes, quibus onerabantur, diluerent. Utrobique comiter excepti nuncio tamen suo animos Rhodiorum varie affecerunt. Sanioribus enim grata Romanorum benignitas accedebat: rerum novarum cupidis animum addebat, quasi ex conscientia rerum minus ex animi sententia Romanis provenientium haec comitas eveniret: praesertim postquam unus legatorum *Agessipolis*

O o 3

priva-

^a *Plut. P. Aem. p. m. 261.* ^b *Polyb. d. l. n. 78.* ^c *Polyb. Ibid. n. 80.*

privatim a Consule sibi mandatum retulisset, ut ad Senatum Rhodiorum de componenda inter Aegypti & Syriae Reges pace referre vellet: nam inde eliciebant pessimo loco res Romanorum esse, qui metuerent, ne alteruter Rex victor eos bello cum Perseo occupatos invaderet. Et sane legatos Alexandriam ad bellum, quod inter Reges erat, dirimendum miserunt: qua tamen legatione nihil profectum est. Quin etiam rursus ad Romanos & Perseum destinarunt legatos ^a, qui peterent [†], arrogantissimis quidem verbis ^b, ut finis bello imponeretur; cum nempe apud eos factio eorum, qui Regi favebant, praevaluisset. Sed iis demum postquam jam Q. Marcius in Macedoniam penetraverat responsum datum fuit. Nam etiam Perseus, & cum Gentio, quod jam diximus, per legatos egerat; & Antiochum quoque ac Eumenem in suas partes perducere fuerat conatus ^c. Sed jam ad bellum

^a Polyb. *Ibid.* n. 86. [†] ut quondam Tarentini. S. L. II. c. VIII. §. 5. ^b Liv. L. XLIV. c. 14. ^c Polyb. d. l. n. 85. Liv. L. XLIV. c. 24.

n cum Perseo gestum redeamus.

§. VI. Anno Urbis quingentesimo §. 6. *Ter-*
 tuagesimo quarto principio statim *tius belli*
 ris Q. Marcius Philippus Consul *annus.*
 m supplemento in legiones in *A. U. 584.*
 racciam trajecit a : & consilio cum
 is ducibus habito statim in Mace-
 niam pergere decrevit. Ceterum
 adeo aspera & ardua & confrago-
 fuit, ut, nisi inops consilii Perseus
 torpuisset, facile arceri Macedonia
 stes potuerint b. At Rex inte-
 n ad *Dium*, quae splendida urbs in
 a maris fuit, per litora cum Equi-
 us vagabatur; qui certe parva ma-
 omnem exercitum Romanorum
 lere potuisset cum incredibili lo-
 rum difficultate conflictantem c.
 d nihil tale expectanti Perseo,
 m lavat, nunciatur, adesse hostes.
 que omnibus praesidiis nudatis pa-
 factisque bello ad *Pydnam* refugit:
 m interea Romani cum caritate an-
 nae, aliarumque rerum inopia pu-
 arent sine ulla ope hostis, quae ag-
 avaret. Itaque lactus magnopere
 nsul, cum literae a *Sp. Lucretio* al-

O o 4

latae

i Liv. L. XLIII. c. 15. XLIV. c. 1. b Ibid.

c Ibid. c. 6.

latae essent, „ se castella circa *Phi-*
 „ *lam* tenere, ibique omnium in u-
 „ sum rerum copiam invenisse ; “
 eo ab Dio, quod a Rege relictum oc-
 cupaverat, exercitum duxit. Sed pro-
 fectione Consulis audita Perseus Dium
 regressus urbem munire cepit ^a : &
 recepto paullum animo gazam, quam
 Pellae in mare dejici jusserat, per u-
 rinatores omnem ferme rursus extra-
 xit : & pudore pavoris sui urinatores
 non tantum clam interfici jussit ^b ;
 sed etiam amicos, quorum opera ad
 eam rem usus fuerat. Et videbatur
 rebus Regis aliqua lux affulgere, cum
 & *Thessalonicam* & *Cassandream* & *To-*
ronen ^c frustra oppugnasset C. Mar-
 cius, ad *Antigoneam* etiam pluribus suo-
 rum, quam Macedonum amissis ; &
 Demetriadem quoque frustra fuisset
 aggressus : quo tempore fama fuit
 inter Perseum & Eumenem, condi-
 tiones amicitiae fuisse tractatas. Hic
 certe prospere intratam Macedoniam
 Consuli gratulatus Pergamum in re-
 gnum abiit. Alii dicunt, nec cum
 gratia ab Consule profectum ; indi-
 gnatum, quod, ut iisdem castris ten-
 deret,

^a Ibid. c. 8. ^b Ibid. c. 10. ^c Ibid. c. 12.

et, permissum non fuisset: Attal-
 tris sinceram fidem, & egregiam
 ram in eo bello fuisse a. Et Pru-
 s hoc tempore pro Perseo apud Se-
 um deprecatus est b: & superbius
 odii, ut jam innuimus, denuncia-
 it „ per quos stetisset, quo minus
 belli finis fieret, adversus eos, quid
 sibi faciendum esset, Rhodios confi-
 aturos esse.” Quid Rhodiis respon-
 n fuerit non satis inter auctores
 venit: hoc constat, acerbum &
 nax pro arrogantia eorum fuisse:
 m censerent Patres, legationem mi-
 è, non ad pacem faciendam; sed
 Perseum ex periculo, quod in ipsis
 et, eripiendum c. Tamen, cum
 njunctio Persei Gentiique Regum,
 fama cum magno numero peditum
 uitumque venientium ad auxilium
 rsei Gallorum Rhodum perlata es-
 , palam pronunciarunt Rhodii,
 bello finem se auctoritate sua im-
 posituros esse d; itaque ipsi quo-
 que Reges aequos adhiberent ani-
 mos ad pacem accipiendam.” At

Oo 5

nuncio

a Liv. Ibid. c. 20. b Ibid. c. 14. c Id. L.
 IV. c. 3. Polyb. exc. legat. n. 88. d Liv. L.
 IV. c. 29.

cionem incurreret, quasi res novas meditaretur, urbes quidem viae propinquas & mari negligere se simulabat, dum interim mediterraneas arces & praesidia magna vi armorum, pecuniae, frumenti impleret. Haec cura movit Romanos, ut virum prudentia & rerum gerendarum scientia illustrem Consulem facerent. Lucius is fuit Aemilius Paullus: qui invitus fere Consul creatus sine sorte, ut dicit Plutarchus, Macedoniam provinciam accepit. Exiguum videatur, narratu tamen non injucundum, quod, cum designatus maxima ordinum frequentia domum deduceretur, filiolamque *Tertian* nomine tristiculam animadvertisset, *quid est*, dixerit, *mea Tertia, quod tristis es?* *Mi Pater*, inquit puella; *Persa periit*. Tum ille arctius puellam complexus, *Aecipio*, inquit, *mea filia, omen*. Erat autem mortuus catellus eo nomine a. Statim porro Senatum hortatus est Aemilius, „ ut diligentissime bellum „ pararent : ” & inde in concione Populum monuit, „ ne rumores cre- „ dulitate sua alere vellet; cum in „ circu-

„ circulis non modo quid faciendum
 „ esset statuerent ; sed, si quid ali-
 „ ter, quam ipsi censuissent, factum
 „ esset, Consulem, velut dicta die,
 „ accusarent. Itaque, si quis esset,
 „ qui, quod e Republica foret, sua-
 „ dere se posse confideret, secum in
 „ Macedoniam veniret. Si quem id
 „ facere pigeret, e terra ne guber-
 „ naret. ” Similiaque, quam pri-
 mum ad exercitum venit, militibus
 edixit. Et merito Consul omnibus vi-
 ribus ad curam belli animum inten-
 debat, quod magno apparatu instru-
 ctum Persea sciret ^a ; quanquam ipsum
 tamen Regem, quem imprudentem
 & imbellem noverat, contemneret.
 Atque erat in magno terrore Perseus
 ob adventum Aemilii *Octavii*que Prae-
 toris ^b. Consul, ut in castra venit,
 laborantem penuria aquae exercitum
 reperit : sed ex virore sylvae *Olympo*
 monti impositae aquarum illic esse affa-
 tim conjiciens ad ipsius montis radi-
 ces frequentes scaturigines aperuit ^c.
 Multa etiam in disciplina militari cor-
 rexit : & mox totam mentem eo con-
 vertit,

^a Vid. *Plut. d. l. p. 261.* ^b *Liv. L. XLIV.*
^c 32. ^c *Plut. d. l. p. 262.*

vertit, quomodo in Macedoniam penetrare posset ^a. Hic eum *Perrhaebi* quidam mercatores docuerunt, „ lo-
 „ ca quidem non esse iniqua; prae-
 „ fidiis autem regiis obsideri. “ I-
 taque *P. Scipionem Nasicam*, *Q. & Fa-*
bium Maximum filium suum cum de-
 lecta manu misit tanquam classem
 consensuros ad interioris Macedoniae
 oram vastandam; dum ipse interim
 levibus praeliis Regem teneret. At
 Rex, cum in Macedoniam penetrasse
 Nasicam, nunciatum esset, propere
 retro exercitum movit ^b: & mox
 etiam Paullus Nasicam consequitur.
 Sed aciem & numerum hostium mi-
 ratus substitit, & lassitudine ac siti
 affectos recenti atque integro hosti
 non objicere statuit ^c. Erat tamen
 maximus ardor in animis utrimque ad
 dimicandum: quem, ut in suis arte
 Consul eluderet, magis etiam eos hor-
 tando in pugnam accendebat. Atque
 illi primo quidem alacres signum po-
 scere: deinde, quantum aestus in-
 crevisceret, segniores reddi: atque ita
 demum jussu Consulis, ut castra
 meta-

^a Liv. *lib.* 1. c. 35. ^b *Plut. d. h. p. m.* 263.

^c Liv. *lib.* 1. c. 36.

metarentur, cum gaudio accipere. Nasica tamen monere ausus est Consulem; „ ne hostem nocte, ut cre-
 „ di par esset, in intimam Macedo-
 „ niam profecturum e manibus cla-
 „ bi pateretur. “ Nec succensuit Consul: sed postridie occasione data omnem consilii sui rationem ipsum e-
 docuit a. Atque eo ipso die fortuna, neutro Imperatore volente, contra-
 xit certamen: cum commodum pri-
 die *C. Sulpicius Gallus* Tribunus mili-
 tum religione militum animos libe-
 rasset. Praedixit enim, „ fore, ut
 „ nocte proxima luna deficeret: o-
 „ stenditque id, quia naturali ordi-
 „ ne, statis temporibus fiat, & sciri
 „ ante & praedici posse b: “ cum
 interea Macedones regni occasum ea
 re portendi vererentur c. Accidit ea
 solis defectio pridie Nonas Septem-
 bres ad Kalendarium ejus temporis
 Romanum: qui dies ad Julianum Ka-
 lendarium fuit vigesimus primus Ju-
 nii d. Occasio pugnandi haec fuit.
 Inclinato jam die, sive ita curante
 Paulo,

a *Ibid.* c. 38. b *Ibid.* c. 37. c *Plut.* d. l. p. 264. d *Calvis. Chron.* ad A. M. 3782. P-
 tav, R, T, P. 1, L. IV. c. 8.

bus in quam ipsam cum
alterum occidunt. Hinc,
que plures auxilio suis
ad manus ventum est. Ea
dem, nec sine magno
periculo phalanx Macedo-
vit a : donec monstra
carptim aggressi immob-
ciem disjecerunt. Caesa
praelio xx., juxta alios x:
millia : vivi in potestat
millia undecim b. Ex F
tum, ut qui plurimum c
derati sunt; quod, licet
le vero videri possit, t
olim ex victis credenda
tudinem, ex victoribus
cecidisse pluribus exemp
loci res foret. Facillime

i ipsis vestigiis victores inhaere-
 , mera lanicna aestimari poterat;
 fertim, si ad angustias perven-
 esset; ubi partim caedebantur,
 im a suis elidebantur, imo con-
 abantur a. Rex Pellam fuga e-
 is, cum ex amicis, licet saepius
 ssitis, nemo veniret, metuens,
 orte ab iis Romanis traderetur, (&
 ; jam pecuniae praefectos intem-
 iva libertate eum praeteritorum
 rum admonentes infensus pugione
 foderat b, cum admonitio perdi-
 alicujus rebus facta imprudentiae
 us & erroris exprobratio sit) Rex
 cum paucis comitibus *Amphipo-*
 petiit; atque inde oratores cum
 puceo ad Consulem misit. Et mise-
 tur sortem Regis Aemilius, donec
 iterarum inscriptione, *Regem Per-*
Consuli Paullo salutem, legit. Ita-
 sine responso dimissa legatione a-
 literas Perseus cum privati homi-
 titulo misit. Sed interea intra bi-
 im omnis fere Macedonia dedita
 ; dimisitque statim Paullus, qui
 itis civitatibus praecessent, ne qua
 P p inju-

Cl. Perizon. Curtius vind. 120. b Plut.
p. 267.

injuria in nova pace victis fieret ^a. Amphipoli Perseus cum magna parte thesauri (duo millia talentum † fuisse dicuntur) *Samothracam* pervenit, ut se ejus Insulae religione tueretur. Nam Samothraca insula religione praecipue Deorum *Cabirorum* nobilissima fuit ^b; de quibus, ut latius hic agamus, oportunitas non finit. Non diu post Perseum classis Cn. Octavii Samothraciam est appulsa ^c. Hic homicidam esse cum Regete status, (Evandrum Cretensem innuebat, per quem Eumenis Regis Delphis prope perpetrata caedes credebatur ^d) sanctitatem Insulae ita violari dicebat. Itaque *Samothraces*, aut ad causam dicendam venire Evandrum jubent, aut templum religione liberare, & sibi met ipse consulere. Quibus auditis Perseus suadet Evandro, ut voluntaria morte se judicio, cui nec gratia nec causa par foret, subtraheret; illumque occulte fugam parantem interfici

^a Liv. d. l. c. 46. † 3600000. *Florumorum nostratum*. ^b V. Cl. Tobiam Gutberleth. de myst. Deor. Cab. c. 8. Liv. L. XLV. c. 5. Schol. Apoll. Rhod. L. I. v. 917. ^c Liv. L. XLV. c. 5. ^d Id. L. XLII. c. 15.

terfici jubet. Sed ita & sprete religionē, & unico relicto amico prodito, quia non prodiderat, omnes ad Romanos transire coëgit. Tum Rex *Oreandem* quemdam Cretensem mercatorem appellat, ut se cum pecunia in Thraciam deveheret. At ille *Cretica fide* usus primis tenebris navem solvit: ita Perseus aliquantulum in litore vagatus, nec in hospitium redire ausus in latere templi prope angulum obscurum delituit. Nec abscedebat tamen ab eo puerorum regionum cohors, (principum hi erant liberi ad ministerium Regis electi) donec voce praeconis & ipsis & omnibus, qui Samothracae essent Macedonibus libertas & omnium rerum incolumitas promissa est. Ad hanc vocem transitio omnium facta est: & demum Perseus cum *Philippe* filio natu maximo sese Octavio tradidit; ab eoque ad Consulem missus est. A Consule comiter exceptus, & introductus in tabernaculum consistere iussus est; & mox percontatus ^a, *qua subactus iniuria bellum contra Populum Romanum tam infesto animo suscepisset*: cumque

P p 2

diu

^a Liv. d. 1. c. 8.

diu tacitus fleret; bonum tamen animum habere iussit. Mox Latine suis; *Exemplum insigne mutationis rerum humanarum* hunc Regem proposuit; ut inde & prosperam & adversam fortunam bene ferre discerent. Hic finis belli; & simul nobilissimi regni Macedonici fuit: cuius vigesimus ab auctore Carano Perseus Rex numerabatur juxta Livium: nisi, ut videtur, locus corruptus fuerit. Nam Justinus *L. XXXIII. c. 2. tricesimum* dicit; Eusebius *quadagesimum*: qui numerus conveniet, si *Amyntam* bis numeremus; quippe qui primum regno pulsus, mox restitutus fuit a.

§. 8. Res, quas victoriam Aemilii secutae sunt.

§. VIII. Et Perseo quidem porro ab Aemilio omnis honor est habitus, qui haberi in tali fortuna poterat b: Romae autem quarto die postquam cum Rege pugnatum est c, dum Populus ludos spectaret, murmur repente spectacula pervasit, *devictum Regem esse*. Cujus rei, ut incertae gaudium evanuit quidem, omen tamen laetum veris nunciis paulo post firmatum est. Nam vi. Kalendas Octobres

a Petav. Rat. Temp. P. II. L. II. b Val. Max. L. V. c. 1. n. 8. c Liv. L. XLV. c. 1.

Etobres (pugnatum fuerat III. Nonas Septembres, quae differentia est dierum viginti trium) legati ab Aemilio Urbem gaudio impleverunt : & supplicatio in quinque dies indicta est. Legati deinde decem in Macedoniam sunt nominati, quorum de sententia Imperator L. Paullus res componeret : qui interea Graeciam circumvenerat a oculis nosciturus, quae nobilitata fama auribus acceperat b. At, cum jam advenissent legati, omnium primum ex consilii sententia, liberos esse Macedones, & uti suis legibus, iussit : tum annuos magistratus creare c ; tributum dimidium ejus, quod pendissent Regibus, pendere Populo Romano d. In quatuor regiones dividi Macedoniam, quibus nec conubium, neque commercium agrorum aedificiorumque inter se extra fines regionis suae esset. Inde citatis Aetolis e, qui questi fuerant, quingentos quinquaginta gentis principes factione quidem domestica, sed per milites a Baebio Praefide missos, in-

P p 3

terfe-

a Liv. Ibid. c. 17. b Ibid. c. 27. c Vid. e Ibid. c. 32. d Ibid. c. 29. e Ibid. c. 31.

interfectos esse ^a, alios in exilium actos; utrorumque bona injuste possideri, non quaesivit Aemilius, utri fecissent injuriam, aut accepissent; sed utra pars Romanis, utra Regi favisset. Itaque interfectores noxa liberati, pulsus exilium ratum factum. Hac Aemilii injuria in omnibus Graeciae gentibus eorum, qui partis Romanorum fuerant, inflati ad intolerabilem superbiam animi; multique apud decem legatos, tanquam occulti fautores Persei, accusati: & cognitio ea in Asiam quoque extensa est. Hinc rursus ad Macedones conversus ^b principes eorum cum liberis majoribus, quam quindecim annos natis praecedere in Italiam jussit. Quod prima specie saevum, mox pro libertate Macedoniae factum esse apparuit: cum omnes, qui in aliquibus ministeriis regiis, etiam minimis fuerant, in Italiam ire, morte, ni paruissent, denunciata juberentur. Leges inde victae regioni exactissima cura dedit. Ita ergo libera relicta fuit Macedonia; & anno demum Urbis sexcentesimo septimo post rebellionem in
provin-

^a Ibid. c. 28. ^b Ibid. c. 32.

provinciae formam est redacta, ut suo loco dicetur. Aemilius ludicro apud Amphipolim ingenti ex Asiae Graeciaeque civitatibus concursu, apparatu maximo, celebrato opimam praedam Macedonicam navibus imponi iussit: ipse Epirum petit, mentitus, *se ad praesidia deducenda venisse, ut liberi Epirotae, sicut Macedones, essent* a. Sed ex singulis civitatibus denos principes evocavit, iisque denunciavit, *ut aurum & argentum in publicum proferretur* b. Quo facto eadem die & hora signum ad diripendas urbes militibus datum est. Ingens inde praeda parva: centum quinquaginta millia capitum humanorum abducta. Direptorum circa septuaginta oppidorum moenia sunt diruta c. Omnium praeda vendita: de ea praeda militi numeratum. Ita in Italiam trajecit, nequaquam expletis militum animis; qui regiae se praedae expertes esse indignabantur. Senatus ipsi, ut etiam Octavio, qui classe rem adversus Perseum gesserat, & Anicio, qui Illyrios

P p 4

vice-

a Ibid. c. 34. b App. Alexandr. de bell. Illyr. c Strabo L. VII. n. 322.

vicerat, triumphum decrevit ^a. Nec horum triumpho quisquam obstitit. Sed, ut summa fere invidia petere a-
 mat ^b, adversus Paullum *Ser. Sulpicius Galba*, qui Tribunus militum ad exercitum in Macedonia fuerat, Populum stimulavit, „ quod dura sub
 „ eo Imperatore militia fuerat; quod-
 „ que de praeda parcius, quam spe-
 „ raverant ex tantis regniis opibus de-
 „ derat. ” Atque ita multitudinem commovit, ut triumphum Aemilio ne-
 gatura videretur, nisi *M. Servilius Geminus*, qui jam ante triginta sex annos Magister Equitum, ante triginta
 quinque annos Consul fuerat, oratio-
 ne sua ita Populum commovisset ^c,
 ut omnes tribus, *triumphare Paullum Aemilium*, juberent. Ergo trium-
 phum omnium ad eam aetatem splen-
 didissimum per triduum Paullus egit ^d
 (cum etiam de patre Persei Philippo
 T. Quinctius per triduum trium-
 phasset

^a Tabl. Capit. Vaill. G. Anisia. Sed in num-
 mo, quem refert bigae currentes conspiciuntur;
 cum in numm. G. Corn. n. 7. & alibi docuerit,
 triumphum per equos lento passu incidentes nota-
 ri. ^b Vell. Patere. L. 1. c. 9. ^c Liv. Ibid. 6.
 37. sq. & Plut. Aemil. p. m. 272.

isset a) tantumque pecuniae in a-
 ium tulisse dicitur, *ut unius Impe-*
ris praeda finem attulerit tributo-
 b : ad consulatum scilicet *Hirtii*
Pansae, ut dicit Plutarchus c ; si-
 ad annum Urbis septingentesimum
 imum. Plinius loco in margine ci-
 o, pecuniae summam fuisse dicit,
millies, (legitur in editione *Da-*
mpii pondo trium millium; sed cer-
 n est, cum locum corruptum esse)
 ie facit nobis *Philippaeorum nummo-*
um milliones septem cum dimidio: ve-
 n exigua nimis summa videtur ejus
 cuniae, quae tantae rei occasionem
 lerit. Multo magis numeri corru-
 sunt apud Livium, etiam si pro
ortium millies ducenties (*Philippaeo-*
um tricies centena millia †) cum Li-
 o & Gronovio legas, *bis millies*
centies, hoc est, *quinguagies quingies*
centa millia Philippaeorum: & tanta
 cunia publice parta suos nulla ex
 te locupletiores fecit d. Utrum
 to tertius hic Paulli Aemilii trium-
 P p 5 phus,

1 Liv. L. XXXIV. c. 52. b Cic. Off. L. II.
 2. Plin. H. N. L. XXXIII. c. 3. c d. l. p.
 3. † Phil. 3000000. d Val. Max. L. IV.
 4. n. 8. Cif. in Verr. L. I. c. 21.

phus, an secundus fuerit, inter eruditos contenditur: & mihi quidem verior, imo certa videtur magni mei olim Magistri Jacobi Perizonii in *Animadv. Histor. c. 3. p. 147. & c. 6. p. 212.* opinio, qui duos tantum Aemilii triumphos agnoscit, primum, quem priore Consulatu egit de Gal-
lis Liguribus; alterum hunc nobilissimum de Perseo: putatque, inscriptionem, ex qua potissimum contrarium probare conantur Lipsius ^a & Panvinus ^b, si maxime vera est, ab aliquo ex Aemiliae gentis posteris cum falso titulo positam. Quod vero num-
mum attinet, quem praeter alios idem Panvinus refert, & post eum Ill. Ez. Spanhemius ^c, in eo per tria tropaea tres quidem victorias denotari putat; sed unde ob tres illas victorias de Hispanis nempe, Liguribus & Macedonibus relatas triumphasse Paullum nullo modo probari possit; cum tropaea victos *utcumque* hostes declarent, non demum *triumphatos* pacatosque. Verum om-
nem

^a notis ad Vell. Pat. L. I. c. 9. ^b Comment. ad L. V. Fastor. Vid. & Pigh. ad A. U. 586.

^c de P. & U. Num. Diff. X. p. 220. ed. noviss.

1 controversiam tollunt fragmenta
 ularum Capitolinarum, in quibus
 nilius *visito Perse secundum trium-*
te legitur : ita ut levis valde & fu-
 in toto hoc negotio nummorum
 itas videri possit. Vellejusdenique
 erculus a, qui etiam in Praectura
 mphasse Aemilium dicit, falso illo
 riptionis titulo deceptus videtur.
 imum hoc addam : in nummo,
 m Vaillantius refert b, legi qui-
 i *ter Paulus*; sed in eo unum tan-
 tropaeum conspici, cui adstant
 leus & duo ejus filii, manibus post
 a revinctis ; ita ut plane non vi-
 n, cui fini ibi vocula *ter* legatur;
 i non putem, vel ita aenigmatice
 ummis locutos fuisse veteres; vel
 e, si ita locuti fuerunt, nullum
 iino *certum argumentum ex incer-*
sis monumentis desumi posse *certum*

Sed hic locus non est. monst-
 quantum detrimenti bonis literis
 ium illud numismaticum absque
 riore bonarum literarum cogni-
 e (Magnum enim semper excipio
 ahemium, & si qui alii nummo-
 veterum tractatione delectati si-
 mul

mul etiam bonis auctoribus cum iudicio & assidue legendis animum excoluerunt) attulerit. At nimium jam nos discussio rei non maximi ad historiae cognitionem momenti tenuit: ad seriem rerum revertamur. Laetitiam triumphi turbavit clades domestica Imperatoris: nam duos e filiis, quos, duobus in adoptionem datis, solos nominis, sacrorum, familiaeque haeredes retinuerat domi, minor ferme duodecim annos natus quinque diebus antetriumphum; maior quatuordecim annorum triduo post triumphum decessit. Moderate orbitatem suam tulit Paullus, & concione more majorum de rebus suis gestis ad Populum habita a testatus est, „ se, „ quum summa & quasi nimia quadam felicitate Rempublicam bello „ proximo gereret, & mutationem „ forte rerum metueret, optasse, ut „ privata potius sua calamitate, quam „ publica hoc metu defungeretur. ” Veteres enim, *Deos invidos & malignos esse* putarunt; eamque invidiam praesertim in eripiendis, quae cuique carissima

a Liv. L. XLV. c. 41. Vid. & Plutarch. Appobth. p. m. 198. App. Ab. exc. ex L. LX.

rissima essent, & maxime liberis ostendere. Sic Solon ab Herodoto a inducitur Croesum docens, omne numen invidum esse & turbulentum, τὸ θεῖον πάντων φθονερόν τε καὶ παραχῶδες: iisdemque prope verbis usum Amasin Aegypti Regem literis ad Polycratem Samiorum tyrannum idem refert b. Dioscuri quoque apud Euripidem Electra v. 1282. dicunt, Jovem simulacrum Helenae Trojam misisse, ut lis ibi accedes fieret: quod etiam agnoscere videtur senex Priamus c, dum, non Helenam sibi causam malorum esse dicit; sed Deos bellum illud luctuosum immisisse. Et vulgarem hanc plane opinionem fuisse patet, quod etiam in scenam eam proferat Aristophanes Pluto v. 87. & 92. & ad ultima gentilismi tempora durasse constat ex Libanii Sophistae oratione, qua Julianum Imperatorem defunctum laudavit §. 146. d ubi dicit, Julianum a choro
φθονε-

a L. I. c. 32. b L. III. c. 40. Vid. eund. L. VII. c. 46. c Ap. Hom. Ilid. γ. v. 164. licet sciam Cl. Berglerum praef. ad edit. Hom. quae A. 1707. elegantibus typis in minore forma prodiit ap. Cl. Westenios haec aliter exponere. d apud Rev. Jo. Abb. Fabricium Bibl. Gr. Vol. VII. p. 367.

φθονεῖσιν δαίμονες, *invidorū Deorum ablatum fuisse*. Sed rursus nimium a scopo nostro aberramus. Peracto triumpho Perseus cum *Alexandro* filio Albam (quae munita urbs & tuto loco sita erat ^a) in custodiam ductus est; ubi post quadriennium secundum quosdam ^b, secundum alios post biennium ^c inedia obiit; & publico funere elatus est ^d. Alii a custodibus ob causam, quae non additur, iratis vigilare coactum scribunt, donec fatiscens exspiraret ^e. Et duo etiam ex filiis ejus non diu supervixerunt: tertius Alexander egregius artifex torrandi, & subtilia opera faciendi, postquam Romanam linguam & literas didicisset, magistratibus scribae operam praebuit, scite & eleganter eo munere functus. Unde vero hauserit *Is. Casaubonus* ^f, fabrum ferrarium factum esse Perseum, haecenus nescire me fateor. Aemilius porro
hic

^a Strabo L.V. n. 240. ^b Vall. Patere. L.I. c. 11. ^c Diod. Sic. excerpt. L. XXI. ^d Val. M. L. V. c. 1. n. 1. ^e Plut. Aem. p. m. 275. Sallust. fragm. Hist. L. IV. ^f not. ad Capitol. vita Max. & Barb. c. 5. p. 198. A. edit. Paris. 1620.

Page. 600.



Page. 602.



Page. 616.





hic unus fuit ex summis istis, quos prisca Respublica habuit, viris : licet, si ad rectae rationis, veraeque virtutis normam ejus vita exigatur, nequaquam vir bonus dici possit, quod vel ex turpi illa Epiri direptione, quam modo narravimus, patet. Verum jam simile quid de Catone Censorio observavimus ^a. Ob tantas viri virtutes anno Urbis quingentesimo octogesimo nono censura Aemilio delata fuit: quae a Plutarcho ^b ἀρχὴ πᾶσων ἱεροτάτη, *magistratus omnium sanctissimus* vocatur : & alibi ^c κορυφὴ τῆς τιμῆς ἀπάσης, κ. τ. λ. *fastigium omnis honoris* &c. Obiit denique anno Urbis quingentesimo nonagesimo tertio ; & summo honore elatus est, ex tantis divitiis adeo non aucta re familiari, ut non amplius, quam trecena septuaginta millia denariorum [†] reliquissetur : & ex auctione bonorum ejus vix tantum redactum est, ut dos uxori redderetur ^d.

^a Supr. L. IV. c. 5. §. 10. ^b loc. prox. d.

^c Cat. Maj. p. m. 345. [†] Florenor. 111000.

^d Liv. epit. 56. Val. Max. L. IV. c. 4. ex. 9. Sex. Aur. Victor.

CAPUT SEXTUM.

*De bello Illyrico, & de aliis quibusdam rebus ad hoc interval-
lum referendis.*

§. I. Bel-
lum Illyri-
cum cum
Gentio.

§. I. **V**idimus jam capitis praecedentis §. quinto, Gentium Illyriorum Regem pecuniae a Perseo accipiendae spe legatos Populi Romani violasse: licet majore pecuniae parte eum Perseus defraudaverit ^a. At miser ille jam bellum inchoaverat; quam non nimis laeto successu ^b; licet Ap. Claudium, qui ab Hostilio Consule A. U. 583. missus erat, ut accolae Illyrici tutaretur, jam cum clade repulsum fuisse viderimus capitis praecedentis paragrapho quinto. At A. U. 585. ad bellum Illyricum missus est, qui Praetor jurisdictionem inter peregrinos sorte exercendam acceperat L. Anicius Gallus ^c; qui quid primo adventu suo in Illyricum gesserit, nescimus; cum in historia Liviana

^a Vid. Liv. L. XLIV. c. 27. Plut. P. Aemil. p. m. 262. ^b Liv. Ibid. c. 30. ^c Ibid. L. XLIV. c. 21.

viana hoc loco lacuna inveniatur. Verum ex iis, quae supersunt, videmus, celeriter id bellum confectum fuisse; & ut dicunt Livius ^a & Eutropius ^b intra triginta dies: cum, teste eodem Livio ^c, clementia in omnes & iustitia Praetoris Romani inclinationem animorum ad dedendum sese adjuvaret. Et potuisset forte diutius sustinuisse Gentius bellum, nisi *Scodram* gentis caput oppugnante Romano porta egressi Illyrici praelium committere voluissent. Quo victus Gentius statim in deditionem venit: ita ut hoc unum bellum prius perpetratum, quam coeptum Romae auditum fuerit.

§. II. Vidimus jam etiam capitis §. 2. *Ad-*
 praecedentis paragrapho sexto, fidem *ventus*
 Regis Eumenis hoc bello Persico Ro- *Roman*
 manis suspectam fuisse ^d, cum fratris *Attali &*
 ejus Attali animus Romanis addictus *Eumenis.*
 nosceretur: ita ut etiam Attalus co-
 mitate Romanorum inflatus regnum
 fratris graviter prope perturbaverit ^e.
 Nam Eumenes, cum & Perseum
 Qq omni

^a *Ibid.* c. 32. ^b *L. IV.* c. 6. ^c *Ibid.* 31.

^d *Vid. Liv. L. XLIV.* c. 13. 24. ^e *Polyb.*
 exc. legat. n. 93.

omni modo spem pacis tentasse videret ^a; neque Romanos a finiendo difficili bello abhorрere crederet, mercedem a Rege, modo ne juvaret bello Romanos mille talenta, modo pacis patrandae mille & quingenta paciscebatur ^b: licet, ut diximus, adeo infensus Eumeni esset Perseus, ut ex insidiis eum interficere fuerit conatus. Verum quemadmodum apud Gentium Regem avaritia Perseo fraudi fuerat, ita eadem hanc tantam rem cum Eumene eum dimittere fecit; cum quidem impensam se non recusare diceret; sed eam pecuniam perfecta re daturum: interea Samothraeae in templo depositurum, quod abnuvit Eumenes, cum ea Insula sacra quidem, sed tamen Perseo obnoxia esset. Ita Eumenes, per partem certe belli, Romanis adfuit ^c. Eo finito, inter multas Regum, gentiumque & populorum legationes frater Eumenis Attalus maxime in se omnium oculos animosque convertit ^d. Cumque & gratulandi victoriam causa,

^a Liv. XLIV. c. 25. ^b Excerpt. ex Appiani L. IX. ^c Liv. L. XLIV. c. 32. ^d Id. L. XLV. c. 19.

sa, & adversus bellum Gallicum auxilii petendi Romam venisse videretur, hortati eum quidam sunt, ut quam susceperat pro fratre legationem deponeret; & pro se loqueretur. Sed metuens Eumenes, quod futurum erat, *Stratium* medicum ex fidissimis amicis misit, qui fratri speculator idem & monitor adesset: isque monstrando quantum damni sibi illaturus esset ^a, ad quem per infirmitatem fratris brevi regnum esset perventurum, praesertim cum hoc ipso tempore ingens a Gallis periculum immineret, pervicit, ut accusationem fratris & petitionem de dividendo regno penitus omitteret. Atque ita Senatus ^b spe discordiam inter fratres ferendi frustratus est: eaque indignatione *Aenum* & *Maroneam* Thraciae urbes Attalo jam promissas liberas esse pronunciavit. Verum ipse jam Eumenes rebus suis metuens Romam adventabat ^c: & Senatum sollicitum reddebat, quomodo eum excepturi essent: si enim eum admitterent, crimine liberare videbantur, si excluderent

Q q 2

rent

^a Polyb. exc. legat. n. 93. ^b Ibid. ^c Ibid. n. 97.

rent hostis judicatus videri poterat. Itaque Senatusconsultum in commune fecerunt ^a, „ ne quis Regum „ Romam venire vellet. ” Cumque in Italiam jam appulisse Eumenes nunciaretur, Quaestorem ad eum cum decreto Senatus miserunt, jusserantque, ut diceret, „ si qua ope Senatus in re aliqua uti vellet. ” Si, *nihil se poscere*, Rex dixisset, „ Italia ut quamprimum excederet, ” denunciaret. Paruit confestim Eumenes: & Senatus, qui omnibus modis eum deprimere volebat, ita agendo consecutus est, tum, ut amicis Eumenis animi conciderent; tum, ut Galli duplo animosiores ad bellum redderentur.

§. 3. Prusias adven-
tus Ro-
mam.

§. III. Sed Prusias Bithyniae Rex, qui uxorem habebat sororem ^b Perfei, cum filio *Nicomede* (hic postea patrem interfecit ^c) jam ante factum hoc Senatusconsultum Romam venerat ^d, *Deos Romanorum, Senatum Populumque salutatum se venisse*, dicens, *filiumque Senatui commendatum*. Simul

^a Liv. Epit. 46. ^b App. Al. Mitbr. n. 172. ^c Ibid. n. 175. Justin. L. XXXIV. §. 4. ^d Liv. L. XLV. c. 44.

mul petebat, ut agrum de Antiocho captum, quem nulli alii a Romanis datum Galli possiderent, sibi concederent. Benigne admodum Romae exceptus responsum tulit, „ si sine „ cuiusquam injuria dari posset ille a- „ ger, dignissimum eo dono Pru- „ sium habituros esse.” Polybius ^a, & ex eo, ut videtur, Livius ^b, & Appianus ^c addunt, hunc Regem victo Perseo, obviam ire legatis Romanorum solitum, togatum Romano more calceatumque; & sumpto praeterea pileo, rasoque capite, libertum se Populi Romani (libertorum Romae hic erat habitus ^d) professum esse; tum in Senatu orationem regia fortuna indignam habuisse: nec tam honorificam audientibus, quam sibi deformem.

§. IV. Facile porro credi potest, §. 4. *Legatio Popillii ad Antiochum Regem, &c.*
tot ac tantis victoriis, tantoque Imperii Romani incremento plurimum etiam auctoritatem ejus Imperii apud omnes auctam fuisse. Ejus rei insigne, nec tacendum exemplum occurrit in

Qq 3 lega-

^a exc. legat. n. 97. ^b loc. prox. cit. ^c *Mithrid.* n. 172. ^d *Plaut. Amph.* A. I. S. I. v. ult. *Serv. ad Aen. L. VIII. v. 564.*



nis fuit C. Popillius La-
jus oratione acerrima in-
diorum habita jam dict
praecedentis §. 6. Hic,
tum esse in Macedonia a
susceptam legationem pe-
vigare in Aegyptum |
prius occurrere Antio-
quam ad Alexandriae m-
ret. Ibi audax, & nesi-
perbum dicendum sit,
rus narratur: nam cum
chus salutandi gratia dex-
porrigeret, (Plinius I
XXII. c. 6. errore, ut
moriae C. *Octavianum* voc-
ei dextram porrigeret, h-
las Senatusconsultum,

, Rex dixisset, virgula stantem
 umscripsit; jussitque, prius re-
 sum reddere, quam arenae cir-
 egrederetur. Rex, ubi parum-
 haesitasset, *Faciam*, inquit, *quod*
ius jubet. Tum demum Popillius
 tram Regi, tanquam socio & a-
 o porrexit. Legati patrium re-
 m stirpi Ptolemaei restituunt. Ipsi-
 Reges, Antiochus quidem, *per-*
te se quae jussisset Senatus, Romam
 ciavit: Ptolemaeus & Cleopatra,
rum patrium prope amissum, *Senatu*
uloque Romano facientibus, *recupe-*
i, per legatos, professi sunt a. At,
 vel minimum ad Regum indo-
 animum attenderit, facile ca-
 t, quanta animi aegritudine re-
 am Aegypti spe jam devoratum
 orqueri sibi passus fuerit Antio-
 is. Itaque in Syriam regressus gra-
 e ac gemens in Judaeos iram effu-
 , Urbemque Hierosolymam &
 mplum DEI sanctissimi horren-
 m in modum diripuit; quod ex lo-
 ad marginem citatis discimus b.

Qq 4 . Mi-

a. Liv. L. XLV. c. 13. Polyb. exc. leg. n.
 b. II Maccab. V. Jos. Ant. XII. 7. & Bell.
 d. I. I.

Mirum tamen non est, Senatum Romanum se rebus horum Regum immiscuisse, cum propter antiqua foedera Regum in Aegypto curam atque tutelam jam antea suscepisset: anno enim Urbis quingentesimo septuagesimo tertio Ptolemaeo Epiphane mortuo, cum & Antiochus Syriae & Philippus Macedoniae Reges Aegypti regno inhiarent, Alexandrini Romanorum opem implorarunt. Missus est eo *M. Aemilius Lepidus*, qui nomine Populi Romani tutelam Regis pueri gereret. Quam tamen tutelam absentem Lepidum, & Romae fere degentem per procuratores plerumque gessisse puto. Et hanc Lepidi tutelam referunt denarii, qui ab una parte caput muliebre turritum habent, cum inscriptione *Alexandrea*: ab altera *M. Lepidum togatum diadema Regi adolescentulo imponentem* ^a, cum inscriptione *M. Lepidus Pont. Max. Tutor Reg. S. C.* Quod enim Tacitus dicit ^b, Ptolemaei *liberis* missum tutorem Lepidum, notum est, *liberos*

^a *Vaillant. Hist. Ptol. p. 87. & alii multi.*

^b *Annal. L. II. c. 67.*

liberos etiam de uno dici ^a. Igitur minus recte Pighius, (*Annal. ad A. U. C. 590.*) Lepidum eo ipso anno in Aegyptum profectum putat, ut Ptolemaeum Philometora a fratre *Euergete II.* (qui etiam *Physcon*, *obesus*, *ventriosus* a deformitate corporis dictus est) pulsum restitueret; ac, si fieri posset, in concordiam fratres redigeret; atque ipse interim regni gubernacula teneret. Sed, licet partitionem regni instituissent fratres, discordia tamen, qua laborabant, sublata non fuit, donec Philometor anno Urbis quingentesimo nonagesimo ipse Romam profectus ^b, & per honorifice a Senatu acceptus ^c impetravit, ut secum legati mitterentur, qui firmam reconciliationem inter fratres facerent: quae tamen obtineri non potuit; donec inter ipsos fratres metu Populi Romani convenit, ut *Cyrenarum* regno & urbibus quibusdam pro *Cypri* regno acceptis Euergetes contentus esset ^d. Obiter autem hic cum

Qq 5

Poly-

^a Vid. *Plaut. Aul. A. IV. S. X. v. 6. Ter. Hec. A. II. S. I. v. 15. & ibi Daceriam. Geld. L. II. c. 13.* ^b *Vaillant. d. l. p. 96.* ^c *Val. Max. L. V. c. I. n. I.* ^d *Epit. Liv. 47.*

Polybio a observemus, Romanos nullam occasionem omisisse stultitia aliorum ad amplificationem Imperii sui utendi; quod exemplum ut sibi caveant, non nimis frequenter aliis, praesertim Populis liberis potentissimorum Regum vicinis inculcari potest.

§. 5. Res
um Syriae
RR aetiae.

§. V. Et prosperitas Romanos circa haec tempora ad intolerandam omnibus insolentiam superbiamque pro-
vexerat: cujus rei etiam exemplum sit, quod Polybius testis oculatus, & qui ipse pars rerum fuit, narrat de Demetrio Seleuci Philopatoris Syriae Regis filio. Hic cum a Patre, Antiochi Magni filio, Romanis obses esset datus, eo mortuo Senatum adiit, petens, ut dimitteretur, cum iniquum foret, se pro liberis fratris (Antiochi Epiphanis) obsidem agere. Sed nihil impetrare potuit: imo communi consensu decretum est, „ Demetrium „ esse retinendum; puero vero, quem „ Antiochus reliquerat, regnum esse confirmandum b. ” Iniquum hoc erat: nam, qui obses datus est tantum,

a excerpt. legat. n. 113. b Polyb. exc. leg. n. 107.


tum, ut alterum captivum, aut obsidem redimat, eo mortuo liberatur ^a; cum in illo, dum moritur, jus pignoris extinctum sit ^b. Verum hoc agebat Senatus, ut potius apud pupillum infirmum, quam apud Demetrium florentem aetate Syriae regnum esset ^c. Et ex tempore legatos decrevit in Syriam, qui regnum illud ex voluntate Senatus administrarent: iisque ante omnia mandatum est, ut na- ves tectas comburerent; elephantis nervos inciderent; & uno verbo vim regiam quantum pote minuerent. Diligenter mandata Senatus exsecuti sunt, quamprimum in Syriam venerunt legati. Sed adeo hoc indigne *Lysias* tutor regius tulit, ut populum concitaverit in legatos; ex quibus Cn. Octavius occisus fuit. Hoc nuncio perculsus Demetrius ex consilio familiaris sui *Apollonii* (*Polybius* enim historicus, cum quo de rebus suis deliberaverat Demetrius, suaserat, ut inconsulto Senatu aliquid regno dignum

^a *Grot. de I. B. P. L. III. c. XX. §. 56.*

^b *Vid. App. Alex. Syriac. n. 117.* ^c *Vid. Polyb. d. d. Justin. L. XXXIV. c. 3.*

gnum auderet ^a) iterum Senatum adit; idemque responsum accipit. Tum demum monitis Polybii auscultans clam Roma profugit; regnoque potitus Romam coronam auream magni ponderis misit, gratias agens, quod obses habitus esset liberaliter. *Leptinem* simul Octavii percussorem miserat; quem Senatus non recepit, actionem illam integram contra *Syros* sibi servans suo tempore instituendam ^b.


^a *Polyb. Ibid. n. 114.* ^b *App. Alex. Syriac. n. 118.*



LIBER QUINTUS.

CAPUT SEPTIMUM.

*De bellis cum Hispanis & Liguribus
hoc tempore gestis.*

§. I.  idimus hujus Libricae-§. I. De
pite quarto paragra-^{bello Hi-}
pho nono post vi-^{spanico.}
ctoriam anno Ur-
bis quingentesimo se-
ptuagesimo octavo ab Ap. Claudio
Centhone Praetore relatam aliquanto
tempore a bello in Hispania cessatum
fuisse : verum superbia, ut videtur,
& avaritia magistratuum Romano-
rum Hispanos iterum ad bellum com-
pulit. Nam anno quingentesimo octo- A. U. 582.
gesimo secundo & alia indigna, &
pecunias a Praetoribus captas in Sena-
tu questi sunt ^a. Unus quidem ex
reis *M. Titinius* absolutus est. Duo, al-
ter Praeneste, alter Tibur exsulatum
abiit. Et, licet fama fuerit, prohi-
beri Hispanos, a patronis nobiles ac po-
tentes compellere, tamen in futurum
Prae-

^a Liv. L. XLIII. c. 2.

Praetorum injuriis obviam itum est. Ac suspicari possumus ex epitome Liviana quadragesima tertia (nam ipse Livius hoc loco mutilus est) his injuriis motos Hispanos ad arma ivisse; & *Olonicum* aliosque Principes, ab his, qui pacem cum Romanis malebant, fuisse interfectos: quo referenda videntur verba, a quibus hodie caput quartum dicti libri Liviani inchoatur, *tantum pavorem ingressi castra ostentantes capita fecerunt, ut, si admotus extemplo exercitus foret, capi castra potuerint.* Et de hoc forte bello etiam loquitur Florus *L. II. c. 17.* ubi *Salondicum* quendam, qui se cecidit demissum fingeret, omnium in se mentes convertisse dicit. Hos autem motus feliciter fuisse compressos, lenitatemque Praetoris in exercenda victoria laude dignam fuisse ex dicto Livii loco patet. Anno tamen rursus quingentesimo octogesimo quinto *M. Marcellum Marcolicam* nobilem Hispanorum urbem cepisse videmus ^a. Sed cum historia sequentium annorum apud Livium interciderit, res circa haec tempora in Hispania gestas
longa

^a Liv. L. XLV. c. 4.

longa oblivio plerasque obruit ; nisi quod in *epitome quadragesima sexta* res adversus Lusitanos vario eventu gestas videmus : & in *sequente epitome* parum prospere per eos annos in Hispania fuisse bellatum. Sed hoc jam referendum videtur ad annum Urbis quingentesimum nonagesimum nonum, quo juxta Pighium *L. Calpurnius Piso* Praetor a Lusitanis *Punico* quodam duce fugatus est. Loquitur de ea clade Appianus ^a ; & duos Imperatores fugatos, sex millia Romanorum interfecta dicit ; & inter eos, *Terentium Varronem* Quaestorem. Idem anno sequente *L. Mummius* Praetorem victorem primo, mox gravi clade victum asserit. Et sub idem tempus Celtiberis novum bellum illatum est, quod urbem *Segedam* munirent ; quodque tributa a Graccho imposita detrectarent ; & denique, quod, *ne Romanis militarent, remissum sibi esse*, dicerent. Sed aliter hoc interpretabantur Romani, cum talia privilegia tacitam continere conditionem assererent, *quamdiu hoc S. P. Q. R. libuisset*. Itaque anno Urbis sexcentesimo *Q. A. U. 600.*
Fulvius

^a *Ibericor. S. Hispanicor. n. 286.*

Fulvius Nobilior Consul cum exercitu triginta millium adversus eos missus est: qui primo praelio civium Romanorum sex millia amisit. Sed mox, dum inordinatius victoriam persequuntur Hispani, aequalem fere iis cladem reponit. Et post paucos dies ope elephantorum, quos a Masinissa acceperat, eosdem hostes rursus in fugam conjicit: sed dum fugientibus instans Romanus Imperator elephantos etiam *Numantiae* moenibus admovet, unus ex his faucius, & in suos conversus reliquos etiam convertere fecit; ita ut inordinate fugerent Romani: in quos erumpentes *Numantini* quatuor eorum millia trucidant, multis tamen etiam suorum amissis. Aliae etiam clades leviores multorum animos a Romanis abduxere: licet tamen anno sequente *Atilius* Praetor satis bene rem cum Lusitanis gesserit. Ergo cum novis etiam copiis anno sequente eo missus est Consul Marcellus: qui bello a se feliciter coepto finem imponere statuit, ratus ex ea re se magnam laudem consecuturum esse ^a. Sed Senatu pacem improbante successor Mar-
cello

^a Appian. d. l. n. 282.

cello in Hispaniam missus est *L. Licinius Lucullus*, qui *P. Cornelium Scipionem*, confectis postea bellis Numantino & Punico celeberrimum futurum, legatum secum duxit. Hic statim & gloriae, & magis etiam pecuniae inhians Vaccaeos, nullius offensae erga Romanos reos, invasit: &, licet nihil de ea re a Senatu ipsi mandatum esset, sociis tamen Carpetanis violatis auxilio se venire simulavit: atque ea occasione *Caucaeos* praelio vicit; & ab iis obsides, & centum talenta argenti † accepit. Sed cum petiisset, & impetrasset, ut praesidium Romanorum in urbem admitterent, universum mox immisit exercitum, omnesque sine aetatis discrimine trucidavit; summa quidem Romanorum infamia. *Inter-*
catios mox perfidiam ipsi istam expro-
 bantes adortus est, ubi Scipio barbarum e Romanis unum, qui secum singulari certamine depugnaret, provocantem feliciter vicit. Atque ejusdem Scipionis mox apud barbaros tanta opinio virtutis exstitit, ut ipsius se fidei comittere non dubitarent. Palantiam inde urbem frustra Lucul-

Tom. I.

R r

lus

† *Philipp.* 60000.

lus tentavit divitiarum expectatione ductus. Isque bello finis fuit; cujus causa, licet iniquissime suscepti, ne quidem in judicium Lucullus vocatus est. Circa idem tempus, aut paulo antea, Lusitani duce *Punico Manlium*, & *Calpurnium* Romanos Imperatores fugarunt multis, & inter eos *Terentio Varrone* Quaestore, occisis. Ipse Punicus non diu posthaec saxo caput ictus periit ^a. Successor vero ejus *Caesaras* cognomine *L. Mummius*, eundem qui postea *Archaicus* dictus est, cum primum ab eo victus esset, mox conversus castris & praeda omni exiit. At *Mummius*, cum paucos, qui a clade superfuerant, continuis exercitiis confirmasset ex improviso barbaros adortus obtinuit victoriam. Inde Lusitanis etiam victis Romam reversus triumphavit. *M. Atilius Serranus*, qui *Mummio* successerat, vicit quidem Lusitanos, eorumque vicinos. Sed non ita, quin mox *Atilio* in hyberna profecto defecerint. Interea autem in provinciam venerat *Ser. Sulpicius Galba*: qui magna celeritate hostes superavit: verum

^a Appian. Hist. n. 286.

rum dum imprudentius cum exercitu, incomposito ob lassitudinem agmine procedente, eos persequitur, a barbaris vicissim victus est. Paulo post Lusitaniam ingressus Galba (quam eodem tempore ab altera parte Lucullus Consul vastabat) insigni plane perfidia, atque spe pacis deceptos hostes immani crudelitate trucidavit. Pauci evaserunt; inter quos fuit Viriathus; qui fortissime per aliquot annos patriam suam contra Romanorum rapacitatem defendit: ut in sequentibus suo loco narrabitur.

§. 2. Cum Liguribus per aliquot annos, aut dubia pax, aut languidum bellum fuit: quod tamen A. U. 587. acrius aliquantulum gestum fuisse videtur; ita ut subacti ^a, imo deleti fuisse dicantur ^b. Certe etiam ex fragmentis marmoreorum fastorum, alterum Consulem C. Sulpicium Galum de iis triumphasse intelligimus. Sed his temporibus triumphus ob causas frivolas & indignas plane fuerunt concessi; ut aperte testatur & ridet Cicero ^c: quanquam utiliter sane id

§. 2. De
bellis Li-
gusticis.

R r 2


Ro-


^a Liv. Epit. 46. ^b Obseq. de prod. c. 10.
^c d. clar. Or. 6. 73.

Romanis evenit, ut bellis his levioribus, dum a gravioribus cessaretur, satis tamen opportunitatis daretur juventutem ad armorum usum, quantum opus foret exercendi. Idque optime in his bellis cum Liguribus fieri poterat, quippe qui loca aspera & durandis militum corporibus aptissima incoherent. Atque ita A. U.

A. U. 599. 599. Opimius Consul Transalpinos Ligures, qui Massiliensium oppida Antipolin & Nicaeam vastabant, subegit. Verum, si quid porro de his bellis narrandum sit, id in sequentibus suis locis referetur.

FINIS PARTIS PRIMAE.





Handwritten text, likely bleed-through from the reverse side of the page. The text is arranged in several lines and is mostly illegible due to blurring and fading. Some faint words like "the" and "and" are visible.

